

[同治]应山县志三十六

卷首一卷 末一卷

(清)刘宗元等修 吴天锡纂

清同治十年(1871)刻本

十六册

记事止:同治十年(1871)

见卷二十三 第二十七页

原件收藏

湖北省图书馆

原件书号

地 2855

原件状况

原件完好

本部书共摄制

2 卷

2:1 首一卷、卷 1-卷 27

2:2 卷 28-卷 36、末一卷

版权所有 不准复印

同治十年重修

應山縣志

板藏文明宮

應山縣志序

歲辛未余權守安州而應山縣志重脩告成



邑司訓任君來見以序請不獲辭乃為之言曰


邑志之重古詳之矣蓋上之人所據以為治而

下之人所做以受治者也烏可一日無哉故凡

郡邑之志乘其有歷歲月之久遠與兵火之凋

應山縣志序

歲辛未余權守安州而應山縣志重脩告成
邑司訓任君來見以序請不獲辭乃為之言曰
邑志之重古詳之矣蓋上之人所據以為治而
下之人所做以受治者也烏可一日無哉故凡
郡邑之志乘其有歷歲月之久遠與兵火之凋



殘致於廢缺散佚則有志之士閔焉而不惜其力而為其爬之羅之補之掇之必至於燦然成書而後快今茲邑之志自康熙四年著錄以來迄今且二百載其為歲月也久矣重以髮捻之擾無遺黎焉其為凋殘也甚矣大亂甫定百廢未舉而諸君子獨知以是為急前後賡續以要

所關匪淺而竟聽其散廢以終焉亦守斯土者之恥也昔揚子雲為郎官必咨鄉語朱紫陽典南康首重郡志良以天時地利人事俱麗志以傳俾生斯土者是則是倣官斯土者不愆不忘也余每於公暇想古人之遺用與都人士相商網羅舊失補綴

新聞因革損益有關政教者必書忠孝節廉有係風化者必錄凡夫星辰之躔次人材之盛衰山川道塗之險易賦役兵刑之消長莫不燦然具舉秩然不紊雖不敢信其無遺無濫而搜括已遍體例已全志至是亦足徵矣是皆諸君子樂善不倦之力

應山縣志序

聖天

子政治昌明憲章釐定勳則書於虎觀俗則問於輶軒一時聲教所訖土物所宜莫不珥筆彬彬蔚稱盛事典至隆也法至備也余躬逢其盛未能廁身史館一睹

國家徵文考獻之嘉謨至今猶有遺憾焉已

已歲忝莅斯土甫下車一切興除沿革俱茫然爰索邑志一閱僉應曰志之散佚殆二百年前此劉朱兩明府創修未就都人士甚歎於茲焉慨自鄂疆迭遭兵燹方隅故實淪亡余蓋撫杜少陵詩書牆壁者舊家殘之句而愈增惘然也且夫邑志存亡其成披而讀之蓋凡邑志之所宜有者舉皆備焉誠可謂立志之篤而用力之勤也應於是為有賴矣夫應大邑也三關之險今不異於古而何以冠履之如平地也大小宋白龍翁之文學風節科第昭昭史冊今獨無以作興而繼續之乎楊忠烈之大節雖山陬海澨婦人孺子談之

無不流涕則莅其鄉邦而為其後進者宜何如
 乎是在官斯土與生斯土者交勉焉雖然此固
 用力於是者之志也而何以予之曉曉為哉
 同治十一年陬月鹽運使銜升用道知德安府
 事閩南陳建侯序



余幸得相與以有成也他日宣諸史館以
 備採擇用昭

聖朝

覃心郵治如意職方之休則修志一舉豈
 特一邑之光哉即以當采風報政也可
 同治九年冬月長至日知應山縣事庚午
 科湖北鄉試同考官星沙鎮廷氏周道源

識於永陽官廨



應山縣志序

縣邑之志所以紀載山川人物以俾官紳士庶之
舉行善政與生財土坊之威發善心也善政自乃
功令而各因生地之所宜則舉行為最當善心亦自具
天良而苟耳生邑之嘗及是人則威發為允切得百里
之地而君之生閭繞土四民所賴以生長村巷民所賴
以保聚雨暘水旱何以先時而為之備形勢險要何以
先事而為之防皆宜默運精神不下堂階而坐照於几

席之上然而非志莫由至於鄉舉至選之法今日既專用文藝取士否則例仕一途豈有敦崇實行應古人孝友睦嫻任恤六行之書此當生時未嘗不傳而歷時既久漸就湮沒使人莫知為善之利夫十室之邑必以忠信五步之內必有芳艸語云細行受細名大行受大名專情口碑傳誦所以沒世不兵則亦安得人人盡如伯夷柳下惠叔亥一藝之長多不腐一行之善多不錄實藉世累光榮以為激發人心之具而天下之好名者遂

無不卒歸於善苟生斯之則亦漸即於類凡今風俗之衰皆由邑志不修故也查山之邑前志實成於康熙十二年於今百九十七年矣溯自康熙十二年以前其舊序所載則康熙四年一修又溯而上之則前明正德年間一修第歷年間一修前之修比何勤而後之修比何希而潤乎得毋以邑苦貧瘠艱於費而不能集事乎抑名實淆亂繁且競紛採月旦其憚於下第遂因而坐廢乎何成之難也然而百九十七年生士之登科甲

其幾何出而仕官成功業此幾何生默而自修名不出於鄉里當時亦未嘗不稱而今且莫能追其姓氏此又復幾何至於深閨密質柏榛松貞耐冬風霜莫匪禮顯又復幾何友默行之士原匪求名而秉彝之良人心同具乃以因循坐廢之故遂使其芳言懿行鬱而不彰太史公作史記自序曰是余之罪也友是余之罪也友今潛源幽光莫發莫覃不亦浚起此之責乎同治七年予來應山邑人士蓋久有此志於前任劉君時已書簿

創指平地一簣不佞下車遂合辭以請緣為究沿沿草作得漢縣考一篇商之同人僉以為是而他部未之及後卸事去今歲七月又以代理簾缺赴任邑人士重理前說而進士吳純齋觀察已稟集志稿成冊予披而讀之其叙次山川原委詳明臆列闕卡憂深思遠稱述行誼亦質且其文惟於選舉一門不先科甲仕官一門於分內外與鄙見稍異齟齬欲待歸共商訂而久滯者恒莫由面質多士又方屆秋試迨至榜後開局

器中而忽及辰代不易速成僅修定天文地理兩門并於省志中蒐得文數篇奉以貽之多士蓋予之所重也在於山外以為民生衣食之源當先事而為之備也生僻則前者具存如南北二壇之舊教治南治北後祀東西今已議改正擇地而猛未舉行及

文廟兩廡先賢先儒位置先農壇之地皆禮樂之事所謂以俟君子也當待本任 周君及邑士踵成前美諒其不心訛補其缺成而以予之謏陋幸文且草創未

就何敢言序奈世君必欲玷予一言夫子於泰山其緣淺而情深也久矣先是 胡文忠公改定漕率予歲予實奉檄于役於亦又以引

見入於兩出此道見所謂平靖園也乃屹然雄障也因思



文忠公嘗用兵時刻以三閩為念洵屬密靈遠猷及前歲權篆穩心吉陽乃大洪楊忠烈公故里也居官來君子之鄉得瞻其遺像如卒如之繼又見韓孝子葉孝子里乃公嘗兵燹後邑屋幾能完好如故也非

默堡岩園練捍衛之功乃忠孝之澤庇之也邑人士勉乎哉邑於分野為張宿梓潼帝君於詩為張仲孝友實為天上張星志山當宋仁宗朝四十年中有四狀元得非天上張星之所降靈而集曜也乎今雖不如古而近科以來捷南宮入詞館蒸日日上今科社貴又出于怪言門彙此中文運津潤而予亦與有夙緣歟多士勉乎哉勉為文學科第若二宋勉為忠孝名臣若李若楊若洪勉為清修高潔若連勉為孝友若葉若韓

俾往來是邑坊坊嘖嘖稱羨曰此其邦國代產名人非可以下邑比也予雖善善政及民而習聞此邦之善不亦與及榮施也乎是為序

同治九年歲在庚午九月十九日

權知應山縣事涇上朱榮實謹序



續修邑志序

應志不續者二百年兵燹後文遭秦火
獻等周黎徵什一於千百不可得於搜
灰燼未成之編鋒鏑餘生之口彙殘
成帙其不為缺畧為訛謬者幾何然
事乃重閱邑志不能不撮其要者一則

善政不可忘。應邑地瘠民貧，賦役歷
蒙優恤。若張侯子豹之均田，周侯林子
之設樞，楊洪二先輩之邀免籽粒，諄草
里書，政已往善政也。近若胡文忠公
改折色，許侯陶魯復官徵，吳侯木
空銀價，朱侯秋園禁頂完，又本任周侯
撤外樞免差，返政目前善政也。至於驛
站民夫，徑前任本任之清查革除，殆終
凡此揆字深恩，均當載為甘棠，永垂不
朽者也。雖歷代徑制未悉源流，而實惠之
身受者確矣。一則武備不可廢，應歷承
平日久，民不知兵，寇亂十餘年，被戕擄者

十餘萬廩舍印墟資財傷斃自固練起
而城可守寨堡起而鄉可守野雉山城備
嘗辛苦綢繆未而紀載宣得也一則懿
行不可沒忠孝節烈民極也應邑累代
芳型舊蒙旌表髮檢之亂節節尤多
迄今不採則坊表已經剝落漸即荒煙
芳徽未及闡揚水沈幽谷雖撈索不
免遺珠而聞見所周管城子不能辭
其責也若夫學宮書院賓興試卷等
費尊崇聖道嘉惠士林如舊置膏腴
亂後條多乾沒新地沃壤歷年六以侵
漁滄桑至是定楮墨乃靈則文教中之

義捐必不可失也是四者法邑治之大而
今日當務之急也舉其大者以綱之在賦
役所重故土田民俗不掩祭梓之窮武
備在所重故道里山川不及風景之錄
他如人物必先忠孝雜記不錄神奇竊
文祇風化之作而不取他類則重在懿
行也頒行祀典而外庵觀禪院費巨
資若不載則重在文教也所重在此則
所取在彼生不宜略而略者古制不能
詳取今制盡之可闕不能悉即目
見存之參所出窮所疑缺略待補
訛謬待正祇苗此採訪之所以爲德

修者助此則草錄之素也友若繩
以等墨則不敢

同治十年正月上元日邑人吳天錫序

舊志序

夫應山之有志舊矣而奚事於重修為邱賦而修也夫
重修之志為類者十有二而食貨僅居其一食貨之為
目者四而邱賦僅居其一邱賦之載於志亦偏矣而
奚為此也嗚呼此余意也稽之於古豳風咏農功而王
業之根本攸係禹貢敘田賦而平成之駿烈以基自周
而降若董仲舒之議限田紀於漢史而李翱之論平賦
則唐史述焉由是觀之三代而上邱賦之事見於經三
代而下邱賦之事見於史向使經史無徵則雖有良法

美意足以係王業而基平成者且泯泯於後世經不可追矣然則志亦史體也而可少乎哉國家軫念民事田定分賦定法酌古準今其制盡善宜無復慮矣但考輿地圖應山爲楚之窮邑當南北阨塞之孔道昔經元末之亂此蓋戰場也戎馬蹂踏化爲兵火之墟而無復畛畦之跡及天戈平定然後流民歸農稍稍芟墾而賦法草創其後加以貧富貿易挾直而上下其手奸宄飛射行賄而增減其籍以故田賦不均或田寡而賦倍或田去而賦存迄於嘉靖隆慶間而大壞極敝矣民不堪其

累而逃亡日甚邑之東北鄉遂至污萊塞於畎畝狐兔宿於舍廬極目荒墟之狀其不爲國初者幾何哉是宜有志者之所動心也余少而學誦豳風之詩讀禹貢之書按限田之說覽平賦之篇知田賦之爲重上關國本下關民命慨然有意於當世久矣逮壯而出每與時違嗣居諫垣而不識忌諱幸蒙

聖明之寬典使得待罪應山感恩省咎愧無以報也履任問階得民之所最苦者惟田賦不均爲最遂上請監司約法誓眾以丈田清賦爲己任拮据執掌甫數月而事竣



賦與田稱逃亡者漸復其處又苦徵斂雜出乃倣古免
役之遺意量定庸錢合田賦而三限輸焉雖婦人孺子
亦可執單而算納愚弱之民頗便之禮出一方以推四
海其田賦爲崇者何限而余區區茲邑安能大有補於
當世聊以據夙昔之所懷竭孤臣之一念耳應山士大
夫共捐貲刻清賦紀以傳其事非不詳也然猶家乘非邑
史也余懼其傳之弗永致後泯泯焉於是屬筆於夢郊
劉君佐以鳴字龍君取舊志而一新之類分目列而獨
詳於食貨尤詳於田賦前乎此曰天文曰地理曰人事
三才之道不可缺也後平此曰秩官曰文教曰武備曰
惠政宦茲士者之所揆奮而畱愛也曰選舉曰人物土
之靈秀所毓也曰祥異曰藝文觀風博物者之所必考
也胥蒐葺而潤飾之以備應志之大全然意之所重自
有在也志旣成余爲之引其簡端以告後來者誠於邱
賦等法循行不廢而永福應山之民是體余修志意也
亦體國家重民事之意也萬曆四祀歲德在柔兆困敦
之青陽吉戶科左給事中出知應山縣事會稽張博謹
序

舊志序

應山爲縣自梁隋迄今千餘年諸凡山川地理之形勢
人才物產之盛衰風俗習尚之美惡開創建設之本末
宋元而上絕無可考今者不錄後益失傳也此志之修
也九邱周志遠矣今可見者遷八書固十志以下一篇
也大書也論疏歌辭雜著之屬因文而入也此志之體
也今之志卷而計也分而註也別詩文而彙之也一志
也何取乎卷而計也自我作之自我註之非得也類聚
詩文選文集詩者比也斯志也始末一篇也大書而不

分註也詩與文因事而附見也一篇者備史例也不分註者明己作也詩文附見者主乎事不主乎言也此志之例也各官自紹祖而下鄉賢自二宋二連而下宰是邑與生斯土者各得所師也此志之教也平江始其事鐵也成其謀升父筆之書此志之人也平江爲舊令尹談交瑞氏升父爲邑人顏木氏也正德丙子九月東墜莊鐵謹書

前志序

天下之志曰史一邑之史曰志其名異其義一也孔子筆削魯國春秋而萬世共尊爲經焉者淑慝因其實是非權於義不以繁文縟采炫耀今古之聽聞也是以董左無以擅其長游夏莫能贊其辭

國家定制大經大法之關於治體者咸載

國史以垂久遠其城闕學宮之沿革山川形勝之險易禮制風俗人情之變遷官吏之賢否政事之理亂人材文學之盛衰忠孝節烈道德仁義之流聞以及關津橋梁

之修置土物之宜以及夫田地賦役戶口之數史所不及列者咸

命集成一書以爲觀風問俗之助事有所不通政有所可疑於斯乎取裁焉甚盛典也蓋史者百代之經緯志者一方之實錄纂其書者雖不敢僭同

國史亦宜尊崇聖經事因其實辭權以義使觀之者足信傳之者不疑勿務矜其奇奧逞其豔葩淆亂一時之耳目使涇渭不分實虛莫辨也必以文辭爲工乎則是房心軫翼之分主客李犯之次可臆以爲測而直轅鄆阨

之險漢沔瀕湘之水可懸以爲注而畦畝之步畛隴之度溝洫之界川澮之域可妄以爲定也而觀射父左史倚相之流以及季梁子文屈原春申邑邑皆可爭以爲重僞以競勝也且必出於文然後可則是班馬之章可勝於紫陽而左國之傳反勝於鄒嶧也則是春秋之經以徑直見詘而綱目之書以渾樸見鄙也夫史之爲史已爲文勝其實矣又從而文之是非繽紛美惡參錯爲蔽爲欺爲黨爲誣而已矣何志之足云雁本中州下土浚水鄙人學旣未成仕亦不優本無作史之才適際

院司道郡大人徵志之期不敢任也不敢委也惕而交
集勉強拮据參酌舊文彙編爲帙甯僕庸拙不敢爲蔽
爲欺甯固甯陋不敢爲黨爲誣疑以傳疑信以傳信敘
所宜敘刪所宜刪尊聖人之經奉

天子之法庶幾乎無違各大人之憲令也云爾敢曰志哉

康熙四年十月丁卯之吉

賜進士知應山縣事中州王雁序於永陽之連山齋

前志序

乙巳應山續修縣志其所以考古證今斟酌至當者俱
邑侯王公手訂焉復命余紀其事於末余思公之政優
學裕雖案牘旁午兼精詞翰余審因陋亦同一辭莫贊
已爾獨是邑有嘉謨嘉猷而不布聞吾黨之責也矧丞
公之命又曷可以已諸夫邑之有志勸懲爲焉士民之
耳目恆於斯較之月吉縣家不密也邑志弗修厲世磨
鈍之意謂何故教有時或息功有時或易書之罔而世
守之其爲風示也不亦遠乎在昔蘇轍之言曰域中有

三大權史居其一吾謂天下之志固史一邑之志亦史也今觀斯志秩然有倫郁然有章由勝國以及昭代增新沿舊其間風氣之所宜民俗之所尚無遁情焉往事之得失治道之張弛因時補救之緩急先後無匿旨焉山川疆域之條理人物食貨之利賴賢才學校之奮興忠孝節烈之綜核無遺義焉殆彙前哲之述作而爲一大成者與且也尊所聞而行所知文必貫道事必據理仰資國是俯協輿情貞者益以勸慝者足以懲誠史外傳心之宗旨也豈徒志其邑之故君子於此可以觀政可以觀學矣不然何邑無志徒摭採舊文考見陳迹是亦掌故習傳者流也又何俟余言之喋喋哉是志也成推之州郡而準推之邦國而準推之天下而準推之于百世而無不準彼江漢楚風也何以繫之於經倚相楚材也何以尊之曰史異曰太史採風譜爲國典則是志也經也史也不與掌故習傳同也故曰君子於此可以觀政可以觀學矣

康熙四年乙巳季冬月邑人朱孔照謹序

前志序

縣志工竣頒示于學雲也受而藏之展誦及再而不能
泯于言曰是余之職也夫是余之職也夫天下靡不受
成于學攷徵惟文典型惟獻經史圖章咸藏學宮卽有
闕略隨時補綴以備諏詢但考周之盛也河圖大訓煌
然兩廡魯之弱也猶秉周禮國未可動丕粵今昔善政
攸隆故曰學者政之基也師者學之會也文者師之任
也登雲任重力輕志強才弱安能珥筆藻繪石渠幸構
成書獲瞻和璧敢不佩服以勉多士敢不珍襲以傳

禩肅述鄙言爰紀其事

康熙五年孟春之吉

應山縣儒學訓導張登雲謹撰

前志序

隆古雍熙之治首稱唐虞然有甲子可紀制度憲章可
 推後世禪代繼承紀載漸備於凡因革損益之故得失
 是非之林萃為一編者莫如通典通考通志諸書儒者
 謂之三通信矣通志繼龍門史記而作雖列世族六書
 七音天文地理郡邑器服校讎圖譜金石災祥昆蟲草
 木職官選舉刑法食貨廿十略於前唐杜佑始創通典
 又列田賦錢幣戶口職役征權市糴土貢國用選舉學
 校職官郊社宗廟禮樂兵刑輿地為典後復益以帝系

封建象緯物異五事至明又益以節義氏族燦然該洽
應志殘闕詳略失次屢經採輯而未當爲其令者不能
周知其山川形勢戶口田賦人物風俗而取正焉曠也
今上御極之十一年海內莫安車書萬國爰

命詞臣纂修統志檄下郡縣雜志之以備良太史採輯之用
祐復開局禮士相與矢公慎顯幽微博稽羣考接古續
今期無負

聖天子右文之治蓋幾浹月而書乃成共八卷目錄三十六
帖得颺言以叙其詳略之所從來應之爲國上古以前
無徵焉春秋時爲鄆子邑然考諸傳曰齊東之國隨爲
大是隨統諸郡而爲名今應與隨壤相錯隨必欲跨而
有之者認也其山則高貴之嵯峨三鍾之竦峙其水則
龍潭之奔激汶川之縈迴洞庭闕其靈雲夢盪其胸莽
莽熊能鬱鬱葱蔥故其墜之生人往往多浩落奇杰之
士或以文章取巍科第或以清遠自好澹然權勢之外
或忠貫日月義薄風雲憑孤城而不懼甘披拂而不悔
如宋之鄭獬王世則二宋二連以及李公庭芝與夫明
之楊公大洪諸君子項背相望後先輝映矣豈非靈秀

所鍾應固多人哉獨其地北枕三關南通百粵爲楚之
敝邑冠蓋之所紛拏車馬之所馳驟資糧屏履餽餉芻
秣之所給求令終朝負弩矢持手板望塵遮道靡鹽不
遑者真函谷之候吏耳則供應難山石磳礪應之土田
無饒沃陪畝焉西山大役之後瘡痍未起民氣破傷加
以饑饉薦臻流亡轉徙煙火蕭條訟獄繁興則撫字難
山無巨浸舟楫不通糧運險阻輓漕之費率以數鐘而
致一石民有委積而避者矣則轉輸難枯固無所挾持
而來治茲土旣幸應多君子景仰儀型助流政教而特
不能不怵於其難也下車以來所爲經營慘淡以圖此
應者念供應之難則腰站有請闕市有鳩郵政舉矣念
撫字之難則均賦役革陋規剗肉之民有起色矣念轉
輸之難則多方以告重費少息民力差寬矣他如勤講
課以作士捐羨耗以薄徵嚴保甲以弭奸廣積儲以備
賑要亦恪遵

功令克副

聖天子親民之寄與夫各

憲臺考校之誠雖乏三善四最筆之於書足以誇世而駭

俗而不忍使後之令應者不知應之難而多爲之所嗚呼觀於此志而山川之經緯形勝之控制戶口之登耗田賦之盈縮人物之盛衰風俗之醇漓亦大略可覩矣則因時以制宜變通以適用邑之人或厚望焉至於表異以徵奇搜遺以誌勝青雲接地呈六鼇戴抃之能華蓋昂霄開八面玲瓏之窾自有楚寶諸書可取而考也謹序時

康熙十二年歲次癸丑小春之吉

文林郎知應山事知縣周祐撰

前志序

三代以上之文章三代以上之治道也堯之文自成功周之文暨二代治可爲文也禹貢列九州之山川次於典謨國風備十五土之紀載先於雅頌文皆爲治也後之文章政事各有專名而文之可以寓治者則有郡縣之志學者謂志與史一也而不知志通於經而詳於史占星野覽輿圖可以知陰陽之理萬物之情則志通於易考政治之得失察地方之利弊觀民俗之清濁則志通於書風謠出其中山川物產出其中其內事因時而

紀列者有美刺有正變則志通於詩至於詳埋亂覈官制辨等儀則志通於春秋與禮史之所載皆君國大事凡書之不勝書者畧而弗書宋儒有言西漢以下少信史未嘗曰後世多疑志則志必有詳於史者矣雖然志未易言也以一人之才志一邑之事之人物之食貨其爲聞見考訂有限也況志之中繁簡多端疑信不一欲使眾人之學術才思如出一人之胸之手抑已難矣苟非抱大經綸具大手眼酌古準今出經入史者豈易堪志之任哉我

聖天子御政之十二年宇內穆清人材蔚起大臣猶謂各地方文獻典籍多有關於治理不可令其放失上其奏有制曰可勅地方官纂修勿忽部撫藩臬頒其議於各屬邑務撰述必得其人哉

邑令周治應之四年政修人和德洽信孚適膺斯任合草創討論修飾而特加潤色不期月志成壁讀之見其斤風日運墨兩無痕將前後眾人之雙簡疑信者悉化其偏而歸於正去其華而取其精淵宏璀璨直逼三代以上通於經也詳於史也泊皆文也文皆治也使人不

僅作志觀也如是始可爲盛世之文也夫於以堯都鉅
望於山諳恆嶽太行之崇高於水泐滹沱易水之深廣
於人物習見歷代帝王之遺蹟王尊祖述諸賢之經術
志節閱歷積蓄用其有餘以成應邑之志有不與楚才
楚書照耀史冊者哉不特此也地甲賦役志之所能載
所勝載者也風俗教養志之所不能載不勝載者也何
也邑之神君生息表正潛移默化用心於人所不見之
處邑之士民望仁講義爭自濯磨以庶幾於比戶可封
此豈志之所勝載所能載者乎矧

聖天子仁風浩德如江海無窮史不停書相望於冊諸大臣
共贊隆平歲引月長後之吉祥善事志又何足以盡之
璧雖自甘於草莽哉蓋亦欣欣有厚願矣時

康熙十二年歲次癸丑上冬之吉邑人陳聯璧謹序

原修邑志姓氏

纂修

應山

縣

知

縣

周

祐

叔子北直慶都人戊子進士

校閱

應山

縣

儒學

訓導

羅人龍

荆州

枝江人

參訂

邑人

陳聯璧

孚尹原任河南分巡汝南道

朱孔照

雲臺乙未進士任蘇州府同知

武之亨

貞子己亥進士陝西鳳翔知縣

陳仰可

稚山庚子舉人

盧士常

昔夏庚子舉人

周

統

新伯癸卯舉人

譚繼周 景濂己酉舉人

張象升 五皆壬子舉人

程致遠 去泥歲貢任九溪衛訓導

閔則哲 慧先歲貢

新修邑志姓氏

監修

應山縣知縣 周道源 鎮延順天宛平人原籍湖南長沙縣癸卯舉人

倡修

前署應山縣知縣 劉宗元 善長河南霍邱人

協修

前署應山縣知縣 朱榮實 秋園安徽涇縣人庚子舉人

應山縣儒學訓導 任步瀛 海農圻水人辛亥舉人

總纂

邑人 吳天錫 純齋己未進士貴州試用道

分纂

邑人 魏弼文 匡夫戊辰翰林改授福建建安縣知縣

左紹鑾 翰珊辛未進士廣東即用知縣

萬修墉 星垣己未舉人恩施縣教諭

郝文楨 西翹丁酉拔貢通山縣教諭

吳詠棟 少華己未副榜

陳鴻 雲衛歲貢孝廉
方正候選訓導

杜之珩 玉山歲貢生

魏章渭 璜溪廩貢卽選訓導

韓明煊 小園增生

編次

邑人 劉耀奎 聚卿庠生

校對

應山縣儒學教諭 陳瑞珠 兩玉羅田人
乙酉拔貢

邑人 傅炳坤 厚山辛酉舉人前署
太平府江防同知

李書恩 錫三甲子舉人

程子箴 鏡泉 恩貢生

劉榮炳 桐軒增生

左培儒 純齋附貢生

徐琢 玉圃廩生

饒登達 儀亭廩生

李惟中 雲衢增生

張元珪 崑山增生

劉國棟 松亭增生

錢紹伊 子書庠生

劉金蘭 梅品庠生

閔文浹 洽亭庠生

胡春瀚 海帆庠生

監刻

邑人 楊長炯 茂亭監生

胡垣 星齋歲貢生

梅椿 寶芳同知銜

劉仁 厚田監生

陳紹元 秉彝都司銜

梅宗濬 虞川衛千總

陳廷鈺 寶山同知銜

吳端熾 昌侯鹽提舉銜

韓啓坊 表如州同銜

高煥章 俊民庠生候選
知縣同知銜

採訪

邑人 嚴國楨 庠生

洪萬貞 庠生

楊徵笏 庠生

彭文鍊 庠生

陳家譽 監生

莊文治 庠生

楊祖勳 庠生

李元勳 廩生

吳上朝 庠生

丁觀成 廩貢候選訓導

蔡森春 增生

毛本楨 監生

李培元 廩生

楊國勳 庠生

李獻廷 庠生

吳前桀 廩生

陳中桂 廩生

程伯俊 廩生

傅子亮 庠生

彭汝濂 庠生

向謨 庠生

周維翰 庠生

楊錦 庠生

閔作楫 庠生

陳丙昌 庠生

熊之紀 附貢生

楊鳳岡 庠生

楊鉅 庠生

葉晉馨 庠生

劉秀甲 廩生

王清照 庠生

孫兆熊 庠生

陳之林 庠生

李書策 庠生

胡浩 庠生

葉家棠 庠生

葉家林 府經歷銜

李自春 增生

王化南 庠生

黃立廉 庠生

應山縣志 卷首

石文潤 庠生

樂文理 庠生

闕枝桂 庠生

劉國楨 庠生

鄧梯雲 庠生

易大維 歲貢生

李詩炯 庠生

左紹貞 廩生

胡必榮 附貢生

曹光杰 庠生

劉蔭棠 庠生

龍恩沛 庠生

陳泮 庠生

姚瑞珍 庠生

李銘勳 庠生

李詩士 庠生

梅廷玉 監生

閔 泐 監生

目錄

卷首

序 重修姓氏 目錄 凡例 繪圖

天文志

卷一

星野 祥異附

卷二

沿革

地理志

卷三

疆域

卷四

山

卷五

水 陂塘井泉附

卷六

道里 津梁附

卷七

古蹟 墓域 坊表附

卷八

土產

政治志

卷九

官制

卷十

職官

卷十一

名宦

卷十二

城池內外街市 官署附

卷十三

學校

卷十四

祀典 鄉廟附

卷十五

戶口 保甲附

卷十六

田賦

卷十七

驛鋪

卷十八

倉儲 賑恤附

卷十九

風俗 歲時附

卷二十

文教 書院 賓興 卷費 考棚 學田 會館

卷二十一

兵荒

卷二十二

寨堡

人物志

卷二十三

選舉 進士 鄉舉 鄉副 孝廉 方正 保舉 拔貢 優貢 歲貢 例選 武科 甲保 舉 鄉賓

卷二十四

紀恩 封贈 廕襲 諭祭

卷二十五

鄉賢

卷二十六

孝子 割股附

卷二十七

義士 篤行附

卷二十八

貞節 分上中下三部

卷二十九

殉難 烈士 烈女

卷三十

高壽

卷三十一

方外

藝文志

卷三十二

名臣奏疏

卷三十三

忠孝 節烈傳墓誌附

卷三十四

營建碑 文雜文附

卷三十五

詩

卷三十六

雜記

凡例

一 邑志不修者二百年兵燹後文獻無徵歷代官師人物與各項興廢損益無從采輯卽采入者亦或姓名年月諸多失考姑闕存疑俟博聞者補正

一 邑志備政治考核天道之常變地利之肥磽爲政治張弛所從出人物之盛衰藝文之詳略爲政治得失所由見故始天地終人物藝文中以政治贊天地之化而發人物藝文之華至事有博物所願聞政治所不廢不能並入各條者則附之雜記云

一卷分天文地理政治人物藝文雜記六項爲綱而政治卷內另分官制營建民事文教武備人物卷內另分選舉紀恩爲目中之綱又如職官爲目中之目而正佐分編詩爲目中之目而五言七言分編凡皆以清眉目便繙閱也各卷面與各頁翻面處均刊列之一修建賑施各項義舉不可湮沒無論已登碑刻與否均宜詳載以垂永久惟田畝捐費義士名數過多祇得另列一卷彙集備考

一事有不類而類不免強題就我者如沿革一條博平志載入天文細思察星野者本宜先考沿革茲亦編入天文志內以便類閱

一事有同類不必另列者如墓域坊表則附古蹟陂塘井泉則附水志等類

一事有重出不必贅敘者如驛站已見存留鄉賢已見選舉等類則註出詳某志

一各志詳略不同以地所輕重者異也應地當孔道向爲戰場又值兵燹之後故道里河溪橋梁村集均從武備起見以官驛爲王山以險要塞堡爲王餘皆從

略

一邑志集隘不能備載家乘凡懿行之有傳記者錄其事實無遺詩文之有才學者摘其闡揚名教餘附家乘備采邑志不能悉登

一忠孝節烈例待身後論定如人尚生存非已經上聞者錄存續刻不敢遽登

一舊志條例分明無可改置因時殊事異增易多端故照目前輕重另行編列

一舊志所載後有變易者註之續出者增之若有事同名異昔有今無不能確指其實與變易之年代者仍存備考如曹家井今改爲許家井八角樓今改在印臺山則變易者也原僅九寨今增一百有餘則續出者也至覆手山中界河等類今必有此山水而無此名則事同名異者也已塌之節孝坊百歲坊等類則昔有今無者也至問修自何代廢自何年則不能確指其實也又如應山改隸荆西道矣今隸漢黃德道則不能指其變易之年代也但淺陋者不知博學者知之故存以備考

應

山

縣

應


輿

圖

官廨圖



鳳山縣志 卷首
學宮圖




鳳山縣志


卷首

學宮圖

三



縣城圖



應山縣志

卷首

四

應山全圖



孝感縣界

信陽州界



界縣陸安

信陽州界

隨州界


圖

四

東鄉圖

考威縣界

四十五



應山縣志 卷首

南鄉圖




應山縣志

圖

北鄉圖


四

西鄉圖



隨州界


北鄉圖



信陽州界



宋公渡蟻橋



南關廟

古法興寺
今曰賢祠

圖




兄弟狀元坊

蟻橋

印台半月



高貴凌霄



應山縣志

卷首

乳巖九峙



應山縣志

卷首



洞口風生



軍山環秀



馬坪港

小河



文昌樓


大河

天澗雲深



隆興寺

天井湖



應山縣志


圖

寶林擁翠



御書

圖




物建寶林寺

仙洞波澄



仙洞

釋滿泉繪并篆



應山縣志卷一

星野

宋志曰天體之運星辰之動未始有窮而度以一法可乎物銖銖而較之至石必差況於無形之數哉世無洛下之算無甘石之推泥成法以爲限斷而曰某星專某地某地專某星某度固矣但周禮保章氏以星土辨九州之地所封封域皆有分星以觀妖祥左氏謂凡分至啓閉必書雲物欲以畏天變者畏民也若廢感召之理則擾天紀干天和者且肆於民上矣志星野

太乙樞會云張宿直漢東與鶉尾同占應山者漢東之地也張宿者應山之分也分直張宿統占鶉尾

考太乙天官諸書列宿各有其位大小有差闕狹有常謂之經星各有其度過度則占各有其分野天象人事隨感爲徵休咎之分應於九域

位乎正南者辰則鶉首鶉火鶉尾星則東井輿鬼柳星

東井輿鬼鶉首也雍州分野東井居兩河之陽自漢中東盡華陽與鶉火相接

翼軫鶉尾也荊州分野南盡衡陽北盡荆山當南河之南書云荆及衡陽爲荊州地理志曰翼軫荊州

柳星張鶉火之次也初柳八度外末張十度內於分野爲周於辰在午於野爲三河 自滎陽滎澤南至東隅斜射方城抵桐柏漢陽之地又自雒邑負北河之南西及函谷逾南紀通武當漢水之陰盡宏農郡

柳在輿鬼之東接漢源當商雒之陽

張宿直南陽漢東與鶉尾同占

詳舊志列宿分野考

稽周禮保章氏誌日月星辰之變動以星土辨九州之地以觀妖祥蓋將爲百姓弭災患也其中有可知者有不可知者君子述古爲志乃以不可知者志之爲誣而已其不可知者何也自天文之禁嚴於前代儒生不以肄業學宮不以課士卽博洽者所述不過經史所載之大畧其詳不可得聞也不可聞故不可知也如九州分野周禮疏云翼軫荊州其行度未之及也漢蔡邕云起張十二度至軫六度晉志曰自張十一度至軫十一度

於辰在巳楚之分野屬荊州唐一行云初張十度中翼二度終軫九度堯之星鳥已不同於月令之昏旦漢之行度又不同於周官之位置漢則云十三度晉則云十一度唐則云十度則是漢晉及唐亦不同也今之時視唐又加遠矣欲比而同之烏得同乎不同故不可知也夫天主動者也星之麗天亦動而不常者也地則靜而有常矣禹貢畫九州二代因之自秦分爲三十六郡而歷代廣狹統置皆不相同卽一邑之地亦有分屬則九野之星將何從乎是未可知也且以荆楚論之以翼軫

爲荊州之分野則可知以翼軫爲楚之分野則不可也夫荊州楚之疆域也以翼軫爲楚之疆域則不可知何也楚之疆域先後大有不同焉者熊繹封僻在荆蠻其於荊州芥粒焉耳及夫漢陽諸姬楚室以盡之則西連秦晉東接齊魯矣不止荊州也則淮徐碭洛之間以爲是翼軫之分野乎以爲非翼軫之分野正未可知也若荆之疆域固有定在矣禹貢云荆及衡陽惟荊州註曰荊州之域南盡衡陽北距荊州衡陽者荊州之界也在荆山衡陽之外者非荊州地也星亦非翼軫也卽以應山論之考春秋輿圖鄖國在荆山東北永陽一久在鄖國東北茲者爲志若以翼軫爲永陽之分野是以通省爲一邑也猶之乎以九州爲一州也可乎哉故以應山爲德安之屬邑楚省之北鄙則可知而以應山爲翼軫之分野則不可知也然則應山屬何星之分野乎經史詳之矣張星直漢東與鶉尾同占應山漢東之地也張宿應山之分也或者乃以翼軫荊州槩乎一邑豈不誤哉其可知可誌者此而已矣若夫察其變動以定其貞或監天者典

焉掌史者筆焉一邑之司安敢僭哉以上各條皆係

前志原文

近出廿一史約編載十二州分野云柳星張周分三河今河南洛陽南陽湖廣之鄖陽襄之均州光化穀城棗陽德之隨州應山 按翼軫為楚之分野而前志以張宿為應山之分今此編與前志合特附載

天象原理

良孺熊公曰傳天文者多祖裨竈甘公唐昧尹皋石申之遺課驗凌雜米鹽史遷世掌大官所云河鼓不欲曲心星不欲直老人見治安不見兵起班固治之句信維散龜鼈不思漢中諸語皆幾以經星為可移矣夫氣為真象事為真數合人與天而真理不燦然於吾前乎天地之象至定不定者氣蒙之也天地之數至定不定者事亂之也達者始終今古深觀時變仰察蒙氣俯識亂事而權衡其理則天官備矣或問天垂象見吉凶何也曰譬諸人身脾氣病則貌黃肝病則青腎病則黑喜慶惠迪頤潤穎明華嚴曰一國人感惡緣則彼當土眾生觀諸一切不祥或見彗珥孛孛但此國見彼國眾生本

所不見蓋氣由地起吉氣上蒸爲雲龍而彩之類人在
氣中生養自有聖賢豪傑挺生有凶氣上蒸爲霧而擾
搶之類人在氣中生養自有饑饉兵戈橫出故望氣者
止宜於當土辨禍福入國邑而候息耗不宜於普天率
土百年易世一槩牽合若以星之具體本自如也因此
地氣有吉凶則此地人眼從氣中窺便分祥異故暈背
風霖晴雨之候百里有不可同觀者惟詩字之氣衝入
晶宇所至最高天下仰見然比之於七曜之度不啻下
甚卽千里而量測之差數觀矣或曰地氣一也何爲此

方古彼方凶此時吉彼時凶已足則數爲之也實胚胎
於人事也如堯舜醞釀宇宙太和元氣地平天成及桀
紂而以塗炭生民爲事其數應窮便致湯武放伐斯國
事數相根而氣操其關籥者也不獨地氣天氣亦然如
中國處於赤道北二十度起至四十度止日俱在南既
不受其亢燥距日亦不甚遠又復資其溫暖稟氣中和
所以車書禮樂聖賢豪傑爲四裔朝宗若過南溟日大
暑祇應生海外諸蠻人過北遠日大寒祇應生塞外沙
漠人若西方人所處北極出地與中國同緯度者其人

亦無不喜讀書知歷理不同緯度使爲回回諸國忿驚
好殺此又一端也質文之運三代循環興廢有定數皆
自人事釀成當興之時天地如律回陽其氣條達如鏡
重磨其象宜朗當廢之時天地如律重陰其氣鬱閉鏡
蒙塵垢其象湮闇此定理也占候所禳原爲小數而警
予責已仰思咎謝俯答明譴堯舜文武以來自有欽若
昭事毋敢戲渝之道法在焉可忽乎鹿湖潛老天口執
氣質而測之則但顯各各不相知而各各互相應之通
幾猶晦也天聲氣風力實傳心光受命如響神不可測
而當前物則天度同符格之踐之引觸酬酢信其不二
享其不惑此則有所以爲物所以爲心所以爲天者豈
徒委之氣質而已乎萬歷己未余在長溪親炙壇石先
生喜其精論故識所折衷如此

此篇出在物理
小識冷附載

詳異 星野之說人謂野山於星不知星由於野凡天象有變

星野之說人謂野山於星不知星由於野凡天象有變後皆有人事應之遂謂下土之災由於上天然天心愛人胡為而有是災不知此非從天降也非從地出也由人心生也凡人臟腑壞則生疾心壞則生禍一人之心壞則一身禍一家之心壞則一家禍一國之心壞則一國禍天下之心壞則天下禍苟能反之則旋足以致福昔曰周家由三代積德至於文王鳳鳴岐山後遂大興豈鳳能鳴之而興蓋文王之化自家而國其時岐山左

應山系二

卷一

詳異



石盡是善人一股善氣結成德輝鳳凰翔於千仞覽德輝而下之遂於此鳴其鳴也鳴其樂也鳳亦不知其爲文王之德也然而周家既有是德則遂以是興矣凡所謂祥皆是如此至於異則亦然應山之爲祥卽渡蟻一事已足以見之矣活數萬蟻命而遂有善氣見於面其後果大魁天下此非其祥之先見者乎高貴山蛟發水沒乾明寺僧皆溺死非由其罪惡貫盈而然者乎凡災異之生猶是天心慈愛預先譴告使之及時悔過未嘗不可遷改此又在守斯土生斯土者過災而知懼思患而預防轉禍而爲福矣志祥異

宋紹興元年春正月連雨至於三月

淳熙元年大饑

九年大旱

十五年久雨害稼

嘉定元年冬燠如夏

六年大旱

元元貞元年五月野蠶成繭方數百里民取爲纈

明洪武二十二年大水

廬山縣志 卷一
宣德八年夏大旱

正統二年自六月雨至於秋七月大饑
九年夏旱大饑

景泰元年春大饑民流於河南

四年夏大水

天順四年秋大水害稼

成化元年大饑

三年夏五月不雨至於秋七月

四年五月庚申雨雹大旱歲大饑十月辛丑地震

六年夏大旱民流於荆襄

十年秋大有年

十四年大饑

宏治元年旱二年春饑道殍相望

三年春大雨豆種之蔓生不實

四年大旱

五年五月高貴山蛟起水沒乾明寺僧皆溺死六月螟

六年冬十月大雪至七年春正月

七年夏四月大水

八年五月桃李華

十一年秋七月不雨至十二年夏四月

十六年夏大雨

正德元年大饑

三年春正月不雨至於三月雹殺禾菽民張必顯妻崔氏忽生髭長五寸尋暴死

十年大旱

十一年大旱

十三年夏大疫

十五年正月朔雷電暴雨平地水漲丈餘四月不雨至

於六月按武宗止十六年此下所載年分不知是何帝統舊史無稽甚矣夏五郭公傳疑可也

十七年春大饑

二十五年駱家村民盧廷文妻張氏妊十四月產男甫

週月頭三尺五寸七歲亡

二十六年正月雨霰樹枝盡冰

三十一年夏大疫

三十二年五月己丑地震越三日復震是年大有年

四十五年大旱次年春設糜餉饑民

崇禎二年旱大饑

三年六月地震

七年十二月二十五日大雷雨震電竹盡花

十五年大饑大疫

國朝

順治七年夏五月五日大雨雹

九年春正月朔雷雨震電夏大旱

十年春奉 文賑濟

十八年自四月不雨至閏七月歲大饑冬詳請賑濟

康熙元年春再行賑濟忠烈公孫楊苞輸穀一千石助

賑

六年丁未荒

九年旱大饑

十年辛亥四月初八日風沙晝晦麥盡爲風霧所蝕

而不實人至麥林著衣皆黃至六七月不雨禾始秀

又旱間有成者爲青蟲食盡大饑有流徙者知縣周

祐繪圖以報請出倉粟千餘石分賑之上臺可其

請檄黃州同知于詣縣監賑給散有法民賴以全活

者甚眾是年夏大疫復作知縣自製文禱於神祠
是人有起色 以上俱照前志以下新志

十九年大旱

二十九年大旱

乾隆戊戌年大旱監生樂紹孔捐賑邑侯尹行鐸給有
義濟一鄉匾額

嘉慶丁卯年大旱饑自是歲至甲戌連荒者八年先菜
食繼草根樹皮亦盡餓殍異鄉者無算

壬申年大旱

二十四年己卯大旱

道光五年乙酉秋大旱

七年丁亥秋蝗大有年

九年己丑春二月訛言寇至民驚竄多棄嬰孩於路繼
聞楚豫界九邑皆然不知所自始

十一年辛卯大水漢沔就食者踵相接邑倉庾立盡
是年冬至次年春民大饑

十二年壬辰大水紳民饒裕者各分會援之

十四年甲午雪大凍冰結地爲塊樹木委地鳥棲無食

死十五年春木冰

十八年戊戌夏大旱邑侯陳肖儀科頭烈日中並城隍
伽坐學古法埋龍者九再泣禱於高貴山雨大降秋
蝗蔽日赴鄉督捕是歲大有年

十九年己亥春正月邑侯陳設局於各鄉鎮令民掘蝗
子價買而焚之大有年

二十八年戊申大水城東三里河渡船覆溺者數十人
二十九年己酉四月雨雹大如拳二麥盡打折鳥雀多
死夏大水平林市河浪驟高數丈自上流澎漲而來

東西岸居民漂沒者無算廩生吳運新急捐重資救
之多所全活是年鄉試擢經魁第四名人以爲拯溺
之報云

咸豐元年辛亥四月羊角風過作旋轉於地斃者數十
人紫虛觀前一老優席坐於棚下迎風而倒氣遂絕
二年壬子夏四月十二日地震秋又震竹盡花
三年癸丑冬水簸陂池若轉側而覆者有頃

四年甲寅冬雨豆形如匾豆而小其色黑堅苦異常
五年冬百果花齊開如春間有結實者

六年丙辰四月雨雹大如拳殺禾無算自是旱赤地干
里邑草根樹皮皆食盡民流漢沔道殣相望糧緩征
七年丁巳蝗自北來落地厚尺餘未傷稼

八年戊午七月飛蝗蔽天過經數晝夜

同治元年彗星見於西北長數丈月餘始滅

三年十二月雨霰木冰

七年春地生毛如羊豕毛摘之其根白冬月雨雪震電

八年正月朔微雨雷電

九年四月麥穗兩歧見井子會汪士珍田中

昔孔子作春秋曰所見異辭所聞異辭所傳聞又異
辭昭定哀所見也文宣以降所聞也隱桓以降所傳
聞也時有遠近故事有詳略今應山縣志自康熙十
二年一修至同治九年凡百九十七年矣事多失傳
祥異尤罕紀述故惟於近事略詳而雍正乾隆間多
闕然感召之理不可誣也經史所載共見共聞而昔
人有天象原理一篇似尤爲經史所未備爰補載於
上以俾讀邑乘者知所觀覽焉

應山縣志卷二

沿革

自封建改爲郡縣疆域紛錯變置不常欲求其於古爲何地於今爲何地蓋幾不可究詰矣而獨應山之爲縣有不同他邑者應與申隨接壤隨漢東大國申古之名邦知申隨卽可知應而又自有三關之險卽古所謂大隧直轅冥阨者冥阨今平靖直轅今武勝皆隸縣境大隧今九里關雖隸孝感實縣東當春秋時楚有申公蓋申之爲國近在南土自宣王封申伯後至平王時已漸

弱故有戊申之舉至春秋時楚境漸闢則已舉申國而縣之故有申息北門之名而所謂三關者實與申接壤至隨之爲國地在漢東至今未改而左傳有貳軫兩國貳卽今應山軫卽今應城楚將與貳軫爲盟而鄭人與隨絞州蓼伐之然則應山之爲縣當封建時固在申之南在隨之東而自立爲國者也至改郡縣後前志已詳惟於漢宜爲鄆縣猶失考今補正於後志沿革

左傳楚屈瑕將盟貳軫鄭人軍於蒲騷將與隨絞州蓼伐楚師杜注云貳軫二國名鄭國在江夏雲杜縣東南有鄆城蒲騷鄆邑絞國名州國在南郡華容縣東南蓼國今義陽棘陽縣湖陽城此據晉地名而釋之者也胡文忠公讀史兵畧乃就古注參考今地而以今地名釋之曰貳國今德安府應山縣軫國今德安府應城縣卽涓今湖北德安府蒲騷今應城縣北絞國今鄆陽府西北州國今荊州府監利縣蓼國今河南南陽府唐縣郊鄆今湖北安陸府境按其道里實爲吻合附記於此

應山之爲貳國前說已詳然自周以前無可考凡言

地理者皆以禹貢爲主而漢地理志次之今亦以禹貢爲主耳前志兩條附載於下

唐虞夏

荊州之域於禹貢當屬荆之北界爲荆豫接壤處禹貢雖指云荆之北界判自南漳縣之荆山南漳以東爲荆門鍾祥京山及隨州之南境又東爲應山縣縣北有義陽三關又東爲黃安縣有大活關白沙關又東爲麻城縣有穆陵關陰山關諸關依山爲阻與荆山東西準望相直皆荆豫接界處

在商無徵

周爲漢東地縣爲貳國左傳云漢東之國隨爲大隨張必棄小國然則其時漢東之國多矣左傳又云楚屈瑕將盟貳軫鄖人軍於蒲騷將與隨絞州蓼伐楚師鄖爲今德安府卽以涓水名國貳爲今應山縣軫爲今應城縣蒲騷在今應城縣北其時楚都郢卽今之荊州府屈瑕自荊州府來道出應城應山將與二國爲盟鄖人據德安府居其中遂軍於其地以待四國兵至而共伐之按其道里鑿鑿可信應山爲古貳

國無疑今據載

秦爲南陽郡隨縣地顏志云荆豫二州南陽之東境南郡之安陸我皆與有之

按秦分天下爲三十六郡其荆州所屬有南陽郡南郡而無江夏郡南陽郡下有隨縣隨境闊大固宜兼應而有其地前志以秦代縣屬南陽郡固屬不誤且地本荆豫接壤顏志語雖疏略姑仍其舊

漢爲江夏郡鄖縣地 按秦分天下爲三十六郡其時有南陽郡南郡而無江夏郡至漢高帝始置江夏郡領縣十四列有鄖縣又列有竟陵安陸沙羨雲杜等縣其地皆與江夏近然則漢縣之宜屬江夏郡明矣前志不察於秦爲南陽郡下接云漢仍其舊則是於漢代所置之江夏郡而並昧之江夏郡既昧無怪乎所領之鄖縣而絕不知其爲何地也凡部分地理者先宜辨其九州秦漢時之南陽雖屬荆州而今則屬豫州矣以縣屬南陽則是以荆而屬豫也荆豫不分疆域何辨今特據漢書地理志改正而並作應山於漢爲鄖縣考一篇附載於後庶周秦漢三代之鑿鑿

可據者已經明晰而魏晉以後載在史冊無難按籍而稽之矣

晉為義陽縣地 以下俱依前志所載

劉宋為永陽縣地是時縣分五等縣令稱公侯伯子男

五相而永陽稱男

蕭齊及梁仍其舊

北魏為應州平靖縣

北周為應州平靖鎮

陳仍因周

隋廢應州為應山縣應山之名始此

唐貞觀八年以應山縣屬安州

後五代及宋未之有改焉

元以應山縣與隨州並屬德安府

明洪武元年附二年為寇許成等所據討平之十

三年以縣屬德安府隸湖廣武昌道嘉靖十九年始

改隸荆西道


國初猶因之今隸漢黃德道 以上俱屬前志

附載乾隆府廳州縣志一段

應山縣漢隨縣地梁大同二年分置永陽縣兼置應州隋開皇十八年改縣曰應山大業初州廢縣屬安陸郡唐武德四年復置應州七年州廢縣屬安州宋屬德安府嘉定中改屬隨州明洪武九年省入隨縣十三年復置按隨州志載洪武十三年以應山屬隨還屬德安府

應山於漢爲郾縣考

修邑乘與修家乘一也修家乘則必就其家得姓之始而詳究之修邑乘則必就其邑得名之始而詳究之不



原件短缺

可知者勿強可知者不容不詳應山之爲縣於春秋時
爲貳國其說見於胡文忠公讀史兵略兵略一書張本
於司馬溫公資治通鑑通鑑中地理多金仁山所注仁
山博極羣書其言可信兵略之注出自汪君梅村梅村
固長於地理者亦必不妄此其在封建時之爲國名者
有可考矣乃若易封建爲郡縣則其縣名亦不可不詳
顧自秦以後廢置不常有前無而後有有始立而終廢
亦有實存其地而後人不知其名如應山之爲漢聊縣
實有可歷證而不疑者按前漢書地理志於江夏郡列

酈縣又列有雲杜安陸其酈縣雖不云何地而雲杜安陸則固爲今境矣及檢後漢書郡國志於酈縣下注云史記曰無心說魏安釐王曰秦不敢攻冥阨之塞徐廣云卽此縣也此所引史記在魏世家其文云秦又不敢伐楚道涉山谷行三千里而攻冥阨之塞孫檢曰楚之險塞也徐廣曰或以爲今江夏酈縣正義曰冥音萌其行二千里句下注云秦兵向楚有兩道從褒斜入梁州卽東南至申州攻石城山險阨之塞也夫云東南申州則今之信陽州矣云冥阨之塞則卽左傳所謂還塞大隧直轅冥阨者矣冥阨塞卽今之平靖關而後漢書於酈縣下直引此史記正文及徐注然則前漢之酈縣卽後漢之酈縣而縣之所以稱酈實以冥阨卽平靖關而平靖關實在應山然則應山之爲漢酈縣明矣前志不察旣不能實指其縣於漢爲何縣而猥云周爲漢東地是也秦爲南陽郡漢仍其舊非也於郡屬南陽究當指其縣爲何縣其地又與雲杜安陸並列一郡今不據前後漢志並列江夏郡之酈縣而顧於南陽三十六縣無可指名之中妄以爲其縣屬南陽郡斯亦鑿空妄說者

矣今特於沿革門注明於周爲貳國於漢爲鄆縣至隋朝始改名應山縣自唐迄今無異名焉

應山縣志卷三

疆域

古者畫井分疆畫井所以治家分疆所以治國井不畫則家爭疆不分則國爭自封建變爲郡縣無所爲國爭矣然而縣各有境守土之責之所歸境各有土與民政教之所施財賦之所出况應界楚邊地當衝驛其山川之險易土田之闊狹道里之遠近尤不可不條分而縷析也志疆域

禹貢分九州疆域畫然疆域者經緯之大本也疆域正則職任專可以杜官民推諉之端可以絕士民爭訟之漸可以知幅員遠近之辨則可以知田地寬狹之分可以知租粒收穫之數則可以知賦稅輕重之宜而國用由此制焉是以度地以居民度民以分田度田以定賦度賦以制用靡有不審定其疆域者以邑之疆域計之廣凡一百一十五里袤凡一百一十里經緯相乘開方爲法四域之中所積者約凡一十六萬三千五百四十八萬武除四隅之缺去山川之畛道路之數去之橋梁之數去之寺觀之數去之約凡一萬一千四百五十一萬四千五百九十八武以武歸田得田凡九萬五千四百二十八石八斗三升之數以田科糧而糧之五千四百六十六石五斗之數出焉而必以疆域之廣袤爲則是以正疆域急也疆域正以之度地而地之數不可隱也以之分田而田之數不可欺也以之定賦制用豪觥無以滋其弊積胥無以舞其文也而不然者疆域不正則大經不定紛紛於較量弓矢之間抑未矣故孟子曰仁政必

自經界始

南至德安府治九十里 即安陸邑治

南至雲夢邑治百五十里

北至信陽州治百四十里

東南至孝感邑治百八十里

西南至應城邑治百八十里

西至隨州治百一十里

東北至羅山邑治二百五十里

西北至襄陽邑治三百三十里

東南至省垣三百里北至 京師二千三百里

形勢險要

易垂設險之訓禮建形方之官從來大都大邑必據地利以壯形勢况應乃楚之北門所恃為鎖鑰者詎郎子數城已哉呂覽謂天下阨塞有九鄙阨其一而大隧直轅左右虎踞三關鼎峙號稱天險第昔也險僻今也通衢民生勞逸所由分亦即保障難易所由別雖然地不足限人也周之都鎬為險而洛為平鎬之上可飲旨酒地險而情未嘗不平洛之上可作六師地平而威未始

不險有保障之責者可奮然興矣

環城皆山也自治北東西兩山並峙官道左右迤邐七十餘里高貴山橫截其衝其巔夙設關隘爲平靖關卽古冥阨也林木叢鬱怪石嶙峋車不方軌馬不並騎俗傳漢壽亭侯經此竊竊然憾之因傳爲憾這關後有鑿山通道者遂爲衝途右有黃土關一名白雁關密邇中州昔人屢爭之左有武勝關雄據上流俯眺諸方險阨之地用武之所因之設關置吏以禦暴客治東則有太平鎮鎮濱河水遶其山下通孝邑上達羅山商賈往來

奸慝錯雜守禦惟艱水之從西南流者經治之馬坪港過平林市南入於湏應山隨州遂得因河岸東西以爲界接壤安陸者曰壽山聳西南之巖峻以迴向乎郡城應山者郡之保障也依乎腹心則湏城亦爲邑之砥柱焉內外表裏相爲依衛舊志曰鄖子國在熊繹封北永邑又在鄖北直與申伯國聯岡巒礪三關險隘九砦爲烈屹然北門鎖鑰也申畫郊圻慎固封守厥惟重哉以上二篇俱係前志

一正北平靖關在治北七十里卽古冥阨也接信陽境

俗稱憾這關又曰杏遮關綱目集覽作行者坡

按行杏遮者但平仄不同而聲實相近至遮這者俱屬齒音而杏有項稱項憾音相近大抵憾這關之名最古而其後訛稱耳觀憾這之名知行人之苦矣

一武勝關在治東北方八十里接信陽境齊志玉篇俱云卽直轅也原名武陽關呂覽謂九塞之一魏元英攻馬廣於此

一黃土關在治西北五十里亦接信陽境

祐按一統志載應有平靖白雁鳳見武陽四關是應之阨塞不止三關也三關者就古大隧直轅冥阨言之耳今平靖關卽古冥阨武勝卽古直轅白雁卽古之大隧白雁又名百雁史又稱黃峴又曰黃土而鳳見則邑志不載豈以不在三關之列故略之歟統志云昔鳳凰見關下因名其事亦可傳也今在治東北二十里 周誌

按三關爲全楚門戶昔謂北門鎖鑰者此也咸豐十年粵匪凶焰方張巡撫胡文忠公獨以捻匪爲慮委員何英查瑾至應令沿關修卡取徑設礮預塞捻路

議各礮卡防兵百名協以鄉勇工甫告竣文忠公歿
議者以勞民傷財置之壬戌年副將沈峻德帶兵防
應捻擁眾數萬意在突關而入沈以兵寡張虛幟於
卡內使賊疑卻旁出奇兵擊之賊大潰乘勢追殺者
數千

計共四卡一十五礮

平靖關卡一關南小河品字礮五

黃土關卡一心字礮四

武勝關卡一人字礮三

漿溪店北分水嶺品字礮五

一正南觀音坡嶺勢崛強橫互安應衝要咸豐四年髮
賊竄應由此

一東南蕭家店濱河下通孝感武昌上達羅山商賈往
來奸慝錯雜盤詰為艱又自應家店張楊店入城捷
徑咸豐四年髮賊初竄應由此

一西南壽山山嶺巖峻迴向郡城為平林市入城要道
同治二年捻匪自京山竄應由此

一正西馬坪港隨州交界北為桐柏棗陽南為安陸京

山人應之路髮捻去來屢由此道

應山縣志卷四

山

應以山名縣縣固多山其在西南者猶不甚高峻惟東北高貴一峯聳出天半其下池邈羅列皆重青疊翠有蔚然深秀之觀至其平壤則多起坡隴可謂邱陵岡阜不可謂大山是邑之福不足爲邑之病或乃謂邑山多田少無十里平壤且山多石堅不可墾皆非善說山者凡邑不可無山且天下之邑不易得山有山則有屏障人可依居其下有土田可以爲食其高起坡隴可以爲

葬埋之地其又高則遂生材木以爲宮室器具棺槨之用其山下又可出泉以爲平田灌溉旣不患水亦不患旱今江漢潛沔多被水災而山縣不聞者居地高故也人多知水利不知山利豈知山之爲美固若是哉至於山之有石則石乃山骨無論土戴石石戴土皆萬不可無其堅不可墾者天固生之以不令人墾也凡山之所生但宜材木不宜五穀觀中庸所言草木生之禽獸居之寶藏興焉不聞言五穀周禮以二農生九穀鄭氏康成曰二農原隰及平地也又曰以虞衡掌山澤之材所

謂虞衡者卽地官之山虞林衡也其山虞一官分大山中山小山設官以守而又有林衡一官掌巡林麓之禁令麓山足也夫以小山下之山足而猶設官以守使無輕斬伐可見聖王之治天下固順天地之性凡種穀俱在原隰及平地而凡高於原隰及平地者固皆宜種木而不宜種穀矣今不順天地之性而於眾山之山麓及小山之僅可爲培塿岡阜者舉高原之黍稷而於其上種之其意欲多得穀耳而適足以害土夫山崩川竭土之害也川何以竭由山崩山何以崩由土墾天以其土

不宜墾因生石以護之而人反欲墾其堅且病其堅不可墾是何昧於天地之性乎今應山之爲縣有山有田山有石以爲骨其山下亦有泉以溉田而獨病其山少木是在生斯土者之善護是山勿使斧斤傷牛羊牧耳若山則固爲縣福也志山

附郭山

印臺山城東門外迤南長數十丈高城十數丈視城如釜底纖悉畢見原名應山以其方平如臺又名應臺後人以其形似印更名印臺舊有仰高書院七丞相

祠扶搖閣並廢後建大慈庵其左有峯曰挂鐘無念和尚爪髮並弟子塔在焉今塔廢惟庵尚存前祀邑侯尹行鐸任起元於丙咸豐乙卯兵燹毀圮者半修葺尙未逮也庵後山北首建有文昌樓以爲闔邑文星之助有記見藝文志同治二年知縣恩榮同眾首士築土堡屯練勇者五載城克保然則茲山其爲允文允武之地乎

西門圍城西門外迤南長數十丈平視城內如一蹴可至者

羊角山城西南角俯視城內瞭如指掌

紫虛觀山城東北角視城內如畫

以上四山俱附城險要其環抱四山相助爲勢者則鐵絲岡在印臺之東南

橫山在紫虛觀之東北

楊家山在羊角山之西南

西三里墩在望城岡之西北惟城北山無附郭而北三里墩緊當要道踞高御下亦守城者所必爭也前粵匪竄擾援應大兵均扼此數處爲險故附記之

東鄉山

中華山距城三十里東北諸山之祖

黃茅嶺古名黃陵山距城三十里中華山之麓能興雲雨爲邑鎮焉知縣周祐改名黃山

孔山距城三十里一名洞山有穴每大風作穴先有聲卽今淮瀆廟山此山連亙數十里洞極多其大者爲風洞虎洞而仙人洞更爲古蹟卽八景之仙洞波澄凍山距城四十里一名蜂兒山宋元豐間有太守滕甫自汴赴官路經於此時無風而寒故名卽今大山口

牢城山距城五十里舊有砦今重修更名樂城山
覆手山距城六十里一峯五澗狀如覆手

禮山在治東八十里梁於此置應州齊置禮山關隋又
置禮山縣

大城山距城六十里山之陽有古城砦今重修
牛心山在治東北七十五里

松子山在治東北八十里地名新店見一統志
烏石山在治東南二十五里有砦

南鄉山

杜仙坡距城二十里駱水店北傳有杜姓者學仙於此
雨屏山距城二十五里岫有雲出則雨

青堆山亦名青壁距城二十五里舊有砦今重修
吉陽山距城三十五里互列三峯南一峯屬安北二峯

屬應均有些惟北砦危峭壁立怪石蠶叢上有飛瀑
值旱愈沸同治三年髮捻交侵邑治以南安孝以北
居民悉賴以全焉隋吉陽縣在其東遺址尚存

壽山卽壽嶠在治西南六十里嶺有靈仙關帝二祠麓
有龍泉萬安普照五龍等寺如意壽泉地藏等庵山

下之民有壽至百餘歲者唐李白謂其攢吸雲雨綱紀四方云上有雲氣士人以之占雨旱有砦

高山距城三十二里

蔽山距城四十里宋連舜賓墓在東麓

觀音坡距城四十里卽與安陸縣交界處

謝舞山在治東南六十里因人名山山頂有石屏高數仞

轎頂山在治東南四十五里

紗帽嶺在治東南四十五里

觀音山距城四十里有砦

經臺山距城三十五里麓有經臺寺卽三臺之一有砦

西鄉山

三鍾山距城五里宋連岸墓在焉地輿廣記應山三鍾

山有三堆如鍾之垂俗名圍山山有五色石如龍白山上盤屈至於澗底

石井山距城三十里

雲臺山距城三十五里上有雲臺觀卽三臺之一有砦

合髻山距城三十里兩山如合髻然有砦

小尖山距城三十五里有砦

大尖山距城三十五里有砦

雞頭山有二山遠近相同如雞欲鬪之狀見潛確類書

未知即合髻山否

平峯山距城三十二里有砦

洞庭山距城五十里俗名蜂腹山山中有泉名鵝頸泉

冬夏不涸淺深不測故名

鐵城山在治西北四十里石色如鐵其陰有古砦唐書

云元和十年節度使田悅與吳元濟戰於鐵城山

敗績即此也今有砦

軍山治西六十里馬坪 宋孟珙屯兵於此即八景

之軍山環秀

香爐山距城六十里以形名

四望山在治西北百里高可覽四方故名形家謂為應

之太祖山

北鄉山

塔兒岡距城五里

紫芝山在治東北十五里即高廟

石龍山在治東北二十里山勢崔巍其形蜿蜒如龍後漢書王常傳劫略鍾龍間句下注引盛宏之荊州記曰永陽縣北有石龍山在今安州應山縣東北又隨州隨縣東北有三鍾山石龍山前卽寶林寺其山出石斛如金釵

杏仁山距城二十五里形家謂爲應之少祖山同治三年土人掘石見有似翡翠玉石各種形色已成爭取爲利或恐地氣之洩也請於縣令封禁焉今穴歸砦內巨石堵塞矣

兜鍪山距城四十里以形名

上浩山距城九十里上有玉皇閣相傳楊忠烈公讀書處今爲砦

高貴山在治北六十里八景之一山頂有石如龜又名大龜山上有靈祠祠前有聖水泉常有白龍見焉泉之接流而下者其潭有三最下爲頭潭寬數十丈水深不測內無蛇蝎惡毒物盛暑亦寒田關店東迂迴十餘里始到自頭潭至二潭傍潭懸梯十數級上以健力者接之始達勢微狹自二潭至三潭則攀石磴

附葛藤而上勢又狹潭水清如故山上瀑布飛出
然白練由三潭至頭潭流至山西腳一溪蜿蜒至小
河而北入申之雙河土人恃此無旱潭中有白氣一
縷至半空散為雲則必雨相傳有龍藏其中每旱禱
雨輒應安雲黃孝申羅等處大旱亦禱此每歲麥熟
時萬里晴天忽見紅雲一朵瞬即風雷冰雹大作由
北向南橫數里之遙一線而過頃即依然白日鄉人
之望此雲者每斂麥場不及田禾不無損害然所過
之處雖旱必雨卜定豐年亦奇蹟也

花山在治北七十里路側曠衍百頃宜種棉花故名

仰天窩山治西北一百二十里自鄭狀元畝沿河而入
崩劣奇怪其中坦平有田三百餘畝高可十里許湏
水發源於此

瞞箭塚山治西北一百一十里相傳宋楊文廣射箭其
上至今土人猶或見其遺鏃山北即信陽州境南為
失誤溝水流至唐畝與仰天窩水會沿流羣峯聳峙

環山在縣東百里相近有跳石山通志此以下俱補遺

楊山在縣東北一百一十里通志

燕窩山在縣東四十里又東北一里為大梁山通志

大安山見隋史即興安砦

興化山明史本末追隨風子賊在此

石庵山治北八里上有圓石望之如庵通志

樹林山口治東二十五里

土地嶺治東北鄧兒嶺治東北

栗山治東十二里會龍山治西

陽城山在治北四十里其旁有兜蓋山葫蘆山其陰有興安寨

應山縣志卷五

水附陂塘井泉

邑有山不可無水而山縣固不能多水然山縣則亦未嘗無水是在人之善為用之耳凡天下之水有二曰雨曰泉山下固能出泉而山川又能興雲雨雨集溝澮泉盈科其山下之溪澗即溝澮也其淵潭科也泉日出不窮雨有時而降溪澗淵潭亦隨地而生是皆山縣之所以為水者也壞其山崩其沙土塞其溪澗淵潭而山縣於是乎無水然則山縣之無水人自無之耳應依北山

爲屏障眾流之水以東西河爲大其源皆出自北源不遠固流不宏而高貴峯下有泉懸瀉勢將趨應突一嶺斜出障而之北流爲申之雙河應失其利邑之南亦別有橫流而觀音坡蔽山觀音山峙於中吉陽山障於左壽山障於右舟楫所以不通商賈亦失其利是二說者皆不足以爲邑病凡治地之方貴就其天地所生自然之形因勢而利導之應雖懸泉瀉於北橫流障於南而其眾源之自北來者固皆匯爲東西兩河一入潏川而歸於江一歸潏以入於漢而邑居山地雖遠水利亦遠水害其兩泉二水之灌注於溪澗淵潭者苟善用之詎不足以爲邑利前志有云井田之制雖不可行溝洫之利則不可廢洵屬知言然則浚陂塘以蓄導溪澗以洩鑿井泉以養桔槔挹注以人力濟水道之窮是又在生斯土官斯土者之力爲講求俾水土相資以滋生物之盛矣志諸水

繞城水

東百叢邱水自北三里墩出至東門間歸狀元河東入三里河

西汶水自三松山出至西關橋南會應池東歸狀元河
入三里河

南渡蟻橋水自劉家冲出繞南而北會應池東歸狀元
河入三里河

北無水同治六年關廂居民築堡鑿有池
應池在印臺山西南角下

狀元河在東關廂右

東路水 由城至廣水渡河者四水皆自北而南總
匯東南蕭家店過孝感為潁水入於漢

三里河距城三里即古方家河源自黃土關等處出南
流為板橋河

板橋河距城三十五里又南流為蔡家河

蔡家河距城二十五里又南流為監生店河

監生店河距城十五里至此與蔴穰市河合經七里冲
又與寶林河合南至治東三里河自是南流為九里

河

九里河距城九里又經譚家砦南流為朱家河

朱家河距城十五里又經張楊店南流為雙河店河

雙河店河距城三十里至此會合西南諸水經孫家河

太平鎮左家河總匯蕭家店明家砦下入孝感

十里河距城十里自東北大土地嶺出經店兒灣至七

空橋與龍潭寺水會合流為十里河至此會鶯嘴山

水至譚家砦與九里河會合總匯至蕭家店入孝感

長勝河距城二十五里自中華山雷打石鴉狐砦等處

發源由土門沖出經本河東南劉家畝與廣水河合

總匯蕭家店明家砦下入孝感

廣水河距城四十里自武勝關跳石沖東陂等處出南

流為東箕店河

東箕店河距城七十里又南流會龍潭沖與分水嶺水

為蠟園河

蠟園河距城五十里南流為廣水河與牢城山水合經

劉家畝與長勝河合自是東南流為仁和店河

仁和店河距城四十五里又南流為朱家河

朱家河距城五十里與李店細河等水會合總匯蕭家

店明家砦下又會左家河入孝感

西路水

由城至馬坪港渡河者二水皆自北而南
總匯平林市過安陸為澗水入於漢

陳家河距城四十里自花山東南等處出經孟畝店南

流為雙河寺河

雙河寺河距城四十里又至龍泉鎮下與泥河水合流

為官橋河

官橋河距城二十五里又南流為本河會漿陂河水出

徐家河總匯馬坪港河過平林市入安陸

漿陂河距城五十里自花山西南出經張橋流為白鶴

子河

白鶴子河距城五十里又經護羅山真聖家店喻家花園

流為本河會合雙河寺水出徐家河總匯馬坪港過

平林市入安陸

馬坪港河距城六十里自隨州經浙河南流為本河又

南至長嶺岡為徐家河

徐家河距城四十里過平林市入安陸

南路水

由城至觀音坡渡河者三皆自西逕南而東會不磯港經礮子河至雙河店會大河

總匯蕭家店明家砦下入孝感

十三里橋河距城十三里自橋西北李家河等處出至

本河經余家寨會秦家河水至孤燈河東流為不磯

港河

不磯港河距城二十五里俗呼簸箕港會土橋高橋章家橋之水同入雙河店總匯蕭家店

土橋河距城三十里自橋西北雨屏山等處出至本河會合高橋水同入不磯港

高橋河距城三十四里自高廟觀音坡等處出北經陳家巷至本河折向東北會合土橋章家橋水同入不

磯港

北路水

由城至平靖關渡河者四

監生店河距城十五里

蔡家店河距城二十五里

板橋河距城二十五里

以上三水均係東三里河上流自北逕南而東

小河距城六十里自高貴山出至本河流至西北為界河入申陽境

陂塘

陽塘治東四十里

瓦坡塘治東五十里

蓮花塘治東五十里

阮陂湖治東南五十里

七里塘治南七里

螺陂塘治西南六十里

龍船陂治西五里

官橋湖治西三十里

漿陂治西四十里

千工堰治北七里

祐按昔孫叔敖為楚相治江陵大興水利民德之後此鄭白諸渠以畚鍤之力變沮洳為陸海膏腴富甲

天下言農田水利者皆師之應僻在萬山無洪河巨浸廣澤大川其為水之利者山塘陂沼耳細已甚然聞治北之高貴山有泉自懸崖瀉下勢將趨應也突一嶺斜出障而之北流為申之雙河其水四時不涸賈船恆通故申與應壤相錯而饒沃倍蓰焉先時忠烈楊公議鑿其障通流於南則涓滴皆為應有格於異論卒不行今誠採楊公之議及時開鑿亦應萬世之利也 周志

崇實按鑿嶺一事其勢難鑿井一事其勢易以難事

而忠烈公猶欲爲之者爲水利耳北流之水不易回
井泉之水固易出故因志井泉而附言鑿井以貽後
之求水利者

井

易曰井養而不窮嘉利賴也井可以飲兼可以溉人但
知抱甕灌園爲畦圃利耳不知其可以灌園並可以灌
田近人所刻經世文編載有王豐川井利說及陳桂林
相國通查井泉檄言之詳矣而人猶疑其僅爲山陝一
帶不知此井利實隨地可興者也試舉古人井田二字

之義言之夫所謂井田者非僅以九百畝之地畫爲九
區其地面之形如井字也蓋其中實有井存焉九百畝
既畫爲九區外八家各受一區中間公田一區八家各
耕十畝其餘二十畝爲廬舍而共鑿一井所謂八家同
井也周禮云四井爲邑古書稱邑有大小千室之邑大
邑也十室之邑及四井爲邑小邑也九百畝之地爲井
合四井而爲一邑則是一邑之中有四井矣又曰四邑
爲邱則是一邱之中而有十六井也四邱爲甸則是一
甸之中而有六十四井也四甸爲縣則是一縣之中而

有二百五十六井也四縣爲都則是一都之中而有一千零二十四井也據此以觀則古人之地其爲井者多矣此井固以供人飲食之用而亦所以宣洩地氣使之上達其餘並可以資灌溉也一井之灌溉微矣然會聚涓滴其流甚大今江河之水亦由會聚涓滴而成者耳且宣洩地氣又足以興雲雨古之時風調雨順皆由地上多水既有溝洫又有井泉水土滋其膏潤陰陽得其調和雨暘藉以時若此井所以列五祀之一而月令季冬天子命天下祀名山大川兼祀井泉者原以其有功於民爲不細也應山多田少水土易乾而天恆暘其勤力稼穡者固已知陂塘之爲利矣而周視原野鑿井未多欲滿陂塘必期天澤經旬不雨塘堰多枯欲資山下之泉而山泉又多堙塞要知泉有出於山下亦有藏於地中出山下者非導不流藏地中者非掘不出地中固無處無泉亦猶人本性無人非善有生而知之有學而知之有困而知之其山下出泉者乃聰明自然而生其藏在地中者猶愚魯人聰明埋沒必困苦而後出也今畏困苦而不學則遂多愚畏困苦而不疏泉掘井則遂

多旱應山固多旱地也塘堰而外井利宜與今所志諸井猶不過城內外數里地以爲人飲食者耳如能於四鄉田畝去水甚遠雖有塘堰不敷灌溉之地而掘井焉倘亦以水潤上之一方乎志諸井

城內井

向家井 在學宮前向宅 和家井 在署東北

殷家井 在北街殷宅有四井今埋其三存一 徐家井 在署西

寺後井 在報恩寺後 景家井 在正街

北城井 在關聖祠西北 魏家井 在北街

鄧家井 在正街鄧宅 廟東井 城隍廟東今孝子里

傅家井 北街傅宅今屬王宅 陳家井 西街陳宅

司前井 在分司口 縣前井 在里下街

鄧家井 東新街 詹家井 在署西

吳家井 署東里下街 嚴家井 在里下街嚴宅

聚奎井 東廳下萬曆十二年知縣劉鑿 城南井 在署南

望月井 在楊公祠內 石泉井 在正街嚴宅

甘泉井 亦在正街嚴宅

城外井泉

曹家井 治東二里曹氏世居其上故名

西城井 西城門外

張家井 治南一里

東觀井 紫虛觀前

聞家井 治西十五里

蔽山泉 盛南三十里舖民田淮濱山泉天旱多禱雨於此

雨師壻泉 在治南吉陽山天旱愈沸 白龍泉 在治北鄭狀元曠冬夏旱潦無異

火泉 樹林山口雨則涸旱則沸土人以此占豐歉 滴巖泉 石龍山內巖高數丈飛流瀉瀑俗呼

聖水井泉 在大龜山流數里始落平地 滴水巖

圓通泉 治南圓通寺左流數里入田僧以竹視引 鵝頸泉 治西四十五里蜂脰山下

之入

壽山泉 在治西南壽山

應山縣志卷六

道里 附津梁

除道成梁王制也應地當衝要平時冠蓋出其塗傳驛出其塗變則防守三關救援隨棗兵勇出其塗路曰通衢矣然山徑叢雜歧又有歧如四正驛路也四隅為集路而東南之太平鎮西南之平林市西北之孟畝店又往往賊由此入兵勇由此出他如往來村店徑關三叉賊所奔竄之途均足亂將士之目而峻嶺橫坡又有以蔽之倘非條分縷晰朗若列眉一旦尾賊後馳賊前橫

截於中總阨於險鄉導無官迷途失利咎將誰歸至若馬步縱橫水難飛渡則輿梁徒枉應民所夙備也亦烏可不誌

東驛路

自城東至三里河又十里至十里河又十五里至樹林山口又十五里至廣水

由廣水東二十五里至二郎畝 孝感境非驛路

由廣水北八里至蠟園河又七里至永豐新店又十五里至東篁店又十五里至武勝關 河南界

由廣水南十里至仁和店 俗名駝子岡 又十里至京橋

又十里至郭店又八里至鄧店又十里至十八里灣又十八里至小河溪 十八里灣與小河溪俱孝感境

南驛路

自城南十里至十里鋪又十里至駱家店又十里至三十里鋪又五里至陳家巷又五里至觀音坡 隴脚安

西驛路

自城西五里至團山又二十里至大邦店又十五里至陳家河又五里至漿陂河又五里至八角廟又五里

至烟墩又五里至馬坪港 西界隨州

北驛路

自城北三里塘至十里鋪又三里至姚公店又二里至
監生店又五里至二十里鋪又十里至觀音堂又五
里至蘇穰市又十五里至小河又二十五里至平靖
關 即河南界

東南集路五

一自東路三里河向東南路入至九里河又三里至蔣
林坡又三里至朱家店又十里至張楊店又十里至

應家店又十里至太平鎮又十二里至蕭家店 南二里即

孝感界

一自東南路蔣林坡向東路入八里至二十里墩又二
十里至李店店正東二十里至鄧店東北二十里至
郭店

一自東路十里河向東南入二十里至同興店又三十
里至京橋

一自東門向印臺山南坡入三里至馬家岡又七里至
高岡又二十里南至劉家店又東至雙河店

一自新南門文筆峯路入十里至秦家河又十五里至不磯港又十五里至洪廟冲又十里至慈家棚係安陸境

東北集路

自城東北五里至乾塘岡又二里至七里冲又八里至楊家岡又五里至寶林寺又五十里至許家冲北界嶺即河南界

西南集路二

一自南路駱家店向西南路入二十里至唐家棚子又三十里至平林市 向徵潛路以便徵米下河

一自西門望城岡向西南路入十里至長興店又十五里至祖師冲又五里至張家屯又十里至魏家店又十里至長嶺岡又十二里至土潭鋪又四里至白沙河又四里至平林市

西北集路二

一自城西北向二里墩八十里至十三里橋又二里至陳家棚子又二里至梅家廟又十五里至蕭家店店西北八里至聶家店正北八里至豹子河又十里至牌樓河又二里至興隆店

一自城西北路向孫家花園西北三里至跑馬岡又七
 里至涂家店又二里至泥河又六里至龍泉鎮又十
 里至西關帝廟又十五里至傅家店又十五里至白
 鶴子河又三十里至徐家店西南十里至余家店
 西北十里至界河新店

一自北路監生店入又十里蔡家河又十里至高樓坊
 又十里至孟畝店東北二十里至花山新店又五
 里至草廟黃蓮坳又東北二十里至泉口店又十五
 里至吳家店店西北十五里至巖子河店東北二十
 里至漿溪店又二十里至黃龍寺信陽境
 內計鄉集二十有六

津梁

水涸成梁先王制也應水難舟楫其於橋梁不尤為急
 務歟今車騎官道澤有梁川有障往來者可以觀政矣
 獨計野潦橫谿豈無以摧波漲者乎亦非盡司牧之責
 也嗟嗟編竹何費渡嶮何求宋公之任蹟都人士熟之
 矣志津梁

城濠橋

環秀橋

圓洞一東門外至東關路

狀元橋

東門外至千佛寺路

蓮花池橋

東門外今放生池

滴翠橋

狀元橋東

廣濟橋

新南門外三十武宏治年間知縣康偉重建

聚奎橋

圓洞一老南門外彭興國重修

蠅眼橋

應池南

渡蟻橋

治南一里即二宋編橋渡蟻處

惠化橋

治西二百武今廢

寶成橋

西門外萬曆十三年士民同修有陳一拯碑記

汶水橋

治西北三百六十武

東路橋

十里河橋

梅宗潤捐建子樟椿棠續修共三次永壽橋

距城二十里

七空橋

距城二十五里

中界橋

距城三十里

鳳尾橋

距城七里在坳口

廣水橋

在廣水鎮北

漢東橋

距城五十里

金家橋

距城五十里

永定橋

距城五十里

月港橋

距城五十里庠生盧起元修

南路橋

十三里橋

距城十三里

盧家橋

距城二十七里

杜仙橋

在駱家店北

土橋

距城三十里

高橋

距城三十四里以上五橋皆至府驛路

秦家河橋

距城十里

不磯港橋

九孔十一柱邑中橋之最鉅者

馬鞍橋

治東南三里

李家橋 距城二十二里

石家橋 距城二十五里

章家橋 距城三十二里

雙福橋 在文殊會左相才建

廣濟橋 在文殊會左世豐建

興隆太平二橋 宋家會劉景陽捐修

西路橋

官橋 距城三十里

馬坪橋 距城六十里

石井橋 在石井鋪東

響水橋 距城五十里李長茂捐修四次

紫石橋 在平林市萬歷三十年知縣江壩修

倉頭堤橋 治西南七十里即段家埠

北路橋

洪濟橋 原名太平橋在監生店街北距城十五里經邑人洪一棟捐修一次子國憲捐修二次因名洪

觀音橋 在觀音塘北距城三十里

永固橋 在蘇讓市街南距城三十五里

地脚灣橋 在平靖關南距城六十里里人閔聯陞捐建子海續修二次

蔡家河橋 距城二十五里

沈家橋 在地嘴岡下距城二十里係沈姓建

郝家橋 在孟畝店郝姓建

泉口橋 在泉口店北距城六十里

應山縣志卷七

古蹟 附墓域坊表

考古所以證今如尋舊渠而知可以興水利登故壘而知可以設兵防皆切人事之要固非侈談軼事已也然而名賢邱墓例禁樵蘇高士園林常存第宅至於仙靈釋觀勝地名區亦覽古者所不廢也志古蹟
平靖郡在治西梁置隋廢

吉陽縣吉陽山之陽遺址尚存西魏改京池縣隋改吉

陽縣宋廢

按一統志西魏改永陽為吉陽元和郡國志本漢安陸地梁於此置平陽縣西魏改京池縣隋改吉陽縣宋廢

應州城在禮山下梁置應陽縣及此州

雲公城在治東七里故址猶存

按雲公城考之史冊無據豈永陽與鄖子國鄰楚封鬬辛為鄖公城此以居之歟今府治中有鄖公廟鄖雲音近傳訛承誤遂以為雲公歟又漢壽亭侯字雲長安知此城非其所築後人以字名其地歟附識以

備議 周志

古梁義陽郡在廣水西南二里即今劉家畝

竹墩麻陽梁書左軍將軍陳可為永陽成王因山起城名為竹墩復於麻陽舊柵起城

渡蟻橋在治南一里宋庠宋祁少時讀書法興寺有胡僧相曰小宋異日當魁天下大宋亦不失科甲後十年僧忽遇大宋驚曰公丰神頓異如能活億萬生靈命者庠思之曰堂下有蟻穴為暴雨所侵編竹橋渡之得非此乎僧曰然小宋固當首捷公亦終不出其

下二宋私語曰妄也一歲豈有二魁天聖二年同舉
進士比唱名祁第一庠第三章憲太后謂第不可先
兄乃擢庠第一而置祁第十後人因於此立橋且建
坊表之康熙庚戌秋雨連綿橋傾其半知縣周祐捐
銀十兩重修規制一新

印臺書院在印臺山兵部侍郎傅鳳翱讀書處翰林修
撰羅洪先有記載藝文志

半月池望夜中宵天上之月如鏡池中月如鉤在印
臺山北麓

鴉狐砦在治東北四十里何家山內

古仙人洞在治東四十里邑人劉化曰往來東灣店取
道洞左輒為小憩一日春暮捫蘿扳磴入洞跣趺四
壁赤石藤薜蒙茸洞下水色蒼茫風起微文洞南二
山礧礧如青螺雙髻上側碧落下臨澄潭少焉塵機
既息幻迹頓忘內視凝定忽成假寐則栩栩然二簪
笠子羽客冉冉聯袂循巖而下相問訊曰吾儕痼疾
煙霞膏肓泉石老此邱壑世乏知我所昔樵歌牧笛
相酬賡耳夫夫也異日者其毋令車馬破我蒼苔未

及答則遽遽覺四顧無何有一山仙仙窈窕而已感
而賦詩云古洞千年宵仙人何許來一泓涵碧落四
壁滿蒼莓不是桃源路誰將麻屑猜人間蕉鹿夢覺
處是蓬萊

仙人井在廣水鎮

國古塔在廣水鎮碑文剝落有可識者係宋元豐八年
李清張夫人重建道光十二年三月頽殘碑遺址尙
存

王世則故居治西四十里龍圖灣

鄭狀元宅治北九十里尹家畝亦稱鄭狀元畝

王尙書冲在石龍山內牌樓河坊柱尙存

印麓草堂閔衍所構在印臺山北麓

綠綺園 今廢

雨杏園 今廢

友鳳園 今廢

日涉園 今廢

自得園城內東隅 今廢

陽谷園在城北 今廢

應山縣志 卷七 古蹟

傅侍郎鳳翔故居在治西三十五里傅家店北一里
報恩寺今炎帝廟即其舊址

法興寺治南三百五十武今為四賢祠

察院今試院即其故址

老八角樓向在印臺山東今移建印臺山上

七星閣在印臺山

扶搖閣在印臺山

閔家塹在東街路北

三臺

印臺山治東門外詳山志

經臺寺治東南三十五里叢山中孑然一刹翠竹蒼松

四時陰翳寺後孤峯壁立秀色可人絕頂平坦若臺

故名

雲臺觀踞山巔治西三十五里山勢峭拔奇石嵯峨作

紉纒狀故名

八景

印臺半月詳半月池註

高貴凌霄詳高貴山註

鳳山縣志

卷七

古蹟

五

乳巖九峙治西北一百二十里懸巖數十仞有石如乳垂者九

洞庭風生詳孔山註卽今治東洞山口或曰洞口風生按洞庭山在治西並無風生洞山生風而名非洞庭舊志洞庭風生必相傳之誤也須從洞口爲是

軍山環秀山色蒼翠撲人眉宇在治西馬坪港

天澗雲深卽龍興寺前天井澗騰氣成雲變態萬狀遊覽者多題詠焉

寶林擁翠詳鄉廟寶林寺註

仙洞波澄詳古仙人洞註

墓域

連舜賓墓宋慶曆二年葬於蔽山之陽今樓房壘後歐陽修所作墓誌載藝文

連庠墓在三鍾山

忠孝狀元墓在治南陳家巷東資福寺後

呼延贊公墓在治東北狄將軍砦

吳參政雲墓宜興人雲南梁王弗賓洪武元年參政吳雲招之不從死之後葬井子鋪

虞侍郎墓在治東孔山寺

楊忠烈公祖墓在仁和店

傅公享廊在治東四十里五珠嘴

李貞元墓在治東永豐鎮有諫議幽堂坊表

吳都堂墓在治東南吉陽山東

邵知府墓在高店東二里

楊忠烈公墓在天井澗

何宰相墓有勅封太傅坊在治西馬坪會

黃烈女墓在治南關廟教場

陳烈婦墓在治北三里建有坊表

胡進士墓在治東五十里樂城會興隆寺側

劉具斌墓在西門岡

城內坊

仁育義正坊譙樓前知縣李春重建今廢

進士坊三一在縣治前為傅鳳翔建一在憲司前為顏

木建今廢一在南門內為魏雷建今廢

三部亞卿坊在南大街為傅鳳翔建

撫字坊在縣前街口知縣艾自修建今廢

顯忠坊在忠烈祠前今廢

風憲行臺坊在分司街口知縣艾自修建

騰蛟坊在丁字街口舊成德坊知縣樂頌改建書廳科

第姓名今廢

起鳳坊舊達材坊改建今廢

牙繡坊在北街儒學西御史張祿知縣王尚用為傅鳳

翱建

臺憲坊二在北街一為傅鳳翱立一為其父楫建

楚之北門坊在演武亭今廢

仁里坊在西街知縣艾自修建今毀

義民坊知縣樂頌為蕭樂建今毀

仁路禪關坊楊忠烈公題康熙辛亥典史姚廷玉捐貲

重建今毀

亢節婦坊為庠生亢時偕妻吳氏時謙妻劉氏建在前

新街

劉節婦坊為庠生劉元憲妻秦氏劉蕃妻方氏建在分

司口蛟溪祠

王節婦坊為王曰義妻李氏建在孝子里

東門內節婦坊字跡剝落無考

南關

兄弟狀元坊在渡蟻橋北知縣甄成爲宋庠宋祁建知

縣王尙用重修

孝子坊爲韓其煌建

孝廉方正坊爲楊祖憲建

南教場

節孝坊爲黃朝弼妻韓氏媳彭氏立仁妻建

黃烈女坊今毀

鄧節婦坊爲鄧光林妻楊氏鄧培妻潘氏建

葉節婦坊爲葉光裕妻劉氏建

陳節婦坊爲陳載錫妻袁氏建

吳節婦坊爲吳商連妻楊氏建

秦節婦坊今毀

秦貞女坊爲葉全鶴未婚妻建

東關

百歲坊爲閔貞女建今毀

孝子坊爲葉培並子上林建在東關外葉家店

北門外

百歲坊為陳姓建 今毀

節婦坊二 皆毀

七丞相里坊

四狀元鄉坊 同在關廟北首

鄉鎮

劉節婦坊為劉全仁妻郝氏建在龍泉鎮

徐節婦坊在龍泉鎮

魏節婦坊為魏國柄妻劉氏建在魏家店

李節婦坊在大尖山

盧節婦坊為盧毓秀妻龍氏建 在治東仁和店北二里

許

方節婦坊為方龍妻陳氏建在 四鄉方家壩

毛節婦坊為毛成德妻楊氏建 在治西長嶺岡

劉節婦坊為劉世依妻明氏建 在劉家牌樓

李節婦坊為李成性妻汪氏建 在余家會

魏節婦坊

蔡節婦坊為武舉蔡一舉妻王氏子邦俊妻陳氏建在

駱家店

吳節婦坊姑涂氏吳珊之妻媳桂氏國鼎之妻在治南

三十里鋪北魯班殿旁康熙四十八年建

孫節婦坊為孫椿妻李氏建在姚公店

陳節婦坊為陳纈妻郝氏建在孟販店

郝節婦坊為郝之瑩妻陳氏建在麻穰市有傳載藝文

志

郝節婦坊在孟販店

孝子坊在東皇店知縣吳林為孫鐸建

王節婦坊為王夢驥妻張氏建在太平鎮

毛節婦坊為毛世達妻江氏建在毛家寨內

程節婦坊為程濃妻建在文殊會陳家河

黃節婦坊在廣水鎮北為黃榮妻程氏建

冷貞女坊為監生冷自明女李英之未婚妻立在廣水

鎮北

聶節婦坊在馬坪港

湛節婦坊在蔣林坡

神道碑在北關廂北首為明侍郎傅鳳翱建

義民碑在馬際會明正統六年領勅爲張泰裴然熊威
三人立

況貞烈女碑爲庠生況之修女立在蘇樓市北

楊節婦碑爲庠生楊埜妻徐氏立在渡蟻橋南

葉烈婦碑爲葉鎔妻況氏立

李孝婦碑爲李士秀妻潘氏立在廣水鎮南

應山縣志卷八

土產

書曰畢獻方物方物者土所產也應水渴土饒疑無產
然考夏書荆貢柏幹栝柏礪砥弩丹今應山山中多植
柏與應接壤之磨盤山其石粗者中爲磨細者中爲砥
礪又楚貢包茅雖不知定產何地而史記封禪書稱管
仲對齊桓公之言曰江淮之間一茅三脊應宿居江淮
之間然則柘柏礪砥菁茅庸詎非應土之所產者乎隨
侯之珠荆山之玉鄰國所生固不必援以爲美而山則

有木田則有穀園圃則有果林陂塘則有魚鼈且木棉花之爲布尤足以衣被天下此回巷女工相從夜績旣各衣其夫而勞則善心生尤足以令風俗之醇者也志土產

永陽之地其穀宜稻宜麥宜梁菽以稻麥爲正糧梁菽爲雜糧而種於不稻不麥之地又平原之田稻麥兩宜者半山谷之田宜稻不宜麥者亦半稻爲多麥次之

其蔬則蔥蒜薑韭及青莧等菜松與蘿蔔種尤廣

其瓜則茄瓠而外以方名者曰南曰西以色名者曰黃曰菜以味名者曰甜曰苦

其果則棗栗梅梨桃李楂杏皆蓄於山宅之麓隙無以稻田麥地爲園者

其花則蕙蘭牡丹芍藥海棠玉簪梅菊芬芳開出無賣花園惟棉花爲民利家貧紡織每年約出布多至四五十萬疋少亦二三十萬疋其花買於異地者十之七出於本地者十之三

其藥有荆芥防風薄荷半夏桔梗蒼朮苦參葶藶樓

其草惟黃茅

其木有桑柘桐槐柳檀榆柏椿橡烏柏等松爲多

其禽惟雉鶯鶻鸚鵡燕雀鳩鳥鸚鵡百舌博勞啄木蓄於

家者雞鴨與鴉

其獸則牛羊犬豕蓄於家山可獵者狸與兔

其鱗曰鯉曰鱧其介曰龜曰鼈

應山縣志卷九

官制

令親民官也晉之臺卽宋之改官非歷此階不入責重矣應小邑亦巖邑前魏公從恕擢爲宣撫有聲後蔣公永修入爲都諫稱職歷代賢尹晉上位者不可勝數要皆由此盤根錯節摩厲以須也至於游公邦貞吳公福者職任庠教去思有碑而佐琴堂司關柝懷臧韜畧暫屈下僚者亦不乏奇傑誰謂風塵皆下吏乎志官制

額設官吏

知縣

原額書吏壹拾貳名庫書壹名倉書壹名門子貳名
信馬捌匹民壯伍拾名皂隸壹拾陸名迎送皂隸壹
拾名庫役肆名斗級肆名禁卒捌名轎傘扇夫柒名
鏡夫肆名

儒學教諭壹員訓導壹員康熙四年裁教諭留訓導今仍兩員

原額學書壹名門斗伍名齋夫陸名膳夫貳名

巡檢壹員

原額書識壹名皂隸貳名弓兵貳拾陸名順治十四年裁去已

半兵一

典史壹員

原額書識壹名皂隸肆名門子壹名馬夫壹名

城守壹員

原設營書壹名兵丁陸拾肆名內分馬糧捌名戰糧
玖名守糧肆拾柒名

額分九塘汎

- 平靖關塘 殊讓市塘 陳家巷塘 鄧店塘
- 東篁店塘 武勝關塘 廣水鎮塘 永豐鎮塘

京橋鎮塘

應山縣志卷十

歷代職官

應民自歷代以來家奉君師位其歷任此土者遠則高
曾所託近則祖父所依非第身庇宇下也思地方衝要
之繁田土磽瘠之苦賊匪蹂躪之難非賴此父母我者
民有了遺乎登臺山而望公堂新故乘除當歷歷數矣
特以髮捻肆擾文獻無徵不免遺珠之恨焉爰採父老
記憶者錄之餘俟博採

前宋

永陽縣侯沈從仕 武陽侯從宋高祖討司馬休之以功封

吉陽縣侯謝述 字景光武昌縣公晦之從弟以從征司馬休之之功封

吉陽縣侯沈文耀 太尉慶之少子景和元年封食邑千戶於永陽

吉陽縣男王蘊 字彥深大中大夫楷之子宋世祖即位封食邑三百戶

吉陽縣男庾闡 以武功封

應州刺史庾深之 宋武帝時新野人見梁書

南齊

吉陽縣男蘇烈 宋休文新建侯侃之弟歷山陽太守以功封

南梁

永陽郡王蕭敷 武帝次兄天監二年追封為郡王諡曰昭

蕭伯游 敷之子天監二年嗣父封諡曰恭

司州刺史鄭紹叔 天監四年領南義陽太守

任思祖 太清二年任

南義陽太守馬仙埤 天監四年任七年遷司州刺史

司州長史馬岫 太清三年降魏

永陽內史伏暉 字鉉耀曼容之子天監初以中書侍郎出任在郡清潔安靜郡民何貞秀

等言治狀帝善之詳見梁書良吏傳

永陽戍主陳可

隋

應州刺史唐 義開皇初年任縣令

唐

陸翊工部郎中包之子開元五年任

宋

連光裕

宋 玘

宋義年

李紹祖

元

達魯花赤

富慶三城人延祐七年任

郝從義

鐵木兒不花至元初任

李維至元元年任

扎木兒進義至治二年任

保保泰定元年任

翟偉歷山人泰定元年任

張叔恭至正三年任

黑廝至正三年任

魏從恕至正四年任

買閻

明

朱敬洪武元年任許成叛死之

王文玉

黃嘉俱洪武年任

魏樸

方暉

孫士良永樂元年任

王 賁 十四年任

戴 成 昌黎人十五年任

張 萃 壽州人進士二十三年山東兗事謫任

田 順 薊亭人監生正統元年任

李志榮 合州人監生七年任

劉 敦 富順人監生景泰四年任

黃 鉞 天順元年任

李 春 六年任

蔣 憲 諸暨人監生成化七年任

王 佩 九年任

王 建 進賢人進士二十年任

姜 俊 綿竹人二十三年任

康 偉 天奇鞏縣人舉人宏治六年任

陳 謚 朔州衛人舉人十年任

徐 瑛 丹徒人監生十五年任

黃 泰 安邱人舉人正德九年任

費 誠 復州人監生三年任

劉 儒 涿州人監生六年任

譚一鳳 無錫人八年任

莊 鉞 仲威吳縣人舉人十年任

宋文載 涪安人舉人嘉靖二年任

王尙用 安福人七年任

王朝璫 十一年任

廖 繼 德化人舉人十三年任

張士讓 內鄉人舉人十三年陞商州知州

葉震亨 平樂人舉人十六年任

陳一科 福州人舉人

許 澹 廣西人舉人二十五年任

胡 位 臨桂人舉人三十五年任

吳文光 婺源人舉人三十八年任

樂 頌 臨州人舉人四十四年任

龍希尹 望江人選貢隆慶元年任

劉思忠 定遠人舉人五年任

張 博 山陰人進士萬曆元年任

陳一夔 夔州人舉人四年任

周雲路 安義人選貢七年任

歷代職官

劉聲振 江浦人舉人十年任

劉明梧 十二年任

鄧雲龍 清平人解元十四年任

何希堯 高安人舉人十七年任

何一言 合州人舉人二十一年任

湯以柏 宣城人舉人二十六年任

江壩 將樂人選貢二十一年任

姬文業 雲南舉人三十六年任

艾自修 雲南舉人四十年任 沅州知州

湯得師 雲南舉人四十七年任

吳越岳 鄞縣舉人天啟元年 漢陽知縣調

夏之彥 廣德人舉人二年任

謝天性 福建人鄉試第二十六年任 加意文學遷居

張大經 銅仁舉人四十年任

郭之挺 雲南人選貢八年任

徐啟元 合肥籍遼陽人舉人九年任

章日暉 德清人舉人十三年任

王國治 崇禎初由舉人任 德安同知攝縣篆

國朝

韓養純 河南人順治二年任

蔣永修 宜興人進士四年任

王琦 北直舉人十年任 陞 絳州知州再陞九江

朱日高 浦城人拔貢 康熙五年任

周祐 慶都人舉人 康熙七年任 啟元 字復齋 瀋陽人 康熙二十九年任

王正廉 順天通州人舉人 康熙三十八年任

王暉 通州舉人 康熙四十年任 署有去思碑

李育壽 康熙四十四年任

董芳 字琴堂 滇中人 康熙五十八年任

陳維恆

邱之芬

張 錫 雍正二年任

姚孔鑾 字龍眠 雍正三年任

陳如豐

魏相臣

張 專

何師軾 乾隆五年任

曾 郇 進士 乾隆十五年任

尹行鐸 山東泲城人 字醒 乾隆癸未年任

鄭捷甲 進士 乾隆二十年任

郭家英 乾隆二十一年任

王廷漳 金臺人 乾隆二十六年任

謝玉錫 乾隆三十年任

馬乾怡 乾隆四十年任

王鴻典 字敬五 直隸維縣人 乾隆四十四年任

莫子捷 字日升 嘉慶元年任

劉具斌 進士 貴州貴筑縣人 嘉慶四年任

錢清履 字竹溪 嘉慶九年任

張曾秀 嘉慶七年任

錢丙曜 字雲谿 昆陵人 嘉慶十三年任

李景琨 嘉慶十四年任

瞿中倫 嘉慶十六年任

徐時英 進士 黔南人 嘉慶十七年任

劉體仁 庶吉士 四川潼川人 嘉慶二十一年任

姚 翰

楊成懋 嘉慶二十三年任

于鼎培 四川營山人 道光元年任

楊國柱 字曉峯 道光二年任

邵 勤 進士 山東人 道光三年任

詹應甲 進士 字湘亭 道光五年任

黃迪策 江道人 道光六年任

朱 金 舉人 道光七年任

龐大奎 會元 浙江人 道光八年任

梁紹芝 孝廉方正廣東人道光十年任

郭觀宸 進士江西新建人道光十二年任

張爾璧 道光十四年代理

蔣啟廷 進士廣東人道光十四年任

徐秦鈞 進士江西人道光十六年任

陳肖儀 字琴泉江西弋陽人道光十七年任

梁正標 河南光州人道光二十年任

李湘甲 進士湖南湘潭人道光二十三年任

陳鳳輝 江南人候補通判道光二十四年攝

董炳枏 舉人浙江人道光二十七年任

吳 琛 選拔全椒人道光二十八年任

沈熙麟 進士安徽合肥人道光二十九年任

聶光鑾 進士四川人咸豐二年任

祝 祐 進士河南固始人咸豐九年任

吳 林 舉人太倉州嘉定人咸豐八年任

馬煥綸 湖南善化人咸豐十年任

恩 榮 漢軍進士同治元年任

朱際敷 湖南慈利人同治二年任

張樹猷 四川人同治四年任

張 聲 湖南人同治五年任

劉宗元 河南商邱人同治六年任

朱榮實 安徽涇縣人同治七年任

周道源

教諭 紀自明始

胡玉淵 洪武十六年領印到任

葉 賢 洪武年

鍾文亮 新淦人永樂二年任

章 璧 鄞縣人宣德年

戚讓川 正統七年任

蕭用平 太和人太順年

游邦貞 成化二年任有傳

王守約 內江人十三年任嚴立師範士稱之

王 礪 鄧州人二十三年任

俞 釗 字時勉蒲田舉人宏治九年任

周浩 洪河貢生太甯人正德二年任

谷璋 字廷美貢士當塗人八年任

陳顯錫 太和舉人十五年任嘉靖七年遷江津知

周隆盛 道亨平樂舉人十四年任

蘇茂華 貢士雲南人

張世用 貢士永州人二十八年任

王价 賓州舉人三十二年任

陳俸 貢士臨安人三十六年任

劉崇禮 貴溪舉人四十一年任

馬馭 貢士高縣人四十四年任

段文魁 雲南舉人隆慶二年任

張思義 貢士長葛人三年任

丁士髦 馬平舉人隆慶五年任

李義 貢士新安人六年任

曾傅 德陽舉人萬曆二年任

黃大美 貢士曲江人五年任

林宗勝 貢士晉江人十一年任

吳福 長興舉人十四年任遷星子縣知縣有去思

王鑰 湘陰人十八年任

陳加謨 黃州人二十二年任

舒豐 江華人二十七年任

脫世穎 馬平人二十八年任遷簡州學正

張大經 竹谿人三十三年任遷重慶教諭

朱一統 羅田人

攀龍 羅田人

陶國璧 宣府人

劉元 河北人

劉秉衡 麻城舉人陞成都知縣

倪宗謙 山東人陞文縣知縣

張明卿 松滋人陞德安教授

劉士貞 豐城人

張大生 永州人

劉永清 沔陽人

國朝

胡禹績

劉應夔 大治舉人陞國子監學正

黃明啓 黃岡舉人

唐昌蔭 字完乘貢士房縣人十八年任

羅人龍 貢士枝江人

易承箴 黃陂舉人

洪禹

李枝永

張毓霍

陳治猷

張宗暉

夏良昆

易垣

楊有光 道光十年任

童鳴岐 道光二十年任

司效徽 鄖陽人道光二十二年任

陳瑞琚 羅田拔貢咸豐年到任

訓導 紀自明始

吳潮江 洪武三年任

吳禎 永樂年

許誠 高要人正統七年任

程璣 天順年

劉珙 太和八年任

彭庠 安福人 天順年任

楊振 越雋衛人 成化十三年任

周鳳 長壽人 三年任

王志洪 崇甯人 二十年任

袁英 江西人 二十一年任

曹鳳 樂平人 宏治四年任

朱時俊 山陰人 六年任

蕭瓚 字廷襄 吉水人 六年任

吳勛 臨安人 十四年任

張洙 字崇巖 新甯人 十五年任

嚴律 字憲章 桐梁人 正德五年任

熊威 字廷儀 邛州人 七年任

舒清 字原潔 靖安人 七年任

徐袞 豐城人 十年任

黃素 蒼梧人 十二年任

天英 南昌人 嘉靖二年任

黃南金 鉛山人 六年任 十年遷新興教諭

正德 陽人 八年任 十年任 王府教授

任思 昌人 七年任

伏鸞 彭山人 十二年任

高才 安岳人 十一年任

成安 河陰人 十一年任

張養 師人 十五年任

應奎 昌樂人 十八年任

萬禎 林縣人 十九年任

羅從素 仁壽人 四十二年任

朱訥 大足人 隆慶元年任

朱嘉成 陳州人 二年任

顏仁 當陽人 五年任

胡華 嘉定人 六年任

張慶 祿州人 萬曆四年任

堯允中 衛輝人 四年任

劉秉 義人 貴陽人 六年任

趙時 竹谿人 九年任

何天 衢人 常甯人 十二年任

應山縣志卷十

歷代職官



楊啓祥 石門人 十年任

黃德昭 黃州人 十八年任 遷上蔡教授

宇文素 武定人 二十四年任

王誠中 涪化人 三十年任 遷襄城教諭

楊鳳朝 貴州舉人

左準

童啓良 沔陽人

陳一忱 泌水人 陞雲南知縣

李孟實 永州人

羅明瑜 黃陂人 陞永州知州

徐可大 棗陽人

嚴中寬 通山縣人

丁師禹 常德人 以上皆前志

李祖福

劉起蛟

何天選 乾隆四十年任

吳大杭

楊觀光

張元諒

馬致遠

陳訪山

解麟 拔貢 道光二年任

汪氣濟 黃岡舉人 道光二十六年任

汪春瀛 江夏人 咸豐八年任

羅振泰 咸豐十一年任

紀柏祥 武昌人 同治二年任

晏承烈 同治三年任

任步瀛 沂水舉人 同治四年到任

主簿

常秀

蘇明 泰定年任

居敬

封良祖 至正六年任

潘宗堯

白敬祖 三年任

邵鑑

王顏鎮 八年任

劉汝達

趙一辛 十三年任

鄭彥忠

牛拱辰 十七年任

蔣一鯨

錢吾禮 十四年任

徐應詔

周岐鳳

縣尉 元

賈世賢

劉伸信 泰定年任

王安仁 至正初任

李俊 至正初任

都監 元

倪良政 監務至正間任

張山 同監務至正間任

巡檢 紀自國朝始

莊國卿 浙江人

魏廷榮 陝西人

于宏基 陝西人

吉生光 陝西人

魏懋德 浙江人

嚴世綸 以上皆前志

歷代職官

金响 字峻之雁門人康熙五十八年任

鄭報倫

黃承忠 乾隆四十年任

劉宗獻

張光

王宏恩

章成 道光十年任

包萬清 道光二十年任

張偉績 字建之西安府人道光二十九年任

孫榮慶 字瑞亭同治三年任

謝超 同治八年到任

典史

經自元始

張廷秀 泰定年任

陳文瑞 至正初任

殷德 至正末年任係元朝

蒲子均 夔州人

李忠

孫勝 俱洪武時

顧達 歸安人永樂間御史謫任

郁忠 二年任

鄔孟駒 豐城人吏員宣德八年任

趙景 武城人吏員正統七年任

陶彥通 成化七年任

許聰 扶溝人吏員十年任

萬斗南 巢縣人

余胄 嵯縣人吏員去治年任

宋廉

吳珣 上海人十年任

張橋 蒲田人吏員正德二年任

洗傑 字世英高明人吏員十一年任

殷椿 合肥人吏員十二年任

胡慶 眉州人吏員嘉靖二年任

呂璋 遂甯人吏員七年任

鄧儒 岳池人吏員八年任

傅愛 高安人 吏員 十七年任

雷廷宗 西安人

丁楷 臨州人 知印

扶朝 南安人

沈仲瑄 涇縣人 吏員

諸庭詔 壽昌人 吏員

丁椿 山陰人 吏員

徐仁 黃巖人 吏員

李應亨 當塗人 吏員 二年任

田邦臣 上虞人

王應 肇慶人 吏員 九年任

張朝用 鳳陽人 吏員 十一年任

孫東之 黃巖人 十年任

戴繼芳 蕭山人

丁熄 豐城人 十二年任

傅尙純 餘姚人 十二年任

趙正學 宜賓人

杭思德 宜城人 十一年任

劉廷元 仁壽人 十四年任

阮廷瑞 四十一年任

王學孟

黎球 廣東人 四十七年任

陸向明 廣德人 天啓年任

黃德 天啓年任

黃宗英 天啓年任

方來廷 崇禎年任

趙進孝 北直人

葉世榮 浙江人

王永祚 豐城人

閻中矩 歸德人

余承恩 新鄭人

朝

鄭國器 盛京人 三年任

張汝芳 山西人 十一年任

謝我榮 浙江人 十四年任

俞訓 浙江人 元年任

楊廷棟 山西人 五年任

姚廷玉 順天人 康熙七年任

盛承先 以前俱舊志

胡啓堂 乾隆四十年任

謝恩

李炳

沈道和

司馬琴

高克昌 道光初年任

何輅

徐源 咸豐三年任

張志中 咸豐四年任

徐蔭溥 同治元年任

蔣鏞 同治二年任

文紳 同治四年任

余乃斌 江西人 同治六年任

高鴻烈 安徽人 同治九年到任

姚振玉 安徽人 同治十年到任

城守

李正邦

呂得榮 安陸縣人

王榮 安陸人

殷萬年 安陸人

魯陽春 武舉 圻水人

晏邦儒 安陸人

陳金彪 武舉 應城人

張萬林 安陸人

黃忠義 安陸人

關國賢 安陸人

楊兆元 安陸人

王德華 安陸人

王兆祥 安陸人

汪正發 安陸人

龍鳳翥 安陸人

吳忠恕 應山人

陳得陞 鄖陽人

程君試 監利人

周恂

夏熾

散復性 襄陽人

劉宏蘭 黃岡人 以上俱明朝任

劉榮芬 國朝嘉慶十一年任

喻炳 嘉慶十七年任

龔桓 嘉慶二十二年任

溫紹曾 嘉慶二十三年任訓導

巡檢

鄧士玟 進賢人 康熙十年任

劉恩普 考城人

章三策 乾隆九年任

張光柔 乾隆二十九年任

劉漢章 乾隆四十三年任

王永齡

易化洪 長沙人

劉模 同治六年任

典史

王城 乾隆九年任

鍾鼎

王國琛

城守

楊景英

岳雄萬

應山縣志卷十一

名宦

同一宦也獨能興不興之利革不革之弊宏濟艱難肇造福惠則名之名不獨在一邑也而邑既感甚則名之若得而私之此名宦所由重也應如連宋諸賢寄此土者不能沒而晉秩而去解組而歸有父老當年攀轅所不能舍者峴山碑淚慮風雨消矣雖所至有聲血食不之而我南國邊民忍令甘棠剪伐乎浣露以書志遺愛也

宋

連光裕世家上黨其祖連聰徙居於隨聰孫光裕爲應山令後爲磁郢二州司李卒葬應山

宋玘開封人爲應山令因家焉生子庠祁登第

李紹祖系出隴西慶元末來任端恪而文嚴於自律不事表暴衍衍然君子儒也頌云令君勸民民燕其德君今篤古興滯補闕

元

魏從恕字伯賢燕山人也至正四年來令此邑繩吏以法覆民以恩待士以禮省耕布惠助贖弱女修常平倉糴至四千石民賴之以度凶歲焉善政聞於京師乃使宣撫河南江北道後巡歷德安屬邑有司以周子榮論大辟公審其情詞釋之眾以爲允民有訟馬百戶占民田冒爲軍田者閱十餘年其獄不清公以片言折服皆由囊爲邑令洞悉民情故也璠璣魯氏之碑詞其信哉

明

魏樸真定人許成亂後招集流亡增廣稅額新建學校

修舉廢墜似乎有爲矣竟以事去去矣民猶惓惓思慕不忘焉

方暉字彥昭壽張人代樸知縣事莅政廉明事無留滯百姓悅服

孫士良佚其籍矣今所傳者以爲政事簡明平徭薄賦云

戴成昌黎人興建學校慈惠及民恆詣學宮督勸講誦其慕昌黎之爲人者耶

李春邑人張瓚去思碑畧云侯名春字惟亭桐城人蚤以科第發身拜今職惓惓以惠民爲心其時邑之富室巨豪大爲民蠹且丁歲大疫鄰壤荆襄間攘奪蜂起奸黠劫民益睽睽不相保侯至首爲延引耆宿貶損禮容問民所疾苦求所以去害安民之道兼得其情次第繩治招徠撫摩遊惰者警之耕耨窮乏者資之衣食咥窳者教之敦實強梗者宣之禮法威令弱者扶之仆者起之良善者安之慰之興學校正婚姻征斂以時徭役有定立集市以通貿遷築陂塘以蓄水利修明祀典禁止奸邪由是驚遁以復田疇以闢

序塾以興倉廩以實詞訟以平熒獨有依禮義興舉
上安下順績用以彰休稱藉藉自撫憲藩臬而下夜
章論薦褒予有加

游邦貞彭琪去思碑畧曰先生江右之豐城人領鄉薦
署掌應山庠教履任來大懼人材放失迺召諸生諭
曰學問之道在收放心當卓志仁義道德盡格致誠
正之功收修齊治平之效諸生聆之惟教是從先生
朝則指畫講貫夜則筆削課業諸生益自奮勵辛卯
大比聯捷二人後遷國子助教

王達字成中進賢人也處心平正接物以誠學行俱優
政教並舉民德之如父母

譚一鳳顏木碑曰公來未一考巡按曹公以公治最上
移令岳之平江巡按張公過縣父老以狀保留其辭
曰本縣地勢偏僻田土瘠薄民貧失業者多流寇擾
害漢上官軍任劄逾時以致倉廩空虛民益受累自
我公至專意愛民立心革弊務秉至公率先修己以
故好訟者息橫暴者斂流離者歸頑惰者勤三年之
間教化大行雖古之循良不是過也張公慰曰命已

下渠亦自此升矣安能汝一縣留民知不可暫公去
各率子弟送百里外乃相聚材構亭於譙樓西偏立
石其中題曰愛民父母應山知縣無錫譚公

王尚用字賢卿安福人由彬學遷焉至而饑死徙者眾
白諸統領且為文以諭富民得金販之計丁糧以省
歲費察飛詭以均斂納申嚴保甲緝勦寇盜民獲奠
麗焉碑曰其事親也孝其律己也廉其莅下也嚴詩
諭士農流布民間率多感化沈救慎重近歲以來未
之有也宜勒之碣以銘無忘

葉震亨礦賊入境身率其子禦之手刃五人而賊潰陞
岳州府同知

張博字子約山陰人歷戶科左給事降黜茲邑悼田賦
之不均力為釐正定其規模勸勵從事大綱維三一
曰神人交儆二曰上下僉謀三曰始終按圖條日維
八其一曰節省財用次二曰先定四至次三曰初丈
規約次四曰抽丈事理次五曰分理職掌次六曰申
明賞罰次七曰均平賦稅次八曰查禁盜隱又著田
形算法二十七則公以諫垣大臣出益山邑貌有以

折服巨室大蠹之心而聽其言聞其事者信之任之
又從而加褒獎焉則譁訐讒毀健訟者無敢開其釁
是以其事克有終而田賦以均因勢而乘便故也

劉明梧安縣選貢或曰磊落有操苞苴杜絕吏蠹盡滌
庭無冤民

鄧雲龍清平人初中解元有志未遂及任此邑莅政獨
持大體寬嚴相濟兩臺有薦章士民有永陽紀與詩
集及其歸也越境送者千餘人

湯以柏聰穎過人士民吏屬一識不忘莅政精明渾厚
小事剖解如流大事聲色不動剴割批導若如也遷
甯波通判

江璠勤於吏治視民如子興利剔弊修舉廢墜治聲聞
京師交以銓諫擬之不果陞石屏知州

嬾文業餘京咸去思碑云禮學校賑貧生不令差役拘
攝不用火耗平易物價愛惜夫馬不肯阿承捐俸葬
陳烈婦以培風化陞睢州知州及其致仕歸也囊橐
蕭然有自其鄉來者見其家貧苦如素云

湯得師素以孝聞言動不輕思事詳慎人有言不曲徇

亦不外距折其中用之故無周章之迹而亦無廢事
夏之彥楊忠烈與薛撫臺書畧云器用備自家葺米菜
公與民買錢糧半收不加毫釐或有私錢及重稱分
釐者責革之以保甲法下鄉止肩輿一乘三四應用
人役種樹墾荒儉用省訟意懇而真地方得一好官
同於父母故爲直述詳細以垂後陞武昌同知有嗣
張大經字雲嶠貴州銅仁人崇禎初以舉人分應山政
簡刑清愛良好士作興學校培植風水癸酉冬開賊
警邑人數百年不知兵大小股慄公素習戰守申請
都閩周元儒目武昌率辰軍二百人來賊擬次早到
縣在孟販距城四十里掠飲公啟周帥曰遠來固疲
然兵貴神速明日則無應山矣勉同官軍奮疾走
往斫之賊斬甚眾賊遂西自此邑人始知防禦每賊
至不卽閉城躍馬揮戈異民子婦之人保不及者以
功陞監軍道奉命招撫就渠張獻忠陳禍福甚切賊
素欲公名羈置營中欲得其用崎嶇二載竟遇害嗟
嗟當日數十萬生靈非公莫保至今數十年福澤皆
公遺也

徐啟元時寇勢猖獗郡邑震動乃加意城守培馬道以便夜巡築土垣以便外巡後之相沿爲法者公之遺也又備火藥置銃弩皆得其用難民有自寇脫歸者給以路費路粟陞鄖陽同知歷鄖陽治院有司章日暉承積亂之後兵寇交訐竭力應給不遑甯息矣惟公能約己恤民數年之間民猶得蘇息辛巳四月寇乘破信陽之先聲以勁寇薄城下分眾據應臺山惟公不避矢石與民守之寇勢益熾城守益堅寇不克攻城以保全

國朝

韓養純河南人明末避亂應山每經險道負母而行學圃養親不干於眾 豫王南下考授應山知縣收餘燼輯流亡慎守備殄滅土寇以安黔黎毛營餘寇走廣水盤踞興安砦公星夜請兵詰朝撲滅去之日老幼泣送

蔣永修順治丁亥進士下車時大亂未靖城復於隍公繕治弗辭胼胝有開辦功官署民肆俱爲百世規巖疆保障金湯屹如也學宮闕略儒教闕疏公旣蒞茨丹

垣舉如法日引諸生獎示之迄今科第蟬聯能忘文翁之賜乎癸巳擢都諫邑人臥轍攀轅如失慈母謳思至今比戶尸祝云 以上俱前志

任啓元字復齋瀋陽人治績年遠多失考惟閱睿先傳申稱公爲仁人革均攤之弊定官解之程勒石縣署流民復業又據捐賑碑記云康熙己巳邑大旱公費萬金設粥廠六活民命數十萬要皆以仁心行仁政也當時百姓各輸錢一文涕泣勒碑以存遺愛都尉洪公瑞芝立祠臺山置田七石以永其祀歲久恐湮經監生洪萬懋庠生彭璵孫廷相韓明烺等清查存案至今香火無替有記載藝文志

尹行鐸字醒斯山東泲城人相傳公先販紬帛至應被無賴子攫去乃歸援例得湖北候補縣始南漳繼應山下車時卽謁學宮次文昌樓次武廟見殿宇有傾圮者有於風水不利者因輸白金若干倡重修之議並勸諸紳衿助之十閱月三廟鼎新自是除莠安良民無遊惰境內大治去之日捐田文昌樓爲香火費士民泐遺愛碑於樓前懸繪像於樓後春秋與祭者

咸瞻禮焉咸豐四年燬於賊復刻木主祀之

王鴻典字徽五號西園直隸雄縣舉人素清儉食無兼味衣不重帛內眷悉勤紡織脫宦習焉治應首培文教創修永陽書院延名宿主講席造就多士勸富戶捐田數十石以資膏火又不時到院講解誘掖由是士習端而文風盛公之力也武廟香火無資公勸紳耆輸金並自出廉俸置田若干歲饑大設粥廠活民命無算有記載藝文志一切善政民弗能忘爲立祠院側歲時私祭擬卽崇祀名宦祠待請

陳肖儀字琴泉江西弋陽人涖任時諸事認真風見生童甚夥卽月加一課糊姓字厚花紅縣試爲門嚴如院試朔望講條約士民觀聽訟風以息值歲早齋宿祈雨徒步至黑龍淵涕洟稽首旦晚不已既下山而甘霖沛矣善捕蝗親詣村鄉行赤日中論民墾井隨瘞其種竟絕是歲有秋會解任百姓無計輓輿乃焚香泣送數十里公亦揮淚不止爲三宿出境焉後以公務來應雖樵夫菜傭亦多資助知公貧報公德也護母喪歸舟泊漢江遇祝融肆虐船隻一空獨柩

船無恙謂非天之有以佑公歟咸豐二年殉難廣濟一子侍不去亦遇害忠孝相承應人擬卽崇祀名宦祠待請

應山縣志卷十二

城池

城池民防也鑿築官政也自大禹初建以來誰謂在德不在險應戰爭地山麓爲城形如釜底歷代善兵者難之然闖賊之亂徐公望雲有守矣近歷捻匪窺境擁眾動數十萬撲城幾十餘次前後賢邑宰均與民守之卒之城無恙兵無恙內外廬室均無恙此固得團勇力亦賴有此藩籬也今城益高池益深陴益厚巡鋪礮樓累疊在望官斯土生斯土者能忘有備無患乎志城池

規制 附內外街市

應山城南北直經三里東西建緯二里周六百九十九丈崇二丈址廣二丈二分丈之一雉堞千有六十八門有四東曰環秀南曰聚奎西曰寶成北曰拱辰門各建樓內周馬道外築土垣池則繞城爲濠水環三面由西逕南而東入於河詳見水志其繞城山勢詳山志城外東南北關皆有廟廂各有市城內居中者曰十字街四至城門東爲東街北爲北街南至舊南門爲正街西爲大西街小西街

東街十字下路北爲龍門街卽丁字街大學街其街東爲小學街城門內路北爲孝子里其里東爲官祿街中間路南爲里下街北街中路東一泮池一崔家巷中路西爲猪市街今爲里仁巷西街路南北無街惟大小分界處巷一南至書院北至清泉寺正街中路西爲分司口南路東爲前新街後新街街東爲縣前街又爲新南門街

修建

舊治無城惟有四關門東北二門明正德中知縣譚一

鳳創建之嘉靖九年知縣王尙用徙汝水少南湮其故道鳩工未竣而去知縣王朝璩成之闖賊亂後各頽圮矣

國朝定鼎知縣蔣永修克復其舊城制由此定

乾隆五十年邑人士以南門直北氣不聚請於縣閉之開今南門於東偏

五十六年邑眾請於縣湮千佛寺前河道移濬於東關廂右名曰狀元河

道光十二年知縣郭觀宸論首士胡之燿莊世培韓文權李鏞陳文煌梅宗浩梅宗潤韓瀛秦鏡黃元龍王善閣劉思忠吳紹太設局勸捐大舉城工仍舊制而增新之隍如故二十年知縣李湘甲議浚城濠密沒爲菜圃者復之建石闌三應池下流爲南關羊角山下爲西關前此未有也惟東先有閘在今狀元河下至此改建於河首

咸豐三年癸丑知縣聶光鑾復修城垣前之頽廢者俱整

同治二年甲子知縣朱際敷修復城障高垛口下一丈

五尺寬一丈六尺先是城隍久圯議修者窘於資時城鄉殷戶均養練勇謀照軍中結營之法按勇分股各備磚石修築不斂費不閱月而功成

五年丙寅知縣張樹猷

舊南門城上連城 高

五丈樓三層各三間三面置礮外擊羊角山望城岡等處

同治六年丁卯知縣劉宗元率各會紳勇沿濠岸築牆離城腳五尺高八尺名曰牛馬牆又倚牆浚池寬三丈深二丈修復舊開水流有聲焉北門外舊無濠自關外

礮臺石通之內築堡

按城自郭公重新後經聶朱張劉諸公內外交修礮堡並建拾逆屢犯無恙者賴有此也而或曰善矣猶未盡若四城俱建空心礮臺上置礮樓上下俱三面環擊賊近不能至城腳遠不能踞山險尤爲可恃

官署

縣署舊在臺山西汶水東明季燬於兵火其僅存者儀門之半及戒石亭而已

朝順治八年冬十月知縣蔣永修復修其中爲正堂堂

廬山縣志卷之二十二
四
後有過亭亭後爲後堂又其後爲庭內署又在其後左
右爲翼室爲庫左爲典史房右爲儀仗庫東南爲典史
廳前爲廊東西各兩楹分置諸吏其後爲吏舍中道爲
戒石亭前爲儀門其外左爲福德祠右爲獄所又前爲
譙樓其外左爲申明亭右爲旌善亭寅賓館在譙樓內
之東兵燹無存知縣周祐捐俸重建咸豐年間燬於賊
同治十年知縣周道源奉文勸捐修理德安府城垣因
諭首士楊壽培饒柄周之麟吳端熾梅椿陳廷鈺韓明
灼等設局勸捐重建縣署

宮在炎帝廟西

察院舊在寶成門內之南偏今廢

陰陽學在治西今廢

醫學在治南今廢

儒學在賢宮義路門外

巡檢署在平靖關康熙年間知縣周祐建館舍退亭各
三間南北廂房共六間馬亭三間已燬多年同治七年
分司謝超捐俸買民舍改建前頭門內大堂三楹左右
兵書房各一向南差犯寄卡一所堂後三楹爲一堂又

應山縣志卷十三
南三楹爲內室

典史廳署向在縣署儀門內之東偏咸豐年間燬於賊
今重建

城守營在北門內西偏地名營防塘前大門門內東西
各一楹爲馬房上大堂三楹東西差房各三楹堂後內
室三楹東西房各二楹

應山縣志卷十三

學校

學校之設昉於虞盛於周漢高馬上得天下過魯祀一
太牢四百年之祚賴之唐宋以來令郡縣皆得廟祀先
師董率師儒以時習禮其中鐘鼓俎豆射圃齋宮釐然
畢舉蓋所以尊崇聖道培養人才也應覺臺山居左汶
水環右靈秀所鍾得天地之正氣故前代忠孝節烈咸
發祥於茲今

天子臨雍釋奠文教大興鄉學與國學並重而邑歷兵燹十

餘載烽火之氣不奪芹藻之香通籍詞林蒸蒸未已得毋道之在天者不敝而教之感人者深歟由文章而敦節義本德行以立功名吾將有厚望焉志學校

學宮在治東北隅前係龍門街後界崔家巷東界三官殿西界北大街

殿宇

前金聲玉振門門內為泮池上為櫺星門進為戟門門左右各三楹為名宦鄉賢祠上正中三楹為大成殿殿外左右各三楹為東西廡殿後五楹為明倫堂中三楹

左右各一楹堂外東偏三楹為忠孝祠堂後三楹為聖祠殿東有義路門門外

殿西有禮門門外

北大街

祀位

大成殿正位

至聖先師孔子神位

東配

復聖顏子

字子淵魯人魏正始二年配享席稱亞聖元至順元年稱復聖公

述聖子思子

宋大觀二年從祀端平二年升十哲咸淳三年配享元至順元年稱述聖公

西配

宗聖曾子

字子輿南武城人唐乾封元年入祀宋成治三年配享元至順元年稱宗聖公

亞聖孟子

字子輿一字子車鄒人宋元豐七年配享元至順元年稱亞聖公

以上配位宋以前皆稱封爵元至順元年贈顏子充

國復聖公會子郈國宗聖公子思子沂國述聖公益

子鄒國亞聖公明嘉靖九年改稱復聖顏子宗聖曾

子述聖子思子亞聖孟子

國朝因之

東哲

先賢閔子

損字子騫魯人唐開元八年從祀

先賢冉子

耕字伯牛魯人唐開元八年從祀

先賢端木子

賜字子貢衛人唐開元八年從祀

先賢仲子

由字子路一字季路下人唐開元八年從祀

先賢卜子

商字子夏衛人一日温國人唐貞觀二十一年從祀稱先儒開元八年升十哲宋熙寧七年州縣皆

升十哲

先賢有子

若字子有或作子若魯人唐開元八年從祀國朝乾隆三年升列哲位

西哲

先賢冉子

雍字仲弓伯牛之族唐開元八年從祀

先賢子思

字子思魯人

先賢宰子

予字子我魯人唐開元八年從祀

先賢冉子

求字子有仲弓之族唐開元八年從祀

先賢言子

偃字子游吳人唐開元八年從祀

先賢顓孫子

師字子張陳人唐開元八年從祀宋咸淳三年升

先賢朱子

熹字仲晦婺源人諡文宋淳祐元年從祀明崇禎十五年與周程張邵並改稱先賢位七十子下 國朝康熙五十一年升

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢 四十位

先賢公孫僑

字子產鄭人 國朝咸豐七年從祀

先賢林放

字子邱魯人 靖九年改祀於鄉

國朝雍正二年

明嘉祀

先賢原憲

字子思宋人鄭康成曰魯人檀弓作仲憲

先賢南宮适

家語作縉史記作括並字子容魯人或疑敬叔非

先賢商瞿

字子木 魯人

先賢漆雕開

字子若史記作子開蔡人鄭云魯人

先賢司馬耕

字子牛宋人家語各犁耕

先賢梁鱣

一作鯉字叔魚齊人

先賢冉孺

字子魯亦作子曾家語作冉孺字子魚魯人

先賢伯虔

古本家語作伯處字子皙史記作子析今本家語作子楷魯人

先賢冉季

字子產魯人一

先賢漆雕徒父

家語作漆雕從字子文或作子有或作子友魯人

先賢漆雕哆

字子斂魯人今本家語哆作侈

先賢公西赤

字子華魯人

先賢任不齊

字子選史記字選魯人

先賢公良孺

字子正陳人或作公良儒

先賢公肩定

家語作公肩字子重一作子仲史記作公堅定字子中魯人或曰衛人晉人

先賢鄒單

或作鄒單字子家魯人家語無史記有

先賢罕父黑

古本家語史記皆字子索或作子素今本家語作宰父黑字子黑魯人

先賢榮旂

家語作祈字子祺亦作子祈古本家語字子顏魯人

先賢左人郢

字行家語作左郢字子行魯人左人以官為姓

先賢鄭國

字子徒魯人家語作薛邦字子從或云鄭人或以為兩人

先賢原亢

字子籍史記作原亢籍正義亢作完仁勇反古本家語作伉字籍一作原桃魯人

先賢廉潔

史記古本家語皆作潔字庸亦字子庸今本家語字子曹衛人

先賢叔仲會

叔仲氏字子期會一作會魯人鄭氏云晉人

先賢公西輿

如字字子上今本家語作公西與魯人

先賢邾巽

字子敏家語邾選魯人一作邾巽文翁作國選避漢諱說文作伉字子禽亦字子亢陳人家語有史記無

先賢陳亢

家語宰字子開一字子張衛人史記無

先賢琴張

字子車齊人一作少叔乘廣韻注步叔複姓

先賢步叔乘

先賢秦非

字子之魯人

先賢顏噲

字子聲魯人 以上唐開元二十七年從祀

先賢顏何

字冉魯人古本家語以字稱今本無史記有明嘉靖元年罷祀 國朝雍正二年復祀

先賢縣實

字子象魯人案隱作縣豐廣韻注作縣宜父家語有史記無或云即鄒單也檀弓有縣子 國朝雍正二年增祀

先賢牧皮

家語史記皆不載趙岐曰牧皮與琴張曾皙皆事孔子學者也 國朝雍正二年增祀

先賢樂正克

孟子弟子趙岐曰周人 國朝雍正二年增祀

先賢萬章

齊人 國朝雍正二年增祀

先賢周敦頤

字茂叔宋道州人諡元宋清祐元年從祀明崇禎十五年改稱先賢

先賢程灝

字伯淳宋河南人稱明道先生諡純宋清祐元年從祀明崇禎十五年改稱先賢

先賢邵雍

字堯夫宋河南人諡康節宋咸清三年從祀明崇禎十五年改稱先賢

西廡先賢 三十九位

先賢蘧瑗

字伯玉衛人 靖九年改祀於鄉 國朝雍正二年復祀 明嘉

先賢澹臺滅明

字子羽魯武城人 以下諸弟子唐開元二十七年從祀

先賢宓不齊 字子賤 魯人

先賢公冶長 字子長 范甯云字子芝 魯人 史記作齊人 古本家語作公冶長

先賢公皙哀 字季次 家語字季 沈哀一作克 齊人

先賢高柴 字子羔 左傳季羔 檀弓子皋 齊人

先賢樊須 字子遲 魯人 鄭康成曰齊人

先賢商澤 家語字子秀 一作子季 魯人

先賢巫馬施 家語作期 字子期 史記字子旗 齊人

先賢顏幸 史記作幸 一作柳 一作韋 字子柳 魯人

先賢曹卣 字子循 蔡人

先賢公孫龍 字子石 古本家語龍作寵 衛人 鄭云楚人 正義趙人

先賢秦商 今本家語字不慈 古本字丕 茲史記作子丕 魯人

先賢顏高 字子驕 家語作顏 刻又名蒐 魯人

先賢壤駟赤 字子徒 家語壤作壤 字子從 秦人

先賢石作蜀 字子明 古本家語石之蜀 今本石子蜀 秦之成紀人

先賢公夏首 字乘 家語公夏 守字子乘 魯人

先賢后處 字子里 齊人家語 字里之后 誤石

先賢奚容蒧 字子皙 家語作奚蒧 字子楷 一作子楷 魯人 正義曰衛人或曰魯 奚仲之後

先賢顏祖 字襄 史記有古本家語無 今本作顏 相字子襄 魯人

先賢句并疆 今本家語字子界 古本子疆衛人

先賢秦祖 字子南 秦人

先賢縣成 字子祺今本家語 子橫魯人

先賢公祖句茲 家語作公祖茲 字子之魯人

先賢燕伋 字思古本家語作 燕級字子思秦人

先賢樂欬 家語作欣字 子聾魯人

先賢狄黑 史記字哲一作子哲家語 作哲之哲或作哲衛人

先賢孔忠 今本家語作弗字子 茂孔子兄孟皮子

先賢公西蒧 史記字子上家語 作子尚魯人

先賢顏之僕 字子叔 魯人

先賢施之常 字子恆家語作子常魯人 以上唐開元二十七年從祀

先賢申枏 家語作申績又作績字子周史記申黨又作 績黨字周魯人即申枏也明嘉靖九年去申 黨存 申枏

先賢左邱明 字子明魯太史唐貞觀二十一年 祀稱 先儒明崇禎十五年改先賢位七十子下

先賢秦冉 字開或作子開魯人家語無史記有明 嘉靖九年罷祀 國朝雍正二年復祀

先賢公明儀 國朝同治 三年從祀

先賢公都子 齊人 國朝雍 正二年 祀

先賢公孫丑 齊人 國朝雍 正二年 祀

先賢張載

字子厚宋大梁人遷郟縣稱橫渠先生諡明
宋清祐元年 祀明崇禎十五年改稱先賢

先賢程頤

字正叔明道先生弟稱伊川先生諡正宋
治祐元年 祀明崇禎十五年改稱先賢

以上先賢位宋以

從祀者皆稱封爵明嘉靖九年

改稱先賢某子周張程邵五子嘉靖時稱先儒宗禎

十五年改稱先賢位在七十子之下漢唐諸儒之上

國朝俱稱先賢不稱子

東廡先儒 三十一位

先儒公羊高

春秋時齊人唐貞
觀二十一年 祀

先儒伏勝

字子賤秦時濟南人唐
貞觀二十一年 祀

先儒毛亨

年無考受詩於荀卿以授毛萇按史記楚考
烈王二十五年荀卿廢居蘭陵距漢興三十
二年太平御覽引毛詩正義云荀卿授漢人
魯國毛亨則是秦漢間人 國朝同治二年

從祀

先儒孔安國

字子國先聖十一世孫漢武帝時為博士
侍中唐貞觀二十一年 祀原西廡移東廡

先儒后蒼

字近君漢東海郟人宣帝時
為博士明嘉靖九年從祀

先儒鄭康成

漢高密人永建二年生建安五年卒年七
十四唐貞觀二十一年從祀明嘉靖九年
改祀於鄉 國朝
雍正二年復祀

先儒范甯

字武子晉南陽人咸康五年生隆安五年卒
年六十三唐貞觀二十一年 祀明嘉靖九

應山縣志 卷十三 學校

年改祀於鄉國

先儒陸贄

字敬輿唐嘉興人諡宣天寶十三年生永貞元年卒年五十二國朝道光六年從祀

先儒范仲淹

字希文宋吳縣人諡文正端拱二年生皇祐四年卒年六十四國朝康熙五十四年從祀

先儒歐陽修

字永叔宋廬陵人諡文忠景德四年生熙寧五年卒年六十六明嘉靖九年從祀

先儒司馬光

字君實宋涪州夏縣人諡文正天禧三年生元祐元年卒年六十八咸清三年從祀

先儒謝良佐

字顯道宋上蔡人元豐八年進士與楊時同稱程門四先生國朝道光二十九年從祀

先儒羅從彥

字仲素宋南劍羅源人稱豫章先生諡文質熙寧五年生紹興五年卒年六十四明

萬歷四十年從祀

先儒李綱

字伯紀宋邵武人諡忠定元豐六年生紹興十年卒年五十八國朝咸豐元年從祀

先儒張栻

字敬夫宋漢州綿竹人稱南軒先生諡宣紹興三年生清熙七年卒年四十八景定二年從祀

先儒陸九淵

字子靜宋金谿人稱象山先生諡文安紹興九年生清熙三年卒年五十四明嘉靖九年從祀

先儒陳淳

字安卿宋漳州龍溪人稱北溪先生紹興二十三年生嘉定十年卒年六十五國朝雍正二年從祀

先儒真德秀

字景元後更為景希宋浦城人稱西山先生諡文忠清熙五年生端平二年卒年五

三

三學校

十八明正統

二年從祀

先儒何基

字子恭宋婺州金華人諡文定清熙十五年
生咸清四年卒年八十一國朝雍正二年

從祀

先儒文天祥

字宋瑞宋廬陵人諡忠烈端平三年五月
二日生元至元十九年卒年四十七國

朝道光二十

三年從祀

先儒趙復

字仁甫元德安人稱江漢先生以宋端平二
年至北庭當元儒之首國朝雍正二年從

祀

先儒金履祥

字吉父元蘭溪人稱仁山先生諡文安宋
紹定五年生元大德七年卒年七十二

國朝雍正

二年從祀

先儒陳澔

字可大元江西都昌人稱雲莊先生又稱經
歸先生宋景定二年生元至正元年卒年八

十一

國朝雍

正二年從祀

先儒方孝孺

字希古明台州人元至正十七年生明建
文四年卒年四十六國朝同治二年從

祀

先儒薛瑄

字德溫明山西河津人稱敬軒先生諡文清
洪武二十二年生天順八年卒年七十六隆

慶五年

從祀

先儒胡居仁

字叔心明江西餘干人號敬齋追諡文敬
宣德九年生成化二十年卒年五十一萬

歷十二

年從祀

先儒羅欽順

字永升明江西泰和人號整庵諡文莊成
化元年生嘉靖二十六年卒年八十三

國朝雍正二年從祀

先儒呂楫

字仲木明高陵人諡文簡成化十五年生嘉靖二十一年卒年六十四國朝同治二年

先儒劉宗周

字啓東號念臺明山陰人稱蕺山先生萬曆六年生國朝順治二年卒年六十八賜諡忠介道

先儒孫奇逢

字啓泰號鍾元直隸容城人明萬曆十二年生國朝康熙十四年卒年九十二道光八年

先儒陸隴其

初名龍其後改今名稼書明崇禎三年生國朝康熙三十一年卒年六十三雍正二年

西廡先儒三十一位

先儒穀梁赤

子夏弟子顏師古曰名喜阮孝緒曰名俶字元始春秋時魯人唐貞觀二十一年從祀

先儒高堂生

漢魯人本齊公族唐貞觀二十一年從祀

先儒董仲舒

漢廣川人武帝初年對策爲江都相元至順元年從祀

先儒毛萇

字長公漢趙人稱小毛公河間獻王傅當武帝時唐貞觀二十一年從祀

先儒杜子春

漢河南緱氏人永平初年年九十唐貞觀二十一年從祀

先儒諸葛亮

字孔明漢瑯琊陽都人諡忠武光緒四年生建興十二年卒年五十四國朝雍正二年

先儒王通

字仲淹隋河東龍門人私謚文中子陳至德二年生隋義甯二年卒年三十五一作開皇二年生年三十七明嘉靖九年從祀

先儒韓愈

字退之唐鄧州南陽人謚文大歷三年生長慶三年卒年五十七宋元豐七年從祀

先儒胡瑗

字翼之宋泰州海陵人初謚安定改謚文昭宋淳化四年生嘉祐四年卒年六十七明嘉靖九年從祀

先儒韓琦

字稚圭宋相州安陽人謚忠獻大中祥符元年生熙甯八年卒年六十八國朝咸豐二年從祀

先儒楊時

字中立宋南劍將樂人號龜山先生謚文靖皇祐五年生紹興五年卒年八十三明宏治八年從祀

先儒尹焞

字彥明一字德充宋洛人賜號和靖處士熙甯四年生紹興十二年卒年七十二國朝雍正二年從祀

先儒胡安國

字康侯宋崇安人謚文定熙甯七年生紹興八年卒年六十五明正統二年從祀

先儒李侗

字愿中宋南劍州劍浦人稱延平先生元祐八年生隆興元年卒年七十一明萬曆四十七年從祀

先儒呂祖謙

字伯恭宋婺州人稱東萊先生謚成紹興七年生清熙八年卒年四十五景定二年從祀

先儒袁燾

字先生謚正獻國朝同治七年從祀宋鄞縣人仕禮部侍郎稱絜齋

先儒黃幹

字直卿號勉齋宋福建閩縣人謚文肅紹興二十二年生嘉定十四年卒年七十國朝

廬山縣志

卷十三

三

國朝

雍正二年從祀

先儒蔡沈

字仲默宋建陽人稱九峯先生乾道三年生紹定三年卒年六十四明正統二年從祀

先儒魏了翁

字華父宋邛州蒲江人稱鶴山先生諡文靖帝熙五年生嘉熙元年卒年六十國朝雍正二年從祀

先儒王柏

字會之宋棗州金華人諡文憲慶元三年生咸淳十年卒年七十八國朝雍正二年從祀

先儒陸秀夫

字君寶宋楚州鹽城人端平三年十月八日生祥興二年即元至元十六年卒年四十四國朝咸豐九年從祀

先儒許衡

字仲平元河內人號魯齋諡文正宋嘉定二年生元至元十八年卒年七十二國朝咸豐九年從祀

先儒吳澄

字幼清元崇仁人諡文正宋清祐九年生元統元年卒年八十五明正統八年從祀嘉靖九年罷祀國朝乾隆二年復祀

先儒許謙

字益之元金華人稱白雲先生諡文懿至元七年生後至元三年卒年六十八國朝雍正二年從祀

先儒曹端

字正夫明河南滎池人諡靖修洪武九年生宣德九年卒年五十九國朝咸豐十年從祀

先儒陳獻章

字公甫明廣東新會人稱白沙先生追諡文恭宣德三年生宏治十三年卒年七十二萬曆十二年從祀

先儒蔡清

字介夫明福建晉江人號虛齋追諡文莊景泰四年生正德三年卒年五十六國朝雍正二年從祀

先儒王守仁

字伯安明餘姚人稱陽明先生謚文成成化八年生嘉靖七年卒年五十七萬曆十五年從祀

先儒呂坤

字叔簡號新吾河南甯陵人明嘉靖十五年生萬曆四十六年卒年八十三國朝道光五年從祀

先儒黃道周

字幼平號石臺福建漳浦人明萬曆十二年生國朝順治三年卒年六十二道光二年從祀

先儒湯斌

字孔伯號潛庵國朝河南睢州人謚文正明天啟七年生國朝康熙二十六年卒年六十一年道光三年從祀

以上先儒位明嘉靖以前皆稱封爵嘉靖九年改稱

先儒某子

國朝稱先儒不稱子

附改祀於鄉三人

明嘉靖九年

鄭眾

字仲師東漢開封人盧植字子幹東漢涿郡人服虔字子慎東漢樂陽人

罷祀十一人

明洪武二十九年退楊雄餘十人嘉靖九年黜

公伯寮

字子周魯人以蒧子路黜

荀况

字卿周末趙人以言性惡黜

戴聖

字次君漢梁人以賊吏黜

揚雄

字子雲漢成都人以事王莽黜

國朝稱先儒不稱子

附改祀於鄉三人

明嘉靖九年

鄭眾

字子幹東漢涿郡人服虔字子慎東漢樂陽人

罷祀十一人

公伯寮

字子周魯人以蒧子路黜

荀况

字卿周末趙人以言性惡黜

戴聖

字次君漢梁人以賊吏黜

揚雄

字子雲漢成都人以事王莽黜

劉向 字子政漢宗室以誦神仙方術黜

賈逵 字景伯東漢扶風人以附會圖讖黜

馬融 字季長東漢扶風人以貪鄙附勢黜

何休 字邵公東漢任人以黜周王魯註風角黜

王弼 字輔嗣魏山陽人以旨宗老莊黜

王肅 字子雍漢東海剡人以黨司馬氏篡位黜

杜預 字元凱晉杜陵人以黨貴要為將好殺黜

崇聖祠正位

肇聖王木金父公 名木字金父宋人孔子五世祖

裕聖王祈父公 或作睪夷父或作皋夷父或云各皋字祈父宋人木金父子孔子高祖

詔聖王防叔公 魯防邑大夫後世因號防叔祈父子孔子曾祖

昌聖王伯夏公 防叔子孔子祖

啟聖王叔梁公 名紇字叔梁伯夏子孔子父魯鄆邑大夫

以上正位明嘉靖九年於大成殿後立啟聖祠祀叔梁

公

國朝雍正元年

詔封孔子先世王爵合祀五代更名啟聖祠為崇聖祠

東配

先賢孔氏 孟皮孔子之兄國朝咸豐七年配享

先賢顏氏 無繇家語顏由亦作繇明正統三年闕里配嘉靖九年通配

先賢孔氏 鯉字伯魚宋咸淳三年闕里配嘉靖九年通配

西配

先賢曾氏

點字子皙史記作歲字皙明正統三年闕里配嘉靖九年通配

先賢孟孫氏

激字公宜明正統三年闕里配嘉靖九年通配

東廡先儒

先儒周氏

字輔成先賢敦頤之父明萬曆二十二年從祀

先儒程氏

字伯溫先賢頤頤之父明嘉靖九年從祀

先儒蔡氏

字季通先儒沈之父稱西山先生謚文節明嘉靖九年從祀

西廡先儒

先儒張氏

字迪先賢載之父國朝雍正二年增祀

先儒朱氏

字喬年號韋齋先賢朱子父元追謚靖獻明嘉靖九年從祀

以上先賢先儒位明嘉靖時稱先賢某氏先儒某氏

國朝因之

名宦祠祀

李紹祖

魏從恕

孫士良

子恕

春

王建

譚一鳳

游邦貞

王朝球

張博

鄉賢祠祀

宋庠

宋祁

連庶

連庠

李庭芝

傅鳳翽

向光振

吳翰嗣

字貞元

陳之良

陳愚 楊漣 楊清 朱錦 楊之易

朱孔照 周世昂 張其志

忠孝祠祀

楊 范 英芳 劉豁度 陳才傑

閔致 高明葵 程濃

向光昇 葉培 葉上林 韓文渠

歷代修建

明洪武三年主簿白欽祖搆建 址之北十年兵燹

縣並學廢十三年知縣魏樸重建十六年教諭胡玉淵

來任成化六年知縣李春重修十二年知縣王佩嘉靖

四十三年甲子知縣樂頌相繼增修移址稍南數丈越

一年乙丑告成規模乃備劉化為之記載藝文志崇禎

季年戎馬繹騷鞠為茂草所存者

聖殿兩廡戟門明倫堂而已

國朝康熙四年知縣王匯除後故址新建明倫堂遷 啟

聖祠於舊明倫堂後僉議不如制康熙七年霍雨閱月

聖宮倒其半明倫堂速成不堅亦漸傾圮知縣周祐謁廟

時即集諸生雜議首倡捐俸銀五十兩選料鳩工力行

修葺掌其出入而修理維勤者訓導羅人龍也指授梓材而緩急當可者典史姚廷玉也於是廟貌重新倫堂復故又從諸生請遷 啟聖祠於明倫堂後一如舊制規模畧定餘亦以次漸舉焉

師廟

元至正間殿圯提調官達魯花赤黑斯縣尹張叔恭重建中牟簿魯璠與爲之記明嘉靖九年夏大雨廟復圯知縣王尙用王朝燧相繼修復顏木有記俱載藝文志

乾隆二十九年知縣尹行鐸教諭張璧

乾隆二十三年

重修

乾隆甲申年

重修

嘉慶五年知縣高文光教諭程宗浩訓導吳大杭重修道光二十四年知縣陳鳳輝教官司效徽汪氣濟重修三代庠序學校皆所以明人倫也始孝親終愛物者明倫之事始修身終治平者孝親之事始謹言動終盡性命者修身之事其功在格物以求知至而倫明誠意以勵行行至而倫益明如是則出爲良吏處爲醇儒古今重學者此意師儒見重者此意也今

國家科第取士亦卽躬行心得之言以見學問踐履之實非博採藝文也學者本之經以明是非參之史以證得失知行相須亦非竊詩書取科第已也否則祀揚雄輩足矣尊聖宮何爲者且卽以科第言之文章爲道德之華能行者莫不能文得則宏利濟於民物夫亦無愧怍於天人風俗以楷模而變教澤以著作而宏得固得失亦得也至若窮年時藝簡鍊揣摩置修齊爲無益而汲汲焉以勦說博功名久之記誦愈多身心愈遠迨白首矮屋困頓無聊始翻然爲身家計而知行兩廢俯仰皆慚道並不行於妻子卽倖獲一科一第夙願已償而學識無原才爲事困小則浮沈取容甚非蒼生之福大則貪黷賈禍不轉瞬而身敗名裂隨之矢固失得亦失也夫聖人非不可學鄉黨章皆日用事也人無不可學聖以襲取詞章之力而用爲身心切近之功無求不得矣此惟大其識定其志者乃能自得功名而不爲功名誤近

大憲設立崇文書局首刻小學近思錄諸書通行郡邑勸學之意深矣茲因學宮之重贅及之

御製

至聖先師孔子贊并序

康熙二十五年

蓋自三才建而天地不居其功一申傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰溯前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勳業炳於一朝明道者教思周於百世堯舜文
武之後不有孔子則學術紛淆仁義堙塞斯道之失傳

也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬搦筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綬猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂既窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰堯牆可晤孔子之道惟中與庸此心此理千載所同孔子之德仁義中正秉彝之好根本天性庶幾夙夜勛哉令圖溯源洙泗景躡唐虞載懋庭除式觀禮器

摘毫仰贊心焉遐企百世而上以聖爲歸百世而下以聖爲師非師夫子惟師於道統天御世惟道與寶泰山巖巖東湧泱泱牆高萬仞夫子之堂孰窺其藩孰窺其徑道不遠人克念作聖

御製顏子贊

康熙二十六年

聖道早聞天資獨粹約禮博文不遷不貳一善照膺萬

德來萃能化而齊其樂一致禮樂四代治法兼備用舍
行藏王道之器

曾子贊

洙泗之傳魯以得之一貫曰唯聖學在茲明德新民止
善為期格致誠正均平以推至德要道自行所基纂承
統緒修明訓辭

子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭慎獨成德之門卷之

藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知
言養氣道稱堯舜學屏功利煌煌七篇並垂六藝孔學
攸傳禹功作配

御纂四賢贊並序

乾隆十三年

聖門弟子三千其賢者七十有二人史記家語各為紀
其姓氏考其事迹以垂之後世而能契夫子之心傳得
道統之正脈者則惟顏曾思孟四人顏子得克己復禮

之說曾子與聞一貫之傳親炙一堂若堯舜禹之相授受賢乎尙矣子思師事曾子發明中庸之道而歸其功於爲己謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道也孔子之道賴顏曾思孟而傳今聖廟祀典四子升配堂上爲百代之楷模因各係以贊用誌景行之私云爾

復聖贊曰貧也者吾不知其所惡壽也者吾不知其所慕德以潤身孰謂其貧心以傳道孰謂難老簞瓢陋巷至樂不移仰高鑽堅三月無違夫子有言克己成性用致其功允成復聖

宗聖贊曰宣聖轍環在陳興歎孰是中行授茲一貫曾子孜孜惟聖依歸唯而不疑以魯得之會友輔仁任重道遠十傳釋經超商軼偃念彼先子沂水春風淵源益粹篤篤寶春容臨深履薄得正以終三千雖多獨得其宗迹聖贊曰天地儲精山川萃靈是生仲尼玉振金聲世德作求孝孫維則師曾傳孟誠身是力眷茲後學示我

中庸位天育物致和致中夫子道法堯舜文武紹乃家
聲述乃文祖

亞聖贊曰戰國春秋又異其世陷溺人心豈惟功利時
君爭雄處士橫議爲我兼愛簣鼓樹幟魯連高風陳仲
廉士所謂英賢不過若是於此有人入孝出弟一髮千
鈞道脈永繫能不動心知言養氣治世之畧堯舜仁義
愛君澤民惓惓餘意欲入孔門非孟何自孟丁其難顏
丁其易語默故殊道無二致卓哉亞聖功在天地

順治九年

命禮部頒卧碑於天下學宮置於明倫堂之左曉示生
員朝廷建立學校選取生員免其丁糧厚以廩膳設學
院學道學官以教之名衙門官以禮相待全要養成賢
才以供朝廷之用諸生皆當上報國恩下立人品所有
教條開列於後

一生員之家父母賢智者子當受教父母愚魯或有非
爲者子旣讀書明理當再三懇告使父母不陷於危亡
一生員立志當學爲忠臣清官書史所載忠清事蹟務

須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事只許家人代告不許干與他人詞訟他人亦不許牽連生員作證

一為學當尊敬先生若講說皆須誠心聽受如有未明從容再問毋妄行辨難為師長者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

欽頒訓飭士子文 康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊

端務期風教修明賢才蔚起庶幾棧樸作人之意乃比
年士習未端儒效罕著雖因內外臣工奉行未能盡善
亦由爾諸生積錮已久粹難改易之故也茲特親製訓
言再加警飭爾諸生其敬聽之從來學者先立品行次
及文學學術事功源委有敘爾諸生幼聞庭訓長列宮
牆朝夕誦讀甯無究心必也躬修實踐砥礪廉隅敦孝
順以事親秉忠貞以立志窮經考業勿雜荒誕之談取
友親師悉化驕盈之氣文章歸於醇雅勿事浮華軌度
式於規繩最防蕩軼子衿佻達自昔所譏苟行止有虧

雖讀書何益若夫宅心弗淑行己多愆或蜚語流言脅
制官長或隱糧包訟出入公門或唆撥奸猾欺孤凌弱
或招呼朋類結社邀盟乃如之人名教不容鄉黨弗齒
縱幸脫褫扑濫竊章縫返之於衷甯不愧乎况夫鄉會
科名乃掄才大典關係尤鉅士子果有真才實學何患
田不逢年顧乃標榜虛名暗通聲氣彘緣詭遇罔顧身
家又或改竄鄉貫希圖進取囂凌騰沸網利營私種種
弊端深可痛恨且夫士子出身之始尤貴以正若茲厥
初拜獻便已作奸犯科則異時敗檢踰閑何所不至又

安望其秉公持正爲國家宣猷樹績膺後先疏附之選
哉朕用嘉惠爾等故不禁反覆惓惓茲訓言頒到爾等
務共體朕心恪遵明訓一切痛加改省爭自濯磨積行
勤學以圖上進國家三年登造束帛弓旌不特爾身有
榮卽爾祖父亦增光寵矣逢時得志甯俟他求哉若仍
視爲具文玩愒勿傲毀方躍冶暴棄自甘則是爾等冥
頑無知終不能率教也旣負栽培復干咎戾主章具在
朕亦不能爲爾等寬矣自茲以往內而國學外而直省
鄉校凡學臣師長皆有司鐸之責者並宜傳齊諸生多
方董勸以副朕懷否則職業弗修咎亦難追勿謂朕言
之不預也爾多士尙敬聽之

訓飭士子文

乾隆十年

士爲四民之首而太學者教化所先四方於是觀型焉
比者聚生徒而教育之董以師儒舉古人之成法規條
亦旣詳備矣獨是科名聲利之習深入人心積重難返
士子所爲汲汲皇皇者性是之求而未嘗有志於聖賢
之道不知國家以經義取士使多士由聖賢之言體聖
賢之心正欲使之爲聖賢之徒而豈沾沾焉文藝之末

哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲能不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之士雖孔子復生也不免應舉然豈能累孔子也朱子此言卽是科舉中爲己之學誠能

爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

周易折中

全部

書經傳說彙纂

全部

詩經傳說彙纂

全部

春秋傳說彙纂

全部

三經義疏

全部

孝經註

全部

性理精義

全部

十三經註疏

全部

周易述義

全部

詩義折中

全部

春秋直解

全部

朱子全書

全部

大學衍義補

全部

五子近思錄

全部

廿二史

全部

明史

全部

資治通鑑綱目

全部

淵鑑古文

全部

訓

全部

書文

全部

重修文廟碑記詩篇

一本

初集

全部

二集

全部

平定兩金川告成太學碑文

學政全書

全部

同治八年三月二十九日崇文書局頒發

周禮一部

儀禮一部

公羊傳一部

穀梁傳一部

爾雅一部 孝經一部 以上六部計二十二本

近思錄一部 讀書分年日程一部 康濟錄一部

實政錄一部 手札撮要一部 五經遺規一部 庸

吏庸言一部 讀律心得一部 佐治藥言一部 學

治臆說一部 學治續說一部 雙節堂庸訓一部

以上十二部計三十三本

荒政輯要一部 救荒補遺一部 捕蝗要訣一部

以上三部計五本

同治八年十一月初四日崇文書局頒發

御製人臣儆心錄一部 文廟祀位一部 杜註春秋左傳

一部 經典釋文一部 國語一部 國策一部 胡

刻文選一部 醫宗備要一部 以上八部計六十本

同治九年八月十三日崇文書局頒發

鄭注禮記一部 黃堯圃宋儀禮一部 張皋文儀禮

圖說一部 許氏說文義證一部 以上四部計四十

五本

同治十年六月十八日崇文書局頒發

聖諭廣訓直解二部

欽定明鑑十部

御製大雲輪請雨經一部

文昌
武廟

樂舞錄三部

王史記二

十四部

湖北節義錄十三部

以上共計五十三本

學額

初縣學拾貳名

康熙十三年偶因滇黔之變歲試寥寥學使鄭僅取捌名遂沿為例

雍正二年庠生劉邦彥陳怡張必舉王山松韓其煌等呈請縣詳學使雷致遠

仍照原額壹拾貳名自後學憲于振考取始

道光十八年知縣陳肖儀以童試人多限於額請照大

縣加額未蒙允准

咸豐三年欽奉

上諭各直省所捐銀兩按照戶部例定期造冊專案報部

並照廣東現辦章程分別奏報其應加中額學額之處

並着該督撫迅速奏請恩施應領執照着該部速行發

給俾各捐生早邀甄敘庶幾踴躍輸將前經粵省督憲

葉具

奏增廣學額章程前准戶部咨開凡一廳一州一縣捐至一萬兩者加文武學額各一名永爲定額捐至二千兩者加文武學額一名一次等因現據東莞縣捐銀二萬兩有奇

奏請增廣文武學額各二名已有成案今於咸豐六年又奉府憲飛咨轉奉各大憲札飭所有湖北各州縣捐輸自應查明有無成辦詳請

奏報以便加學額等因

咸豐八年正月三院會議於通省團練出力案內

奏請獎勵加廣學額一摺正月十三日奉

旨加應山文武永遠定額貳名自八年歲試始

咸豐九年

奏應山捐輸團練經費銀計貳萬貳千玖百玖拾柒兩伍錢請加學額一摺閏三月二十日奉

旨以貳萬兩加文武永遠定額貳名以貳千兩加暫廣一次文武學額各壹名

同治二年

奏應山紳民捐輸團練經費銀捌千肆百陸拾兩陸錢前於

咸豐元年 奏捐輸銀貳萬貳千玖百玖拾柒兩伍錢以二萬兩請加定額以貳千兩請暫加廣額外尚餘銀玖百玖拾柒兩伍錢並計共銀玖千肆百伍拾捌兩壹錢請加學額一摺二年奉

旨以八千兩加廣文武學額一次四名於同治四年歲考廣竣

同治四年六月

奏紳民捐輸團練經費伍萬玖千捌百柒拾捌兩壹錢伍分捌釐請加學額一摺四年十月二十五日奉

旨以伍萬兩加文武永遠定額五名以八千兩加廣文武學

額一次四名

同治六年署督部堂鄭 爵撫部院曾 提督湖北學

院孫 專差具

奏第三次續查湖北省各屬紳民捐輸細數籲懇

聖恩俯准加廣學額一摺內應山縣紳民捐輸共銀壹千柒百壹拾捌兩肆錢咸豐九年及同治二年兩次該縣請廣學額案內查明共捐銀叁萬壹千肆百伍拾捌兩壹錢業經請廣永遠文武學額各二名又廣文武一次各五名又同治四年專辦團練捐輸銀兩請加永遠文武

學額各五名連前共計永遠七名各在案茲將前餘銀壹千肆百伍拾捌兩壹錢並計共銀叁千壹百柒拾陸兩伍錢應以貳千兩請廣一次文武學額各一名餘銀俟歸於續案並計辦理同治六年七月二十日具

奏本日奉

旨依議欽此

今縣學額文貳拾壹名武壹拾柒名廩生貳拾名增生貳拾名歲貢生三年壹名

儒學薪水田

一落北鄉花泉會婆婆廟地方屋肆所田伍石歲納正租貳拾石小課肆石

一落北鄉關家會八方溝地方屋貳所田捌石歲納正租叁拾貳石小課肆石

學宮歲修田

都司銜陳紹元捐南門會石廟前曹家壩正屋五間橫屋叁間田肆石捌斗伍升計叁拾貳坵在大塘曹家塘楊樹塘四方塘長塘用水每歲收租拾玖石肆斗以資歲修有碑載藝文志

應山縣志卷十四

祀典

左傳季梁曰聖王先成民而後致力於神此爲不治民而專事神者言之也然而旣治民則又不可以不事神觀禮記祭法所載上自天地日月山川下而至於門戶井竈與先代聖賢之有功德於民者並秦厲族厲無後之鬼皆載在祀典分爲天神地祇人鬼又分爲大祀中祀小祀別其牲豆多少之數定其春秋常日之期命在其地者祭之凡以明則有禮樂幽則有鬼神孔子曰視

之而弗見聽之而弗聞體物而不可遺洋洋乎爲德之盛固宜齋肅將事而不可不盡其誠敬之道者也近世不知此義而徒惑於釋道兩教巫史之言於其所謂能禍福人者則崇信而奉之至於先王祀典所載

國家功令所頒雖亦不敢不祭而皆視爲常典並無精意以享之誠甚至犧牲不成粢盛不潔器服不備而曰吾以畢吾事而已誠不至則神不格無怪乎鬼神之莫肯降臨而年不順成人不順遂也應雖小邑獨非受氣於天成形於地仰日月之照臨藉山川之庇廕與夫百神之所輔助者乎

國家以正祀之神歲歲頒行郡邑主祭者承之與祭者助之凡在廟中孰敢不敬志祀典

聖廟歷代尊崇典禮

漢高帝十二年自淮南過魯以太牢祭孔子此後世帝王祀孔子之始成帝綏和三年詔封孔子世爲殷紹嘉公以王殷後封爵自此始

平帝元始元年追謚孔子褒成宣尼公謚號自此始東漢安帝祀七十二弟子於闕里祀弟子自此始皆止

立廟於太學及闕里

魏文帝修魯郡舊廟廣爲屋室居學者學廟始合一
唐乾封七年追謚太師天授元年封隆道公皆有圖像
開元初圖七十二賢於壁二十七年追謚文宣王顏子
贈兗國公餘贈侯伯祭用明衣牲牢其後革明衣

宋建隆三年詔廟門立戟十六枝用正一品禮太平興
國三年詔令後裔襲封文宣公眞宗大中祥符元年上
欲謚爲帝廷臣言孔子周陪臣周止稱王不當加帝追
謚文宣王桓圭一冕九旒服九章公十哲侯七十子五
年改稱至聖文宣王大觀四年詔門戟二十四王執鎮
圭崇寧四年改用冕十二旒

元成宗謚大成至聖文宣王

明洪武初國子司業宋濂上言荀况謂性惡揚雄事王
莽王弼宗莊老賈逵忽細行杜預建短喪馬融黨權勢
宜黜回參佞坐饗堂上而其父食廡下非禮上不直其
說三年詔封爵如故門去戟黜楊雄從祀十七年定祭
器祭服儀式太學用木主天下廟像如故成化十三年
周洪謨請尊孔子爲廣運帝不許宏治初程敏政復請

黜馬融王弼戴聖劉向賈逵何休王肅杜預荀況宜別立叔梁紇祠以顏無繇曾點孔鯉孟孫氏配享程珦朱松從祀嘉靖九年定稱至聖先師祀殿中南面復聖顏子宗聖曾子述聖子思子亞聖孟子與十哲皆祀殿中東面西面諸子皆曰先賢某子祀兩廡其從祀諸子自左邱明下皆曰先儒某子罷公侯伯諸封爵中黨申棖疑本一人存棖去黨黜公伯察秦冉顏何荀況戴聖劉向賈逵馬融王休王肅王弼杜預吳澄十三人增祀后替王通歐陽修胡瑗又以行人薛侃議進陸九淵出林

放濂瑗鄭原鄭元虞植服虔范甯七人各祀於其鄉啟聖公叔梁紇別祀以無繇點鯉孟孫四氏配享程珦朱松蔡元定三先儒從祀撤塑像易木主前代之議至是始定萬曆三十二年增周輔成從祀

國

朝順治十四年改稱至聖先師孔子

康熙二十三年顏萬世師表額二十六年修理樂器令學宮習佾舞二十九年令官民等經過下馬五十一年進宋儒朱子熹祀殿內位顯孫子下五十四年以宋臣范仲淹從祀西廡

雍正二年加封孔子五代王爵復遵瑗林放秦冉顏何從祀為先賢復鄭康成范甯從祀為先儒又增縣置牧皮樂正子公都子萬章公孫丑六人從祀為先賢增漢諸葛亮宋尹焯魏了翁黃幹陳澧何基王柏趙復元金履祥許謙陳澔明羅欽順蔡清

國朝陸隴其從祀為先儒又

詔增宋儒張子載之父迪從祀崇聖祠三年頒生民未有額五年奉

上諭避孔子諱加下旁讀作期每歲八月二十七日遇

先師聖誕文武官各致齋一日不理刑名禁止屠宰八年

令州縣學官春秋丁祭以太牢

乾隆元年頒與天地參額二年進先賢有子祀殿內位次卜子准尙書甘汝來請復元儒吳澄從祀廟廡五年定樂用六佾設樂舞生四十名免府縣試九年頒祭祀樂章

嘉慶四年頒聖集大成額

道光元年頒聖協時中額二年增劉宗周從祀三年增湯斌從祀五年增黃道周從祀六年增陸費氏坤從祀

八年增孫奇逢從祀二十三年增文天祥從祀二十九
年增謝良佐從祀

咸豐元年頒德齊懋載額增李綱從祀二年增韓琦從
祀三年先賢中增公明儀從祀七年准禮部奏以公孫
僑從祀先賢孔子之兄孟皮配享

聖 聖祠九年增陸秀夫從祀十年增曹端從祀

同治二年禮部議奏

女廟 位次頒發圖說遵照辦理又准禮部議奏魯人毛亨明
臣方孝孺呂柟從祀河南顏芝明臣楊繼盛漢儒劉向

鄭眾盧植切庸從祀三年頒聖神天縱額七年增袁燮
從祀

致祭禮節

每歲以春秋仲月上丁日致祭與祭各官皆在家致齋
三日先期一日各官齊赴

聖廟 塔下具朝服上香行三跪九叩頭禮畢教官視滌器承

祭官省牲設香案獻爵奠酒宰牲取血執事生捧送各
壇供奉承祭官俟安設畢一揖退

正祭日子刻承祭官分獻官陪祭各官衣朝衣齊集由

兩傍門入序立陰陽生報鼓三次贊引生導承祭官至
盥洗所盥洗畢引至臺階下通贊唱樂舞生就位執事
生各司其事分獻官陪祭官各就位唱畢贊引生贊就
位承祭官就拜位立分獻官陪祭官隨後立通贊唱瘞
毛血執事生捧毛血盤出瘞畢通贊唱迎神樂奏昭平
之章樂作贊引生贊跪叩興承祭官分獻官陪祭官俱
行三跪九叩首禮興樂止通贊唱奠帛行初獻禮樂奏
宣平之章樂作贊引生贊陞壇引承祭官由東階上進
殿左門贊引生贊詣

至聖先師孔子位前承祭官至案前立贊引生贊上香跪承
祭官跪贊獻帛司帛生捧帛跪進承祭官受帛拱舉獻
畢贊引生贊獻爵司爵生捧爵跪進承祭官受爵拱舉
獻畢行一跪一叩頭禮興贊引生贊詣讀祝位承祭官
至讀祝位立讀祝生捧祝版立於案左樂止贊引生贊
跪承祭官讀祝生分獻官陪祭各官俱跪贊引生贊讀
祝文讀祝生讀畢捧祝版立

至聖位前跪安帛匣內三叩頭退樂作贊引生贊叩興承祭
官及各官三叩頭興贊詣復聖顏子位前承祭官就位

立贊上香跪承祭官跪贊獻帛司帛生捧帛跪進於案
左承祭官受帛拱舉獻畢贊獻爵司爵生捧爵跪進於
案左承祭官受爵拱舉獻畢贊叩興承祭官一叩頭興
贊詣宗聖曾子位前獻帛獻爵如前儀贊詣亞聖孟子位前獻帛獻
子位前獻帛獻爵如前儀贊詣亞聖孟子位前獻帛獻
爵如前儀其十哲兩廡分獻官俱照承祭官陞壇獻帛
獻爵如前儀行禮畢贊引生贊復位承祭官分獻官仍
詣拜位立樂止通贊唱行亞獻禮樂奏秩平之章樂作
贊引生贊陞壇獻爵如初獻儀畢贊引生贊復位承祭

官分獻官各復位立樂止通贊唱行終獻禮樂奏敘平
之章樂作贊引生贊陞壇獻爵如亞獻儀畢贊引生贊
復位承祭官分獻官各復位立樂止通贊唱飲福受胙
贊引生贊詣飲福受胙位承祭官至殿內立司酒胙二
人捧酒胙至正位案前拱舉至飲福受胙位右旁跪接
洒胙二人在左旁跪贊引生贊跪承祭官跪贊飲福酒
承祭官受爵拱舉授接爵者贊引生贊受胙承祭官受
胙拱舉授接胙者贊引生贊叩興承祭官三叩頭興贊
復位承祭官復位立行謝福胙禮贊引生贊跪叩興承

祭官分獻官俱行一跪三叩頭禮興通贊唱徹饌樂奏
懿平之章樂作徹畢樂止通贊唱送神樂奏德平之章
樂作贊引生贊跪叩興承祭官分獻官陪祀官皆行三
跪九叩頭禮興樂止通贊唱讀祝者捧祝司帛者捧帛
司饌者捧饌各恭詣望燎位承祭官退至西旁立俟祝
帛過仍復位立通贊唱望燎樂奏咸平之章樂作贊引
生贊詣望燎位引承祭官至望燎位立祝帛焚訖贊禮
畢退班

祝文

惟

先師

德隆千聖道冠百王揭日月以常行自生民所未有屬
文教昌明之會正禮和樂節之時辟雍鐘鼓咸恪薦夫
馨香泮水膠庠益致嚴於籩豆茲當仲春祇率彝章肅
展微忱聿將祀典以復聖顏子宗聖曾子述聖
子思子亞聖孟子配尚饗

祭品

至聖

位前下陳牛一或尚黑羊一豕一皆有上設帛一用白

篚爵二用白磁盞一盛水銅一盛和簋二盛黍簋二

馬山系... 祝典

盛稻 籩十 實以形鹽鱧魚鹿脯棗 豆十 實以荏菹醢醢

兔醢笋菹魚醢 大尊壺尊山尊各一 設獻 雲鬯尊 獻酒

及脾析豚拍 象尊 獻酒 犧尊 獻酒 龍勺 挹取尊內酒 鬯 洗 盥 水 洗 受洗

以上六器另案 置廟東南隅

四配各為一筵下陳羊一豕一上設每筵帛各一 用白

爵各三 釶二 盥二 盥二 邊八 無白餅黑餅 豆八 無脾析

與前 雲鬯尊一

十二哲東西各為一筵每筵各總陳豕一豕首一 盛以

帛一雲鬯尊一每兩位共一案其爵釶如四配 簠簋各

一 邊四 實以形鹽 豆四 實以菁菹芹 其執事同四配

兩廡東西各三筵每筵豕各一帛各一尊各一每四位

共一案每案銅爵各三豕肉各一方 盛以 其簠簋籩豆之

數同諸哲其執事同四配

原設祭器

簠 簋 籩 邊 豆 犧尊 象尊

雲雷尊 大尊 壺尊 山尊 著尊

鬯 洗 勺 鼎 爵 坫 登 釶

俎 篚 尊 罍 祝版 盥盤 帨巾

按祀 先聖備四代禮樂記曰泰有虞氏之尊也

山壘夏后氏之尊也著殷尊也犧象周尊也今廟中

四尊皆備他可知矣朱子曰舊禮器圖式皆考三代

遺法鑄造制度精密氣象淳古知潭州日遂申省部

乞准用銅制造今祭器皆銅鑄其文公之遺歟 前志

禮器備載前志今已無存臨祭時率以人間褻器代

之記有云不敢用常褻味而貴多品夫味猶不敢褻

况用褻器豈交神明之道乎按前志引紫陽朱子說

稱今祭器皆銅鑄則是向日原有銅器後竟失亡今

於邑志興修之日敬維家造必先之義以銅不易得

改用錫金共造若干件恭獻 廟庭永垂寶用並

刊前志原文雖亡其器而存其名所以昭舊典也

計開同治九年新造祭器

簋十二 簋十二 邊五十 豆五十

知縣朱榮實又捐造

禮壺五 爵杯二十四 祝版一 牲架三

共計錫器壹百五十三件木櫃一鐵鎖一同祝版牲

架暫寄附貢生秦寶善家祭期前一日該門斗取設

祭畢送還交寄藏家點收封鎖

欽定祭品斤兩

- | | |
|----------|---------|
| 黍米三斗九升 | 稷米一斗五升 |
| 稻米三斗九升 | 粱米一斗 |
| 麥麩二斤 | 蕎麥麩二斤 |
| 菁一百四十三斤 | 芹八十七斤 |
| 韭十斤 | 蔥五斤 |
| 酒一百二十瓶 | 滌魚酒二瓶 |
| 鹽磚二十斤 | 白鹽四斤 |
| 紅棗一百四十三斤 | 栗一百八十四斤 |
| 榛仁十七斤八兩 | 菱米三十斤 |
| 芡實三十五斤 | 白糖一斤 |
| 花椒八兩 | 茴香八兩 |
| 蒔蘿四兩 | 大薹魚十尾 |
| 小薹魚十尾 | 醢魚二十斤 |
| 大筍十塊 | |

樂章

聖廟所奏樂章向遵舊譜乾隆八年新頒樂章易和名平乾隆五十一年頒發春秋釋奠樂章譜變俗從雅用古宮商而兼注俗樂工尺字使天下咸知七音配合之法又春秋立宮主調不同簫笛音律高下各異司樂者肄習既久自能漸通雅奏今載昭平諸章亦分列春秋二譜春夾鐘清商立宮 倍應鐘清變宮主調

迎神昭平

大變宮 哉商 孔子 變徵 先變宮 覺羽 先變徵 知角

與商 天角地羽參變徵萬變宮世羽之變徵師變徵

祥變徵微羽麟商紱角韻商答羽金變宮絲羽

日商月角既變宮揭變徵乾商坤角清商夷變宮

初獻宣平

予變宮懷商明角德變徵王羽振商金變宮聲羽

生商民商未羽有變徵展商也商大變徵成角

俎變徵豆羽干變宮古變徵春角秋角上變徵丁角

清變宮酒羽既商載變宮其商香角始商升變宮

亞獻秩平

式變宮禮商莫角愆變徵升羽堂變徵再商獻變宮

響羽協變徵鼓商鏞角誠變徵乎羽罍變徵獻變宮

肅變徵肅變徵雍角雍角譽商髦變宮斯羽彥變宮

禮羽陶變徵樂商淑角相變徵觀角而商善變宮

終獻敘平

自變宮古商在變徵昔角先羽民變徵有商作角

皮變徵弁羽祭商菜變宮於羽論變徵思角樂商

惟變徵天羽牖變宮民變徵惟商聖羽時商若角

彝變徵倫變徵攸羽敘變宮至羽今變徵木商鐸變宮

徹饌懿平

先變宮師商有角言變徵祭變宮則羽受變宮福變徵

四商海變宮鬢變徵宮羽疇商敢角不商肅變宮

禮變徵成羽告變宮徹變徵毋商疏角毋商瀆變宮

樂變徵所羽自商生變宮中變徵原角有商菽變宮

送神德平

鳧變宮繹商一角峩變徵洙羽泗變宮洋商洋角

景羽行變徵行變徵止羽流商澤角無變徵疆角

聿變徵昭羽祀商事變宮祀變宮事羽孔商明角

化變宮我變徵蒸變宮民羽育商我角膠商岸變宮

秋南呂清徵立宮 仲呂清角王調

迎神昭平

大角哉徵孔羽子變宮先角覺商先變宮知羽

與徵天羽地商參變宮萬角世商之變宮師變宮

祥變宮徵商麟徵紘羽韻徵咎商金角絲商

日徵月羽既角揭變宮乾徵坤羽清徵夷角

初獻宣平

予角懷徵明羽德變宮玉商振徵金角聲商

生羽民徵末商有變宮展徵也羽大變宮成羽

俎變宮豆商干角古變宮春羽秋羽上變宮丁羽

清角酒商既徵載角其徵香羽始徵升角

亞獻秩平

式角禮徵莫羽德變升商堂變再徵獻角

響商協變德變誠變宮孚商壘變宮顛角

肅官肅官雍羽雍羽譽徵髦角斯商彥角

禮商陶變樂徵淑羽相變宮觀羽而徵善角

終獻叙平

自角古在官昔來先商民變有徵作羽

皮變宮弁商祭徵菜角於商論變思羽樂徵

惟變宮天商牖角民變宮惟徵聖商時徵若羽

彝變宮倫變攸商敘角至商今變木徵鐸角

徹饌懿平

先角師徵有羽言變宮祭角則商受角福變

四徵海角鬻變宮商嘯徵敢羽不徵肅角

禮變宮成商告角徹變宮毋徵疏羽毋徵瀆變

樂變宮所商白徵生角中變宮原羽有徵菽角

送神德平

鳧角 繹徵 戕羽 戕變宮 朱商 泗角 洋徵 洋徵

景商 行變宮 行變宮 止商 流徵 澤羽 無變宮 疆羽

聿變宮 昭商 祀徵 事角 祀角 事商 孔徵 明羽

化角 我變宮 蒸角 民商 育徵 我羽 膠徵 庠角

樂器

堂上之樂琴用四瑟用六堂下之樂笙簫笛各六排簫

二編鐘編磬應鼓楹鼓各一搏拊鼓排鼓各二祝敔各

一樂人如其器之數舞用六佾羽籥三十有六麾一旌

二木笏六佾生如其佾之數

崇聖祠致祭禮節

崇聖祠教諭正獻前後兩廡皆食餼 弟子員各一分獻先

一日夜分陳設

正位前各羊一豕一釧二簋簋各二邊豆各八鑪一鐙二按

典各帛一爵三尊

配位前簋一簋一邊四豆四東羊豕各一鑪一鐙二按會

帛一爵一中設一案少西供祝版東設一案陳禮神制帛

五絕香盤五爵四爵十有五西設一案陳禮神制帛四

色香盤四尊三爵十有二兩庶東二案西一案每位爵

一實酒每案陳設簠簋邊豆羊豕鑪鐙如配位之數各

南設一案陳禮神制帛一色香盤一尊一虛爵二俎籩

冪勺具祭日雞鳴贊行春秋丁祭禮承祭官詣階下盥

手執事者各司其事就位迎神司香奉香盤就各

香案前立不贊就上香位引承祭官升東階九殿

左門不贊詣

鑿聖王位前跪叩首興上香司香跪承祭官上炷香三上辦

香跪叩首興以次詣左

正位前上香儀同降階贊復位引引分獻者升東階人殿

門分詣

配位前上香如儀降階贊復位引引兩庶分獻者分詣兩

庶從位上香如儀贊復位跪叩首興行三跪九叩禮

興贊奠帛爵行初獻禮引承祭官升階不贊詣中案

前跪叩首興司帛跪奉籩承祭官受籩拱舉奠於案司

爵跪奉爵承祭官受爵拱舉奠於墊不贊跪叩首興

以次詣左案前奠獻如儀贊就讀祝位承祭官詣拜位

立司祝奉祝至案前跪三叩奉祝版跪案左不贊承

祭官跪皆跪讀祝辭曰維某年月日某官某致祭於

肇聖王

裕聖王

詒聖王

昌聖王

啟聖王曰惟

王亦葉鍾祥光開聖緒盛德之後積久彌昌凡聲教所覃敷

率循源而溯本宜肅明禋之典用申守土之忱茲屆仲

春聿修祀事配以

先賢孔氏 先賢顏氏 先賢曾氏 先賢孔氏

先賢孟孫氏尚 饗

讀畢贊興司祝者奉祝版跪安於

肇聖王位前篚內三叩首興退贊承祭官跪以下皆跪

行三叩禮興復位引承祭官降階復位贊引

正殿分獻者升東階入殿右明詣

配位前引兩廡分獻者分詣兩 從位前儀同正獻亞獻

各獻爵於左終獻各獻爵於右均不奠帛餘如初獻儀

贊徹饌執事徹饌畢贊送神三跪九叩禮興奉祝

帛香饌送燎司祝司帛司香司爵各奉祝帛香饌恭送燎所如儀贊詣燎所眠燎復位禮畢退位

關帝廟舊在城外東北角百簍坵下元陶書有碑載藝文志明知縣張博重建道光七年閩邑士庶重修計殿三楹廊六楹煥然改觀後隙地數弓復創樓曰春秋邑歲貢汪炯為之記同治四年燬於賊今改祀城西

關帝廟每歲春秋仲月及五月十三日致祭
春秋二祭祭品
帛一 白色 牛一 羊一 豕一 邊一 豆一

五月十三日祭品後殿不用牛餘同
帛一 白色 牛一 羊一 豕一 果五盤
禮節與

文廟同

祝文

惟

浩氣凌霄丹心貫日扶正統而彰信義威震九州完大節以篤忠貞名高三國 神明如在偏祠宇於寰區靈應丕昭薦馨香於歷代履徵異蹟顯育羣生之恭迺仲春嘉

辰遵行祀典筵陳遵豆几奠牲醪尚 饗

咸豐四年

頒發五月十三日祝文

惟

九宇承麻兩儀合撰崧生嶽降潮誕聖之雲辰日午天中
屆恢台之令序聰明正直壹者也千秋繼以肝鬲之隆盛
德大業至矣哉六幕肅馨香之薦爰修楹心典式展明禋
苾芬時陳精誠 鑒格尚 饗

樂章

迎神 樂奏格平之章

懿鑠兮焜煌 神威靈兮赫八方偉烈昭兮累禋祀
事明兮永光達精誠兮黍稷馨香儼如左山兮洋洋

初獻 樂奏翊平之章

英風颯兮 神格思紛羽蓋兮龍旂鄰桂醕兮盈卮
香始升兮明粢惟降鑒兮在茲流景祚公翊昌時
亞獻 樂奏恢平之章

觴再酌兮告虔舞干戚兮合宮懸歆苾苾兮潔蠲扇巍
顯靈兮 神功宣

終獻樂奏靖平之章

鬱鬯兮三申羅籩簋兮畢陳儀卒度兮肅明禋 神

降福兮宜民宜人

徹饌樂奏彝平之章

物惟備兮咸有明德惟馨兮 神其孚告徹兮禮終

罔咎佑我家邦兮孔厚

送神樂奏康平之首章

幢葆歲鞋兮 神聿歸馭鳳軫兮驂虬駢降烟燼兮

餘飭馐願回靈盼兮德洽明威

望燎樂奏康平之二章

焘蒿烈兮燎有輝 神光遙兮祥雲霏祭受福兮

茂典無違庶揚駿烈兮永奠疆畿

後殿祀

關帝先代 咸豐六年 追封王爵

祭品

帛一 白色 豕一 羊一 遵八

禮節

行三跪六叩頭禮承祭官詣

光昭王

裕昌王

成忠王各爐前奉香餘同前殿

後殿春祭祝文

惟

王世澤貽庥靈源積慶德能昌後篤生神武之英善則歸親

宜享尊榮之報列上公之封爵

錫命優隆合二世以肇禮典章明備恭誦吉日祇事薦馨尙

饗

後殿五月十三日祝文

惟

王迪德承家累仁昌後崧生嶽降識毓聖之有基本本水源

宜推恩之及遠封爵特超於五等馨香永薦於千秋際

仲夏之屆時命禮官而將事惟祈 昭格鑒此精虔

尙 饗

文昌帝君廟舊在曹家山 年知縣尹行鐸改建於印臺

山咸豐四年賊燬咸豐九年重建上爲八角樓前爲魁

星閣中拜殿三楹後三間係

先代祀位

升入中祀每歲春秋仲及二月初三日

致祭其祭品禮節俱祭

關帝廟

春秋二祭祝文

惟

神道闡苞符性敦孝友並行並育德侔天地以同流乃聖乃

神教炳日星而大顯仰鑒觀之有赫示明德之惟馨茲

當仲春用昭時享惟祈 歆格克鑒精虔

二月初三日祝文

惟

神功參囊籙撰合乾坤溯誕降之靈辰三台紀瑞度中和之

令節九宇承暉若日月之有光明闡大文於孝友如天

地無不覆載感至治於馨香爰舉上儀敬陳芳薦精禋

罔斁 神鑒式臨

樂章

迎神 樂奏丕平之章

秉氣兮靈躔翊文運兮赫中天蜺旌兮戾止雕俎兮告

虔迓 神庥兮于 年

初獻 樂奏叔平之章

神之來兮遵筵式陳

神之格兮几筵式親極昭彰兮靈

既致縟潔兮明禋升香兮伊始居歆兮佑我人民

亞獻 樂奏煥平之章

再酌兮瑤觴燦爛兮庭燎之光申虔禱兮

神座儼

降兮

帝旁采醴潔兮幣邀將綏景運兮靈長

終獻

樂奏煜平之章

禮成三獻兮樂奏三終覃敷元化兮繁

神功馨香

達兮肝鬢通歆明德兮昭

徹饌

樂奏熹平之章

備物兮惟時告徹兮終禮儀

神悅懌兮鑒在茲垂

鴻佑兮累洽重熙

送神

樂奏蔚平之章

雲駢駕兮風旂招

神之歸兮天路遙瞻翠葆兮企

丹青願回靈眷兮福我朝

望燎

樂奏蔚平之章

烟熅降兮元氣和

神光

兮梓潼之阿化成者定

兮橐弓戢戈文治光兮受

後殿祭

文昌帝君先代神位祭品禮節俱

關帝廟後殿

祝文

教貽式穀垂抑邪扶正之規禮重升馨著崇德報功之典載稽譜牒祇肅茲芬惟

文昌帝君學裕本原道參位育緬馨香之至治久極尊崇申報享之隆文宜昭誠敬聿升中祀式舉上儀於戲德迪前光十七世仁風普洽慶餘積善億萬年文運長新

敬布明禋尚祈 昭鑒

後殿二月初三日祝文

惟

文昌帝君道備中和神超亭毒稟貽謀而允紹欽毓聖之有基雲漢昭回際嶽降崧生之會馨香感格興水源本本之思式肇明禋用光彝典尚祈

神鑒享此清芬

社稷壇前志載在治北四百步後訛治西門外同治九年邑侯朱榮實議改建於治北門外三里墳以符舊志北

郊在北

按會典之制壇而不屋東西南北俱長二丈五尺高二尺一寸四出陛各三級祭以春秋仲月上戊日禮用三獻

祭品

鉶二實和 簋二實稻 簋三實黍 邊四實形 栗鹿脯 豆四實
鹿醢 芹 俎陳羊一 豕一 篚一實帛二 尊一色黑

祝文

惟

安九土粒食萬邦分五色以表封圻育三農而蕃稼穡

恭承守土肅展明禋茲屆仲春聿修祀典庶九九松柏

鞏磐石於無疆翼翼黍苗佐神倉於不匱尚饗

先農壇 在城外東南角應池處壇制與 社稷同

每歲仲春亥日巳時祭午時行耕藉禮祭日禮節與

社稷壇同

祭品

帛一色白 羊一 豕一 鉶一 尊一 爵三
邊四 豆四 簋二 簋二

祝文

惟

神 鑿與稼穡粒我蒸民頌思文之德克配彼天念率育之功

常陳時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五

風十雨嘉祥恆沐

神 庠庶幾九穗雙歧上瑞頻書大有尚 饗

祭畢各官更蟒衣詣藉田行耕藉禮

耕藉器物人役

農具一 赤色 牛一 黑色 籽種一 青色

耆老一名 牽牛 農夫二名 扶犁 農童六名 唱歌

風雲雷雨山川壇 前志載在治西南四百步後訛治東門外紫虛觀同治九年邑侯朱榮實議改建於

治南教場岡以符舊志南郊在南之義

壇制祭日與 先農同祭品亦同惟爵用二十一帛

用七中位風雲雷雨左山川右城隍神牌現在用木以

其常徙易遷奉如立壇後宜用石祭器牲幣較社稷加

一分改望瘞為望燎先是洪武元年詔令天下郡邑特

原山縣志 卷之四
祀境內山川二年令以風雷雨師三神爲一壇六年令以風雲雷雨山川六神爲一壇又以城隍之神合祀此後遂合三神爲一壇至今遵行焉

祝文

惟

神贊勳天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰 神明之庇護恭修歲祀正值良辰敬潔豆邊祇承牲幣尚 饗

城隍廟

治東街路北前有頭二門後有聖殿聖母殿左有百子殿右有增福殿兩廡有十四冥司神其廟勅自元明宗天歷戊辰年至明洪武二年己酉重建嘉靖二年癸未復修其基係袁鑑所施以故袁氏子孫世世看守爲廟祝

凡地方官春秋致祭皆行一跪三叩頭禮上香獻帛如前儀

會典載每月朔望守土官詣廟行香行二跪六叩禮遇暘雨愆期則素服禱於廟

陳士元曰按聖政記云城隍之祀莫詳其始先儒謂既有社矣不應復有城隍宋以來其祀徧天下或賜

廟額或頒封爵或遷就傳會各指一人為神之姓名
明洪武初革爵號改稱某府州縣城隍之神制備義
精祛前代之陋云

邑厲壇在東門外紫虛觀前

每歲清明日七月望十月朔臨時張幄迎 城隍

神像赴壇下設無祀孤魂牌位牲用羊豕多焚楮幣

清明祝文

時值陽和節屆清明野原荒塚醮祭頻臨憐爾孤魂斬
祀無人具我酒饌潔我粢盛來飯來食無犯無驚

七月望日祝文

律叶夷則風露淒其凡民有主祭祀以時惟爾孤魂飄
蕩無依我將我奠飲斯食斯共為靈鬼衛我郊圻

十月朔日祝文

月惟孟冬北風其涼凜凜霜雪黯黯郊荒憐爾孤魂依
附無方我將我奠來飲來嘗逍遙境內永獲厥祥

常雪壇未立壇所向在 先農壇設祭

祭品 禮節俱與祭 先農壇同

祝文 通禮云隨時撰擬

應山縣志卷之四
龍神祠在書院西首今考棚二門內

祝文

惟

神德洋寰海澤潤蒼生允襄水土之平經流順軌廣濟泉源
之用膏雨及時績奏安瀾占大川之利涉功資育物欣
庶類之蕃昌仰藉 神庥宜隆報享謹遵祀事式協良
辰敬布几筵祇陳牲幣尙 饗
楊忠烈公祠在正街路東分司口對門每歲春秋仲月
知縣致祭

節孝祠在北街路西與楊忠烈公祠同日祭

祝文

惟 靈純心皎潔令德柔嘉矢志完貞全閩中之亮節
竭誠致敬彰闔內之芳型茹冰蘖而彌堅清操自勵奉
盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊醪尙

饗

魁星樓在東街路北祀

魁星兼祀

文昌前印

臺山廟被燬祀此今復

炎帝廟在分司口內每歲春秋仲月官用少牢誼吉致祭禮節與城隍廟同

四賢祠在渡蟻橋北卽古法興寺宋庠之孫義年建以祀二宋二連張未有記載藝文志康熙壬子年知縣周祐率典史姚廷玉重建立有碑記

徐公生祠在察院東今廢

南張公生祠侯名博字子約浙江山陰人登乙丑進士出戶部改任應山祠在邑演武亭後今廢

馬都司祠在治東二十里明正德辛未霸州賊起渡河而南河南都指揮僉事馬振率十餘騎晝夜兼馳追捕至本縣山口遇害穎川鞏臣撰碑於其地碑載藝文志中知縣王尙用卽其地祠之知縣王朝璩以其死於三月七日也歲以是日祭之祭文云公分闕汴梁承家忠義寇至而卽遇其鋒寇奔而必窮所止遇害雖傷於易敵死綏無愧於古人嗚呼哀哉某等忝官茲土慨慕英風諱日復臨謹伸常祭

吳參政祠在治西七十里并子鋪東墓所元孽雲南梁王弗賓高皇使王待制禕吳參政雲先後招諭皆不

屈死而雲之子黻白於朝請許歸葬於江夏之金口
 鎮行及井子不能進遂葬於鋪之東偏嘉靖元年黻
 之孫鳳翔來省白於官為立碣石建饗廊並以官田
 十有五畝為祭田鳳翔復質居民何倫之田三十餘
 畝以益之令倫守墓且佃之田而歲入其租以供祭
 需及埋葺之費乃以狀白巡按唐御史聞於朝事下
 禮部行縣祭以清明縣官主之牲醴物品取給於租
 不支官物歲久弊作仍派里甲且稱號失實祭期弗
 經知縣王朝璣釐正之祭文云惟公翊運從龍仗節
 死義功存社稷形空應山某等忝官茲土備奉欽依
 節屆清明恭伸祭掃

東張公祠在治東關路北祀張中丞巡明慶歷中增入
 岳飛李庭芝號三忠祠後以楊忠烈公附祭稱為四
 忠祠顏木張希良俱有記載藝文志

王公祠在書院西間壁祀邑侯王伯典
 尹任二公合祠在印臺山大慈庵祀邑侯尹公行鐸任
 公起元

附鄉廟凡不載祀典與載在祀典私修於鄉者均以鄉廟無祀之

楚俗信鬼喜誣祀故二氏之說行梵宇琳宮遍奪名勝而有之應佛廟數百村俗所為士人不貴祇以世泰民豐綽有餘裕遂致福及緇流土木兼蒙藻繪兵燹之後亦稍衰矣然究未盡廢也且編查保甲宜兼僧俗載之亦可以蒐緝奸詭故備錄

城內外

三官殿 在魁星樓後

自在庵 在學宮前

清泉寺 在小西街北首

延壽庵 在清泉寺後

接引殿 在火神廟後

觀音殿 在萬壽宮西開壁

東嶽觀 即紫虛觀有柏七株舊志稱七星柏今毀於兵燹者五相傳為時所植

遷佛寺 在印臺山北麓舊志 萬佛庵 在紫虛觀前

十方庵 在渡蟻橋東北隅典 大慈庵 在印臺山南首知

指南院 在渡蟻橋北 今名南茶庵 高家庵 在北關产北首

東鄉

龍王廟 在三里河原任應山縣知縣陞都察院徐起元修兵燹無存康熙乙酉年知縣周祐捐俸重建

隆興寺 在天井澗幽杏紆折自澗口入凡九曲五里至山門石梁正殿後毗盧殿平揖諸峯向光振有

記載藝 淮瀆廟 孔山上有砦

跳 寺在武園會跳 冲原名跳石寺寺前石上有仙人足跡冲與寺俱以此名

山口寺 距城三十里

玉皇頂觀 山口路南有砦

牛皇廟 距城五里

烏石寺 在烏石山鄰有王家新廟會以此名

譚家砦廟 距城六里

永定寺 距城五十里舊志

清涼寺 距城十三里

培龍寺 在廣水鎮東

蓮池庵 距城四里

興隆庵 在廣水鎮東

永安寺 在廣水鎮北首

曹家庵 距城四里

圓通寺 在廣水鎮南首

東嶽廟 在十里河

松林寺 在長勝河

香峯寺 在廣水西北

關帝廟 距城十三里

文殊寺 在廣水西北

雙廟 在張楊店

仰山廟 距城十五里

三官殿 距城十三里

劉家廟 在劉家河

卓家廟 距城十里

龔家廟 距城二十二里

蔣林寺 在蔣林坡距城十三里

三聖寺 在李店距城四十里

南鄉

關帝廟 在駱家店南首官府往來憩此與駱家廟間壁

正覺寺 距城二十五里陳家巷街路東官府往來憩息於此

觀音城寺 距城四十里安應交界山勢險要寺舊制未拓僧宗濟苦志募化增其式廓康熙己酉知

縣周祐捐貲重修旁建一亭在萬竹之中水光掩映額曰水竹平分光景煥然可觀時有高人逸士題詠

後先稱樂國焉
有記載藝文志

魯班店 駱家店南五里

殷家廟 在駱家店南二里

朝陽觀 即朝真觀在吉陽山北巔有砦

青堆寺 在青堆山有砦同治三年與賊戰獲勝

經臺寺 後有砦距城二十五里即三臺之一

夾山廟 在劉家店東北

金鶴廟 在吉陽山北

龍泉寺 在壽山有砦舊志

文殊寺 距城五十里會以此名

如淨宮 距城五十里在七里岡

觀音殿 庠生盧起元修

羅漢寺 在太平鎮會以此名

吉山寺 在吉陽山北

趙家廟 距城二十六里

中峯寺 在吉陽山中峯之陽

何家堂 距城二十五里

圓通寺 在吉陽山之陰舊志

蔽山寺 在蔽山之陰

迴龍寺 在吉陽山東

梅家廟 在秦家河之南

譚家廟 距城三十里會以此名舊志

常家寺 距城十八里

夏家庵 在譚家廟前

新和寺 在新河砦內

紅廟 治南三十五里

孫家觀 距城三十五里

李家廟 距城十八里

水口廟 距城七里

孫家廟 在不磯港北

胡家廟 距城三十里

石家廟 距城二十五里

三清廟 距城三十里

鄭家廟 距城二十八里

西鄉

石井寺 在石井鋪西山頂 距城三十里舊志

顯靈觀 舊志

合髻寺 在合髻會 有些舊志

太山廟 距城三十五里在太山會

嵩山寺 距城六十里舊志

八角廟 在八角會

秀峯寺 治西北六十里舊志

劉李廟 在漿陂河

圓明寺 距城四十里舊志

玉皇廟 在程家冲

雲臺觀 距城三十五里 有些詳三臺詩

楊福廟 在楊福會

帝廟 距城三十里

夏家廟 在白鶴子河東

傅家廟 距城十八里

雷家廟 距城四十里

北鄉

寶林寺 距城二十里其創不知何代但見宋元皆有碑 碑峻礪成稱勝境至明洪武勅賜僧修易名正

覺寺 其址周遭幾數里許具東西西北三門來龍自萬 峯蜿蜒而下後列松栞二坪其木皆參天連抱壽不

可紀人謂有神呵焉前臨大河奔流激湍曲折而來 碑云千山聳秀二水交流真福地也殿閣凌空樓臺

插漢金碧莊嚴造人心目有無念祖師影及爪髮袈 裝錦盂有明太祖洪武遺像又有御製碑賜松實詩

有藏經閣藏佛經萬卷至其地者多生世外之想是 以騷人墨客題詠不窮不能盡載登其近者數首於

藝文志 中舊志

朝陽觀 距城五里係城 來龍少祖山

乾明寺 在大龜山距城六十里楊忠 烈讀書處今名大柱寺舊志

興化寺 在治西北舊志閱 進士衍讀書處

觀音寺 距城三十里許家 冲與旺砦之麓

玉皇頂 在吳家店北

遠臺寺 距城十三里

白龍寺 在大龜山下

龍門寺 即土門庵 距城六十里

炎帝廟 今更爲僧王廟 在蔡家河鎮

草廟 即觀音寺 在花山北

西庵寺 在花山北

古鏡庵 中華山西

四官殿 在孟販店

祖師殿 中華山嶺

百子殿 距城四十六里

觀音寺 在十三里鋪

文昌閣 在吳家店

東嶽廟 在盛生店

黃家觀 距城下二里

關帝廟 在蔴穰市

火神廟 在黃土關

黑虎廟 距城四十五里

世治聽命於人世亂聽命於神治家亦然當其興也
 身率子弟力勤耕謹規矩懷然禮法秩然歲時家祭
 而外禱廟祈神之事長年不暇乃上下恬熙災厲不
 生者整齊嚴肅之氣作正足制邪孝慈友恭之氣孚
 惠能迪吉不必神降之福即此家政肅雍福莫大焉
 至若修齋祈福誦經穰災倖心多則畏心少鬼道盛
 則人道衰率家人父子日疲憊於焚香翦燭掃壇拜
 佛之場晝夜無度上下交迷非有神降之禍即此家
 政廢弛禍莫大焉敬鬼神而遠聖言豈欺我哉諱資

此以為務所當務者勸

補遺

關帝春秋二祭祝文

惟

神星日英靈乾坤正氣允文允武昭聖學於千秋至大至剛

顯神威於六合仰聲靈之赫濯崇典禮於馨香茲當

仲秋春用昭時饗惟祈昭格克鑒精虔

名宦祝文

卓哉羣公懋修厥職澤被生民功垂社稷茲惟仲秋春謹

以牲醴用申常祭尚饗

鄉賢祝文

於惟羣公孕秀茲邦懿德卓行奕世流芳茲惟仲春謹
以牲醴用申常祭尚 饗

忠義祝文

惟靈秉賦貞純躬行篤實忠誠奮發貫金石而不渝義
問宣昭表鄉閭而共式祗事懋彝倫之敘性摯莪蒿克
恭念天顯之親情殷棣萼模楷咸推夫懿德

綸恩特闡其幽光祠宇惟隆歲時式祀用陳尊簋來格几筵

尚 饗

應山縣志卷十五

戶口 保甲附

古者賦出於田漢晉以來口算戶調丁賦之法備歷代因之我

朝始優免繼隨田繼停賦又停審休養生息亙古無此蕃庶也應至咸豐年山陬水澨村舍鱗鱗幾有人滿之患亂經髮捻膏鋒鏑多矣然猶家有間丁野無曠土負耒耜走吳越離樂土墾荒蕪此固盛極之徵而身為父母者將如赤子何志戶口

明以前無考

國

朝順治三年春清審實丁陸千柒百貳拾捌丁

六年春清審如舊奉 文優免鄉紳舉貢生員吏承各

員役人丁

十一年清審柒千叁百零伍丁

十四年奉 文加玖百柒拾貳丁吏承不免鄉紳舉貢

生員止免本身

康熙四年奉 文豁免運夫人丁壹拾陸丁

五十二年三月十八日

恩詔續生人丁永不加賦

雍正六年通行丁派於田彙同優免丁銀歸入闔省錢

糧均攤丁隨糧派

乾隆二十七年停編審

咸豐十年縣冊土著流寓肆拾貳萬叁千貳百貳拾玖

名

保甲

保甲良法仿閩黨遺制詳牧令全書所以勸親睦遏亂
萌也應萬山叢雜僻處良民守望無助而村烟寥落之
處佳苻可藪稽察難周故聯鄉里弭盜賊保甲尤要特
奉行故事則徒為胥吏爪牙矣周禮猶在以意師之志
保甲

鄉會

原分四鄉五十村

東曰惠育領村一十有八

鹿山縣志 卷十五 保甲

馬都司 廣水店 祭祀壇 高家店

牢城山 下京橋 孫洞廟 羊山寺

蔣林坡 烏石山 三聖寺 太平鎮

方家店 安樂畝 文殊寺 應家寺

經台寺 青堆山

西曰惠化領村一十有二

西關外 傅家廟 合髻寺 官橋河

井子舖 馬坪港 大洪舖 太山廟

蓮花寺 余家店 娘娘廟

南曰從義領村九

南十里舖 南二十里舖 南三十里舖

譚家廟 楊福廟 平林市 土潭舖

壽山會 宋家觀

北曰遵義領村一十有一

北關外 北十里舖 麻穰市 檀梓營

恨這關 吳家店 孟畝店 關家店

寶林寺 武勝關 蠟園河

現分伍拾貳會

城內外伍會

東門會周柒拾里 保正貳名 甲長拾玖名

南門會周貳拾里 保正貳名 甲長拾名

西門會周貳拾里 保正貳名 甲長拾名

北門會周貳拾里 保正貳名 甲長拾名

半甲會周叁拾里 在城西北角分管城內拾分之壹 保正貳名

甲長拾肆名

東鄉會拾叁

東拾會周貳拾里 保正貳名 甲長拾肆名

西拾會周貳拾里 保正貳名 甲長拾陸名

廣水會周貳拾里 保正貳名 甲長柒名

武園會周壹百壹拾里 保正肆名 甲長拾貳名

樂城會周叁拾里 保正壹名 甲長拾名

高店會周貳拾里 保正貳名 甲長拾叁名

下京會周伍拾里 保正貳名 甲長拾名

安樂會周肆拾里 保正貳名 甲長拾貳名

方家會周貳拾里 保正貳名 甲長拾貳名

孫洞會周叁拾伍里 保正貳名 甲長拾貳名

應山縣志

卷十五

保甲

五



三聖會周貳拾里 保正貳名 甲長拾名

烏石會周貳拾里 保正貳名 甲長捌名

羊山會周貳拾里 保正貳名 甲長捌名

南鄉會拾貳

南十會周貳拾里 保正叁名 甲長拾叁名

南一會周貳拾里 保正貳名 甲長拾貳名

南二會周陸拾里 保正柒名 甲長拾陸名

壽山會馬肆拾里 保正貳名 甲長拾名

平林會周拾捌里 保正貳名 甲長柒名

青堆會周叁拾里 保正貳名 甲長玖名

譚家會周肆拾里 保正貳名 甲長拾壹名

蔣林會周貳拾里 保正貳名 甲長捌名

應家會周叁拾里 保正貳名 甲長拾名

經臺會周叁拾里 保正貳名 甲長捌名

羅漢會周叁拾里 保正貳名 甲長拾叁名

文殊會周肆拾伍里 保正貳名 甲長拾肆名

西鄉會拾貳 官橋會周伍拾里 保正貳名 甲長拾貳名

保甲

合吉會周玖拾里 保正叁名 甲長捌名

蓮洪會周壹百拾伍里 保正肆名 甲長拾玖名

太山會周肆拾伍里 保正貳名 甲長捌名

余家會周壹百里 保正陸名 甲長拾名

河清會周捌拾里 保正肆名 甲長拾貳名

井子會周壹百伍拾里 保正捌名 甲長拾捌名

馬坪會周伍拾里 保正貳名 甲長捌名

八角會周肆拾里 保正貳名 甲長柒名

楊福會周伍拾里 保正貳名 甲長玖名

土潭會周肆拾里 保正壹名 甲長柒名

宋家會周伍拾里 保正肆名 甲長拾貳名

北鄉會拾

北十會周肆拾里 保正貳名 甲長柒名

北二會周貳拾里 保正貳名 甲長捌名

北三會周陸拾里 保正貳名 甲長拾名

北四會周肆拾里 保正貳名 甲長拾名

寶林會周壹百捌里 保正肆名 甲長拾陸名

黃土會周壹百貳里 保正貳名 甲長拾伍名

孟畝會周叁拾里 保正貳名 甲長拾名

花泉會周玖拾里 保正貳名 甲長拾名

關家會周捌拾里 保正貳名 甲長拾貳名

吳家會周柒拾里 保正肆名 甲長捌名

以上城鄉共伍拾貳會保正共壹百壹拾玖甲長共伍百柒拾伍名

應山縣志卷十六

田賦 雜稅附

應山田在山中不在石中砂礫參錯無十里之平原其溝渠通流者廣不容舟深不濡首雨集而盈雲散而涸民不得資為水利焉咸鑿池塘以資灌溉比之諸邑最為確粵稽舊志約分 等稍平而可耕者為田水可澆洩者為塘土山之側乾渠之澗力難深耕段難成方者為河地

原額田肆千柒百柒拾壹頃肆拾肆畝壹分陸釐捌毫

玖絲柒忽無上中下則等每畝科秋糧米壹升柒勺
 捌抄肆撮該米伍千壹百肆拾伍石伍斗貳升貳合
 叁勺陸抄每石折銀壹兩壹錢貳分捌釐捌毫貳絲
 捌纖捌渺共折銀伍千捌百捌兩叁錢陸分玖釐陸
 忽叁微叁塵壹纖貳渺每畝科夏稅絲伍分壹釐柒
 毫玖絲玖忽壹微壹塵該絲壹百伍拾肆斤柒兩伍
 錢陸分肆釐貳毫係秋糧帶派每畝科農桑絲壹釐柒毫
 玖絲柒忽貳微該絲伍斤伍兩柒錢伍分肆釐肆毫
秋糧內帶派

原額塘伍百玖拾陸頃陸畝肆分捌釐捌毫伍絲每畝
 科秋糧米伍合叁勺捌抄伍撮貳粒該米叁百貳拾
 石玖斗捌升貳合陸勺捌抄玖撮每石照前則例共
 折銀叁百陸拾貳兩叁錢叁分壹釐柒毫柒忽貳微
 壹塵壹纖捌渺每畝科夏稅絲貳分伍釐捌毫陸絲
 玖忽貳微該絲玖斤壹拾兩壹錢玖分柒釐伍毫壹
 絲秋糧內帶派每畝科農桑絲捌毫玖絲柒忽該絲伍兩
 叁錢肆分伍釐陸毫秋糧內帶派

原額河圍山地共貳千貳拾伍頃肆拾貳畝貳分貳釐

肆毫貳絲伍忽內 河地柒百壹拾捌頃陸拾陸畝
陸分玖釐壹絲伍忽每畝科夏稅小麥陸合該麥肆
百叁拾壹石壹斗玖升玖合肆勺陸抄柒撮陸圭每
麥壹石折銀叁錢叁分陸毫玖絲柒忽壹微肆塵貳
纖壹渺柒漠共折銀壹百肆拾貳兩伍錢玖分陸釐
肆毫叁絲壹忽伍微柒塵肆纖肆渺 園地叁拾柒
頃肆拾貳畝貳分柒釐陸毫叁絲伍忽每畝科夏稅
小麥肆合叁抄伍撮該麥壹拾伍石壹斗壹合伍勺
壹抄柒撮每麥壹石照前則例共折銀肆兩玖錢玖
分肆釐貳絲捌忽伍微壹塵貳纖 山地壹千貳百
陸拾玖頃叁拾叁畝貳分柒釐陸毫每畝科夏稅小
麥貳合玖勺該麥叁百陸拾捌石壹斗柒合柒抄玖
撮肆圭每石照前則例共折銀壹百貳拾壹兩柒錢
叁分壹釐玖毫伍絲玖忽壹微壹塵叁纖陸渺 河
園地共科夏稅小麥捌百壹拾肆石肆斗捌合陸抄
肆撮
以上田地塘共柒千叁百玖拾貳頃玖拾貳畝捌分
捌釐壹毫柒絲叁忽額載秋糧米伍千肆百陸拾陸

石伍斗伍合肆抄玖撮每石除優免外科則不等應徵米銀並籽粒北綱顏料共銀陸千壹百柒拾兩柒錢柒毫壹絲叁忽伍微肆塵叁纖夏稅小麥共捌百壹拾肆石肆斗捌合陸抄肆撮應徵麥銀共貳百陸拾玖兩叁錢貳分貳釐肆毫壹絲玖忽貳微合米麥共徵銀陸千肆百肆拾兩貳分叁釐壹毫叁絲貳忽柒微肆塵叁纖夏稅絲共壹百陸拾玖斤壹拾貳兩捌錢陸分壹釐柒毫壹絲

秋糧內帶派

原額人丁柒千叁百伍丁每丁派銀貳錢肆分肆釐玖毫伍絲貳忽陸微陸渺肆漠陸茫每年除優免外科則不等應征銀並新加顏料共壹千柒百捌拾玖兩叁錢柒分肆釐捌毫伍忽叁微肆塵柒纖叁渺

以上田地山塘人丁並北綱顏料原額銀捌千貳百貳拾玖兩叁錢玖分柒釐玖毫叁絲捌忽玖塵叁渺萬曆四十六七八三年每畝加增玖釐遼餉銀貳千柒百壹拾陸兩伍錢貳分捌釐伍毫捌絲壹忽壹微順治十四年新增玖百柒拾貳丁增銀貳百貳拾叁兩伍錢壹分柒釐捌毫捌絲叁忽伍微貳塵伍渺伍

漢康熙四年豁免運夫壹拾陸丁除銀叁兩玖錢壹分玖釐貳毫貳絲壹忽陸微壹塵叁渺叁漠陸茫除豁免運夫丁銀外共實徵銀壹萬壹千壹百柒拾肆兩伍錢貳分伍釐壹毫陸絲壹忽壹微伍渺壹漠肆茫

原額起運款項

一戶部項下 夏稅折色起運解南農桑絹肆疋壹丈陸尺陸寸伍分每疋正銀伍錢伍分損銀壹錢伍分每兩又加京損銀伍分共銀叁兩叁錢肆分柒釐捌

毫柒絲貳忽伍微 秋糧折色起運 京庫米陸百肆拾壹石貳斗叁升捌勺伍抄肆撮捌圭每石折銀貳錢伍分該銀壹百陸拾兩叁錢柒釐柒毫壹絲叁忽柒微每兩損銀叁分滴珠銀壹分該銀陸兩肆錢壹分貳釐叁毫捌忽伍微肆塵捌纖解費每兩玖釐該銀壹兩伍錢伍毫 派贖太倉米壹百柒拾肆石伍升每石折銀陸錢該銀壹百肆兩肆錢叁分每拾兩京損銀壹錢貳分該銀壹兩貳錢伍分叁釐壹毫陸絲解費每兩玖釐該銀玖錢伍分壹釐貳毫

鈔折色起運江南戶口鈔銀正項共肆拾柒兩陸錢
 陸分貳釐捌毫貳絲貳忽壹微捌塵貳纖捌渺帶閏
 銀壹兩伍錢捌分捌釐柒毫陸絲柒微叁塵玖纖肆
 渺解官盤費每兩玖釐該銀肆錢貳分玖釐 起運
 夏秋本色解京黃絹壹百叁拾壹疋捌尺陸寸肆分
 貳釐伍毫柒絲叁忽每疋正銀柒錢織費銀貳錢積
 銀貳錢共銀壹百肆拾肆兩肆錢壹分陸釐捌毫玖
 絲叁忽柒微玖塵如遇奉取本色當官買絲成造貢
 經手人役解司委員搭解遇

觀年分州縣官帶解不許僉累糧里 新加北絹價銀肆

拾伍兩玖錢伍分捌毫壹絲 簾竹圍頭等銀貳拾

肆兩肆錢伍分玖釐捌毫肆絲 部解南糧通官盤

纏銀壹拾壹兩 以上貳項因南糧奉留本
名兵餉此銀暫入兵餉

摘裁茶價共銀壹拾伍兩貳錢解費每兩玖釐該銀

壹錢叁分陸釐捌毫貳絲役舊編定款裁贖銀陸百伍

拾兩玖錢貳分壹毫捌絲壹微捌塵柒纖叁渺 加

增玖釐餉銀貳千柒百壹拾陸兩伍錢貳分捌釐伍

毫捌絲壹忽壹微

以上共叁千玖百柒拾貳兩陸錢玖分陸釐肆毫肆絲貳忽柒微貳塵

一禮部項下

秋糧折色起運解京藥味正價銀貳兩

肆錢玖釐叁毫柒絲伍忽每兩京損銀肆分該銀玖分陸釐叁毫柒絲伍忽解官盤費每兩玖釐該銀貳分叁釐肆毫解南藥味價銀貳錢玖分玖釐玖毫肆絲叁忽柒微伍塵原無損解

一兵部項下

秋糧折色起運解南江濟水夫柒名銀

貳拾捌兩陸錢陸分伍釐每兩京損銀玖釐該銀貳錢伍分柒釐玖毫捌絲伍忽

以上共銀貳拾捌兩玖錢貳分貳釐玖毫捌絲伍忽

一工部項下 秋糧折色起運緞疋正銀貳拾兩損銀叁兩每兩京損銀玖釐該銀貳錢柒釐解官盤費每兩玖釐該銀貳錢捌釐玖毫 營膳司料銀壹百貳

拾貳兩陸錢柒分伍釐每兩京損銀玖釐該銀壹兩壹錢肆釐柒絲伍忽原議解官盤費每兩玖釐該銀

壹兩壹錢壹分肆釐 活鹿壹拾貳隻每隻正銀肆

兩共銀肆拾捌兩每兩京項銀玖釐該銀肆錢叁分
貳釐解費每兩以釐該銀肆錢叁分伍釐玖毫 頁
秋本色起運白硝麂皮叁拾貳張每張價銀肆錢京
項銀貳錢共銀壹拾玖兩貳錢解費每兩玖釐該銀
壹錢柒分貳釐捌毫如遇折色之年每兩另派京項
銀玖釐 解襖褲鞋襪各玖拾壹副每副正銀壹兩
貳錢水腳叁錢共銀壹百叁拾陸兩伍錢原議解官
領銀制道解司另給夫馬不必加派項銀 軍器銀
伍拾伍兩玖錢貳分肆釐壹毫叁絲盤纏銀伍錢叁

釐叁毫

派贖辰州軍餉米除改抵沅州額派歷日

軍器外實徵銀肆兩捌分捌釐玖毫奉 文改抵辰
州府黔陽縣白硝麂皮原議解費每兩玖釐該銀叁
分陸釐捌毫綾鈔紙價銀柒拾貳兩柒錢陸分柒釐
陸毫肆忽候 部文到之年方派不必每年帶徵

以上共銀肆百捌拾陸兩叁錢柒分肆毫玖忽

光祿寺項下

甲丁庫供應等銀壹百伍拾肆兩每

兩京項銀貳分該銀叁兩捌分解官盤費每兩玖釐
該銀壹兩肆錢壹分叁釐柒毫 新加顏料銀壹百

參拾玖兩陸錢柒分肆釐捌毫

以上共銀貳百玖拾捌兩壹錢陸分捌釐伍毫

一隨漕項下 楞木松板銀叁兩肆錢伍分捌釐 運

糧官軍行月貳糧米貳百貳拾捌石貳斗叁升每石

折銀肆錢該銀玖拾壹兩貳錢玖分貳釐 叁陸耗

席輕齋銀壹百伍拾玖兩玖錢壹分肆釐每兩解淮

損銀壹分該銀壹兩伍錢玖分玖釐壹毫 淺船銀

貳拾貳兩伍錢叁分陸釐費銀貳錢貳釐伍毫貳絲陸

忽 部解兌糧運官盤費銀叁兩

以上共銀貳百捌拾壹兩玖錢陸分捌釐陸毫貳絲

陸忽

以上總計原額起運各部寺並隨漕項下共銀伍千

零柒拾兩玖錢伍分陸釐伍絲陸忽肆微柒塵按康

熙三年奉 文各項錢糧統歸戶部執掌新例既行

無事條分細注特存以備參考

原額存留款項

一各衙門官俸役食項下

分巡荆西道 轎傘扇夫柒名共銀伍拾兩零肆錢順治

十四年裁銀捌兩肆錢康
熙二年裁銀肆拾貳兩

鋪兵貳名共銀壹拾肆兩肆錢順治十四年裁銀貳兩肆錢康熙二年裁

銀壹拾貳兩

本府 書辦壹拾捌名共銀壹百玖拾肆兩肆錢順治九年

裁銀捌拾陸兩肆錢康
熙元年裁銀壹百捌兩

馬快伍名共銀玖拾兩順治九年裁銀陸兩

禁子伍名共銀叁拾陸兩順治九年裁銀陸兩

修理監倉刑具銀貳拾兩

清軍廳 阜隸伍名共銀叁拾陸兩順治九年裁銀陸兩存銀叁

拾兩

糧廳心紅銀貳拾兩今無

阜隸壹拾貳名共銀捌拾陸兩肆錢順治九年裁銀壹拾肆兩肆錢

存銀柒拾貳兩今無

轎傘扇夫柒名共銀伍拾兩肆錢順治九年裁銀兩肆錢存銀肆拾

貳兩今無

刑廳 阜隸陸名共銀肆拾叁兩貳錢順治九年裁銀柒兩貳錢康熙

六年裁銀叁拾陸兩今無

照磨 門子壹名工食銀柒兩貳錢順治九年裁銀壹兩貳錢存銀

陸兩 今無

司獄

阜隸貳名共銀壹拾肆兩肆錢

順治九年裁存銀貳兩肆錢

銀拾貳兩 今無

府學教授俸銀叁拾壹兩伍錢貳分

今貳員編俸各半

知縣俸薪銀陸拾叁兩肆錢玖分

順治十四年裁銀壹拾捌兩肆錢玖分

存銀肆拾伍兩

心紅紙張銀貳拾兩 今無

油燭銀壹拾兩 順治十四年全裁

迎送上司傘扇銀拾兩 順治十四年全裁

宅家伙銀貳拾兩 順治九年全裁

書吏壹拾貳名共銀壹百貳拾玖兩陸錢 順治九年裁銀伍拾

柒兩陸錢康熙元年裁銀柒拾貳兩

庫書壹名工食銀壹拾貳兩 順治九年裁銀陸兩

倉書壹名工食銀壹拾貳兩 順治九年裁銀陸兩

門子貳名共銀壹拾肆兩肆錢 順治九年裁存銀壹

拾貳兩

阜隸壹拾陸名共銀壹百壹拾伍兩貳錢 順治九年

兩貳存銀玖拾陸兩 今姑堂阜隸銀柒拾捌兩迎送

丁銀壹拾貳兩

民壯伍拾名共銀叁百陸拾兩順治九年裁存銀叁

百兩今撥歸健丁銀壹拾貳兩

馬快捌名共銀壹百肆拾肆兩順治九年裁銀肆兩

肆拾捌兩存銀壹百叁拾肆兩肆錢

庫子肆名共銀貳拾捌兩捌錢順治九年裁存銀貳

拾肆兩

斗級肆名共銀貳拾捌兩捌錢順治九年裁存銀貳

拾肆兩

禁子捌名共銀伍拾柒兩陸錢順治九年裁存銀肆

拾捌兩

修理倉監銀貳拾兩今無

轎傘扇夫柒名共銀伍拾兩肆錢順治九年裁存銀

肆拾貳兩

燈籠夫肆名共銀貳拾捌兩捌錢順治九年裁存銀

貳拾肆兩今無

典史俸銀叁拾壹兩伍錢貳分

書辦壹名工食銀柒兩貳錢順治九年裁銀壹兩貳

門子壹名工食銀柒兩貳錢順治九年裁存銀陸兩

阜隸肆名共銀貳拾捌兩捌錢順治九年裁存銀貳

拾肆兩今陸兩

馬夫壹名工食銀柒兩貳錢順治九年裁存銀陸兩

巡檢俸銀叁拾壹兩伍錢貳分

書辦壹名工食銀柒兩貳錢順治九年裁銀壹兩貳錢

阜隸貳名共銀壹拾肆兩肆錢順治九年裁存銀壹

拾貳兩

教官貳員俸銀共陸拾叁兩肆分順治十六年裁訓導

捌釐貳毫

協濟應城北驛支應銀伍拾貳兩伍錢捌分玖釐貳毫

無閏周志今奉詳允准

一均徭項下

各鋪司兵徭編銀差伍拾壹名充力差壹名共工食銀

貳百玖拾兩零捌錢肆分捌釐縣前鋪徭編伍名本

府路南十里桑林貳鋪各徭編肆名駱家店徭編肆

名永充壹名南接官廳徭編叁名信陽路北十里陽

家易家關口肆鋪各徭編肆名隨州路石橋土潭貳

鋪各徭編肆名以上徭編每名工食連閏銀陸兩壹錢本縣東接官廳徭編壹名隨州龍泉井子貳鋪各徭編叁名每名工食連閏銀叁兩零伍分

巡檢弓兵貳拾陸名工食共銀壹百零伍兩柒錢叁分叁釐順治十四年裁銀伍拾貳兩捌錢陸分陸釐伍毫存銀伍拾貳兩捌錢陸分陸釐伍毫

迎送卓隸拾名每名伍兩捌分叁釐叁毫共銀伍拾兩捌錢叁分叁釐

段家河渡夫貳名各工食連閏肆兩陸分陸釐陸毫共分存銀叁拾壹兩伍錢貳分

書手壹名工食銀柒兩貳錢康熙元年全裁

門子伍名共銀叁拾陸兩順治十六年裁銀壹拾肆兩捌錢康熙四年裁銀柒兩貳錢存銀壹拾肆兩今壹拾伍兩

齋夫陸名共銀柒拾貳兩順治十六年裁銀叁拾陸兩存銀叁拾陸兩

膳夫貳名共銀肆拾兩順治十四年裁銀貳拾陸兩陸錢陸分陸釐陸毫陸絲陸忽存銀壹拾叁兩叁錢叁分叁釐叁毫叁絲叁忽肆微

喂馬草料銀貳拾肆兩

順治十六年裁銀壹拾貳兩

存銀壹拾貳

兩

今無

一驛站頂下

協濟本府屬應城縣北驛馬陸匹每匹銀叁拾兩閏銀

伍錢又零銀貳拾兩閏銀叁錢叁分叁釐共銀貳百

零叁兩叁錢叁分叁釐

協濟襄陽府呂堰驛馬肆匹每匹銀叁拾兩閏銀伍錢

又零銀肆兩閏銀陸分陸釐柒毫共銀壹百貳拾陸

兩零陸分陸釐柒毫解費每兩叁釐該銀叁錢柒分

銀捌兩壹錢叁分叁釐叁毫

段家河渡船貳隻每年修船銀叁兩共銀陸兩貳項共

銀壹拾肆兩壹錢叁分叁釐叁毫

順治十四年裁銀柒兩零陸分陸釐

陸毫伍絲存銀柒兩零陸分陸釐陸毫伍絲

排夫原額壹百壹拾貳名內除本府糧廳並本縣轎傘

夫壹拾貳名扣抵新經制外實存走差壹百名每名

工食銀柒兩叁錢貳分共銀柒百叁拾貳兩

腳馬陸拾匹每匹銀貳拾肆兩帶閏銀肆錢共銀壹千

肆百陸拾肆兩

今壹百陸拾四排夫壹百伍拾伍名

一祭祀項下

龍亭儀仗修理銀貳兩 今無

本縣文廟貳祭共銀肆拾兩

啓聖祠貳祭共銀柒兩

名宦鄉賢貳祭共銀柒兩

山川壇貳祭共銀壹拾貳兩

社稷壇貳祭共銀拾壹兩 今與山川壇共貳拾兩

邑厲壇叁祭共銀拾貳兩

本府黃香祠祭祀銀肆兩捌錢 今無

楊忠烈祠祭祀等銀壹拾捌兩壹錢

鄉飲貳次共銀陸兩 順治十四年裁銀叁兩存銀叁兩今無

香燭米銀壹兩貳錢陸分 今壹兩零肆分玖釐

優廩考試項下鄉領貳次共銀陸兩 順治十四年裁銀叁兩

廩生貳拾名廩糧銀壹百肆拾肆兩 廩生支領順治十四年裁銀玖拾陸兩

兩康熙二二年裁銀肆拾捌兩今復銀肆拾捌兩

歲貢盤纏銀壹拾伍兩 康熙叁年全裁康熙九年奉文全復

學道歲科考合用試卷供應給賞等項每年派銀貳拾肆兩臨期扣銀叁兩協濟安陸搭廠餘實用銀數造

冊申學道印發本縣存照

順治十四年設錄

存銀壹

拾兩零伍錢又搭廠銀叁兩

今無

歲貢生員正貢盤費花紅旗匾酒席銀壹拾貳兩正陪

貳名赴考腳力銀各壹兩共銀壹拾肆兩貳年壹貢

每年該銀柒兩

康熙三年全裁
康熙九年全復

科考生員以拾伍名為率每省盤纏花紅酒席銀叁兩

共銀肆拾伍兩叁年壹次每年該銀壹拾伍兩

今無

科舉銀壹拾陸兩捌錢壹分伍釐解費壹錢伍分壹釐

叁毫叁絲

今裁解司銀壹拾
兩貳錢貳分捌釐

科場對讀生叁名每名銀壹兩膳錄書手壹拾伍名每

名銀伍錢共銀壹拾兩伍錢三年壹次每年該銀叁

兩伍錢

新舊會試舉人以壹名為率長夫銀貳拾肆兩叁年壹

次每年該銀捌兩如新中數多暫於備用銀內動支

次年照名加編如有甲第出仕者即照名減編以免

冒破今無

一雜用項下 歷日銀玖兩肆錢玖分肆釐柒絲陸忽

解費每兩玖釐該銀捌分伍釐肆毫肆絲肆忽

本縣應 朝盤費銀首領官貳拾伍兩該吏壹拾兩造

冊紙劄工食銀陸兩共銀肆拾壹兩叁年壹次每年

該銀壹拾叁兩陸錢陸分柒釐順治十四年裁銀玖兩壹錢壹分壹釐叁

毫叁存銀肆兩伍錢伍分伍釐陸毫柒絲今無

門神桃符銀貳兩順治十四年全裁

孤貧壹拾捌名口每名口月糧銀壹兩捌錢共銀叁拾

貳兩肆錢又每名口布花銀叁錢共銀伍兩肆錢

供應銀壹百捌拾兩順治十四年全裁

備用實存銀壹百壹拾肆兩肆錢陸分陸釐柒毫今無

以上原額存儲共銀伍千壹百叁拾壹兩伍錢柒釐

貳毫

今查順治六年清審丁糧田賦俱如舊額八年頒行經

制錄自九年至康熙六年裁減俸工役食等項共壹

千叁百陸拾伍兩叁錢捌分貳釐捌毫貳絲伍忽解

充兵餉又留江濟水夫銀貳拾捌兩陸錢陸分伍釐

歸人驛站又暫留箬竹園頭等銀貳拾肆兩肆錢伍

分玖釐捌毫肆絲與 部解南糧運官盤纏銀壹拾

壹兩作本省兵餉實起運戶禮工光各部寺銀肆千

玖百壹拾貳兩貳錢伍分陸毫伍絲玖微玖塵捌纖
伍漠實存留官俸役食等項銀肆千陸百柒拾叁兩
壹錢柒分肆釐叁毫柒絲叁忽陸微貳纖肆渺陸漠
肆茫合舊額計之除隨漕項下貳百捌拾餘兩雜項
課稅捌兩玖錢捌分陸釐零仍舊徵解外另徵正更
又更銀壹百柒拾兩零伍錢伍分柒釐柒毫叁絲又
南糧鹽腳銀壹百陸拾玖兩捌錢壹分又班匠銀壹
拾貳兩又新徵鹿皮另派京楨銀壹錢柒分貳釐捌
毫肆絲共叁百肆拾叁兩壹錢柒分肆釐叁毫

以上各項奇零數目均多未確因兵燹冊卷失落無
從查攷特記其大概如此

現在徵項

額徵民賦地丁等項正銀壹萬壹千肆百捌拾叁兩伍

錢貳分貳釐

正更又
更在內

隨徵加壹壹耗羨銀壹千貳百陸拾叁兩壹錢玖分
正羨共銀壹萬貳千柒百肆拾陸兩柒錢壹分貳釐

按正又更之名始於康熙九年查明萬曆十七年分
封潞藩奏討膳田由原額民賦內撥給天啓七年惠

藩駐荆奉文於潞田之上無論田地等每畝加派惠租銀玖釐玖毫貳絲壹忽壹微該民辦納起解兩藩充膳

國朝定鼎民解布政司兌給兵餉康熙九年奉 文削除

廢藩名色改爲更名地刊入民賦由單完解非額外新徵也耗羨始於雍正四年籌給各官養廉奉 文加此

原分田地人丁各徵自雍正六年丁派於田統歸田地定賦名爲地丁錢糧年分上下兩忙徵納上忙肆月下忙拾月爲限

現在解額

一解 藩庫起運地丁銀叁千貳百柒拾肆兩壹錢叁分陸釐內除各州縣養廉銀貳 貳兩作爲協幫由司劃抵應解錢糧外實解銀壹千貳百柒拾貳兩壹錢叁分陸釐上下兩忙分解

計協幫馬價拾肆州縣

武昌縣幫銀壹百兩

興國州幫銀壹百伍拾兩

沔陽州幫銀壹百兩

大冶縣幫銀壹百伍拾兩

棗陽縣幫銀伍拾兩

天門縣幫銀貳百兩

京山縣幫銀伍拾兩

蒲圻縣幫銀壹百兩

光化縣幫銀伍拾兩

應城縣幫銀伍拾兩

公安縣幫銀伍拾兩

石首縣幫銀伍拾兩

松滋縣幫銀伍拾兩

隨州幫銀柒百貳兩

一解 藩庫存留裁缺銀柒拾肆兩柒錢

一解 藩庫驛站支餘銀叁百貳拾叁兩陸錢壹分陸

釐詳存留驛站條

一解 藩庫耗羨銀壹千玖拾叁兩叁錢叁分貳釐本縣

養廉銀捌百兩在此請領

一解 糧庫隨漕淺船銀貳百捌拾貳兩陸錢柒分伍

釐內除松板銀壹兩捌錢捌分玖釐另文批解外實

解銀貳百捌拾兩柒錢捌分陸釐

一解 糧庫驢腳銀壹百柒拾兩伍錢捌分

一解 糧庫漕腳耗羨銀肆拾玖兩捌錢伍分捌釐

以上藩糧庫貳共解銀叁千貳百陸拾陸兩捌錢玖

分柒釐上下兩忙分解

現在坐支款項

一祭祀項下

文廟貳祭銀伍拾肆兩

啓聖祠柒兩在內名宦鄉賢祠柒兩在內

山川社稷壇貳祭銀壹拾玖兩玖錢柒分陸釐

武廟叁祭銀叁拾伍兩柒錢肆分陸釐

邑厲壇叁祭銀壹拾貳兩貳錢貳分伍釐

楊忠烈祠貳祭銀壹拾捌兩玖分伍釐

文廟香燭米折銀壹兩肆分玖釐

以上各項坐支

文昌貳祭銀貳拾叁兩捌錢叁分

常雩祭品銀伍兩

先農壇祭品不敷銀壹兩貳錢捌分

以上叁項由縣墊辦俟次年奏銷時赴司請領還

款

文廟幫祭銀貳拾兩

學師領辦

節烈祠貳祭銀拾兩

後裔領辦

以上貳項由縣捐款

一官俸項下

本縣俸銀肆拾肆兩玖錢壹分叁釐

巡檢編俸銀叁拾壹兩伍錢貳分叁釐

典史編俸銀叁拾壹兩伍錢貳分叁釐

府學編俸銀叁拾壹兩伍錢貳分叁釐

縣學編俸銀叁拾 兩伍錢貳分

府學教授加俸銀貳拾玖兩貳錢肆分

府學訓導加俸銀貳拾肆兩貳錢肆分

縣學教諭加俸銀貳拾肆兩貳錢肆分

縣學訓導加俸銀貳拾肆兩貳錢肆分

以上四項由縣墊發

巡檢養廉銀陸拾兩

典史養廉銀陸拾兩

以上二項由耗羨項下坐支

一各衙門役食項下

本府經歷禁卒工食銀貳拾玖兩玖錢捌分伍釐

白河戎府皂役工食銀壹百壹拾叁兩玖錢捌分肆釐

德安戎府皂役工食銀貳拾玖兩玖錢捌分伍釐

張集司皂役工食銀壹拾貳兩玖錢玖分肆釐

縣學齋夫工食銀叁拾 兩

縣學門斗工食銀壹拾肆兩叁錢玖分柒釐

廩膳銀陸拾壹兩叁錢貳分陸釐

巡檢阜隸工食銀壹拾壹兩玖錢玖分肆釐

巡檢弓兵工食銀伍拾貳兩柒錢捌分捌釐

巡檢民壯工食銀壹拾壹兩玖錢玖分肆釐

典史門子工食銀伍兩玖錢玖分柒釐

典史阜隸工食銀貳拾叁兩玖錢捌分捌釐

本縣民壯工食銀貳百捌拾柒兩捌錢肆分柒釐

站堂阜隸工食銀柒拾柒兩玖錢陸分肆釐

迎送阜隸工食銀伍拾兩捌錢柒釐

捕役工食銀伍拾兩捌錢柒釐

仵作工食銀壹拾柒兩玖錢捌分陸釐

庫子工食銀貳拾叁兩玖錢捌分捌釐

斗級工食銀貳拾叁兩玖錢捌分捌釐

禁卒工食銀肆拾柒兩玖錢柒分陸釐

轎傘扇夫工食銀肆拾壹兩玖錢柒分玖釐

門子工食銀壹拾壹兩玖錢玖分肆釐

一驛站項下

排夫工食銀壹千壹百叁拾肆兩陸錢內除小建銀壹

拾伍兩伍分捌釐實支銀壹千壹百壹拾捌兩捌錢

肆分貳釐計夫壹百伍拾伍名每名日支銀貳分貳毫叁絲叁忽叁微壹塵壹纖

驛站馬草料銀貳千捌百捌拾兩內除扣伍日小建銀

肆拾兩實支銀貳千捌百肆拾兩計馬壹百陸拾匹每匹日支銀伍分

藥餌銀壹百陸拾匹內除扣伍日小建銀貳兩貳錢貳

分貳釐實支銀壹百伍拾柒兩柒錢柒分捌釐每馬日支銀貳釐肆毫肆絲肆忽肆微

馬夫工食銀伍百柒拾陸兩除扣伍日小建銀捌兩實

支銀伍百陸拾捌兩計夫捌拾名每名日支銀貳分

支應銀貳百陸拾柒兩柒錢捌分肆釐勘合火牌修置房鋤之用無加

扣日支銀柒錢肆分叁釐捌毫肆絲肆忽肆微

例馬價銀陸百柒拾貳兩計馬肆拾捌匹每匹銀壹拾肆兩無加扣皮價每匹壹兩

共解銀肆拾捌兩又火耗解費銀伍兩陸錢

醫工食銀壹拾肆兩肆錢伍分日支銀貳分額外捐添貳名工食銀貳拾

捌兩無加扣不在額徵之內

協幫馬價銀貳千貳兩計十四州縣由司劃抵解款

查驛站額徵夫馬工料等項共銀伍千玖百陸拾貳

兩肆錢貳分除以上七項如數坐支外尙有解司餘
贖銀貳百伍拾柒兩陸錢叁分陸釐再加扣排夫草
料馬夫藥餌四項各五日小建共餘贖銀叁百貳拾
叁兩陸錢壹分陸釐實支銀伍千陸百叁拾捌兩捌
錢肆釐遇閏年除將支餘銀全數扣支尙於正項錢
糧動支銀伍拾玖兩零柒分計日支銀壹拾伍兩捌
錢貳分陸釐外協幫貳千貳兩共坐支銀柒千陸百
肆拾兩捌錢肆釐

一雜用項下

段家河渡夫工食銀伍兩伍錢陸分肆釐

鋪司兵工食銀貳百玖拾兩柒錢壹釐內裁解司裁汰
捌成銀貳百叁拾貳兩伍錢陸分壹釐實支貳成銀
伍拾捌兩壹錢肆分

孤貧布花口糧銀叁拾柒兩柒錢捌分壹釐

又加增孤貧銀柒兩伍錢陸分再閏月銀叁兩壹錢伍
分貳釐

以上二項俱係領費額外

總計應山縣徵額正羨共銀壹萬貳千柒百肆拾陸

兩柒錢壹分貳釐支額共銀玖千肆百柒拾玖兩捌錢壹分玖釐解額共銀叁千貳百陸拾陸兩捌錢玖分柒釐

漕額

原額兌軍本色正米捌百陸拾肆石肆斗每石耗米肆斗該米叁百肆拾伍石柒斗陸升另正米壹石里納盤腳米貳升該米壹拾柒石貳斗捌升捌合另正米壹石里納船腳米柒升該米陸拾石伍斗捌合共米壹千貳百捌拾柒石玖斗伍升陸合又糧道條陳於肆斗外加耗貳斗順治九年楚撫

題請免加遂除此項自楊忠烈公請改折色未允仍解本色者二百餘年

原額南糧本色正耗米壹千壹百叁拾貳石肆斗每石耗米貳斗伍升該米貳百捌拾叁石壹斗天啓四年准湖廣司傅稱應山南漕正耗米永解折色由楊忠烈公請也另正米壹石里納船驢腳米壹斗伍升該米壹百陸拾玖石捌斗陸升後奉 文每石折銀壹兩該銀壹百陸拾玖兩捌錢陸分以貳分給解役該銀叁拾叁兩

應山縣志 卷之六
三十一
玖錢柒分以八成充餉該銀壹百叁拾伍兩捌錢捌分
捌釐此項由楊忠烈公請允改折不解本色者二百餘
年

現在二米本額北漕正米壹千叁百捌拾捌石玖斗陸
勺耗米壹百叁拾捌石捌斗玖升壹勺一五水腳銀貳
百捌兩叁錢叁分伍釐

南糧正米壹千肆百貳拾壹石肆斗玖升捌合叁勺耗
米壹百肆拾貳石貳斗肆升玖合玖勺一五水腳銀貳
百壹拾叁兩貳錢貳分伍釐

咸豐柒年巡撫胡文忠公林翼

題准漕南米通改折色上下衙門規費裁汰淨盡正耗一
途紳民一律官自設櫃啓徵民自赴櫃完納前應山冊
書壹百壹拾家槩行革除各會勒石永遠爲例

現在二米折額民以錢納應山每米壹石折制錢陸串
伍百文共徵錢壹萬捌千貳百陸拾柒串陸百零貳文
耗米水腳券票糧書紙張飯食運解等項一切在內外
無分釐耗費

現在二米解額官以銀兌北漕正耗解 藩庫每石折

銀壹兩叁錢外加一五水腳再每石兌費銀壹兩肆錢肆分提貳千兩充餉共解銀肆千壹百玖拾肆兩肆錢陸分肆釐南漕正耗每石折銀壹兩伍錢外加一五水腳共解銀貳千伍百伍拾捌兩陸錢玖分捌釐二共解銀陸千柒百伍拾叁兩壹錢陸分貳釐

按明無田籽粒一項累應久矣賴楊忠烈公力請當道豁除惟南兌二米改折未能並如所請耿耿出魂能勿抱恨蓋應邑不通舟楫解戶崎嶇數百里轉運至筋力易疲資斧難繼再風雨飄之軍役虐之狼

藉載道糞食當門往往運米壹石耗費數石不足家所由破也得文忠公通請改折並立定章程剔清宿弊民有正供之樂吏無中飽之憂全楚均頌甘棠而應邑數拾萬生靈則尤出水火而登衽席也前周志已敘南兌苦狀謹與楊忠烈公函請暨胡文忠公碑刻並載以志

與李方伯書

楊漣

客秋一對顏色殊快生平但未敢時快披觀殊深懸念耳茲有啟者敝縣有累民苦專萬山不通舟楫南兌解戶破家與代納武昌無田籽粒也前面台光時曾懇恩轉達為應山留神矣今南兌二糧蒙周公祖議將二米每石折銀伍錢派搭官軍月糧以月糧付官軍代運軍民兩便是乃仁術也蒙二臺批允但藩司公查議輕齎蘇木二項此自有理但改折原為應糧累耳應山米賤當秋成時每石費不及三錢即足辦納今改折五錢解

戶可免破家而納戶不免見多今輕齎蘇木既不能免或於正米外及增耗_一再復不消除明白留後別生枝節則小民辦納苦多一年幾家解戶未必見德而通縣納戶之累覺未減反_一頃矣敢懇台臺於覆詳中明白豁除增耗斯應人子孫_一世世戴恩無量更得一題可乎祇以山縣不通舟楫例應改折應山南免不滿二千爲數不多題改亦易前楊近翁公祖語應山古漕糧解戶當年日擊稔知其爲_一苦不多今當徑改爲便通融之說反多周折此仁人之_一也不虞府詳到遲未得一結前恩事如有待仁天造應山百世之命也若得徑題免多屬折夏在造化心造化手一轉移耳又應山代納武昌無田籽粒一項無田矣而納籽粒且不輸之公家而代武昌官軍閏月之費且武昌又年年未收祇存其名資奸軍滑吏年年巧爲侵_一地耳向一爲應山面訴而事在槩縣無人承管又隔在_一高府中無關切細思此項共有九百餘兩三年兩運除應山無田而在別縣有田者儘足支辦昨撫臺面言謂此項應山既未解而武昌亦未收不如扣作新餉亦可少_一避民因此不過去武昌之虛

名而予應山以實惠矣十載一時敢懇老公祖王張而力有以贊其成此恩在禹世三環三槐自有報之者矣

與薛撫臺書

楊 漣

敝邑深在萬山中崎嶇磽薄絕不通舟楫也南兌二米運至漢口不下五百里中間衙門之指橐軍旗之刁詐年異歲增充解者十家而六致破也議原不通水次者例當改折如黃安麻城諸縣蒙上臺垂憐竟得改折况應山南兌二米不滿二千大倉秭米幾何若折銀搭解給軍於軍既便願不則於中間應給官軍每石折銀五錢即以本軍之糧相抵懇乞仁人曲加矜恤賜題卽造福無量矣又有無田籽粒一項當年係京山飛來一時官長未

及分理久之武昌衛但按籍催徵破累人家無數後道府無計將此項派人條編曰無田子粒夫無田矣而坐以子粒亦可憐應山人矣細查此項原非官軍正額月糧俸鈔之類止是官軍閏月與破船折米之用共銀九百餘兩應山獨當其半其實三年間兩閏每年不過二百金在別處有田子粒儘可支辦即曰破船折米則十餘年不常有者每年餘積閏銀亦儘足備用昨聞之武昌莊同知稱此項應山俱未解武昌亦未收而應山此項准入錢糧正數則小民年年辦納矣不過好書與豪軍大家侵齷耳是在武昌爲不急之供無實之名而虛遺應山以無窮之累也屢經軍興事宜內條陳並小民控告而卒未有垂憐甦活者事如有待仁人造命見在查酌舒公祖已有意查一項抵補武昌永與應山開豁尙未悉此項爲武昌得己之供應山無名之徵也敢以控之老公祖惟留心爲應山百世之利懇切懇切

再與舒按臺書

楊 漣

者黃雲啓瑞泰律回鈞某等全楚子民樂遊化日舒
雲又與時俱泰矣但盈盈一帶未能借堂前盈尺地一
亦慶私並問三槐三環新祥耳敝邑南北二米折色蒙
心留神檄下道府並面諭本府速詳以便早題小民日
舞以待庶幾山鄉百世之累於今永脫矣今本府祇
北折而南折猶俟再議此慎重至意惟是漕糧折色
不在南而不在北今題將北米通融運軍抵解不失本
也卽帶題南米徵銀解赴南倉搭給官軍覺爲便而且

總一題以便民也今南米又須另議雖台臺不厭煩
以爲應山造命未免多費一番精神而雲霓之望統鈞
莫須大人早晚東方之不能久有袞衣此一方疾痛誰
爲天地父母叩之得應籲之得憐某自念應山四十餘
年始於某倖一科第目擊梓里累困苦庶幾邀倖改
折亦消得四十年通邑氣運偏於一身故於吏書前下
過小心費過禮物又幸仁人在上肯爲小人造福以爲
事可得當矣畢竟二米不得並折故不覺感知己之恩
而繼之以淚下也今後難復望矣其無田子粒一節受
累自永樂初年至萬曆九年始編入條銀通縣均賠雖
四百餘兩均之六千石內每石不過七分然而損一分
民受一分之益况無辜之供祇作武昌不給之用昨讀
台臺檄文眞一字一珠庶幾應山得見天日而武昌衛
官猶以無田字疑爲吏書磨之之奸希得該衛一勘一
勘自妙但委本衛軍官率自延捱且通縣事誰爲供應
打點恐又成不急之案庶幾得委武昌刑廳德安推官
公同至縣體查詳確易於結局乃銀至四百餘兩須田
二千餘石豈一家一處可以隱瞞通縣誰肯安心代納

令人種無糧之田乎惟台臺遠委眼前便可勘結也

禁革里役碑文

洪起元

國家有所取於民而民樂爲輸者正額之賦稅是也乃無所取於民而民疲於命者雜項之徵求是也

國朝定鼎之初應遞衝繁民方危懼官吏藉口重取於民亦權宜之術則可耳何期糧一石而派至十餘金之費迨行之一年曰民樂輸行之二年曰民樂輸久之積漸成例年增其額夫有加無已豈曰樂輸蓋捶楚之下何求不得乃堂之上曰例堂之下亦曰例包攬之徒招搖於外者亦復曰例此例一成見傾家蕩產者無算也見

賣男貼婦者無算也一臨大差力不能支見憂惶無策
離鄉輕家者無算也而且人逃矣籍存累及田荒矣糧
存累及見熱則勒同甲包賠姻婭代賠者亦復無算也
嗚呼勢已至此熒熒子遺呼天無路籲地無門所以順
治十五年致有邑庠和潤之條陳大差熱甲石糧公費
銀三十餘兩嗟此小民力已竭矣脂膏骨髓已枯矣捐
親戚棄廬墓已不啻六七矣又何從出此況包攬之徒
狐假虎威漸而搖動日加增也哀哀鴻雁鰥寡可矜故
康熙八年初夏間合邑文武紳衿有正供一錢派銀數
兩可畏豪強包攬狼貪無厭可憐之詞云云控於各上
臺也蒙大中丞撫臺林公痛懲弊害哀矜民命嚴批臬
臺閣公一切禁革當荷覆詳聽從民便遵行官徵官解
不用里長經承不當大差惟我父母周公酌其權宜實
意舉行若是則父母不忍居一分之利非所以除小民
萬分之害乎已行數年百姓漸漸樂業不料周公因驛
站望誤後接任者聽信包攬錢糧小人之言欲行大差
之舉天已鑒之後繼任者仍聽包攬錢糧小人之言不
遵官徵官解之

直立行大差百姓難當以致民人豎旗書寫民窮財盡辭天
逃命聚眾嘵嘵不已本府傳公祖聞知卽蒙單騎星夜
至此撫諭解散不至於流離者皆賴傳公祖之恩聞巡
撫部院張公飛章

下聞摘印解任者乃十八年之事也二十年邑人在京候選
同知謁見新任邑侯任公云應邑惟有大差一節苦累
於民云云後任公來任有本邑卽選知縣盧候選訓導
閔儒學廩增附生員程雷等里民盧黃王樂華等接見
公呈爲恩復均攤以甦民困事照康熙八年合邑文武
紳衿具呈巡撫部院林公去里役遵官徵官解之

並酌安上全下之宜云云蒙邑侯任公欣然出示曉諭爲
一禁外幫之害以出民於水火事照得里遞之設現年
催一圖之錢糧排年管一甲之完欠此用以徵辦賦稅
勾攝公務非令其供充蠹腹代役房科爲也惟應山不
然各圖歲輸里役當差事無大小皆取給於數人之身
除排夫口糧中火歇火修造安設起解銀米外簽點經
承有費卽見官府有費保正有費冊書上房有費八房
三班有費請酒鋪堂種種勒索俱號外幫每米一石動

輒費銀二三十兩不等以致一逢熱欠富者貧貧者逃
載途鳩鵲滿路悲號鬻女賣男傷心慘目嗟嗟凡爾承
陽之民生同時任同鄉地土相連房屋相接雞犬相聞
燕會相見其間親疏遠近不同實與一家人無異何乃
弱肉強食自爲戕賊一至此也理合禁革爲此示仰縣
屬人等知悉自示之後除本年條餉銀南漕經承等項
已經前令點定暫照行數月外其他起解獲批委職官
中火歇火用禮房夫馬秣豆用兵房修理安置用工房
收銀登記用冊書一切外幫名色從六月朔日爲始盡
行除革此非本縣專爲里民除害也眾怒難犯天網莫
逃罪惡貫盈者必至身家立破彼恪守法度省人金錢
全人生命一身旣免譴責之加子孫自食忠厚之報今
日本縣外幫之革其所以愛百姓亦卽所以保全衙役
耳敢有穢腸不滌貪心難化指稱常規覬不可得之利
干必不赦之條許各被害據實具稟以聞須至告示者
我邑侯任公爲國愛民實心舉行官徵官解矢心無二
數十年百姓大差困苦積弊一朝已除莅任六載之內
應邑士農工商各得落業城市鄉村添蓋房屋各理高

巢人民安享歡呼歌頌官清民安得有太平之慶闔邑
人民皆享任公之福也公操守清廉事實尙未書及二
十三年大中丞總督部堂徐公下車蒙通行禁革全省
積弊甦通民困興利除害楚省數十年民間困苦積成
一座冰山今逢日照化爲半盃雪水眞乃福星入楚也
我大中丞總督部堂徐巡撫部院石公邑侯任公遵行
官徵官解之

旨革

除甲長經承大差陋規不累百姓永爲定例人民亦無
逃散田地不致荒蕪小民無賣男鬻女賠累之苦公爲

國愛民造福於地方行陰德留於子孫昌達其後眞千
百世不朽矣是碑之勒非所以爲公譽也將使繼公而
來茲土者知用里長之害去里長之利假此以作炯鑒
焉康熙二十六年歲次丁卯孟夏月二十日撰闔邑文
武紳衿士庶人等立

遵奉胡文忠公改折示

知府周炳鑑

知縣聶光鑾

爲出示曉諭核減徵漕章程統改折色刪除浮費以蘇民困事案奉 撫憲札飭湖北漕務積弊民苦浮勒官無經制其取於民者厚其處於公者微類皆中飽於丁船雜費故上下衙門一切陋規現值停漕之時奉 部

文折價充餉亟應清釐積弊取中飽之資以分上下於國計民生均有裨益惟各州縣情形不同其如何分別刪

減定立章程由道府大員親詣所屬各州縣體察情形核其徵收兌運實力遵照 部案折價充餉裁汰浮費

實屬有益於民有益於帑務須認真督察因地制宜妥協擬議定限九月以前通稟酌辦勿得稍延等因奉此當經轉行遵照將徵收兌運漕糧一切用費實賬開呈前來本府逐一查閱復明察暗訪該縣額徵漕南正米共貳千捌百壹拾石伍斗玖升陸合玖勺向收本色三之一折色三之二其收本色者每石加伍合耗外加水腳收折色者每石至捌千叁百至捌千柒百文不等耗腳不在其內本色係刁衿劣監之包攬及書差斗級代納上倉其取於民者必不止此數明矣積弊相沿實爲闔邑之害殊堪痛恨又查該縣除解北漕兌費外有院司道府各衙門房費銀及解南漕費用共銀捌百壹兩零玖錢陸分又糧道府漕規銀肆百拾肆兩捌錢又縣中開銷錢叁千壹拾串銀陸拾伍兩陸錢種種陋規實屬浮費當頻年兵燹之餘瘡痍待治元氣當培本府軫念民艱力圖拯救應痛裁浮勒酌減定價官吏之費用旣省則黔黎之困苦立蘇茲特晉省隨同 撫憲暨兩首府憲將應山縣應徵漕南米石照舊章之折價刪減貳千貳百定以足錢陸千伍百文一律統改折色耗米

水腳券票等項一併在陸千伍百之內不准多索民間一錢如有帶徵漕南米石照此一律折收遵照 部文以銀壹兩叁錢折解北漕正米壹石隨解漕耗銀壹錢叁分水腳銀壹錢伍分又以銀壹兩伍錢折解南米壹石隨解南耗銀壹錢伍分水腳銀壹錢伍分俱用庫平庫色漕米價銀批解糧庫兌收南米價銀聽候撥解再提兌運之費庫平銀貳千兩解府轉解糧臺兌收暫充軍餉至餘銀留作縣中製徵冊流水券票紙劄書役飯食等項津貼辦公之用俱在實價陸千伍百之內一俟北運開兌仍將提充軍餉之銀酌還兌費所有院司道府各衙門一切之費全數刪除開單飭知其縣中一切開銷自行實力刪減自此次定章之後官吏丁役如敢多索一經訪聞或被告發丁胥立拏杖斃官則專案參辦除詳 院憲暨 撫憲札飭應山縣遵照開徵外合行臚列刪除款項明白示諭爲此示仰該縣紳民人等知悉爾等須知從前浮收之苦皆由於浮費之多而小戶折價之重實由於大戶完價之輕仰體現在 撫憲及本府軫恤民艱痛裁浮勒酌減定價之苦衷既照舊章

刪減定以每石足錢陸千伍百文無論北漕南糧不分民戶矜戶一律統改折色耗腳票費一併在內此外不准多索分文爾紳民等各宜激發天良踴躍輸納務將應完本年漕米糧石趕緊遵照此次定章於年內掃數全完毋稍違延致干咎戾如該矜戶等不知自愛狃於積習有意抗撓定卽嚴拏照例治罪決不寬貸爾等各
有身家慎勿以身試法懍之毋違特示

計開刪除向來收兌漕糧浮費款項

請解銀捌拾玖兩壹錢陸分

房費銀壹兩陸錢

投交銀玖兩陸錢

戶部科銀拾陸兩

樣米房銀拾兩 小禮銀捌錢

桶鎖房銀陸兩肆錢

請完單銀肆兩捌錢

領會簿銀叁兩貳錢

履歷房銀叁兩貳錢

案禮銀捌錢

撫院房銀玖兩陸錢 小禮捌錢

報單差銀捌錢

藩漕書銀拾兩

案禮銀壹兩陸錢

批迴房銀肆兩捌錢

漕糧銀壹百兩 小禮貳兩肆錢

印流水銀捌兩

案禮銀捌兩

南糧房差銀壹百兩 小禮貳兩肆錢

印流水銀捌兩

案禮銀捌兩

疊次委員程儀捌拾兩

漕修銀壹百兩

府房銀貳拾陸兩

糧道漕規銀壹百肆拾兩隨銀叁拾兩零捌錢

本府漕規銀貳百兩隨銀肆拾肆兩

道差茶資銀拾陸兩

荊州委員程儀伍拾兩

荊州府差賞銀拾兩

荊州府倉收飭知各費銀捌拾兩

省城荊州府委員夫馬錢拾陸串

以上兌解漕糧規費叁拾壹款盡行刪除縣中開銷各款由縣中自行痛加刪減

咸豐七年十一月

日示

雜項課稅

原本縣門攤商稅銀捌兩玖錢捌分陸釐柒毫伍絲遇閏加銀肆錢叁分捌釐貳毫伍絲係經紀出辦

現在應山牙行偏僻中則行帖叁拾貳張每張稅銀柒錢伍分下則行帖捌拾壹張每張稅銀肆錢伍分儘徵儘解接年添請尚無定額

原應山例食淮綱南鹽額派銷壹千壹百壹拾捌引每年實銷引千百不等道光二十九年兩江總督陸

奏准

就地抽稅南北通行咸豐六年髮逆竄擾撫部院胡籌

辦軍餉

奏定章程化私爲官設卡提課每斤抽錢拾伍文咸豐七年
鹽道顧文彬議定變通章程詳請督部堂官撫部院胡
頒發章程陸路每斤抽稅錢貳文每年徵解課錢壹千
陸柒百串不等同治七年兩江總督曾

奏改禁止北私仍復淮綱引地

應山縣志卷十七

驛鋪

王者視天下猶一身一爪一髮莫不流通故驛鋪設焉
應邑衝疲倍他屬火牌星去羽檄飛來而又鳥道羊腸
怪石當衢長途百五險遠兼之執事者不遑寢處矣然
夫馬設自

朝廷芻糧取之田賦官有供應之煩民無差徭之苦則行
旅出塗歌聲載道也志驛鋪

驛馬排夫

原額本縣驛馬陸拾匹額編草料工食銀壹千肆百陸拾肆兩在存留項內支給又奉 文加馬伍拾貳匹康熙十二年知縣周祐請允加馬叁拾匹共壹百肆拾貳匹後增馬壹拾捌匹

原額本縣長養排夫壹百名奉 文新加排夫肆拾名撥景陵縣夫馬存贖銀貳百玖拾貳兩捌錢後增壹拾伍名

原設譚店驛馬拾伍匹奉 文加馬拾伍匹康熙十二年知縣周祐請允譚店驛馬叁拾匹移駐恨遠關又

允 文本縣減存銀買馬貳拾匹共留關馬伍拾匹又允 文將應城縣排夫一百二十名之內量裁貳拾名在關接替乾隆二年改道於東添廣水鎮觀音河二號

現在額馬壹百陸拾匹

馬夫捌拾名

長養排夫壹百伍拾伍名

縣城站馬貳拾匹 馬夫拾名 排夫捌拾名

廣水站馬陸拾匹 馬夫叁拾名 排夫叁拾名

觀音河站馬陸拾匹 馬夫參拾名 排夫參拾名

平靖關站馬貳拾匹 馬夫拾名 排夫壹拾伍名

額定夫馬草料工食

每馬一匹日支草料銀伍分

每馬夫一名支工食銀貳分

每排夫一名日支工食銀貳分貳毫參絲參忽參微

壹塵貳纖

額定醫藥支應雜項

獸醫二名每名日支銀貳分

藥餌銀每馬日支貳釐柒毫柒絲柒忽柒微柒塵

勘合火牌修置房斲等項每年共支銀貳百陸拾柒

兩柒錢捌分肆釐

原額錢糧項下存留驛站銀壹千肆百陸拾肆兩又留

本縣原協外驛銀參百捌拾壹兩玖錢捌分玖釐壹

毫又留本縣江濟水夫轎傘夫裁減工食共銀肆拾

肆兩柒錢陸分貳釐零又留隨州夫馬存贖銀捌百

伍拾伍兩伍分伍釐又撥景陵孝感協濟共銀壹千

零肆拾貳兩伍錢捌分陸釐又新加排夫撥景陵縣

夫馬存贖銀貳百玖拾貳兩捌錢又知縣周祐新添
 平靖關排夫裁應城縣排夫貳拾名工食撥給共銀
 肆千貳百貳拾伍兩玖錢玖分貳釐壹毫零後增壹
 千柒百叁拾陸兩肆錢貳分貳釐壹毫

現在統歸錢糧存留項下照額坐支共銀伍千玖百陸
 拾貳兩肆錢貳分尚有餘贖銀及加扣小建銀共叁
 百貳拾叁兩陸錢壹分陸釐解司實支銀伍千陸百
 叁拾捌兩捌錢肆釐加十四州縣協幫貳千貳兩由
 司劃抵解額共坐支銀柒千陸百肆拾兩捌錢肆釐

協幫州縣詳錢糧解司款內
 加扣小建等詳存留分註

四站路程

縣城永陽驛在縣署東間壁距安陸縣城九十里平靖
 關七十里信陽州一百四十里廣水四十里
 廣水驛在廣水鎮街南距觀音河七十里信陽州一百
 四十里小河溪七十里城站四十里
 觀音河站距廣水驛七十里信陽州七十里城站一百
 一十里

平靖關站距城站七十里信陽州七十里

四站房屋

縣城永陽驛前門房二間中馬廐寬深數十丈左馬房

一後廳一前後房三

廣水驛前門房二間中馬廐左右馬房後廳左右房三

平靖關站

房屋載官制志

觀音河驛在信陽境南七十里房屋與廣水驛同

原設縣前鋪司一名鋪兵四名

北十里鋪鋪司一名鋪兵三名

易家鋪鋪司一名鋪兵三名

三十里鋪鋪司一名鋪兵三名

關口鋪鋪司一名鋪兵三名

南十里鋪鋪司一名鋪兵三名

駱家店鋪司一名鋪兵三名永充一名

桑林鋪鋪司一名鋪兵三名

接官廳鋪兵三名

西隨州路石橋鋪鋪司一名鋪兵三名

土潭鋪鋪司一名鋪兵三名

以上內除永充一名工食銀壹兩玖分捌釐其餘各

鋪司兵每名各該工食連閘共銀陸兩壹錢

東接官亭鋪兵一名

西龍泉鋪鋪兵三名

井子鋪鋪兵三名

以上各鋪兵每名各該工食連閘共銀叁兩零伍分
共額編工食銀貳百玖拾兩捌錢肆分捌釐俱在存
留款項支給於咸豐八年裁去同治八年奉 文復
設

按應山地當孔道差使絡繹

國朝厚澤深仁休養民力 各大憲及守此土者體恤周
至增馬養夫民無差患軍興以來兵差如織原養夫
馬不敷走遞暫將火牌公文 覓民夫以濟長養排
夫之不及前縣朱榮實到任時值東南肅清查廣水
驛暫 民夫恐沿爲例乃出示禁革勒諸石事甫竣
現任知縣周道源至聞而善之加示禁馬查觀音河
站民夫如故急示革除東道以清又本城驛站餉鞘
文移流配各差過境者日踵相接原養排夫八十名
勢不能不借助於民夫前知縣吳林以餉鞘一項夫

運兩夫一鞘車運兩夫四鞘將排夫工食按養車夫額始是咸豐八年曾刊示於四門自同治元年兵燹車夫離散仍 民夫者八年公下車時問民疾苦首復車運民歌頌焉謹將 憲示並前任碑刻備載以志甘棠

木齋吳侯永免民夫德政碑

爲出示曉諭以垂永遠事據候選州判陳璧元等以應邑地處衝途差使絡繹凡接運餉鞘硝磺等項向係車行辦車保正派夫自去秋奉示裁汰民夫專責車行於

差務旣屬有裨而保正之擾累鄉民亦可杜絕此皆愛民深心必應廣勒貞珉詳明 大憲得以永垂不朽等情具稟前來查去秋本縣莅任之初接運餉鞘硝磺紛去杳來常查應邑應付此等差使向係車行辦車保正辦夫而保正則逐梭鄉民給錢者縱放無錢者應差領發飯食尤復朦上欺下其害曷可勝言本縣剔釐積弊擬定餉鞘硝磺等項凡差使過境不准派累民夫專責車行其硝磺每包餉銀每鞘本縣實錢捌拾文不准分文剋扣如一車一人推送四包可得錢叁百貳拾文

應山至安陸計程九十里往返自無缺乏如此既可免鄉民之擾累而差務亦得利於通行不致推委該車行既領帖充行抽用卽應兼領差使自無他議卽着值日人役傳諭車行各機帶行帖卽刻赴縣聽候當堂諭飭遵行如敢抗違立即舉案照貽誤軍需例治罪決不寬貸該車行等稟批示去後隨將車行保正帶案諭遵自秋至今已逾半載承辦尙無貽誤惟近日訪聞應差車行領價多不敷數自係該車行等日久弊生剋扣人已必應嚴查懲究以杜侵漁並申明去秋定章出示五門俾自遵寸除稟批示外合行出示曉諭爲此示仰車行保正鄉民人等知悉爾等務各恪守去秋定章毋得稍滋弊竇該鄉民等於此項差使既經裁去保正人等斷無再派之事亦毋得輕聽匪人愚弄受其欺朦其各懷遵毋違特示

咸豐九年二月十六日

現任周侯永免民夫德政碑

爲曉諭事照得廣水一驛差務繁重舊因排夫不敷撥民價添雇民夫原不苦累鄉民行旅兵荒以後差使增

繫夫頭奉行不善甚或強拉過往商賈及在田耕作之民應差殊屬擾害閭閻本縣察悉其情思以除弊安良現將舊日夫頭斥革另雇夫頭長夫不許強拉過往商賈及在田耕作之民合行出示曉諭爲此示仰諸色人等知悉一體遵照新雇夫頭卽當奉公當差不得擾害閭閻如違定行嚴究其各懷遵毋違特示

同治八年八月

日立

秋園朱侯永免民夫德政碑

爲出示禁革事據職員高煥章等稟稱緣泊東廣水驛例養牌夫叁拾名走遞火牌公文要件前因夫頭侵蝕公項私拉民夫致負販之民被截於路耕作之民被擄於田甚至婚娶喪葬之民被逐於家卽用夫者無需多人而網民者必張四面勒錢既足壯丁皆可從寬填壑未盈老弱亦難邀免有指畱貨物難索歸還者有賄竭用資忍受飢渴者有薪芻委道而失舉家一日之生者有栽插愆期而虛終歲全收之望者稍一拂愆立即捆毆往往血汗未乾皮膚旋破近居者禍妨誣墮罔敢伸冤遠來者地苦生疏何從叫屈職等身居密邇日擊難

堪欣逢 仁憲福臨心存保赤凡錢糧詞訟徭役一切累民弊端掃除殆盡仁心仁政奉生佛者萬家是以具呈公籲懇准出示曉諭示禁拉夫等情據此除批示外查該廣水驛遇有火牌摺差到站夫頭私拉民夫應差雖其事相沿已久惟查所稟各情殊堪痛恨自應示革以除積習准如稟出示禁止外合行出示曉諭爲此示仰該廣水站夫頭暨該鎮軍民人等一體知悉嗣後於差事到站仍由牌夫當差不准私拉民夫倘該夫頭故違示諭仍敢私拉民夫許該鎮紳保赴縣具稟以憑拏究勿違特示

同治七年十月

日示

應山縣志卷

倉儲 賑恤附

應瘠土也十日晴苦旱三日雨苦潦樂歲無多難律以三年之蓄卽鄰無遏糴而舟楫不通力運無幾米珠矣民不餒者幾何

國家綢繆未雨額建常平有倉前後官建有倉各會民建有倉民命不足以養乎今其倉雖廢其法尚存不必起朱子而問之也前歲義倉重建可踵而行之

原設預備倉二

一在城隍廟西一在學巷西今廢

永陽民命倉 在譙樓外東偏萬歷年知縣湯以柏建今廢

富積倉 知縣王琦仍舊址重建今廢

義倉 知縣王琦建今廢

便民倉 在平林市今廢

原額存常平倉穀參萬肆百肆拾捌石柒斗伍升玖合
陸勺道光二十九年以前節年動碾未買還倉實存
穀壹萬伍千伍百柒拾玖石柒斗道光三十年奉

文派買穀壹千伍百貳石共存穀壹萬柒千柒拾玖
石柒斗 撥補道光二十九年緩徵南

糧正耗動支穀參千壹百捌拾石外實存穀壹萬參
千捌百玖拾玖石柒斗

原社倉五十二所共穀陸千壹百貳拾貳石陸斗伍升
係會民自捐各存各會咸豐四年

同治七年知縣劉宗元奉 藩憲札行勸捐積穀應山

紳民共捐市斗穀壹千伍百貳拾石本年糶舊糶新
合原捐贏數共市斗壹千玖百參石貳斗 於十

字街賓興公所

賑恤

周禮紀荒政十二文王惠鮮鰥寡仁政所以彌天地之
恨也而令與民親若飢若溺實見聞之則痾瘵尤切應
地瘠民貧厯蒙侯惠如周公祐之請倉粟 之

設粥廠荒救矣而設藥局施義塚各政又恤及平時赤
子有良知能忘鞠育乎故倉儲而外再記賑恤

惠民藥局 在治西舊陰陽學址內宏治年知縣陳謚建後廢

養濟院 在文廟之東

漏澤園 在治北

義塚三 一在東嶽觀西一在西門外一里許一在印臺山南

新舊各倉 詳載倉儲志

育嬰堂 在炎帝廟斜對門

正德四十五年設粥舖飢民 見祥異志

順治十年春奉 文賑濟 見祥異志

十八年冬請賑 見祥異志

康熙元年再賑楊忠烈公孫苞捐穀壹千石助之 見祥異志

十年辛亥知縣周祐請出倉粟千餘石分賑 見祥異志

二十九年乙巳邑侯任起元捐賑 有記

乾隆四十三年戊戌邑侯王鴻典賑粥 有記

嘉慶丁卯年

壬申年邑侯徐時英賑粥

賑荒紀事文

楊漣

賑粥之舉一二友人倡之郡公邑大夫主之諸慷慨士力任之眾善襄成之今幸告竣矣顧其初止期日二千餘人日用米可四百餘石耳而人漸三千漸五六千漸萬餘中間扶老攜幼之狀衣鶉而面鵠也行繩接而坐雪集也可憐也亦可駭也往是粥事多以三月始終耳首事諸友人曰三月而枵弗能待也枯肆而後西江掾無益已故始以二月若賑止而弗及新也飢猶無從望腹也故終以四月中間別丐子與平人判男女分老弱

男子之印手不印面婦人之與籤不手印又二三首事各有長者深心焉是役也善夫王郡公言曰在官於此之有虞於冒濫也爲夫衙役之不以實予民也管理人之不以心予力也而今無是也此夫嗟來而食者百人而一或不飢人富人焉而萬無一己卽有詭逃眾人目以重俸杓合者亦其眼實饑而出之窮計較耳無足多誅若必清而汰之狹者弗汰也怯者羞澀者且望焉而束腹以退百人焉而一不飢人冒無傷此舉之大萬人焉而一真飢人逐卽失此舉之初故惟計日而食以弗汰也爲弗失也道路之口紛謂今歲飢人糜食之早之眾之久婦孺之市無相鬻也羸弱之道無相棄也雞犬之夜無相傲也殆茲故之以此或不必然要以見飢人焉族眾而援之長人之仁也分贏以濟之同人之義也若夫太守單騎省視憐席溼而坐者未起弗安食勞夫佳飢諸人眾辰而隊逐焉日下春弗安席且公堂人抗禮而手酬爵焉曰勞苦諸君諸首事人亦實忘其家計寢食施粥所凡三月而日蒿蒿焉而股掌幾圖迴焉無一人怠曰務以盡吾心終禮我者事吾聞諸夫子君子

學道則愛人上好禮則民易使今日庶幾其是乎是役
食指既眾糜費殊侈當賑時卽斗米百錢皆諸飢
人溺中壺也首事諸吏人故刻銀米出入書冊並登好
義民士姓名以備查核余爲附記其始終事如此

邑恩主任公捐賑碑記

公自壬戌莅政九年於茲矣深恩厚澤浹髓淪肌懷生
之屬血氣之倫咸獲嘉祉靡不感戴歲己巳全楚罹旱
德安尤甚各屬飢民轉徙河南就食而應山地實咽喉
於時在在皆哀鳥唳鴻處處盡鳩形鵠面矣公於十月
初遣官吏六處設廠發粥賑飢陳家巷係上下通衢南
北孔道往者返來者畱一時扶老攜幼孀妻子而就食
者日以萬計加合縣數會飢民計口支領數月之間消
費萬金活民命數十萬免貧民兒女賣鬻者不知凡幾

至庚午麥熟民乃歸而室宇依然家人父子相顧無恙
嗟夫詎之賜哉百姓不忘大恩各輸青錢一交涕泣勒
石以存遠愛公諱啓元字復齊瀋陽人

康熙二十九年四月初一日

邑侯王公賑粥記

何天衢

歲戊戌楚北饑

皇上軫念窮黎蠲田租發帑金給賑恤惠至渥也於時諸當
事亦謀所以廣

皇仁甦民困之方我應山王公卽以賑粥章程行於縣境云
設廠四男婦各二一與籤坐受之一與粥勺均之持籤
而往男婦異途也啜粥而來鄰民一體也露處者庇席
溼者藉老者稚者疾與殘廢者婦人之彌月者別類而
措置之邑紳士董其事佐以吏胥公則單騎而履省焉

嚴巡邏緝奸慝始於己亥年之正月既望歷三月而竣
事計口而食者曰萬五千餘人費米薪若干緡錢若干
出之內署強半邑之樂輸者什之三夫賑飢義舉也施
粥仁術也然費詘則惠不周不得其人則茲弊且妨惠
今 公捐俸錢鳩眾擊擇老成優禮貌用雖奢而卮不
漏法最善而膏不私使林林總總鵠面鶉衣之眾起其
瘠潤其枯老弱無棄於途男女無鬻於市雞犬無警於
夜固司事諸君寢食厥所視同己事忘其家計且不啻
經營其家計致然然非公之經理有方辟晝無倦未必
效之大而速至此極也是役主亞之名錢米之數及樂
輸姓氏將鐫之石予固曰擊其事者因標其概如此
公印鴻典字徽五號西園直隸保定府雄縣舉人

賑粥發米記

乾隆戊戌歲大饑前知邑事西園王公設粥濟民存活甚眾心竊慕之迨嘉慶丁卯歲邑復歉收民艱於食余甚憫焉捐廉倡首同捕廳謝君集紳衿耆庶謀所以賑之之方斯時莫不踴躍從事竭力捐輸卽力薄者亦願經營籌辦共成善舉而又慮食粥之民有日日守候之苦也於是五日一給米焉而又慮四境之民聚集城廂不無失業也於是令各會公賑焉惟附郭之東西南北門及半甲五會則合一辦理此五會之紳衿耆庶財力

兼輸自戊辰三月既望開賑至四月杪止隨時設法始
終不懈鵠面鳩形之眾漸有生趣其有老幼殘廢炊爨
無具及鄰境流集之民又分男女兩廠而食以粥是舉
也捐貲者不言德任事者不言勞師王公之意變通王
公之法無滯澤無偏枯無擁踏無煩擾庶幾補救之一
術焉余爲記其顛末非侈言惠民也亦謂余取資於王
公後之君子留心民瘼當亦不棄芻蕘之見云爾

重賑米粥碑記

活一時之命者不患有千萬人第患無十數人以主之
此十數人豈應邑往往有而他邑無之與又豈他邑有
之而不如無之其於法有未善與然究之應邑之人一
行之再行之不一行之總不外乎善創善因因其所創
創其所因愈因愈創愈創愈因而仁卽溥於四海而法
可推於天下應巖邑也山多水少待雨而禾無雨則田
石田石則民飢民飢則徙於外愆於塗鬻於市其殘慘
有不忍言者歲戊戌年饑前邑令王西園前輩捐廉率

邑之有力者勞財無力者勞心設粥廠四男婦各二分途而食驗籤認人俾境內之老者幼者殘廢者婦人彌月者並鄰之流離無告者無漏澤無偏枯無擁踏無紛擾各遂其所生而自適迨丁卯年又饑故邑令錢雲谿明府師西園之法而擴充之與少府謝君東木會首士於永陽書院自捐米石猶然有力者勞財無力者勞心仍設粥廠二以濟殘廢男婦復添米廠一以濟炊爨有具飢不能生者又恐遠鄉之人有往返失業之苦附郭之民有日日守候之慮惟就近之東西南北門並半甲五會在城五日一給以次按會而遠鄉令各保各會焉雲谿可不謂法西園而善因者與其因也其創也今壬申年又饑積德之儒老輩去半饑饉薦臻蓋藏亦竭會黔南徐慕耆先生由蘄水調應山甫下車見鳩鵲難保謂少府東木曰民急矣可若何東木以舊例請爰是舊首事有現存者有人往予若孫仍克家者咸集公廨仿雲谿之法而再斟酌之捐穀百二十石錢二十千爲之倡凡勞心勞財者仍舊分設粥廠仍舊總設米廠仍舊而又確查戶口給以木牌填其號數約計米若干可給

幾時於開廠之先胥吏大門唱冬魚貫而入飢民由東階授牌驗號首事首事驗訖屬司米者還其木牌唱口數而給其入也由正門來其出也由角門往靜而不譁舒而有紀自春杪至夏旬如一日若夫男婦粥廠分途以後館於斯息於斯病者藥於斯如有客宿宿主人懇勲於其間也豈非賢有司率首事而因其所創創其所因愈因愈創愈創愈因也哉今

望天

子軫念民艱發帑撫卹千古罕覯而例不能成災者守土官與都人士通其意而好行其德則是千萬人勢必有徙於外者賴十數人而重遷千萬人勢必有斃於塗者賴十數人而不殍千萬人勢必有鬻於市者賴十數人而不離故此十數人者雖有官有士而槩以人渾之人者人其人也則甚矣十數人者千萬人之命也後之君子踵而行之亦惟師徐公之法因而創他邑之君子則而效之又何庸推徐公之德劍而不因哉易曰積善之家必有余慶今應邑年饑凡三見而舊首事猶敦善無恙有已往者子孫仍享豐祐斯亦爲善之報云竟陵我園子喻炳署曰十七年春廬山饑念切民瘼者進

士知邑事徐時英催督米石者司鐸劉榮芬李祖福少尉劉克獻捕廳謝恩監厥不倦者首事梅鉞彭達梅鏞秦鏡韓天鏌吳恆發陳華國孫能遠鄭先甲楊徵午梅鎬劉維翰克繼父志者胡之炤例得備書餘樂善好施名氏另勒石

應山縣志卷十九

風俗

歲時附

昔文王化行南國先及江漢之間武夫可作干城女子亦防行露舊染新矣應江漢北鄙也聲教所及當必有丕變於一時者至我

朝神聖相承漸仁摩義澤遍荒隅故邑俗二百餘年有質樸無頑梗特恐愚之失野陋之失荒則在維持風化者默轉移之志風俗

張文潛四賢堂記曰其士民好文學其俗善良不爭純

靜易治

元魯璿璣魏尹碑云其民秀而文其俗樸而儉

宋李元衡云貧殖不饒俗喜儒學而近世名勝之流相望不乏由進士第一者三人焉

按邑沐楊忠烈公遺澤鄉先輩尚節義故士以守拙爲高貧未達則辛苦硯田取些須束脩爲事畜計無橐筆千里改儒業營生者亦無懷刺投門邀當道倖進者稍異則爲士林羞而鄉里亦竊竊然議之尤以炫鬻文章爲戒前代積學之士著作多不傳至若累代詩書不營他務雖青衿門第羣以望族目之樂與爲親戚交遊而增光寵焉家無一宿儲室人不謫也

民生長深山窮谷之中男耕女織足胼手胝自祖父如是又鄉里如是食力爲安但得大有年偶增十斛麥其布交易者日增數十錢家人父子舉欣欣然有喜色而告之若不知四萬輿圖內復有膏腴有商賈其利十倍者且卽以其利動之芾遷也富由服先疇守家訓勤儉銖積多歷年所起然惟積穀待價積價增田無積金滿簾貫朽十萬者往往倉庾一空點

金無術非故深藏若虛也貧民農於田樵於山轉運於道路惟以人力代舟車肩摩者無暇日其女力既疲於機杼而去草插禾桔棹灌漑並資之纖纖女手可以縫裳唐魏不既云陋乎然由來舊矣邑累代尙樸素布衣蔬食著爲家常衣履無鬻於市嚼無過於屠門者裘帛之輕煖雞豚之肥甘惟六七十以下頤養高年子弟小有異人輒以膏粱紈褲目之鄉俗也城亦然民俗也士亦然貧俗也富亦然平時親故聯歡豆觴勸酒有雞黍故人風焉冠婚諸大典則整衣冠者易其敝加餼饌者取於山無絲緞之榮海物之錯婦女勤澣濯忘塗澤荆釵布裙自得也卽新嫁娘而刺繡自手染采自家薄粉山花不知珠翠相炫耀至若歲時伏臘報賽祈年間亦釀錢爲戲而萃誠敬者二三日醉飽者一飯隻雞斗酒集眾成筵無費也日中爲市布粟交易一閱羣散茶鑪酒肆以便行旅若於鄉民無與也

國家

承平日久靡麗漸開前十餘年內風氣稍殊兵燹後犁然一變古道尙至今存矣乘勢利導杜漸防微措

紳諸先生能勿以身率儉力回元氣於瘡痍哉
地得山石崛強氣民能直不能曲飲食訟師閨門雀
角愚戇者有之一立斷而兩造平焉至於僻壤山村
熙熙父老有白首不履城郭未識官吏威儀者偶談
及囹圄事輒色然駭已所以無健訟風也近聞有異
籍訟匪遍售京控術者一爲脫審計自揣情虧無詞
可質乃捏詞北上有不待府控省控遂行者有偶一
控府控省不待批示遂去者追罪及越控而縣中近
鑑已逃矣一爲拖累計案經省輾轉逾年職業旣
廢而差保索費中證勒供力又難給致憂患疾疴性命
莫保者有之彼卽終罹刑法而受累者家則已破
矣人則已亡矣一則鄉里夙嫌併案牽涉拖累之苦
與正案何殊其取訟費有二私結黨羽捏詞招搖傳
有其名在案使良懦者賄免則謂之賣出窺某戶心
有所仇計圖報復傳知幫給斧資指名入案則謂之
買入彼壘其術中者後亦未必不悔然而晚矣應固
向無此風特恐顛愚無知危途被惑則在爲民父母
者思所以教化而防閑之

歲時

元旦午夜起盛服搢紳士類與庶人在官者俱拜節於縣次拜先師又次拜先人閭閻相拜賀舉椒酒至三日乃罷就職業

上元自十三日夜爲試鐙節十四日爲正鐙節寶坊火樹銀花簫鼓達旦至元宵亦然諸鐙火俱罷其午夜土卜嚮農卜年女占蠶績作米麪饊餅舉酒

春社農家薄具酒牲祀土神或祭埽邱隴新者俗云新不過社

三月三日放紙鳶少長出遊謂之踏青相傳踩白病蓋古祓除不祥之遺意也

寒食鄉俗無他惟士人多遊眺知有百六日爲介之推也清明門插柳枝祭邱隴作紙幡挂於墓上無論老少俱佩柳

四月八日世傳浴佛節作青精飯供佛食之卻病延年端午天中節無論少長俱佩艾門戶懸艾虎爲角黍蒲醕相餽遺侑以他物花勝戚黨往來挈榼晚近來駸駸務相多姻婭家以幣以履以簪以金簪花鈿殆瀆於侈

士家不盡如是也自初一日來至此始罷閑里紙竹爲
 龍舟作醮事曰平康醮近來送龍舟大爲鼓吹彩服扮
 古人故事相多則自初一日至十五日始罷
 六月六日祀土神曬衣物灸艾治痼疾
 伏日田家作苦多置六一散香薰飲以卻暑
 七夕俗儉薄婦女務紡績無乞巧事士人或舉酒
 中元薦先祠罷則戚黨相召集作盂蘭會放河燈以度
 幽魂蓋謂中元爲鬼節云

秋社祭埽邱隴

秋社祭埽邱隴

中秋閑里無他務木棉花出紡績之聲與砧杵相雜多
 就月下至夜分士人多舉酒吟哦戚黨以月餅相餽遺
 重陽士人登高賦詩飲茱萸酒
 十月朔俗傳十月朝家備香楮酒飯祭鬼魂之無祀者
 十一月冬至至士人拜

聖壽後相拜賀俗無他舉

臘田家多乘屋輿版築陂塘而已僧家作臘八粥供佛
 除夕日祭先祠換桃符閑挂利市楮幣於門牖是夕

爆竹簫鼓不歇達旦至新春元宵始罷卑幼舉酒於尊
長爲守歲亦曰團年云

立春先一日迎春自城中出遊至東紫虛觀市兒多走
馬擊毬鄉士人聚觀從芒神入而罷

中秋閒里無他務木棉花出紡績聲與砧杵相雜多就
月下至夜分士人多舉酒吟哦戚黨以月餅相餽遺
重陽士人登高賦詩飲茱萸酒

十月朔俗傳家備香楮酒飯祭鬼魂之無祀者農家蒸
米作餠以雄雞祀土神蓋春爲祈穀此爲報賽也

臘田家多乘屋興版築治陂塘僧家作臘八粥供佛
除夕日祭先祠換桃符閉閭挂利市楮幣於門牖是夕
爆竹簫鼓不歇達旦至新春元宵始罷卑幼舉酒於尊
長爲守歲亦曰團年云

立春前一日縣令會各官出東郊祭芒神迎春至縣儀門外土牛南向芒神西向屆時各官朝服祭神獻祝畢各執絲仗環擊土牛者三鄉人各取其土以助宜年

按宋景祐閒頒土牛經其土牛以歲之干色爲首支色爲身納音爲腹立春日干色爲角耳尾支色爲頸納音色爲蹄至元所頒經式牛色止以立春日爲法日干爲頭角耳色支爲身色納音爲蹄尾肚色明初襲用元制正統中始用宋制

之

應山縣志卷二十

文教

書院 學田

賓興 會館

卷費

考棚

國家科第取士士皆奮志青雲期爲有用而簞食瓢飲之彥亦不以斧資告竭甘老蓬茅濟濟者賴培植焉向於文文山公集中見有青雲莊記知其廬陵風俗於寒畯培植最厚自應童子試以至於鄉會無不各有優給後來科甲最盛諺云翰林多吉水朝宰半江西此其明效大驗也應資邑好儒學搢紳先生以嘉惠士林爲樂而又爲久遠計故童子試則田有卷費鄉會試則田有賓

興今學額倍加科名日盛鵬程萬里行李無憂伊誰之
賜哉至於考棚翊建歲修有田書院增修膏火有田前
明之惠守賢侯大庇寒士者清復又有田凡此作養之
德其利十世其利百世矣士宜何如感奮也爰采樂輸
姓氏田屋坐落租數糧額備載誌遠

書院

古者橫經負耒士可爲農自考試重而耕讀分士或無
壁可鑿者有之書院之設所以爲鄉學助也應自印臺
廢後王公改建以來繼以邵公勳劉公體仁均延名儒
主講造就良多蒸蒸乎有鵝湖鹿洞風焉至陳公肖儀
月增一課膏火而外捐給花紅嚴以糊名之典禮以酒
醴之隆多士鼓舞尤被春風今田益擴費益充取額有
加月課無間雖烽煙告警誦聲琅琅賢有司情深作養
當亦樂此不疲矣

永陽書院在西門內察院故址乾隆四十二年知縣王
鴻典創建安陸舉人何天衢爲之記載藝文志其屋後
三楹中設

先師木主東西兩楹爲院長書齋左右爲庖湍之所前

為講堂再前為儀門東西廂房內外共十三楹講堂左右耳房六楹儀門左右照房六楹皆諸生居之肄業再前為大門門之東樓三楹上供

文昌奎宿下供土地神經始於丙申八月至丁酉五月落成

董其事者陳人麟 梅士傑王學義胡模 鄭韓天鈞捐資者邑侯王

銀貳百壹拾貳兩梅占元錢壹百玖拾貳串彭兆鼇錢

壹百捌拾陸串李遠銀柒拾兩呂建章銀柒拾叁兩雷

聘容錢玖拾伍串梅銑錢玖拾陸串餘自柒拾串以至

壹串約百壹拾餘人未備錄

膏火田

一撥歸李恆楚屋捌間田拾叁石陸斗坐落西鄉毛家

廟側發王寺歲納租伍拾肆石肆斗後蓋屋拾叁間

一李開先絕產水田柒斗山北壹石捌斗租見後

一清查姚公祠屋捌間田肆石陸斗坐落北門會柴家

一灣歲納租拾捌石肆斗

一買楊克成屋拾壹間田拾石陸斗坐落北關外內有

田壹斗撥入陳人驥等所買公田內除壹斗歲納租

肆拾柒石伍斗

以上劬修捐輸田畝均係乾隆四十四年碑刻見立

一北十會任家冲屋壹所田肆石計肆拾肆坵歲納租拾陸石

一西門會胡家橋北周家棚子嶺上灣屋陸閒田四石計叁拾肆坵歲納租拾陸石

一南關外茶庵小劉家灣後田陸斗歲納租叁石

一西十三里橋劉家岡田貳斗叁坵歲納租捌斗

一半甲會柴家灣田貳斗叁坵歲納租捌斗

以上伍起共田玖石內有李開先絕產貳石伍斗

乾隆五十四年柴永立捐田叁石計貳拾坵屋拾閒坐

落黃土會程家河柴家灣歲納租拾貳石

汪運升捐田貳斗坐落西門會泥河歲納租捌斗

嘉慶七年周典禮捐屋玖閒田肆石貳斗計貳拾捌坵

坐落八角會九里岡南歲納租貳拾捌石幫完軍糧

錢壹千伍百文

首士陳人驥鄭挹梅鉞胡棫韓瀚以存典錢買周姓田

拾貳石陸斗計玖拾肆坵屋拾捌閒坐落北門會關

廂西楊家灣每年租穀運撥入楊克成田壹斗共納

伍拾石肆斗

道光乙酉年吳恆豐捐席家岡屋拾陸閒田拾貳石計
 壹百拾陸坵坐落西鄉曹家竹園歲納租伍拾肆石
 咸豐三年胡遵海入僧照臨屯田陸石捌斗民田肆斗
 屋拾貳閒坐落南十里鋪胡家壩租貳拾捌石捌斗
 同治八年餘資買彭之紀屋肆閒田貳斗坐落西鄉十
 二里橋歲納租穀伍斗
 共計書院田柒拾陸石玖斗租叁石叁拾石陸斗存
 項禮錢伍百玖拾玖串玖百玖拾文

賓興

原額田柒拾伍石係楊汝龍捐貳拾楊汝鑽捐貳拾傅
 兆璜捐貳拾韓漳捐拾伍石

原存典生息錢柒百串

邑庠生吳端化捐錢叁百串

知縣陳肖儀勸各布行捐錢肆百串

道光二十八年知縣沈熙麟任內眾以賓興田畝連歲
 歉收修塘屋納錢糧除耗費士子鄉場分潤無幾公
 議變田為錢存典生息獲利較厚咸豐四年髮捻竄

境各典捲逃僅收馬坪港吳家店二處本利錢壹千

陸百串仍議買田為長策好義者遂捐田

咸豐十年買吳育亭南二會盧家灣南灣屋貳所計肆

洞田貳拾石歲納租柒拾石

又三月買胡治南二會白露灣屋壹洞田肆石陸斗歲

納租拾捌石貳斗

同治二年買胡良亞南三會周家灣屋壹洞田肆石柒

斗伍升計貳拾陸坵歲納租叁石貳斗

田荒

五年楊長炯長杰捐南二會蔡家岡巷子灣獨屋灣屋

肆所計貳拾伍閒田貳拾捌石計壹百陸拾叁坵歲

納租壹百叁拾貳石陸斗

七年入譚家會圓通寺沖口獨屋壹所田叁石貳斗計

伍拾陸坵歲納租拾伍石

八年郝文樞捐田貳拾石屋叁所一落黃土會新店西

下王家灣屋拾閒田伍石玖斗半計肆拾伍坵一落

柏樹灣屋陸閒田柒石陸斗半計叁拾貳坵一落橫

山城北楊樹灣屋陸閒田陸石肆斗計伍拾餘坵歲

共納租捌拾石

八年梅椿捐東門會蔡家畝屋伍間田拾石計陸拾貳
坵歲納租肆拾捌石貳斗

九年以買樂以成田屋換樂致亭南二會盧家灣屋
洞田壹石柒斗計肆坵歲納租柒石伍斗伍升

石和鈞於咸豐九年捐入書院熟地貳斗坐落譚家會
劉家店北李家濃歲納租錢伍百文同治十年稟請

撥入賓興

共計賓興地玖拾貳石肆斗半租叁百柒拾肆石柒
斗伍升錢伍百文頂禮錢伍百肆拾柒串

卷費田

咸豐十年買吳燮臣屋壹所田陸石計捌拾餘坵坐落
南二會破塘之南歲納租貳拾肆石

買吳育亭屋壹所田伍石計叁拾伍坵坐落南二會雷
家灣歲納租貳拾石

同治元年買前甯姓與田伍石計貳拾坵坐落南三會寶
福寺後歲納租廿伍石壹斗

四年胡遵海入石龍寺莊屋捌間田陸石捌斗計叁拾
陸坵坐落南十會石龍寺東北坡每年納租叁拾石

陸斗

郝元慶捐屋貳所一落蓮洪會龍泉鎮二里許潘家壩
貳洞一落方家岡貳洞田貳拾石計壹百叁拾柒坵
歲納租捌拾石

梅大順捐東門會蔡家畝中壩屋壹洞田拾石計肆拾
玖坵歲納租肆拾伍石

高煥章捐錢叁百串於同治六年買李之榮屋叁間坐
落南門會李家壩田貳石叁斗計拾坵歲納租拾石
七年又買李家壩屋叁間

買閔華亭田壹石壹斗計捌坵坐落北十里會柳家壩
歲納租肆石肆斗

八年買蔡長弟兄田伍斗壹坵坐落東門會蔡家畝上
壩門首塘下歲納租貳石

共計卷費田伍拾柒石叁斗叁百玖拾餘坵每歲納
穀麥全租貳百肆拾陸石伍斗存佃戶頂禮錢叁百
伍拾陸串

考棚

知縣黃炳柎諭首士黃秉中宋昇殷俊胡堅周調元莊

世培梅椿陳紹元劉思繡吳橋閔海秦文海以存典錢
 勳達考棚於西門內之南左界龍王宮右界城垣前臨
 菜園後界響石溝四起棘牆上建大堂三楹耳房兩楹
 兩棚三楹號舍東西四進計七十四楹編號二千五百
 七十二位前址湫隘由東牆闢門為雲路南折為二門
 再出為大門面起照牆左右列騰蛟起鳳紫電青露坊
 經始於道光二十六年秋至二十七年冬知縣吳璵任
 內落成

咸豐七年胡義和捐田肆石壹斗一落麻穰市北四方
 塘下貳石壹斗計玖坵一落市北草塘下貳石計叁
 坵歲共納租貳拾石伍斗以資歲修

學田

明萬曆年知府馬文煒置學田貳所一落治南二十里
 許一落治東十里許劉化為之記載藝文志前志
 三十三年知府張 捐俸叁百金買民韓國祥田拾石
 在治北易家鋪東畀學其穀逐年量給貧生前志
 三十四年知縣江塘捐俸買民彭彥統田壹石捌斗助
 給貧生前志

以上三項公田坐落不詳乾沒已久同治八年學政張之洞檄行清查知縣周道源教諭陳瑞琚訓導任步瀛諭增生張元珪劉國棟同知銜陳廷鈺等赴鄉查實具報見查出各項公田共拾肆石餘斗

一落北鄉郭家棚對面胡家灣田伍石許

一落北鄉郭家棚地方王家灣田貳石許

一落東南鄉文殊會余家沖田貳石許

一落蔣林會常家塆田壹石貳斗

一落北鄉任家畝背後泡桐樹灣田壹石許

一落南三會周家榨後獨屋田壹石玖斗

一落烏石會韓家畝田壹石壹斗

以上公田七落大半荒蕪見在治渠招佃

應山會館

道光十六年廩貢葉廷芳歲貢汪炯倡捐買王福順屋建坐落正陽門外打磨廠中間路北連伍進每進叁楹基橫徑貳丈玖尺陸寸直徑貳拾丈壹尺伍寸碑文附載

示都應山會館碑記

邑增生葉凌雲

應山之有會館向隸東草廠二條衚衕自明亞卿傅公
創置於前忠烈楊公增修於後距今二百餘載爲瓦礫
場矣客歲乙未余子廷芳以廩貢肄業成均至丙申汪
丹門名炯者亦以歲貢來京肄業與廷芳目擊故址恐
其湮沒思有以經營之然鳩工庀材非數千金不克蕲
事不若爽塏之更較爲簡易爰將舊館基地易錢若干
數並郵函於余因與邑之搢紳先生共勸義舉樂輸若
千數余於丁酉菊月攜貲來 都相其地宜商其價值

至戊戌花朝日而斯館聿成嗣復卑者崇之傾者振之
空隙者增益之剝蝕者黜聖之邑之士大夫或以鄉會
試至或以京外宦至或以朝考至皆得以桑梓舊誼
憩息一堂人文薈萃固蒸蒸日上也願斯館為一邑
公事謹將捐輸姓名及一切經費刊列於石以垂久遠
焉

一東草廠二條街街舊基易京錢捌百千

一現在闔邑捐輸銀壹千叁百叁拾貳兩

一買王姓屋坐落正陽門外打磨廠中間路北一連三

間五層兩邊廂房三間半左右基址二丈九尺六寸
前後二十丈零一尺五寸給價京錢三千五百七十
帛合銀壹千二百二十兩

一中三層補葺前後兩層翻蓋前層升高一尺後圍牆
升高三尺添建廂房二間並置買牌位碑匾棹椅等
項器具共用示錢壹千叁百九十串合銀四百九十
兩整

計開

楊祖憲銀貳百陸拾兩 葉凌雲銀貳百貳拾兩

郝 潔銀壹百五拾兩 閔聯陞銀五拾兩

梅宗潤銀五拾兩 高士林銀叁拾兩

郝 澤銀叁拾兩 郝文樸銀叁拾兩

陳可翔銀叁拾兩 胡之燿銀貳拾兩

楊向榮銀貳拾兩 魏廷有銀貳拾兩

周調元銀貳拾兩 劉思繡銀貳拾兩

莊定泰銀貳拾兩 傅正德銀貳拾兩

傅調梅銀貳拾兩 吳端化銀貳拾兩

張 誥銀貳拾兩 易大德銀拾伍兩

楊徵策銀拾兩 楊徵萬銀拾兩

楊徵午銀拾兩 秦 鏡銀拾兩

閔文斗銀拾兩 黃階吉銀拾兩

方氏祠銀拾兩 殷 俊銀拾兩

龍士傑銀拾兩 李秀發銀拾兩

袁 仁銀拾兩 吳應鎡銀拾兩

王 培銀拾兩 黃鳳翥銀拾兩

孫文英銀拾兩 余立功銀拾兩

劉光珩銀拾兩 汪 炯銀捌兩

宋昇銀捌兩

閔瀛銀柒兩

楊化醅銀陸兩

方理銀伍兩

余自振銀伍兩

黃暉吉銀伍兩

黃元龍銀伍兩

葉學雨銀伍兩

劉潮海銀伍兩

周懋烈銀四兩

葉正泰銀四兩

汪之洋銀四兩

葉長斌銀叁兩

葉全鳳銀叁兩

陳兆泰銀叁兩

陳文煌銀貳兩

葉長祚銀貳兩

秦曰簧銀貳兩

季鼎元銀貳兩

梁作泰銀貳兩

葉全鳴銀貳兩

孫子堂銀貳兩

葉家棟銀貳兩

彭大齡銀貳兩

新舊紅契捌紙存錦屏葉凌雲手外有小碑二一埋
會館門面屋柱礎裏尺許遠下三尺深一埋後第四
進屏大天井中深三尺許

應山縣志卷二十一

兵荒

應當元末之亂靡有孑遺至有明流寇鴟張迭經大難
惟我

朝

修文偃武久歷承平雖嘉慶年間教匪入境旋起旋滅
安享者幾二百餘年是以耕鑿出入不識干戈自髮檢
竄擾大創難忘矣城池險要道里山川與夫驛站寨堡
志武備者獨詳亂定思痛重補牢也而疇昔流離宛然
在目則繪流民之圖當哀鴻之嘆烏可以從略志兵荒

漢建武元年秦豐陷隨縣三年詔朱祐平之

南齊永元二年始興內史王僧燦作亂以永陽周舒為謀王舒族八暉起兵以應詔劉坦討平之

唐興元元年七月嗣曹王皋及李希烈戰於應山敗之

唐書德宗傳今補載

宋建炎二年七月偽齊劉豫使李成寇四年賊掠

三年三月羣賊董平部領人馬至應山縣稱勤王兵沿

路劫掠德安城守錄今補載

元至正十一年賴蔡兵起聶興宗許成僧據分兵掠德

安所屬州縣

明洪武二年許成復叛縣丞朱敬王簿潘興死之尋討平之

宣德元年交趾國土官黎利叛諒山府脫縣土官知縣阮原赫與男世甯不從率眾十戶來歸奉文安置於縣給與田宅許其子孫自耕自食

正德六年霸州賊流入樹林山口河南都司馬振追賊敗績死之七年秋劉六劉七來寇曹都司戰死賊帥趙燧引萬人至應山河南僉事郭詔追擊二郎曠大

敗之

崇禎六年十二月二十四日流寇至孟畝店都司周元儒襲擊走之

八年三月二十六日寇登印臺山掠南關而西次日都督曹文詔統大兵經縣追至隨州萬家店大破之高明葵戰死於楊林河

九年正月寇 黃土關

十年春寇盤據西鄉數月執庠生劉豁度不屈殺之三月寇夜襲城不克乃破二關廂守備張星煥與賊戰

死之

四月十五日移至東鄉破數砦二十六日官兵與戰於中峯砦之陽

十二年正月賊李萬慶戰敗徙應山總理熊文燦檄左良玉擊之請降

明史劉國能傳前失載今補

十四年四月十二日寇破臺山砦攻城官民盡力禦之寇敗次日退

二十八日寇大至復攻城捍禦益力城幾陷至次日賴任總兵至賊東出武勝關 十五年寇破杏仁山砦

十六年正月初九日民棄城走山谷

十六日偽官陳帝道偽部總張至縣僭據

五月東鄉各砦民逐偽官入城焚燬

六月寇來破周家水寨三鍾山青堆山遭殺殆盡生員

范芳范英孫昺起義來援死之舉人劉申錫庠生楊

之金以團練兵來援與賊戰於龍王潭寇圍之二人

隨反間請成偕去餘眾突圍走

是月德安城陷劉申錫養死士百人謀恢復兵敗為賊

將白旺所殺百人皆戰死明史忠義傳前失載今補

十二月總兵惠登明敗寇於大鶴山同總兵毛顯文復

德安府各縣偽官走以巡檢吳家吉理縣事五月寇

來據之

國朝嘉慶二年白蓮教匪由孝感二郎畝竄應燒陳家巷

庠生吳世芳武生丁鵬程督鄉勇數千人禦之於土

橋不克死賊距柳家廟窺張家水寨寨危甚庠生張

世顯開礮擊焚其藥斃人馬各一賊驚竄四鄉殺掠

汪玉堂陳士彬等殉難

道光二十五年丙午豫捻千餘人潛越山險峰至孟畝

店圖劫掠也邑紳郝澤郝文模文楨等聚鄉民獵戶而殲之患遂平

二十六年丁未捻首滕駝子聚黨數千人往來於孝應之界爲邊患者數四知縣董炳柎密致滕姻親傅九功擒之送縣請於上殺之傅亦另股爲捻首者旋爲滕黨所滅邑自是無捻患

咸豐元年大學士賽尚阿督兵廣西經廣水驛髮逆洪秀全之變也

二年髮逆竄湖北冬月十二日破漢陽府城十二月初

四日破省城全省震動應邑正當衝要知縣聶光鑾督辦團練編查保甲嚴懲土匪地方賴以靖

三年五月知縣聶奉文勸捐軍餉設局於明倫堂應共捐錢二萬五千有奇

十月學政青公慶按臨德郡招勇守城應邑捐助軍餉共制錢六千四百八十串

四年三月十四日賊首僞木四將軍李逆邱逆由孝感小河溪竄入縣境湖廣總督臺敗兵於縣北八里岔賊遂踞縣城十六日知縣聶光鑾率勇克復賊窟遁

隨州

是月二十二日德安踞城賊探知邑令奉檄防堵東南由觀音坡大股馳入城被奪兵民在城者多遇害賊分股掠鄉將彌一月知縣聶練勇大備力攻之仍竄

隨州

按此賊蓄髮裹紅巾假耶蘇教愚民被擄者稱爲兄弟脅讀咒語云有天父令恐嚇使不逃彼乃焚廟宇毀神像以炫之其以官紳兵吏爲重而聲殺妖頭者解鬪志也其分股疾馳沿路放火者寒眾膽也其裹

脅書生給以夫馬傳說教令姦殺必誅者結民心也而其破郡破邑所向無前者則以民不知兵望風先逃之故究非真有神奇也今觀東南肅清可知矣初賊之竄應也自小河溪來者路焚太平鎮應家店張楊店等廟而入至城南分爲二一自馬家岡遶東而北焚文昌樓東嶽觀關帝廟及山陝會館等處一自南教場遶西城而北會合於三里塘制軍一戰敗北彼乃乘隙入城索貢招降不假擄掠一似果有奇術者及二次都城賊來所過觀音坡陳家巷駱家店等

處燒廟如故而大城暴虐則較甚始至之日戕城內百餘人繼戕數十人又僞檄勒貢分股掠鄉每日寅出申入每出以燒立威烟焰障天毀巢無算所至村庄無掇不窮壯者被擄老者被脅勒貢不到索銀不與者殺之又並其屋焚之致使秧青麥黃民不敢歸家者一月果有神奇作如是狀乎雖書生被裹乃給夫馬婦女外出猶可逃生而賊之奸謀已露矣民亦將起而爲讎矣初應民之畏賊也省城一破一夜十驚有掘地窖築夾牆蓋雙瓦造假塚沈銀於水藏寶於田致被盜竊者有遣嫁送喪匿山越境賤價棄穀倍價易銀遷移轉運因此傾家者勢向鼎沸不知所之追賊至境內初見其燒殺之慘咤叱之嚴官軍戰敗之速夢寐驚魂猶覺無敵也至二次身受賊害漸識賊情遂各鄉有殺賊之舉始一家偶爲之繼一村共爲之如南鄉邱家壩者則又鳴鑼擊鼓殺賊僅貢十餘人而顯與賊抗此以見賊不足畏民能殺賊賊亦畏民也三代上寓兵於農其以此大

五月五日前竄隨州之邱逆由縣北孟塬店回竄時西

安將軍舒公倫保駐防武勝關移兵來援前部都司平德禦賊於北三里塘大獲全勝斬擒甚多解散裹脅無數總督臺提督桂同追餘賊竄山谷中遁由縣東紅石李店東余家店而去

是役也舒以四五百人當賊數萬眾出隊北向見者危之會端午日鄉民赴城者眾各挾竿一柄至東嶽觀瞻望公恐見賊奔潰撩亂軍心也傳令各退否則持柄外向如槍矛狀口喊殺賊以壯軍威而喪賊膽眾如令公臨陣親執桴鼓賊至蜂擁而上戒勿動如

此者二賊奮勇前撲公覩賊近擊鼓令開鎗鎗無一虛發者賊前隊倒地再撲則又如此比知公有老謀乃散驟馬衣物待我軍拾取而敗之公急傳令殺賊禁勿取時城內外居民家煮粥烹茶以餉軍氣百倍鎗礮齊施賊大潰追至東河而還或曰此一舉也公以少勝多而不知其以靜制動也今公在矣迴思前事非得公再造之恩則當日山城角黍有不同食於汨羅江哉爰畱此誌感

秋賊踞漢鎮新制軍楊沛駐兵於楊店賊至孝感一帶

未入境

冬十月守道文輝設局於郡城檄捐軍餉應共捐制錢二千捌百串有奇又藩委員至應共捐銀四百九十六兩

十一月初八日候補道常恩莅應勸捐應共捐錢四萬七千餘緡又委員至應共捐制錢九百六十串

五年賊踞德安分股四竄都統札阨紮隨州石坂鋪賊於四月十四日分股一由平林市一由縣城西圍攻大營數晝夜力盡援絕而死賊之銳氣亦損七八旋即棄德安郡城而去應無恙秋八月教匪朱開陽密約德安踞賊羅山匪黨中秋日襲應時安陸歲貢王家相被擄在郡洩其謀舉人彭大齡督眾殺之擒其黨送縣正以法

八年賊由英山霍山竄麻城應邑震動江蘇巡撫李續賓擊破之

九年河南捻匪擾光固信陽羅山等處應邑毗連時有風鶴之警巡撫胡文忠公林翼委員建礮卡於三關十一年二月十九日賊帥偽英王陳玉成竄距孝邑及

德郡隨州等處應邑三面皆賊勢甚危岌候補道金國琛劉嶽昭及副都統舒保各率大兵進勒克復孝邑由是劉圍隨州金圍德郡郡賊悍而狡金環架大礮日夜轟擊聲震數百里城內牆壁皆穿弊賊無數賊伏土阮不出應邑恃此無恐各鄉會共捐米三千石送營不領價九月內金掘洞轟城城破賊由縣西北花山黃土關竄去金率二十餘營追至應山畱應者十餘日隨州亦於十月內克復

是年巡撫胡派辦減成捐輸應山共捐銀二萬四千有奇

同治元年二月拾 匪犯武勝關駐防汀州鎮沈峻德與胡得勝李肅旗 半兵迎擊於關外陳家溝大破之 閏八月十五日偽啟王梁逆偽端王藍成春偽帥馬融和等率大股逆雜以捻匪約眾數十萬自隨棗張羅而至晝則旌旗遍野夜則火光燭天姦虜燒殺慘不忍言窮谷深山無一漏網應山數百年未有之難也 先是咸豐年間髮賊竄應民避山谷者率多倖免此次爭向深處趨之而賊較前眾十倍先搜山谷故被

害尤甚時邑紳梁全忠聞而感泣自河南大營馳歸督約鄉眾十八日任紮於山口距城三十里奪賊馬數匹殺十餘人乘勢追逐賊畏而遁歸城是晚眾飢甚暫回廣水取糧賊覷五鼓時大隊掩至梁馬不及鞍被戕死同事者亦多死鎮被燒者半此役也賊以數十萬眾網羅一邑聞者莫不咋舌梁獨以千餘眾敢與爭鋒雖未捷身死而博浪一維祖龍之膽可破矣梁之忠義可風矣二十四日賊遂去

九月初九日前賊回竄於廣水志在乘也十二日竄由縣北楊家岡麻穰市孟販吳家等店而去向之被害稍輕者此次惟均矣自是烽烟已遠逃亡漸歸日擊廬室被焚貲財被掠精壯被擄老弱被戕隻身而外無一存者即存亦鋒鏑餘生奄奄待斃甚至妻女在梁有纒未下父子在野無骨可藏環顧鄉里親友無一過而弔者問其家則如是再問其家則又如如是哭聲震野彼此同悲悲極忿生讎不共戴團練之所由起也

按此次賊害被擄者約十萬有餘被殺者約二萬有

餘其擄者縛以繩索撻以竹筒行則強以重負責以疾馳不堪其虐則自斃不遂其虐則殺豈是被擄者依然被殺也十年果能生聚乎至房室之成爲灰燼財帛之化爲烟雲均非數十年所能復

是月各鄉士民赴縣請示辦團練知縣恩榮以大創之後斂費維艱且養勇千人每名每日需錢二百文少亦百五十文就少者計之年需錢五萬串加兵器火藥薪水賞耗各費合近六萬邑目前力能辦此乎卽力能辦此千勇可禦敵乎卽賊幸可禦邑能年捐六

萬乎必欲辦理則惟照田賦出兵之法每田十石出勇一名口食器用槩行自備勇多者自成一隊捐戶自帶勇少者合成一隊捐戶輪帶有事荷戈無事荷鋤如此則耗費悉除勇不止一千而團亦可久眾皆曰善乃傳捐戶定勇數立勇冊註勇名按時調閱不數月而政成再卽印臺山築堡以備守城亦不數月告竣

冬十一月寶林會紳王孔卓呈請築修興旺寨半城青堆古堡繼之至次年各鄉堡功起趨事赴公者不絕

於道云

二年九月初二日擒首僞燕王張總愚率大股擒匪竄至西門望城岡楊家山等處窺城駐防提督楊朝林率四營堵禦親帶洋鎗繞城周護以安城內民心令勿噪賊知有備不得逞而去

十月擒匪竄羅山信陽一帶擾及應境應四鄉守砦五門守城鄉會團紳帶勇守印臺山典史蔣鎔爲之主首士陳恩榮陳銑劉仁等佐之城鄉一氣官民一心非復向之惶惶無策矣賊遂未入境內

十二月羅山信陽等處賊移至縣西馬坪港徐家店一帶逼近縣城盤踞虎視守者戒益嚴除夕日各駐防所無歸家度歲者是夜禁爆竹禁封門禁團年酒巡探加數倍元旦禁衣冠拜賀

三年正月十六日知縣朱際敷諭紳士莊銳許廷楷陳紹元梅椿陳廷鈺吳端熾韓啟坊等督帶城寨守眾西出掠賊行至大邦店聞賊竄隨棗而歸計此次城眾守陴鄉眾守寨晝夜辛勤者四閱月

三月二十八日漢中髮逆僞扶王陳德才端王賴文光

結連捻匪擁眾百萬而來西北踞孟畝店蔡家河龍泉鎮等處西南踞平林市及安陸縣境京山安陸府一帶數百里皆賊營時閉城日久守則無糧戰則不敵勢同累卵然猶能挑選精壯夜撲賊營獲小勝而大局則日危

四月初九日邱帥僧格林沁差隨州千總蔡長發偵探到縣知縣朱際敷典史蔣鎔城守陳得陞率紳民等求千總轉稟邱帥允移兵來援

十一日邱帥發自隨率馬隊數千步隊萬餘逐捻匪於馬坪港淹斃者數千殺無算是日至應任棊縣城北關閱城勢甚危詢前守狀又危甚及見練勇壯之賜以劈山礮六十座嘉知縣功招局紳父老慰以言時城內久無糧再增兵勇數萬米不足浙糴不及待知縣朱派五門團紳親赴各鄉採辦食乃濟

十二日五鼓邱帥率全隊出委城守陳得陞爲前導至蔡家河賊先遁再至孟畝店遇賊隊擊之屢戰屢勝殺無算是日奪其巢餘賊竄踞吳家店檄朱令帶勇搜山谷又諭吳家會寨各備鄉勇以待

十五日平明大戰於吳家店賊敗窮追數晝夜先賊猶十餘萬至此僅千餘名紛紛奔山谷中竄英霍山去邸帥駐兵信陽城派翼長蘇提督傅振邦信陽協巴揚阿副都統祥恩帶馬步數千駐防應山禦西南踞賊檄勿與戰

二十四日督帶湖北馬隊都統舒保聞西南踞賊猖獗於安陸奮勇出城馳至三陂港後隊尙未及也與戰不克死之德安合郡士民及各路統兵人員聞者皆痛哭賊亦圖竄東南由平林市歷觀音陂陳家巷劉

家店等處至小河溪分股而去五月五日始盡邸帥檄信陽協帶駐防兵勇尾賊後欲集危地而殲之也秋邸帥檄各路大兵齊集英霍蘄黃光固等處四面環攻賊無路逃遁僞啓王梁逆僞扶王陳德才僞端王賴文光均授首餘降惟髮逆藍成春捻逆張總愚潰圍出

十月朔藍張二逆夜竄應邑之南鄉歷陳家巷平林市擄掠而去邸帥曾派提督郭寶昌由縣城向西北自統大兵由黃土關向西南追勦應稍安

四年三月知縣張樹猷諭首士等按辦團練晝夜巡城賊未入境

五年知府董紹昌奉檄至應督辦寨堡諭首士陳紹元陳廷鈺梅椿吳端熾等赴四鄉繪圖飭小寨難守者附大寨併之給以建守章程擇尤請獎者十餘人

六年四月初一日擒匪由平靖關竄入境距城十餘里四門俱閉鄉民避難者惶惶城下不能入知縣劉宗元急開南門親坐城門外指揮難民從容入畢始閉適官兵數營自西來賊自北繞東南而去

秋七月撫憲曾自廣水旋省以應山城寨整齊官民能守諭令嗣後賊至四鄉壯丁守寨近城壯丁守城於是彼此互有救援賊更無隙可乘

七年春擒匪張總愚等自陝西竄直隸督帥李鴻章協各路督撫大破之自是髮捻俱盡天下肅清

應山縣志卷二十一

寨堡

堅壁清野制流寇良法也以衛應山則尤要應地僻山叢界連皖豫三關而外攀山越嶺而過者防不勝防兵至則奔匿山谷戰不易戰且擒匪出沒無常邑距省三百餘里兵至需時匪一日夜至乘間殺掠民無逃所焉鄉團無憑藉烏合易散計惟堅築寨堡納父母妻子於其中賊至則不待軍法効死守禦勢使然也村中薪芻糧食盡歸入寨賊無所掠不能持久者亦勢也而又各

寨聯絡擊鼓鳴鑼鎗礮互救賊深入其中縱寨勇不與
鬪膽亦怯况大兵遊擊藉寨堡爲聲援有不易於撲滅
者乎邑自粵匪倡亂民避山谷有識者已倡爲此議羣
因兵燹財竭畏難而苟安之同治元年髮捻合竄眾數
十萬網羅一邑深山窮谷搜索靡遺旣乃不謀而合羣
起趨功有恃險而築於山者有因便而築於市者有纍
石陶磚而起者有擔土結塊而成者有始合一鄉而大
以成大繼分一族而小以成小者遂無十里無寨堡自
後賊至累次未受大創賴有此也雖然民力則旣殫矣
或曰山寨無水可奈何然野無所掠賊無食何暇圍或
又曰近多小寨且未成何以賊至未爲害顧尉繚子曰
城者成也所以聚人心也今寨雖不堅而人咸一志於
此則難犯究之此特僥倖於一時若爲長久可恃之計
則山寨之轉運難不如市寨之轉運易也小寨之寡不
敵眾不如大寨之眾可成城也土寨之易成易毀不如
石寨之可暫可久也深心者當自能辨之計應邑築寨
守寨之費或按畝派捐或就市抽釐大寨約萬金小寨
亦數千金更有貧無資者按人口多寡計功程丈尺劃

段分界各擔石運土以成毀則仍自為續補其火藥則各揀樹木為炭兵器則各出鋤犁舊鐵覓匠自製所費無幾此亦窮極而智生也是役也始事於興旺寨繼起於牢城山後又蒙 大憲頒示章程委員督催擇尤獎勵保衛之功不可沒也今山城野雉望者纍纍風鶴驚魂時形夢寐官斯土生斯土者其能居安而忘危乎志寨堡

東

東峯寨

距城四十里
地名古鏡庵

玉皇頂

距城二十五里
地名山口寺

廣水堡

距城四十里

大山寨

距城六十里

狄將軍寨

距城七十五里
宋狄青嘗屯兵於此

樂城寨

距城五十五里
原名牢城

平康寨

距城二十里
隆興寺後宋人避兵於此

仁和堡

距城三十五里
駝子岡

同興店堡

距城二十五里

五福堡

距城四十五里

烏石山寨

距城二十里

雙河堡

距城二十五里
張楊店

平河堡

距城三十五里
應家店

興隆堡

距城四十里
李店

高家店堡

距城四十五里

方家寨

距城六十里

天成寨

距城七十里

仰山寨

距城七十五里

吳家潭寨

距城十八里

東十里河堡

距城十里

周家壩堡 距城七十五里

龍王寨 距城五十五里

南

萬安堡 距城二十里駱家店

保泰堡 距城三十五里陳家巷

平心寨 距城三十五里吉陽山

福星寨 距城四十里中峯寺

張家水寨 距城二十五里

將軍山寨 距城二十五里不磯港

太平鎮堡 距城四十五里

觀音山寨 距城三十八里

青堆山寨 距城二十五里

新河寨 距城二十二里

姚家寨 距城三十里

經臺寨 距城三十五里

石家寨 距城二十五里石家廟

吳陳寨 距城三十里

李家寨 距城十八里墩子阪

平林堡 距城七十五里

壽山寨 距城七十里

明家寨 距城六十里南連孝邑西接安陸

戴家老寨 距城六十五里

吳家寨 距城十里何家阪

高家寨 距城五十里

西

康頭寨 距城三十五里

平峯寨 距城三十里平峯山

雲臺寨 距城四十里雲臺觀

孫家寨 距城五十里

毛家寨 距城四十五里

紅石寨 距城七十里

雙河寨 距城六十五里

將軍堡 距城七十五里馬坪港

李子寨 距城六十五里 傅樂寨 距城七十五里

蕭家店堡 距城三十五里 太山寨 距城二十五里

尖山寨 距城三十五里 小尖山寨 距城三十五里

宋家寨 距城四十五里 余家店堡 距城七十里許家灣

徐家店堡 距城七十五里 鐵城寨 距城四十里

娘娘寨 距城七十里 龍泉堡 距城二十五里龍泉鎮

北

婆婆寨 距城二十五里 韭菜巖寨 距城三十里

平心寨 距城三十五里 鍋嶺寨 距城四十里

興旺寨 距城五十五里 監生店堡 距城十五里

義和堡 距城十五里楊家岡 龍保寨 距城四十五里

連山寨 距城三十五里 雙峯寨 距城五十五里華家尖山

全福寨 距城三十里杏仁山 黃龍寨 距城三十五里

龍集寨 距城五十里 保安寨 距城七十五里

雙鳳寨 距城六十里 新店堡 距城五十里黃上關新店

關家寨 距城六十五里 鳳凰寨 距城七十里

大峯寨 距城七十五里 香山寨 距城六十五里

平安寨 距城八十里 泉水店堡 距城七十五里

虎兒寨 距城八十里

天恩堡 距城九十里

天良堡 距城九十里

全福寨 距城九十五里

福安寨 距城一百零五里

仰天窩寨 距城一百一十五里

裴家寨 距城七十里

保合堡 距城四十五里

紫芝寨 距城十二里

觀音畝寨 距城十五里

應山縣志卷二十三

選舉

俊秀選造先王所以取賢才備楨幹也我

朝科目取人三年大比萃野瓊林不遺珠網矣而又重德行者舉之優文行者選之兼才藝者拔之以歲計者貢之其平時整風勵俗則又舉鄉老之賢者禮飲而賓之合歷代闢門之典爲一代奎聚之光典至重也應高甲巍科近不槩見而濟濟觀光後先鵬奮有振興象焉蟻橋之水流有聲忠孝之芳碑在口生此邦者敢忘前路

乎志選舉

進士

宋

王世則桂林人入籍本縣太平興國八年登進士第一

詳鄉賢傳

宋

庠天聖二年登進士第一 詳鄉賢傳

宋

祁天聖二年登進士第一改置第十 詳鄉賢傳

鄭

紆鄭建中之子登天聖八年進士官至祠部郎中

詳鄉賢傳補遺

宋充國元獻之子登寶元元年進士官大中大夫

連

庠舜賓次子登慶曆二年進士 詳鄉賢傳

連

庶舜賓長子慶曆六年登狀元賈黯榜進士 詳鄉賢傳

並四賢堂記

鄭

獮紆之長子皇祐元年登狀元馮京榜進士由祕

書丞知潭州攸縣官至朝奉大夫 今補載

鄭

獮紆之次子登皇祐五年進士第一

李

庭芝登清祐元年進士 詳鄉賢傳

明

應山集元 卷二十三
顏 木正德十二年丁丑科狀元舒芬榜任許州知州
改調亳州 詳鄉賢傳

傅鳳翽嘉靖二年癸未科狀元姚洙榜任蔡令歷監察
御史累官工戶兵三部侍郎掌京營戎政 詳鄉賢傳
陳之良嘉靖二年癸未科狀元姚洙榜任工部主事陞
刑部員外郎郎中致仕 詳鄉賢傳

陳之輔嘉靖八年己丑科狀元羅洪先榜任戶部觀政
詳鄉賢傳

吳翰嗣嘉靖二十九年庚戌科狀元唐汝楫榜任東陽
知縣歷監察御史巡按雲南 詳鄉賢傳

李貞元嘉靖四十一年壬戌科狀元申時行榜任福州
推官歷工科給事中 詳鄉賢傳

魏 雷隆慶五年辛未科狀元張元怵榜授工部屯田
司主事肇慶府知府 詳鄉賢傳

陳大道萬曆丙戌科任南陽府知府遷戶部尚書知樞
密院文華殿大學士少師少保本貫人發祥光化 前
未載今據陳 氏族譜補入

顏宇坪木之孫萬曆十七年己丑科狀元焦竑榜戶部

郎中督糧榆林遷河南參政

楊 漣萬歷三十五年丁未科狀元黃士傑榜任江南

常熟縣知縣行取戶科給事中歷陞太常寺少卿都

察院左僉都右副都御史以劾魏忠賢遇害後追贈

太子太保諡忠烈

詳明史本傳
與鄉賢傳

國朝

朱孔照順治乙未科狀元史大成榜授禮部儀制司主

事陞員外郎郎中旋轉蘇州府海防同知詳鄉志

武之亨順治己亥科狀元徐文元榜陝西學道

王永清康熙庚戌科狀元蔡啟樽榜任浙江雲台縣知

縣陞江南北徐州知州 以上俱前志

周 統康熙壬戌科授山東淄川知縣陞吏部主事

閔 衍康熙癸未科歷任山西孝義甯鄉合河知縣行

取戶部主事晉本部員外郎 詳鄉賢傳

明 晟號恕齋雍正癸卯科秋闈會試中式初授河間

獻縣知縣調任繁劇陞京北刑名督捕同知初轉儀

部繼調銓部歷任文選考功稽勳三司 欽命鄉

會提調文武考試官旋由郎中出守姑蘇調繁新安

復陞監司蒙 恩召見 欽賜書籍蟒緞金鈿

後又膺 寵命至乾隆己未會試提調官擢陞廣

饒九南兵備道復擢江西提刑按察司副使以老致

仕著有政績載洗冤錄

徐鳴達雍正庚戌科任四川江安縣知縣

閔 鵠乾隆己丑科刑部主事陞員外郎著有此志軒

古文

胡 楷乾隆辛未科任黃州府教授詳鄉賢傳

喻 章乾隆甲戌科任廣東海豐縣知縣

韓天鈞嘉慶己未科 恩賜翰林院檢討

吳天錫咸豐己未科狀元孫家鼐榜簽分直隸即用知

縣賞戴藍翎陞用同知貴州試用道

李培英咸豐庚申科狀元鍾駿聲榜工部主事都水司

魏璧文同治癸亥科狀元翁曾源榜戶部主事廣東司

魏弼文同治戊辰科狀元洪鈞榜翰林院庶吉士

左紹鑾同治辛未科狀元梁耀樞榜廣東即用知縣

鄉舉紀自明始

顏哲洪武甲子科任後軍都督府經歷

張誠永樂辛卯科任鹽城主簿

楊清永樂辛卯科任夾江教諭

楊慶永樂甲午科任曲靖通判

華鎮永樂丁酉科

王懋永樂丁酉科任淮安訓導

應民永樂丁酉科任華陽知縣

鍾豫永樂庚子科任桂林同知

顏恭永樂癸卯科任圻州州判改蘇州

雷鳴景泰庚午科泗州州判

王凱成化辛卯科豐城訓導陞平陽教授

鄧玉成化辛卯科信陽訓導

顏端成化庚子科成都教諭

戴弁宏治己酉科大足知縣

張寬宏治乙卯科新都知縣改鹽亭復知灌縣多善

政詳鄉

顏木恭曾孫正德丁卯科見甲科

陳之輔正德癸酉科見甲科

向光振正德丙子科四川高縣知縣 詳鄉賢傳

傅鳳翔正德丙子科 見甲科

陳之良正德丙子科 見甲科

吳翰嗣嘉靖庚子科 見甲科

程則明嘉靖己酉科

李貞元嘉靖戊午科 見甲科

魏雷嘉靖戊午科 見甲科

李崧隆慶丁卯科任浙江清安知縣 前志未載今補入

劉化隆慶庚午科海豐知縣

龍吟萬曆癸酉科

張紹果萬曆丙子科順天榜

顏宇坪萬曆壬午科 見甲科

黃樾萬曆庚子科休甯人入應山籍六名知縣

楊漣萬曆癸卯科 見甲科

陳愚萬曆己酉科 詳孝子傳

黃樞樾胞弟萬曆戊午科睢州知州

劉申錫天啟甲子科 詳烈士傳

涂達道崇禎丙子科

羅世珩崇禎壬午科黃陂人入應山縣學浙州知州

國朝

陳大策順治戊子科牛利知縣前志未載今補

武之亨順治戊子科以應山籍中式舉人後改屬孝感

中己亥科進士

陳 範順治辛卯科

朱孔照順治甲午科見甲科

李 阜順治丁酉科詳鄉賢傳

汪 銓順治丁酉科原籍孝感入應山縣學中式

盧士常順治庚子科經魁湯陰知縣

顧仰可順治庚子科麻城縣教諭

姚統永康熙癸卯科第四名詳鄉賢傳

周 統康熙癸卯科見甲科詳鄉賢志

程世規康熙癸卯科

王永清字定一號碧臺應山人入安陸學康熙丙午科

解元見甲科

譚繼周康熙己酉科

張象升康熙壬子科見甲科
以上俱照前志載入

閔衍康熙辛酉科亞元 見甲科

孫枝桂康熙丁卯科

孫枝喬康熙丙子科

高道宏康熙丙子科

王道恕康熙丙子科

陳宏康熙壬午科

閔能恕號杜坡衍之子鵠之父也謙謹老成性敏嗜學

中康熙甲午科經魁候選知縣任益陽縣教諭著有

養見錄培蘭齋古文嘯雲詩草宏勝集六卷三餘齋

錄四卷官制考十二卷朝制雜考四卷文齋集二卷

殖學集五卷行世

陳紹先康熙甲午科

鮑維乾雍正癸卯科此科以春為鄉試秋為會試

王辰重雍正癸卯科

明晟雍正癸卯科 見甲科

盧景植雍正癸卯科

徐鳴達雍正己酉科亞元 見甲科

周椿齡雍正乙卯科

陳必成乾隆丙辰科

閔 鵠乾隆丙辰科 見甲科

洪成鼎乾隆戊午科鶴峯州訓導陞四川安岳縣知縣

胡 楷乾隆辛酉科 見甲科

喻 章乾隆丁卯科 見甲科

馮儒修乾隆丁卯科

徐必達乾隆壬申 恩科亞元

盧長發乾隆癸酉科亞魁保康縣教諭

汪 琪乾隆丙子科

毛有彪乾隆乙酉科

魏之時乾隆乙酉科

劉雲鶴乾隆戊子科黃安教諭

殷懋修乾隆庚寅科 有傳載藝文志

洪成已乾隆甲午科

毛 鴻乾隆甲午科

盧 珊乾隆己亥 恩科歷任羅田監利教諭陞任漢陽府教授

韓天鈞嘉慶戊午科 恩賜 見甲科

王 瑞嘉慶戊寅科咸甯縣訓導 精醫西理

毛宗燮道光辛巳科光化縣教諭

彭大齡道光乙未科江夏縣教諭 詳篤行傳

魏璧文道光庚子科經魁 見甲科

左金銘道光甲辰科經魁候選知縣

胡 墀道光甲辰科黃陂教諭揀選知縣以親老致仕

王謙永陽書 以十數年學遂品端敦本睦族著作甚

多存稿待梓 篤行傳

吳運新咸豐辛巳科經魁

楊長杰咸豐壬子科順天榜先由優選考取教習授江

西長甯知縣歷任建昌貴溪縣以軍功擢蓮花廳同

知賞戴藍翎卽陞知府賞換花翎歷有政績

萬修廉咸豐乙卯科順天榜歷任湖南永定攸縣調瀏

陽縣知縣

吳天錫咸豐戊午科 見甲科

劉紹遴咸豐戊午科

盧 崇咸豐戊午科

李培英咸豐己未科 見甲科

余 峻咸豐己未科順天榜辛未大挑知縣分發陝西

萬修塘咸豐己未科順天榜以教習授恩施縣教諭

傅炳坤咸豐辛酉科順天榜考授內閣中書現任安徽

太平府江防同知

魏弼交同治甲子科順天榜見甲科

左紹鑾同治甲子科見甲科

李書恩同治甲子科戊辰考取景山教習

李家樹同治庚午科

余 述同治庚午科順天榜

國朝鄉副

李 阜順治甲午科

盧均天順治庚子科副元廬江縣知縣

閔則哲順治庚子科未出學冊出壬子年貢任江陵學

博著有汶溪語錄

周方大雍正己卯科

王夢驥乾隆 科

明新謨乾隆辛酉科明晟長子

盧受祺嘉慶癸酉科

余 普道光壬午科副元

胡 墀道光己亥科 見正榜

張世芳道光庚子科 恩賜

曹光綬道光丙午科

余 達道光己酉科副元公安縣教諭

莊 銳咸豐戊午科候選教諭考授正黃旗教習

萬修塘咸豐戊午科順天榜 見正榜

鄭 丙咸豐戊午 恩賜

吳詠棣咸豐己未科

陳逢泰咸豐己未科 恩賜

毛 豐同治丁卯科 恩賜

陳戊吉同治丁卯科 恩賜

孝廉方正

國朝

孫 縉字文川

楊祖憲原名炳字星若忠烈九世孫也道光辛巳年部

選山東博平縣知縣調掖縣陞同知卒於官著有政

績載博平掖縣志

陳鴻字雲衢咸豐壬子年

見歲貢

吳澤咸豐壬子年

左紹斗字星槎同治癸亥年現任浙江松陽縣知縣

余述字堯臣同治癸亥年

見鄉舉

陳立元字卓臣同治癸亥年候選訓導

許廷楷字端臣同治癸亥年連同衡

國朝拔貢

李阜順治甲午科副榜拔貢又見丁酉科鄉舉

盧士常見順治庚子鄉舉

方金璽康熙十三年

曹大煥字魏次康熙丁酉科任河南陽武縣知縣

李斌康熙

府學

閔鵠雍正乙酉科

見甲科

周鶴齡雍正己酉科府學

楊可鏡雍正己酉科由七品京官補授福建司主事遷

江南司員外郎歷戶部山東清吏司郎中監督寶泉

局詳鄉賢傳

左素存山東蒙城縣知縣

盧儒乾隆癸酉科任東湖縣教諭

姚灼乾隆辛酉科

胡之煜字斐然號雨屏乾隆己酉科歷署當陽遠安實

授南漳宜都各縣教諭由軍功擢陞選任貴州省貴

陽府龍里縣知縣

閔瀛嘉慶癸酉科咸寧縣教諭

吳永清道光乙酉科

郝久楨道光丁酉科任通山訓導授安陸府教授

張世炳道光己酉科候選訓導

閔文泳咸豐辛酉科候選教諭

優貢

國朝

周柏齡雍正己卯科

楊徵策嘉慶甲子科朝考武英殿校錄選武昌縣學

訓導提陞沔陽州學正

楊長杰道光己酉科見鄉舉

歲貢

明

王敏左軍都督府經歷 傅信開封通判

呂昭同知 文盛瀘州衛經歷

蕭質大使 丁暹上蔡知縣

邵或桂州府同知陞安慶府知府 詳鄉賢傳

楊斌工部郎中遷雲南參政 詳鄉賢傳

鄭純光祿寺署丞 李勉將樂王簿

田斌監察御史 張能分水知縣

張壽知縣 以上俱洪武年章 昱新甯教諭

楊敏光祿典簿 周祥大使

吳晃固始訓導陞光山教諭

左禎臨潼典史 曾政上蔡知縣

吳琮瀘州訓導 喻俊重慶衛經歷

陳謨府學梧州通判超遷知府 詳鄉賢傳

陳斌江安王簿 張滿名山知縣

黃旒光澤王簿 汪嶽東流知縣

馮華 劉迪

杜金

王顯

尚志 以上永樂年

張欽衛輝照磨

盧華瀘龍衛知事

潘志甯府奉祠副

余溥處州知事

秦和吉安照磨

蔡貴金州吏目

姚明徽州府檢校 俱宣德年

彭搏府學布政檢校

梅春永新縣丞

譚貞邨縣知縣

劉潮宗大使

楊以康永康訓導

戴勝德府典儀

李春王簿

朱玉桂林照磨

戈忠府學大使

戈源普州訓導 以上正統年

楊智鹽井大使

張昂新津訓導

胡灝龍泉王簿 以上景泰年

唐謙縣丞

吳銘武隆王簿

張昇建甯王簿

劉卒成都衛經歷 以上天順年

熊瓚

孫忠長洲王簿

劉灝永豐縣丞

程俊州學崧縣縣丞

薛仁句容王簿

陳祥

孫陽

陳傑豐城知縣

郝文高

向 龍茂名知縣 馬 驥阿彌州吏目

胡 田鶴慶推官 戴 灝同安知縣

盧 芳阿彌州同知以上成化年 陳 綸蒼梧主簿

陳 仁鬱林州同知 向 麟安定知縣

楊 昱太平通判 張 儒淮安鹽運經歷

王叔方 彭思信名山主簿

向 傑結州吏目 傅 楫州學穎州同知

程 賢萬載縣丞以上宏治年 陳 儼州學武宣訓導

胡 崧吳江縣丞 向 孜河南都司斷

程 麟州學健為知縣 劉 沂溫江知縣

熊景春 吳 璠

張 仁長垣縣丞 陳永陽廣西府經歷

劉 祐越舊衛經歷陞華亭知縣

殷大綸訓導 陳 偉州學

雷 豫 顏 卿瓊山知縣以上正德年

向光大施秉知縣詳鄉賢傳 劉 恩

孫 儒縣丞以功陞原武知縣入覲致仕還原武男婦

焚香紳士餞送入名宦 顏 尙成都府訓導

魏嘉會 見義士傳

張 芷杭州通判

胡一用文昌知縣致政歸捐金三百代納通族一年錢

糧

向光裕訓導

陳之維加定州同

向 喬

向光啟奉化訓導歷陳州學正

劉 孜任主簿

張 藿

宋 松廣信訓導慕江教諭

盧 箴開化知縣

李 惠訓導

張 績 寬之子

陳 策

裴希度楚雄經歷陞四川都司經歷

董士齊江浦訓導

彭得淮

胡明表平涼通判調雲南通判

程九遠湖口主簿

劉 冲

鄧一麟印江知縣

熊 兆義烏訓導

匡朝宣西甯府訓導

李 光鳳陽府訓導

楊 棟餘杭主簿陞光澤縣丞

劉鳳羽龍泉縣丞

以上嘉靖年

邱 棟恩選

景士希

黃世縉

張 莫德化主簿

顏熙海貴陽推官

以上隆慶年

夏之鼎萬曆元年恩

龍德正

張紹果

見鄉舉

陳一葵州學

張鳳翥固始訓導

陳進

孫時叙

喻楷

黃世紳安鄉訓導

張紹槃德州州判

楊學會八年恩雲南通判遷北勝知州

向 台江都訓導

羅 文歷監歸告不仕

李 詔平武縣知縣

詳鄉賢傳

龍 躍選貢合江知縣

謝喜勳新年知縣

陳一拯黃州訓導

李一夔監利訓導遷天桂教諭

敖凌霄息縣訓導遷漢陽教諭

黃 校廣昌訓導陞黃陂教諭

王 禮恩選新昌訓導陞秀水教諭

夏之啟辰州訓導陞江華教諭

劉有光訓導陞江華教諭 余心維崇信訓導

周良璧蒲蘄訓導陞江夏教諭

李 詢句容知縣

李逢春冀州同知

郝勳

吳子愷

楊清忠烈公胞兄宜興訓導遷國子助教陞金華同知詳鄉賢傳

程陽春休甯人歷監歸不仕潛心理學博極羣書

劉養和恩選撫州通判陞四川龍安府同知

羅孟斗恩選思恩知縣陞平涼府同知遷洱海道

余愛崇義訓導

于鍾徐聞訓導

李瓚宜春訓導陞教諭告致仕

羅隨乾

程初春

黃希閔崇禎元年恩選烈女之父

王三顧

詹世登羅田訓導

程文華蘄州訓導陞四川知縣

應運亨無為州訓導陞唐縣教諭

陳再鳴好學安貧孝友篤行親喪啜粥杜葷酒五月墓

丹青圖親像亂離不舍

劉靖邦黔陽縣訓導陞知縣

曹衡擅有文名安貧樂道絃誦不輟未仕卒

梅輝鼎選貢任江西萬安知縣

前志失載今補入

楊之賦任臨淮太和知縣

王鼎臣己卯副榜

韓洵前志失載
今補入

韓化龍麻城教諭今補

國朝

李維掇恩選授棗陽訓導 程經任郴州訓導

李之楷授攸縣訓導遷郴州學正再陞九谿致仕

程致遠九溪衛訓導 雷鳴箕恩選授通判

孫貞石恩選授福建延平府通判

楊芳遠授永州訓導 劉秉健授縣丞任上海

曹鎮鼎

陳齊鳴羅山知縣

丁震吉永州訓導

盧均天見鄉副

程琳詳鄉賢傳

局瀛巴東訓導

方文選

吳琦

左光樞

楊九疇楊氏宗譜載
順治丁酉選拔

閔則哲庚子科副榜壬子年貢以上俱照前志載入

左之梅

陳昭京兆府府尹

左浚

陳玉江南蘇州同知

陳瑞廷

陳積山東汶上知縣

楊可鈞

閔作礪府學

李邦基

李長元

李統元

周經

明新功明晟三子

陳之瀚西郡教諭

周必大教習知縣

陳一鳴

洪一楷

洪大才

閔能厚衍之子候選教諭著有記事珠一卷行世

閔能質衍之子候選縣丞

程世法

李熹

李雲縉

陳紹華

盧景樞雍正年貢

宋驥雍正八年

盧景杜

盧孖麟候選州同

盧牲麟

李施榮

盧份乾隆年貢

李里仁

李依仁

湛正心

莊曰最湖南永州府教授

姜天申

詹近仁

唐勳乾隆年

黃煥

閔驥武昌府教授

閔鯤候選縣丞

張祿德潛江縣教諭

李雲林

樂璋乾隆甲午貢 毛光舉乾隆甲午

李恪 樂華

閻鳳清 毛有顯乾隆戊申

姚志毅乾隆庚子 程之倫

胡模乾隆乙巳貢沔陽州訓導

程倬 下成

程之遠 鄧封丁

丁之暹 許通候選訓導

周芳春 丁光玉 工書畫

湛澤齡乾隆年貢任崇陽教諭

楊維諧候選教諭詳篤行 劉懷德

高奇 盧珠乾隆年貢

劉式向任黃梅訓導詳篤行 周則大

周可大 毛有經乾隆甲戌

李立誠 魏傑

魏自寬 精醫理 明琪

彭彩 魏衡已

劉式錫嘉慶庚申 楊之清嘉慶壬戌

彭兆熊候選訓導

韓潮候選教諭

李其躋嘉慶丙寅

左履沖

魏自行

毛本純嘉慶壬申

李彥

王鏞

毛駒黃岡訓導

孫可輿

李其慶

閔魯

宋光琰

明維融

宋鈞

詹世登

方柏齡

毛光和嘉慶戊辰

楊縵嘉慶二十年

毛光復嘉慶戊寅 恩選

黃中理

李燧

李道華房縣訓導

梅鈺候選訓導

洪忠諭

李彪

毛本仁道光元年

李玉成

魏衡藻候選教諭

劉思誠道光丙戌

楊徵午道光己丑貢候選訓導

盧兆泰

楊徵萬候選訓導

陳士俊

楊亮時道光辛卯

左宏源

鄧春

陳兆泰

余炳塘

張開第

高之棟

馮洙

左光前

左宏濟

魏恩有候選教諭

汪炯道光乙未貢候選訓導

魏恆有候選訓導

李思樂道光戊戌貢

胡垣道光戊戌貢候選訓導王書院

高明

彭商道光辛丑

曹占先道光壬寅貢候選訓導

秦日簣道光壬寅

陳璧元道光甲辰

恩貢候選直隸州州判

梅紹楫道光丙午

吳大鴻道光丁未

諶厚霖號雨三道光己酉居家孝友處世謙恭經術湛

深品行高潔雖饗俸不繼而不怨不尤坦然自得其

引進後學常言敦孝弟以重人倫先器識而後文藝

是以門下多醇謹士藹然可親邑侯蔣琴山沈石齋

夏學師俱命子弟西席事之

熊海

董聚書道光庚戌

劉宗城咸豐壬子

胡世德咸豐辛亥

戴之華咸豐壬子

王廷璧咸豐癸丑 恩貢候選教諭

陳新元咸豐乙卯候選訓導 詳篤行

李鈺廷

左培榮咸豐戊午

孫鴻吉咸豐戊午

杜之珩咸豐己未

黃錫璜己未 恩貢武昌訓導

毛宗德咸豐辛酉

易大維同治癸亥

方珊

朱華袞

張心灼同治甲子

陳鴻同治乙丑候選訓導

程子箴同治乙丑候選教諭

周懋昭同治丁卯

張瑞田同治戊辰

劉思義同治己巳

余述同治己巳

見鄉舉

吳道濟同治辛未

李官廷同治辛未 府

仕宦

出身失攷者附

宋

鄭損之保雍長子官軍事推官

鄭嶼保雍次子官東頭供奉

以上前志未載今補入

鄭建中嶼子官屯田員外郎

詳義士傳

連南夫字鵬舉建炎初守濠州累官廣東轉運使

詳鄉賢傳

連萬夫南夫弟補將仕郎

詳鄉賢傳

連端夫權知南劍州軍事

詳鄉賢傳

元

詹璠璵任中牟知縣

詳鄉賢傳

明

王時興授吏部尚書調西安府知府復為刑部尚書

見聖政記

詳鄉賢傳

例選

紀自明始

程麟四川嘉定州知州

李大儒陝西漢中府同知

周璋富順王簿忠州判官

陳璫吳江王簿

殷伯溧陽王簿

殷仲常州檢校

殷儀雲南布政司都事

殷信州判

劉泉縣丞

程燮廣東理問

胡明信峽江縣丞

殷之輅鴻臚序班

石見玉鴻臚序班

喻必達甯國照磨

陳三畏鴻臚序班

楊際照考授縣丞

楊際勳戶部七品京官候選州同

舊志未載今補錄

李珀楷書生員雲南提舉

李友信州判

馮安巡檢

秦善楷書主簿

熊鳳府軍左衛經歷

殷采縣丞

李應貞景陵衛經歷

郭漣縉雲縣丞

汪銘獲鹿縣丞

顏昶恭從子德平主簿改官平主簿

顏曄府軍倉大使

易忠山岔巡檢

雷澄長蘆批驗大使

吳三省阿城關大使

吳欽大使

何以銓普安衛經歷

譚應祖邵陽縣丞

吳雄麗水主簿

汪榮捷爲主簿

池昂德清縣丞

譚壽大使

徐聰仁壽典史

譚昂遞運大使

徐悅江油典史

胡志和光祿監事

劉本秀遞運大使

黃維軒鹽井大使

劉理巡檢

胡憲章典史

喻崇舉典史

熊思仁承差

陳俸承差雲南驛丞

劉淑龍江驛丞

梁義宣化巡檢

劉思靖靜海驛丞

蔣芹廣德州州判今補

楊一復廣德州州判

前志未載今補

陳璣舉賓壽宮前志未載今補

國朝

陳樸委署孝感縣知縣

洪起明建昌府同知今補

李之俊任思南府推官

以上照前志載入

洪一棟字石臣貢生初任知縣二任兵馬司指揮三任

福建臺灣府海防同知

陳大忠訓導

李鳴珂羅田訓導

明新訓候選州同

鄭關志廣西巡檢

和文武淮安府知府

莊綸泗水知縣

長平河州候補知縣

洪國彰字遜瞻初任浙江布政司經歷陞授福建直隸

福甯州知州

張何衢任湖南衡山縣知縣陞甘肅涇州知州

工書畫

韓天錄湖南茶陵州知州

洪成鈺候選縣尉

胡之耀字曙堂由廩貢授訓導歷署竹谿天門黃陂各

縣教諭

梅廷燮縣丞署榮澤縣巡檢

梅 鏌當陽縣教諭遷歸州學正

周調元端品嗜學兼工詩畫由廩貢任宜都教諭遷黃

州府教授

梅廷芳候選訓導

魏廷有廩貢歷任羅田鄖縣房縣安陸府漢陽府教諭

遷甘肅甯夏府經歷

梅調鼎安陸府教授詳篤行志

吳 棻鍾祥縣教諭

郝文樊松滋訓導

郝文模漢陽訓導

袁禧春江夏教諭

高文望廣東候補同知督運滇銅轉直隸州知州

梅鴻儒署安徽江防同知解盛京餉遷羅貢護理安慶

府舒城縣兼理兩學功擢卽補直隸州任靈璧知縣

黃本驥咸甯縣訓導

周廷相現任湖南瀘溪縣知縣

胡 堃廣西平樂府賀縣桂嶺縣丞

李詩元特授江西南城新豐鎮巡檢

魏章喬廣西郴州巡檢 李宗培安徽卽補府經歷

魏章明候選同知

毛本枝庠生候選鹽大使

武進士

紀自

國朝

閔長申道光甲辰科由進士任陝西定遠留壩等處游

擊陞甯陝參將

梁正明道光乙巳科由進士授陝西鞏昌營遊擊

閔長齡道光庚戌科由侍衛任福建建甯府遊擊陞參

將協鎮署建甯鎮總兵

易定國咸豐癸丑科保儘先都司

武鄉舉 紀自 國朝

宋時清

胡上理乾隆乙卯科

劉思壯嘉慶丙子科候選衛千總

鄭廷勳嘉慶戊午科 蔡一舉嘉慶丁卯科

陳 澧道光 科

梁全斌道光己亥科任房縣千總

梁正明道光癸卯科見甲科 易廣藻道光甲辰科亞元

吳繼汝道光丙午科丁未簽分兵部差官即用守備都

司銜

熊鵬萬道光丙午科

丁魁元道光丙午科 楊逢春道光己酉科

閔長齡道光己酉科見甲科 李元弼道光己酉科

易定國咸豐辛亥科見甲科 吳繼漳咸豐壬子科

李家勳咸豐戊午科以軍功保儘先都司現歸督標

鄭良弼咸豐戊午科以軍功保即補衛守備

沈春榮咸豐己未科

劉金彪同治庚午科見甲科

張錦堂同治庚午科

武職紀自明始出身係世襲軍功

喻伯昂授府軍前衛指揮使

傅榮金吾前衛指揮僉事

張璽太原前衛左所千戶

魏成密雲衛千戶

張鴻太原前衛左所千戶

黃剛金吾左衛百戶

劉信淮府儀衛司試百戶以上俱惠化鄉人

李清輔池州節度衛前志未載今補人

劉源高郵衛指揮同知 鄧志得潯州衛指揮

許勝宣州衛左所正千戶

李榮彭州衛千戶 夏斌西河衛正千戶

李成榮之子襲父職調汝州中屯正千戶

吳瑄懷遠左所千戶

吳忠揚州衛泰州所百戶

吳保金吾左衛中所百戶

萬五燕山前衛百戶

韓受三畱守右衛百戶 以上俱仁義鄉人

國朝

洪起元字瑞芝號義庵由軍功歷任江西南贛鎮標都

司管前營遊擊事陞中營遊擊復陞湖廣鄖陽鎮標

參將管中營遊擊事兼武昌鎮標參將管中營遊擊

事永州鎮標參將管中營遊擊事轉陞浙江提督中

營副將管參將事復陞嚴州副總兵都督同知 有傳

載藝文志

張善雄安鎮總鎮

周文龍任參將

以上照前志載入

洪起泰功加都司管南贛鎮標前營守備事

李光臨武生康熙四年由軍功授副總職後陞正總

汪文學任河南上蔡縣城守

洪一樑起泰長子功加守備

洪一樞起泰次子功加守備

洪一楷號法臣歲貢生起明長子功加守備

洪國寶字民瞻候選千總 熊 斌儘先副將

彭林貴記名簡放提督晉勇巴圖魯

李詩莊儘先守備 陳啟富陝西平梁營參將

吳忠恕以把總署應山城守保千總現歸撫標

張大本儘先副將

補遺

歲只

王 璣 通城訓導 王 璋

李 煊 曾常恂

聞 泉 左 樞

程世文 劉其睿

程 時 胡定中

游象鼎 徐 聯

楊 昭 王夢麟見鄉副

王辰重 見鄉舉 胡珂鳴

陳鏡來 明有融

聞有章 李恪

程人文 池彥

李士皇 王象健

明良

國朝鄉賓

洪起元 鄉飲大賓

薛溥 鄉飲大賓

陳人驥 嘉慶甲子鄉飲大賓

彭舉 字子賢 庠生 嘉慶甲子亞賓

鄧泰 字仙坡 嘉慶甲子介賓

袁佐 字彤超 嘉慶甲子鄉賓

應山縣志卷二十四

紀恩

王者本親親之意以尊賢雖一命之榮一節之次皆榮其祖父而及其子孫恩至渥矣應沐我

朝曠典前代遺烈亦起而揚之俾得前光後裕泯遺恨焉至髮捻肆虐鄉團亦衛身家練勇原非顯官而殉難之多均蒙優卹耿耿忠魂當為厲鬼殺賊也為之後者宜何如圖報哉

贈封

應山縣志

卷二十四

紀恩

封

肇造區夏則廟號輝煌宏濟蒼生則國恩洋溢朝有令
典家亦榮之野有陽秋朝亦重之與其十世之有黼黻
及於嬰孩不若一亩之釐綸綍揚於邱壠所以聖人臣
服采之心表賢父傳經之效也不徒治世有忠臣亦見
名家有孝子連甲之載固令青史貽譏苦精口慎名與
器及恐義士因而解體此先王礪世磨鈍之微權與山
川土田並行不廢者敢忽乎哉曹子桓曰文章經國大
猷不朽盛事此之謂也志贈封 書序

宋

連舜賓以子庶庠貴累賜金紫光祿大夫尚書刑部侍

郎

明

陳 儼以子之良任刑部主事 封承德郎

妻劉氏 封安人

傅 楫以子鳳翔官御史 封儒林郎

妻劉氏 封安人

李 麟以子貞元任工科給事中 封徵仕郎

妻戴氏 封宜人

魏嘉會以子雷任南京工部屯田清吏司主事 封承

德郎

妻劉氏 封安人

楊公鐸忠烈曾祖 封光祿大夫太子太保右都御史

兵部尚書

妻劉氏 封一品夫人

楊萬春忠烈祖 封贈與公鐸同

妻氏

楊彥勳忠烈父 封贈與公鐸同

妻劉氏

國朝

楊之易以子苞任上林苑監養育署署丞加一級 封

中憲大夫

妻陳氏 封恭人

李世廉以子之俊任貴州思南府推官 封文林郎

妻柳氏 封孺人

洪榮仕以曾孫都督同知起元 封驃騎將軍資政

大夫

妻杜傅氏 封一品夫人

洪大全以孫都督同知起元初 封懷遠將軍二

封昭勇將軍三 封驃騎將軍資政大夫四

封榮祿大夫

妻金氏初 封淑人二 封淑人三 封夫

人四 封一品夫人

洪諫以子都督同知起元初 封懷遠將軍二

封昭勇將軍三 封驃騎將軍資政大夫四

封榮祿大夫

妻王氏初 封淑人二 封淑人三 封夫

人四 封一品夫人

胡碧以孫械候選布政司經歷 封儒林郎

妻熊氏 封安人

胡姚支以子械 封儒林郎

妻莊氏 封安人

胡樑以子之煜授南漳縣教諭 封修職郎

妻鄭氏 封孺人

楊可鈞以曾孫祖憲任博平縣知縣 封文林郎

妻朱氏 封孺人

楊 涓以孫祖憲 封文林郎

妻舒氏 封孺人

楊徵言以子祖憲 封文林郎

妻陳氏 封孺人

劉應瑀以子雲鶴任黃安縣教諭 封修職郎

妻閻氏 封孺人

郝 潔以子文植任通山縣教諭 封修職郎

妻梅氏 封孺人

郝 澤以子文樊任松滋縣教諭 封修職郎又以子

文枋中書科中書 封徵仕郎

妻蘇氏 封孺人

郝 浙以子文模官訓導 封修職郎

妻黃氏 封孺人

魏自全以子廷有任漢陽縣訓導 封修職郎

妻杜氏 封孺人

高士林以子翥官衛守備 封武德騎尉

妻陳氏 封宜人

高 燾以子文望官知州 封奉政大夫

妻趙何氏 封宜人

吳紹魯以子棻任鍾祥縣教諭 封修職郎

妻吳氏姓李 封孺人

梅光選以孫鴻儒官同知 封奉政大夫

妻李氏 封宜人

梅茂楚以子鴻儒官同知 封奉政大夫

妻徐氏 封宜人

饒 銓以子之河官縣丞 封修職郎

妻郭氏 封孺人

閔文斗以孫長齡任延平協鎮 封武顯將軍

妻黃氏 封夫人

閔 賢以子長齡 封武顯將軍

妻趙氏 封夫人

閔長慶以弟長齡 封武功將軍

妻韓氏 封夫人

楊權以子長杰官知縣初 封文林郎二 封奉政大夫

妻舒氏初 封孺人二 封宜人

楊^松以^猶子長杰初 封文林郎二 封奉政大夫

妻^張氏初 封孺人二 封宜人

楊長炯以弟長杰 封奉政大夫

妻徐氏 封宜人

周光燾以孫廷相官戶部主事 封奉政大夫

妻曾氏 封宜人

周希濂以子廷相 封朝議大夫

妻^羅氏 封恭人

梁鴻敏以孫全斌官房縣千總 封武略騎尉

妻李氏 封安人

梁 樸以子全斌 封武略騎尉以孫正明官鞏昌

遊擊 晉封武翼都尉

妻姚氏 封安人 晉封淑人

梁全福以子正明官遊擊 封武翼都尉

妻譚氏 封淑人

梁全忠以姪正明 封武翼都尉 見殉難志

妻何氏 封淑人

李華林以孫培英官工部主事 封奉政大夫

妻蕭氏 封宜人

李獻廷以姪培英 封奉政大夫

妻毛氏 封宜人

李猷廷以姪培英 封奉政大夫

妻魏氏 封宜人

李惟中以子培英初 封奉政大夫二 封朝議

大夫

妻蕭氏初 封宜人二 封恭人

傅大德以孫炳坤官內閣中書 封奉直大夫

妻尚氏 封宜人

傅必倫以堂姪孫炳坤 封奉直大夫

妻陳氏 封宜人

傅 錠以子炳坤 封奉直大夫

妻張氏 封宜人

萬國選以孫修廉任攸縣知縣 封奉政大夫

妻劉氏 封宜人

萬道華以子修廉 封奉政大夫

妻李氏 封宜人

恩蔭

昔封爵之誓曰國以永存爰及苗裔褒德錄勳之典所由昉歟雖世卿世官讀春秋者亦或撫時而增慨然盟府之所藏太師之所職其忘之也如必揣摩簡練始博取人間富若貴何以處夫功在王室名在天壤者乎志

恩蔭

舊序

明

傅 誠廩生少有俊才以父鳳翔廕授戶部照磨轉光

祿寺鹽醢署正又陞順天府通判

楊之易字元仲忠烈大洪先生長子也能讀父書數千言立就屢試冠軍生平不苟言行一嘖一笑不輕假人當魏璫時草菅多命炤可熾手公不避艱險周旋其間以甯俞之忠成吉玠之孝且篤念天顯推食解衣友愛殆其天性以父廕授後軍都督府都事陞工部虞衡員外治漕聞有功陞龍安府知府多異政國朝順治二年仍以原職管理松江府海防同知四年松江吳督叛殉難捐軀聲名烈烈

賜祭葬

賜贈廕卹典甚優都御史趙開心爲之銘曰宏農啓後篤生
偉人四世清德子孫其繩父折逆瑞子罵賊臣惟忠
惟孝萃於一門

陳聯璧字孚尹號珏庵原籍應山發祥光化父大策由
恩選任平利令叔父大道由丙戌進士官戶部尙書
公年十一受知於督學葛寅亮拔取第一自是試輒
冠軍文名噪海內無何叔氏父子相繼歿例得承蔭
祭酒倪元璐一見器重繼選太常典簿出判江甯馬
政攝江上兩篆草火耗革贖緩糴米賑饑陞戶部三
事歷員外郎

國朝以原官用大著勞績

賜貂衣馬匹陞彰德知府招流移興學校調台州府多方撫
輯會大旱步禱立應擢汝南道副使百姓焚香泣送
者萬人咸稱爲天德天恩星云性澹靜胸次灑落浮
一雲富貴解組歸應山祖籍快遂初服栽花種竹爲樂
一而已輕財樂施周急卹災事母彭太夫人承意順旨
一深得歡心或偶疾目不交睫衣不解帶籲天求代太
夫人歿後多遊屐收名山大川奇氣發爲文章有太

史公遺風著述萬言填滿鄴架特工吟咏兼諸體諸家之長然亦直寫性靈於場天籟也每花晨月夕入其室覺書篋几杖殷殷有金石聲所著有伊蘭畫舟穎南息廬玩庵等集行世

國朝

楊苞庠生以父之易死難松江廩入監順治十三年授上林苑署丞陞洛陽知縣歷陞廣德州知州漳州府同知有能聲督撫交薦陞刑部員外郎

沈瑞祥以父春芳訓導殉難襲雲騎尉世職

易明琛以父履恆監生殉難襲雲騎尉世職發標學習

易鴻恩以父大醅生員殉難襲雲騎尉世職

陳本崇以祖璧元恩貢生就職州判殉難襲雲騎尉

左心潤以父履本監生殉難襲雲騎尉世職

秦永錫以父舉善監生殉難襲雲騎尉世職

樊蘭以父崇報監生殉難襲雲騎尉世職

胡德昌以父璧璜從九品銜殉難襲雲騎尉世職

劉耀祖以父元監生殉難襲雲騎尉世職

諭祭紀自明始

嘉靖三十二年遣湖廣布政司堂上官分守荆西道右
參議劉文光諭祭提督團營兵部侍郎兼都察院右僉
都御史傅鳳翔諭曰惟爾性姿敏達才識優長早奮甲
第政成劇邑擢官臺察激揚有聲藩臬薦更晉居都憲
威震甘肅澤普盱江撫輿關中勤勞茂著載參民部宣
大督儲簡佐兵部協理戎政方隆委任遽以疾終特頒
卹典遣官賜祭治葬飭工爾如有知尙其款嚴

崇禎二年遣湖廣等處承宣布政使司堂上官諭祭原
贈都察院右都御史今加贈太子太保楊漣之靈曰朕
聞往牒有精忠亮節灑氣剛風苟利社稷不惜一死者
輒歛歔憑弔用嘉壯之惟爾貞誠自矢孤介性成皇考
違和以篤祐切經心之痛熹皇御極以沈憂奠奠磐石之
安一議而正名定分攸關再疏而保身保家莫顧羣凶
構陷鍛鍊駢多而爾肉綻而忠彌完身亡而志如在能
承顧命不能殄愠於宵人能矢艱貞不能謝誣於雙吻
能使故鄉老幼號泣遮留不能使偵邏明謀少寬箠楚
能使對仗彈文欽崎厯落不能使積張璫談共鑿丹衷
爾不云乎三朝泰養一念獨盟二祖十宗實鑒此心天

下後世共見此血庶幾其無愧歟汝形已在此心可告於先王氣作山河今已頤彰夫公道易名大典建祠加崇宮保殊恩既擬全卹以示勸懲綸異寵應從一品以疏榮諒爾其歆有靈不滅

國朝順治十四年四月

皇帝遣湖廣布政司堂上官兵備僉事帶管分守荆西道布政司參政吳之紀

諭祭原任江南松江府海防同知今贈江南按察司副司楊之易之靈曰同讐者烈士之壯懷殉難者貞臣之節

爾松江海防同知楊之易嘉猷著效佐治騰聲方期宣力人民不意捐軀城社可謂矢死不回以畢其志者矣訃音上聞深懷悲悼

特賜祭一壇造墳安葬以表英魂尙欽承之

祭品

- 猪一口
- 羊一羸
- 寶粧一座
- 蔴花二樹
- 托爐二棹
- 饅首五分
- 松子一盤
- 蓮子一盤
- 棗子一盤
- 栗子一盤
- 核桃一盤
- 飯三碗
- 湯三碗
- 酒二鍾
- 降真香一炷
- 燭一對

廣山集卷二十四

焚祝紙一百張

三

應山縣志卷二十五

鄉賢

均是人也獨能出爲良吏處爲醇儒功業炳於寰區德澤浹於閭里頑廉懦立鈞遊處風俗皆良致使牧豎樵夫榮爲桑梓而兩地爭之此鄉賢所由重也如忠孝鄭公兄弟宋氏生長應邑也而安州誌其人隨州亦誌其人可見德郡士民秉彝同好然居是邦者曷亦思百世而下令人相爭之故哉志鄉賢

宋

王世則太平興國八年登進士第一舊志云自是宋庠
鄭獬相繼大魁蓋吾邦鼎元此公破天荒也治西四
十里龍圖壘俗以爲世則舊居云

宋庠字公序初名郊因李淑之議改名庠初舉進士試
禮部第一擢大理評事同判襄州召試遷太子中允
直史館歷三司戶部判官同修起居注再遷左正言
仁宗詔爲翰林學士常遇公厚且大用矣寶元中以
右諫議大夫參知政事公爲相與呂夷簡論議不合
乃以公知揚州徙鄆州慶曆中范仲淹去位復召爲
參知政事帝嘗召二府對資政殿出手詔策以時事
公曰兩漢對策本延巖穴草萊之士今備位政府而
比諸生非所以尊朝廷請至中書合議條奏論者以
公爲知體尋除工部侍郎充樞密使皇祐初拜兵部
侍郎同中書門下平章事遷工部尚書後祁子與越
國夫人客僞造敕牒論死諫官包拯奏庠不戢子弟
乃以刑部尚書知河南府徙許州又徙河陽入覲以
檢校太尉同平章事充樞密使封莒國公英宗卽位
徙鎮武軍改封鄭國公以司空致仕卒贈太尉諡元

獻公自應舉時與弟祁俱以文學名擅天下公儉約不好聲色讀書至老不倦天資忠厚嘗曰逆詐恃明殘人矜才終身弗爲也以此益稱其長者其子充國德義才猷卓犖不羣克繼其志無隕家聲

宋祁字子京與兄庠同舉進士禮部奏祁第一庠第三章獻太后不欲以弟先兄擢庠第一寘祁第十召試授直史館再遷太常博士同知禮儀院遷工部員外郎同修起居注權三司度支判官時陝西用兵調費日蹙上疏請去二冗節二費專備邊屯後兼侍讀學

士改龍圖學士史館修撰修唐書遷右諫議大夫翰林學士皇祐中詔求直言公奏切中時病其子從張彥方遊出知亳州徙成德軍遷尚書禮部侍郎請弛河東陝西馬禁又請復唐馱幕之制徙定州又上言天下根本在河北河北根本在鎮定請擇將練卒積餉以待戰出奇又上禦戎論七篇加端明殿學士特遷吏部侍郎唐書成遷左丞進工部尚書以羸疾請便醫藥拜翰林學士承旨詔遇入直許一子主湯藥尋卒遺奏立儲嗣以定人心又自爲誌銘戒其子勿

為流俗陰陽拘毋以金銀雜物置塚中勿請諡勿受
贈典學士張方平言其法應得諡諡曰景文贈尚書
鄭獬字毅夫安州人少負俊材詞章豪偉峭整流輩莫
敢望皇祐二年登進士第一通判陳州入直集賢院
度支判官修起居注知制誥英宗即位治永昭山陵
悉用乾興制度獬言今國用空乏近者賞軍已見橫
斂富室嗟怨流聞京師先帝節儉愛民蓋出天性凡
服用器玩極於樸陋此天下所共知也而山陵制度
乃欲效乾興最盛之時獨不傷儉德乎願飭有司損
其名數又言天子初即位郡國馳表稱賀例官其人
此出五代餘習因仍未改今庶官微眾充濫銓曹前
日羣臣進官已布維新之澤不須復行此恩以開僥
倖皆不報又上疏言陛下初臨御恭默不言所與共
政者七八大臣而已焉能盡天下之聰明哉願申詔
中外許令盡言有可采錄召與之對至於臣下進見
訪以得失虛心求之必能有益治道帝嘉納之時詔
諸郡敦遣遺逸之士至則試之祕閣命以官頗有謬
舉者眾論喧嘩旋即廢罷獬言古之薦士以謂拔十

得五猶得其半况今所失未至十五而遽以浮言廢之可乎願復此科使豪俊無遺滯之歎未及行出知荆南治平中大水求言又上疏還判三班院神宗初召獬豸對內東門命草吳奎知青州及張方平趙抃參政事三制賜雙燭送歸舍人院廷無知者遂拜翰林學士朝廷議納橫山獬豸曰兵禍必起於此已而种諤取綏州獬豸言臣竊見手詔深戒邊臣無得生事今乃特專用變詐之士務爲掩襲如戰國暴君之所尙豈帝王大略哉諤擅興當誅又請因諫祚告哀遣使

立其嗣子識者躪之權發遣開封府民喻興與妻謀殺一婦人獬不肯用按問新法爲王安石所惡出爲侍讀學士知杭州御史中丞呂誨乞還之不聽未幾徙青州方散青苗錢獬言但見其害不忍民無罪而陷憲網引疾祈間提舉鴻慶宮卒年五十一家貧子弱其柩藁殯曾屋十餘年滕甫爲安州乃克葬

宋史本傳

宋李元衡曰應山貨殖不饒俗喜儒學而近世名勝之流相望不乏由進士第一者三人矣按舊志紀王世則太平興國八年進士第一自是宋庠鄭獬相繼

大魁則是李所謂三人者王世則宋庠鄭獬也今考古志通志載宋祁科第皆曰同兄登進士唱名第一章憲太后改賓第十則是宋祁之進士第一不若鄭獬之進士第一確而可據也三人之說斷以王世則宋庠鄭獬爲是府中四狀元坊亦以小宋唱名時言之耳非眞天聖二年有兄弟俱賜狀元之事也

志

顏木曰連南夫萬夫舊志亦安州人蓋應山安州屬也德安府在劉宋曰安陸在西魏曰安州非今之安陸縣也府郡之記載或可統各屬之人物非眞應

山人不當分註爲應山人也竊以爲鄭公之係安州者亦從此例但惜顏公與當事不合其著述爲其塗削舛亂劉化所云顏先生勒成一家言而鼓瑟琴門僅成畫餅者此也然顏公有家藏隨應合刻一志他邑名流俱不載獨載鄭公事甚悉亦可以知矣

此係顏志

並邑人程太樸傳記

劉化曰治北九十里尹家畝有鄭狀元宅化親至其址階除甃砌猶有存者夫狀元無他鄭姓按舊志紀王世則太平興國八年登進士第一自是宋庠鄭獬

相繼大魁則獬非他郡編氓可埒也俟後之通儒辨焉

劉志

程楸曰嘗反復郡志鄖城古蹟二十九流寓若李白遷謫若蔡確教授若范愉皆存遺跡以志不朽豈鄭獬以士著狀元乃無一迹可考歟其據以爲安陸人者卒時藁殯於安陸僧舍耳夫鄭公果係安陸人卽貧不克葬豈至無家可柩而必僦居僧舍歟若以卒處卽爲產處連處士亦卒於雲夢未嘗以爲雲夢人也今其宅里俱在狀元無他鄭姓鄖城無實蹟可考

故特爲正之

按鄭獬字毅夫皇祐二年登進士第一本應山人有故宅遺址在焉一統志廣輿記俱以獬爲安陸人蓋當日應山不過永陽小邑百事草昧文獻未興凡人物紀載但附之府郡卽二宋亦漫係之安陸而未及實註爲應山人也一統志作於成化年正應山草昧之初至後應山顯然一大名邦人材輩出文獻無不備凡向之附於安州者各宜分註改正明矣獨鄭公以應之士著不得於縣志中特書一姓字何與蓋明

之初作志者拘於廣輿等書殊不知鄖無實蹟可考而應之故里尙存其宅在治北九十里非治南九十里也

周志

鄭狀元之爲應山人前志旣載有辨記數篇確鑿如是矣然猶係後人推論也近又得公文二首其黃州重建門碑記未載治平三年十一月十七日右司諫知荆南軍府事應山鄭獬記此公自題名也可以無疑並無辨矣文見本省通志今補刻藝文中

連庶字君錫安州應山人舉進士爲商水尉調壽春合興學校尊禮秀民以勸其俗開濱淮田千頃縣大治淮南王舊壘在山間會大水州守議取其壁爲城庶曰弓矢舞衣傳百世藏王府非無可用蓋以古物傳於今尙有典型也壘因是得存尋以母老乞監陳州稅嘗送客出北門見日西風塵滿道蓋憧憧不已慨然有感卽日求致仕歸久之翰林學士歐陽修龍圖閣直學士祖無擇言文學行義宜在臺閣起知崑山縣不行累遷職方員外郎卒

庶始與弟庠在鄉里時宋郊兄弟歆譽以衣之及

一宋貴達不阿其志退居二十年守道愈堅非其人
 不交非其義不取秋毫不可污也庶既卒後宋郊之
 孫義年為應山令緣邑人之意作堂於法興僧舍繪
 二宋及庶庠之像祀之庠亦登科第敏於政事號良
 吏終都官郎中 宋史本傳

連庠字元禮與兄庶齊名按李元綱云應山二連伯氏
 當官明潔人謂之連底清仲氏加以嚴肅人謂之連
 底凍

連南夫建炎初守濠州古有東西二城濠由其間入淮
 公始決濠水由城西徑達於淮築二城合為一累官
 廣東轉運使新興饑發倉賑之全活萬人

宣和六年以太常少卿使金弔祭阿骨打紹興初以
 寶文閣學士知饒州捍禦有功 書錄解題 高宗時累

官廣東轉運使後知廣州兵馬鈴轄韓京受命領兵
 三千屯營廣州特恩不法南夫委曲剗制京遂革心
 為善及金人歸河南地南夫賀表云虞舜之十二州
 昔皆吾有商於之六百里當念爾欺秦檜惡其語罷
 之 粵大記 紹興中知泉州不附和議落職 宋詩紀事

連萬夫南夫弟補將仕郎建炎四年羣賊犯應山公率邑人數千據山砦禦之賊不敢逼聚眾圍之三日卒破之執公欲留爲用憤罵不屈而死贈右承務郎

連端夫舊志未詳其事張耒四賢堂碑記云宣和五年孫朝散郎權知南劍州軍事連端夫立石

李庭芝字祥甫其先汴人十二世同居號義門李氏後徙應山遷隨州特以武顯及庭芝生有芝產於屋棟遂以名之自少穎異日誦千言智識出長老上見隨守王旻貪殘不恤下眾多怨之告於諸父曰隨必亂

請移家德安以避之從之未浹旬旻果爲部曲挾以叛隨民死者甚眾嘉熙未登鄉舉時江防甚急不得行以策干孟珙請自效珙夜夢有李尙書謁己明日庭芝適至見其魁偉顧諸子曰吾相人多矣無如李生者其名位當過我屬四川有警卽以庭芝權建始縣旣至訓農治兵選壯士雜官軍教之期年民皆知戰守善馳逐無事則植戈而耕兵至則悉出而戰夔帥下其法於所部行之清祐初登進士辟王管機宜文字珙卒復薦於賈似道庭芝感珙知己扶其柩葬

之興國棄官行服似道鎮京湖起爲參議官移鎮兩淮議柵清口五河增淮南烽百二十繼知濠州復城荆山以備淮南皆切中機會開慶元年留權揚州尋以大兵在蜀奏除直寶謨閣湖北安撫副使兼知峽州以防蜀江庭芝方以母憂去會李瓊窺淮南制使趙與憲無謀瓊奪其所築南城遂由漣水渡淮朝議擇守揚者無如庭芝乃奪情授祕閣修撰主管兩淮安撫制置司公事遂破瓊兵殺其將厲元帥平南城而還景定二年除樞密都承旨兩淮安撫制置副使知揚州復敗瓊於喬村破東海石圍等城明年瓊降徙漣水三城民於通秦之間五年就加寶章閣直學士揚新遭兵火廬舍盡燬賴鹽爲利而亭戶多亡公私蕭然庭芝至則悉貸民逋假錢營屋踰歲官民居皆具鑿河四十里以省車運之勞免亭戶宿負二百餘萬逃亡悉歸鹽利大興築大城包平山堂募汴南流民二萬立武銳軍以實之敵至不敢窺城中圖上於朝下詔獎勞又大修學校爲詩書俎豆習射禮有水旱廩不足贍賑以私財民德之如父母劉槃自淮

南入朝帝問淮事具言庭芝老誠謹重軍民安之今
邊塵不驚百廢具舉皆陛下委任得人之效也咸淳
三年就加兵部尙書五年轉兩淮安撫制置大使兼
知揚州北兵圍襄陽復改京湖兼夔路策應督師援
之賜錢二百萬預備給賞范文虎貽書似道曰吾將
兵數萬人襄陽一戰可平但無使聽命於京闕事成
則功歸恩相似道喜卽除文虎福州觀察使其兵從
中制文虎乃曰攜美妾走馬擊毬爲樂庭芝屢欲進
兵辭以取旨未至明年六月不得已始一出師未至
鹿門中道遁去竟失襄陽陳宜中請誅文虎似道甚
之止降一官猶令知安慶庭芝自劾請代不允遂得
貶歸九年元復圍揚州起庭芝兩淮安撫制置使賜
錢二百萬十年築清河口城賜名清河軍十二月元
兵破鄂蕪湖兵潰沿江諸郡或降或遁無一人能守
者庭芝首遣兵入衛爲諸道勤王倡檄所部郡縣各
嚴城守有持書榜招降者焚而梟之調苗再成兵戰
其南許文德戰其北姜才施忠戰其中日持金帛牛
酒燕犒將士人人爲之死鬪朝廷慰勞日至加參知

政事兼知樞密院事伯顏入臨安留元帥阿朮攻揚州久不下築長圍跨灣頭至丁村欲久困之城中之食命括民間粟盡令出之官戶已盡及於將校雜以牛皮麩蘖有烹子而食者尙日出苦戰朝命使降庭芝登城謝曰奉命守城未聞降也元所遣詔使悉焚斬之時夏貴以淮西降阿朮馳至城下旌旗蔽野幕客以言覘之庭芝泣曰吾惟一死而已會益王立召爲左丞相加少保乃以朱煥守揚而已與姜才將兵七千東入海甬至泰州煥隨以城降驅庭芝妻子至秦裨將孫貴胡惟孝等開門迎降庭芝聞變赴蓮池水淺不得死被執還揚煥責以自用兵來積骸滿野皆庭芝與才所爲不殺何俟死之日民皆泣下

本傳

元

魯璠瓊好學工文辭制行端肅爲中牟令有賢聲居鄉以禮訓俗鄉人尊之

明

王時輿元至正癸卯單舸赴鄱陽之役授吏部尙書洪武二年調西安知府復召爲刑部尙書見聖政記

一按元順帝亡於丁未之歲其癸卯乃丁未之前五年其時元猶未亡然所謂赴鄱陽之役者乃明太祖與陳友諒大戰之役王時興之單舸以赴乃赴明非赴元也其吏部尚書之授乃明授非元授也因其時國號未立元猶未亡故繫之於元而王時興實未仕元讀者莫爲紀載所誤

楊彬歲貢歷工部郎中永樂十四年議建北京公奉命督修京城有功遷雲南參政

邵彀歲貢歷桂林府同知遷安慶知府寬惠有守視民如子以事被逮民爭隨之事白復在九年考績去民立去思碑

陳謨歲貢景泰初通判梧州巡撫侍郎李棠與公手帖曰聞君殫竭心力攘除寇盜撫安善良歷年茲深且有勞効遂薦梧州府知府有政績梧人誦之不衰

張寬字宗吉正德己巳授新都知縣獄無停牘賦無橫斂建學宮修城闕民不告勞改知鹽亭邑多山民鮮耕作猛獷難治公示以法尋撫以恩時有干矢之役公馭制有法賊相戒勿犯其境總制彭澤統兵數萬

駐其邑公供億有方賊平賜銀幣丁內艱起復知灌縣御史臺數薦之會入計民遮道送行次汴河遇劇盜劉六等劫於途不能渡遂還作歸來亭以見志

顏木字惟喬鄉薦遊南雍一時衣冠翕然宗之得第居都下與黃岡王廷陳稱楚兩傑時期以館職竟外補許昌薦調亳州徵武人石氏恣橫坐中傷免性嗜書善考索文思精勁歸益淬厲名節居馬坪二十餘年日有紀述吟詠不輟嘉靖十四年聘纂輿都志告成賜鏹幣焉西京許伯誠評曰惟喬學行兼優其質直

若汲黯無隱若范武子廉若楊伯起不私若包希仁任真若陶淵明辯博若荀卿沈潛若揚子雲恢宏該博若司馬遷班固古雅整厲若顏延之謝靈運祀於隨社以發武州學也

傅鳳翔字德輝登第知上蔡縣隨拜御史遷參政右僉都御史歷兵部右侍郎協理戎政性孝友仁厚居澗有信義臨事闊達通敏築上蔡城民祀之按江右浙江卓有風采寇犯陝西境斬獲有功督餉佐戎率著徽略卒於官贈右都御史賜祭廕其子

向光振字伯羽性嚴整恥同俗尙善詩文奔父喪渡海
遇風以身禱風頓息母病當會試不行祖業悉讓之
兄嘉靖末知四川高縣寇逼邑治戕長吏公嚴城守
立保甲精器械單騎詣蓋頂招巨盜羅仲高等編爲
兵與白羊諸砦合以禦之召陳村高舟等民諭以大
義恤死扶傷民乃感奮邑自公作起文學始有登第
者卒於官邑人祀之名宦移檄楚得祀於社

陳之良字伯善初授工部主事管北徐呂梁洪舊水利
可取者槩革除之轉刑部郎中謹恪任法不畏權貴
時給諫陸燦行人岳倫等疏宰執張桂專權納賄下
刑部推鞠之公拘審得實覆奏未幾張還內閣公遂
落職居家四十餘年卒督學蔡公移檄本府云方張
桂用事時議事忤權落職者今已錄且恤矣刑部陳
先生事亦奇偉何以不白於今日又四年知縣張博
申舉得祀於鄉

陳之輔字伯棐之良之弟博學洽聞能爲古文辭尤長
於詩未仕而卒

向光大字堯夫性純謹知施秉縣多異政縣有妖虎二

據治外里許負嶠土人事以人畜乃數月不出一出則肆咥不可勝計公至卽備器械選壯丁約日與虎戰先爲文告城隍神謂己與神俱有責如虎以戰死則神無功當改廟貌若未戰而死則神有功宜血食先期三日二虎相鬪而死民咸異焉後卒於官民立祠祀之

吳翰嗣字子修先世金谿人幼穎慧爲東陽邑令清約擢節不阿權勢時倭爲患海上逼兩浙公增戍募勇禦之倭不得犯境內召拜柱史巡視京城權貴人憚之按滇南風采凜然目病疏請歸憩山寺門人罕見其面性耿介誠正歷官十餘年惟故田一頃舊屋數椽而已卒卽舉祭於社東陽雲南皆有祠祀焉又自書像贊云心事同青天白日面目無和氣春風唼唼乎仁而不佞惴惴乎慎而有禮孔子曰狷者有所不爲也其斯人之謂歟

李貞元字亨甫少穎異成童受句讀於塾喟然曰此非吾學也杜門取歷代史鑑濂洛關閩書讀之己未捷南宮歸臥石龍山取典制諸書及古籍切政理者精

應山縣志 卷二十一
四
究之壬戌就廷對得福州推官歷任三年皆周流外郡時閩倭寇境清厄漏以濟軍儲減 遞羨餘以予民死囚獲平者百數拜工科給事中時科道交論輔臣獨公責以失大臣體請亟賜罷去協中外人情而假以恩禮曲全歸老疏下其人不能辯引罪去一時稱公達大體以母憂歸遂卒於家督學蔡公從公論請祀於社

魏雷字子鳴先世南昌好學工詩善草書初授工部屯田主事榷蕪湖稅遷肇慶知府引疾歸性質樸長厚輕財樂施以是益稱公長者嘗識諸子曰吾忝甲第未有功德於梓里居官愧古良二千石人鮮全璧吾立身行己能自信一一如古聖賢否身後若人欲舉祀於鄉其辭之嘗見有因舉祀而生平微疵反爲人指摘者戒之嗣子不能違也卒之日鄉人哀慕之李諗字蓋伯鄉人稱爲和節先生初以貢入太學就選除令平武故漢陰平地也羌民雜居山多田少公減贖蠲逋清訟慎獄會有詔采木公議春夏水漲始役民民忘其勞調劑征稅公私稱便直指李公將虛剡

以薦奔喪歸邑人立石頌焉銘曰讀書萬卷百里具
瞻爾材實銛毋然沾沾公田之稼既沃且厭歸去來
兮汶水慊慊東山之巖爾藏孔恬我銘公藏將躋平
武於彭澤之廡乃配和節於靖節之間

楊清忠烈公胞兄也以責任宜與訓導遷國子助教陞
金華同知爲諸生時同忠烈公讀書山中雅慕里中
二宋二連人亦以宋連目之邑稱博物君子必嘖嘖
二楊云忠烈被禍公罷家居忠烈事雪復任衢州其
後致仕善終於家得祀於社

楊漣字文孺號大洪謚忠烈彥翔之子萬春之孫也世
德篤厚發祥於公登萬歷丁未進士初授蘇州府常
熟令多善政考選清官第一擬戶科給事中遷兵垣
都諫歷仕三朝軍國大儲多所論定庚申九月當光
廟不豫疏明聖體違和之緣特鑒忠直三蒙召見親
承顧命於御榻之前時熹宗勢處孤危公備議先移
宮後登極值循宮門伺察非常六日鬚髮盡白宗社
賴以奠安羣小因而生忌公不屑與較復疏歸里癸
亥起用除陞禮科都賀客腫至其子之易舉亦有喜色

客退公呼諸兒謂曰兒曹何癡而以而父進賢冠爲
而作牛馬者耶今冲聖子立所在伏莽疆場宮府皆
我死所也憂且不服何喜之有聞者駭之每日笑曰
楊漣這番出山不知歸路是如何也其矢志蓋非一
日矣尋以太常卿赴闕歷陞都御史目擊魏忠賢客
氏專擅益無忌致有謀皇子殺貴妃等事慨然曰此
時不言迨至逆謀已成請劍何及無使天下後世笑
舉朝無一人有男子氣遂有二十四罪之奏疏既上
忠賢驚怖累日首輔葉向高意在調停權爲姑不究
之旨自是忠賢彌縫益巧謀以會推事譴漣當日二
更許忠賢手封墨勅不由閣票竟送該科削漣等爲
民請且備行無何內外謀成削逐如雨有銜公者累
參招權納賄及營脫罪經等語思借汪文言以興大
獄公遂被逮公至京詔下鎮撫司許顯純拷問許顯
純密承璫意異刑毒拷至二十四日片紙下獄報公
死矣是日白虹見其後贈右都御史太子太保廕其
子賜諡忠烈櫬過確山有貧薪老人撫之大哭袖出
一詞稿棺云先生之心忠君之心先生之口嫉奸之

口忠言如鐵奸魄已禡先生雖死萬古如生嗚呼哀哉夫復何言叩其姓名終不肯言

朱錦字真文進士孔照之父也應童子試卽愛知於宣城會元湯霍林先生期以公輔拔置第一及列鬢序學益淵博楊忠烈公評其文曰清眞俊逸元氣渾然國士也闔郡結名士社推執牛耳性沈靜不苟言笑事親竭力几杖必從和易近人人與相對如坐春風每羣論議起徐以一言決之靡不服輕財樂施敬老慈幼鄉人化之比於王彥方然見義勇爲立李氏之遺孤表陳氏之節烈大協輿情當忠烈之被逮公倡義傾囊助費及在中途逆璫偵邏如織奸人刺客草木皆兵賴公周旋遂不及難廷獻時公自憾身爲諸生不得一覲天顏白簡從事也及歸砥礪益甚不幸天奪之遽殲此良人遠近聞者莫不流涕僉曰古之所謂鄉先生沒而可祀於社者微斯人其誰與歸各上臺聞風慕義褒頌不下千言限於幅不盡載

李阜字南薰中丁酉鄉試其居鄉也不矜才廉隅自守已登賢書矣猶設教於鄉與生徒吟誦不輟孔子之

所謂行己有恥者歟 以上俱前志

楊之易忠烈長子父被逮時魏璫焰可熾手公不避艱險周旋其間以甯俞之忠成吉玠之孝且篤念天顯友愛諸季以父廕官松江府海防同知吳督叛殉難

賜葬祭 前志列人物門見鄉賢祀位並詳紀 恩

朱孔照字浴曙號雲臺順治甲子舉人已未進士 殿

試二甲授禮部儀制司主事旋轉蘇州海防同知節制有方兵民稱便晚居故里望重東山性恬澹喜著述口不絕吟手不釋卷型家範俗有司馬公之遺風

眾咸期以大任必有以慰蒼生之望云 前志載人物門

周統康熙癸卯舉人壬戌進士授山東淄川縣知縣捐俸創建般陽書院清輸漕宿蠹躬請窮鄉編審減除催收陋費署家鄰邑免闕夫賑饑民申革捏造空丁數千名皆功在百世至於戶給徵糧小則及海內所共由者也後以考滿官超昇吏部主事著有禮記集成節略行世已入四庫

程林字太樸號先一陽春之子穎悟好學博聞強記不履邪徑不視非色避亂山中獨攜郡邑志以行則縣

志賴以存者先生之力也順治庚子膺恩選客邸京師一時公卿大夫從遊者戶外屢滿焉授州司歸築室廣水山中寄情泉石雲物晚益好學諸子百家星數猶其餘緒尤精字學丙午後絕跡城市庚戌春忽謂姪作翼曰吾欲尋歸宿地矣遽馬都司書室仲冬對客痛飲談笑自若而卒

志

閔衍號印麓則哲子也文行爲一時重望康熙辛酉亞元登癸未進士第歷任山西孝義甯鄉合河知縣行取戶部主政晉本部員外郎未幾乞假歸里潛心經史諸子百家之書著有楚音正譌檢心集己人四庫又有印麓山房詩集其門人吏部尙書孫家淦序曰讀吾師印麓先生詩而恍然如有遇焉蓋夫子之所養邃矣其克己也深故有以治己之情其閱世也久故有以知人之情其讀書也博而精故有以通古人之情今觀集中所載皆廉直勁正寬裕順成之言而無一字涉於流辟邪散之意則其所感之正可知矣享年八十餘子三能厚能質俱歲貢能恕經魁孫鵠進士均有著述其家學淵源信而有徵也

楊可鏡字汝川忠烈公七世孫也以雍正己酉選貢

朝考經部議駁蒙

諭旨垂念忠烈與之易兩世

忠義仍準作貢人監肄業著禮部帶領引

見著

在戶部行走乾隆三年補授七品小京官留辦部務

旋補福建司主事保授江南員外郎主事員外兩次

擬陪查例多用擬正之員茲去正用陪皆出

特

恩實屬異數又保題補山東司郎中監督寶泉局歷

年隨

駕謁陵出圍計十餘次又隨

駕巡幸

江南浙江山東孔廟等處

賜食賞銀兼緞匹綾

紬等物最渥公以疊荷

恩施廉隅愈礪寶泉局調

濟缺也公監督最久而甌底猶塵後以疾乞歸家徒

壁立公安之若素焉其自謂不墜清白吏家風信然

胡楷號二鄉姿鈍極晝夜攻苦無間卒成名宿乾隆辛

酉舉於鄉辛未成進士以歸班司黃州府鐸未幾解

組歸寒素如故日惟潛心理學不計生

雖饗殮不

繼晏如也著作甚宏富奈貧難付梓狀元吳鴻公同

年友也赴南省迂道見訪欲索其著作而劊劊之公

閉門不納避攀附也以故手澤多不傳僅有孤吹集

行世其品行之高學術之正鄉里比之二連云

補遺 舊志列人物門

鄭紆字武仲鄭氏世富於財至紆專於爲學不計生事家之所蓄或爲親舊攜負而去絕口不問由是貲益衰初爲明經人或易之怫然曰進士難哉卽舉進士遂登天聖八年第三安州應城簿越州司法參軍改大理寺丞劉丞相鎮潭州以紆攝長沙長沙民最喜訟號難治紆處之若無事轉運使其能郴州宜章民執僞契奪人田吏數獄莫能辨俾紆按之視券卽曰此僞也縣邑故爲義章以太宗舊諱更爲宜章今券用宜章印而置田之歲乃義章時也於是僞者叩頭伏紆曰吾不忍自我致汝於死爲推其已沒者爲首而得滅死焉蠻人入邕州孫沔討之請紆參軍事行至嶺下後行者以事避去惟紆至邕州沔執手曰平時特以公爲才乃真義士也以勞遷職方員外郎入權大理事少卿殿直曹旦坐獄抵死紆曰曰父瑛以戰死宜少貸之仁宗爲之減死潮州民爲後妻所殺其子復殺之郡以擬獄聞或曰繼母如母是殺

母也請如律紓曰如之者有間矣昔文姜與弑魯桓
春秋去其氏絕不為親也與弑焉猶絕之況 之

耶當其推刃之時母名絕矣是有罪者也律捕罪人
不拒而殺之法當流請從流法眾大服遷祠部郎中

嘉祐元年卒於官年五十有六

涇溪集先公行實

應山縣志卷二十六

孝子 附割股

天地之所以立心萬物之所以立命曰仁仁主於愛愛
自親始孝所以感天地而動萬物也應邑兵燹十餘載
賊之窺城非一次而內外室廬完全如故豈盡守者力
歟或曰有孝子里在盜蹠所不敢入也斯其意至微而
其理則至確矣誰非人子誰無父母能勿勃勃然興哉
宋

連舜賓字輔之其先閩人自其祖光裕葬應山因家焉

少舉毛詩不中遂歸養其父正以孝義稱歐陽永叔
爲作墓表載藝文志

元

高可壽舊誌其名未載其事因而存之以俟考稽

明

李榜親卒家貧躬爲營葬葬畢爲廬墓側守視三年鄉
人稱爲孝子

陳愚字元樸一拯之子性至孝自幼無忤容父欲撻之
必長跪以俟至怡顏命之起然後起父卒廬墓側不
茹葷者三年母張氏卒廬墓側齋戒亦如之能強記
讀書過目不忘中己酉鄉試凡九上南宮不第嘗自
矢曰大丈夫當以天下爲己任安能爲五斗米折腰
也故終於不仕後學憲高題曰孝介先生檄縣祀於
社子印可郢可仰可仰可登庚子賢書

國朝

姚統承字一吉爲諸生時卽磊落不與俗同豪邁高曠
以古人自期於當世之賢俊未肯少遜也從母遺命
永爲心齋言動以禮絕迹不入公門其父早喪事母

以奉祖母終始如一母病藥食必嘗衣不解帶者兩月撫誨幼弟人嘗官舉孝友學憲王給匾旌獎中康熙癸卯經魁 以上俱前志

況可成 國初時人任麻穰市北況家小沖事親極孝人無間言父母沒均廬墓三年鄉里欽之同報於縣給有孝行可風額

郝槐康熙時人少孤事母以孝聞居母喪疏食藜藿廬於墓日泣且讀遂窮經焉服闋就傅師嘉其孝因更名有懷鄉里稱頌同爲請旌

韓其煌字輝衢號鍾山鄉人詳舉其孝遞聞於旌表建坊入忠孝祠享祀後裔刊有旌孝錄行世有傳載藝文志

葉培父如葵早卒母易氏堅志苦守培事之敬適戚友有異味必歸遺奉母母偶病衣不解帶服侍湯藥愈而後安每食必嘗甘旨不以家貧廢養雖先母而死而孝思猶能錫類其子上林日侍親側未嘗離左右及培歿上林能繼父志遵遺命事祖母以終餘年喪葬盡禮盡哀龍學憲獎給純孝家風額大憲題請

旌表父子同建一坊人忠孝祠享祀

宋暹邑庠生少時父病篤午夜焚香籲天祈以身代病旋愈家口眾多有觸母怒者得生言之立解其爲孤甥完婚代胞兄楚債事事皆體母心雖藜藿不克怡如也生年逾六十猶盡心於烘被驅蚊母有污穢必親沆濯母以老病卒哀毀如喪父時葬祭類嬰兒嘯泣里人詳舉其事於王學憲蒙獎給敦行不怠額

戴訓積學未遇鄉里以孝聞已蒙前撫院胡批准在案孫鐸武園會民家貧傭工於外每日晚歸省親遇美食必舍而遺之父患怔忡疾惡喧聲鐸不叱狗輕步履者十餘年又嘗吮父癰而愈母病癱瘓轉側需人鐸與妻劉氏朝夕服侍滌污穢不倦洵編氓中之有至性者胡中丞題請旌表龍學憲准更東篁店爲孝子店邑侯學師獎斯之謂孝額

孝婦

明

詹氏楊忠烈公繼妻也詔封一品夫人事繼姑氏以孝聞晨昏定省冬溫夏清左右就養無方宗族鄉黨

莫不稱之天啓壬戌秋七月姑 氏病危籲天告祖
請代不應於夜闌人靜暗禱神前刻左肱一瓣進飲
姑不覺神氣頓爽如是者三家人不知也病大痊始
廉得之合家盡哭姑泣曰今生料不能報願相期於
來世耳府縣欲旌獎忠烈公抑之不許後八年姑始
卒及忠烈罹璫禍有子之環庶出也甫及週氏撫之
倍於己子迨後分析田房僕婢財物盡以其美者與
環諸子感其義亦不欲校里諺曰楊公言人所不敢
言夫人行人所不敢行殆非虛矣其三子之言妻余
氏安止余觀察女亦異人也讀書知禮列女傳未嘗
釋手妾生二子撫之無異己出教之讀書成名立身
行己今皆彬彬大雅卓爾不羣誰之力歟夫以忠烈
之刑于遂使公廉孝義萃於一門士君子正身率物
其效豈淺鮮哉

國朝

曹氏孝子韓其煌之妻于歸時家赤貧孝子從師閔衍
幕遊山右氏在家獨事翁姑賴女紅奉養無缺孝子
聞應邑饑旋歸一日大雪甘旨罔措欲脫袍典之

氏止之曰君丈夫體出入安可無袍我足不踰闕無
裙可耳乃解授易飲食以進孝子兩弟歿撫姪成立
推宅讓田氏均爲贊助焉舉人洪成己等公舉孝行
遞聞於 朝氏亦同受 旌獎事詳孝子本傳

李氏左志讀妻譚生十歲而母寡事之維謹氏歸感夫
意養姑極孝每歲寒必煖被以安姑寢姑病焚香祝
天願以身代獲享高壽朱學憲獎給孝行可風額媳
應氏孫媳盧氏李氏俱割臂肉治姑疾曾孫女適趙
氏亦稱節孝焉

朱氏胡特妻庠生凌霄之母事姑素以孝聞避難山中
姑病欲飲甘泉村井泉久涸氏汲之水湧出因名孝
婦井朱學憲獎給節孝揚徽額

陳氏從九周懋德妻事姑極孝王學憲獎給篤孝流芳
額

潘氏李士秀妻夫故家貧無子事姑以孝聞邑侯劉獎
給匾額並立孝婦碑

劉氏孫鐸妻事姑至孝與鐸同受 旌獎
以上俱已受 旌獎者以下皆未受 旌獎者附錄

待請

張氏殷正榮妻未婚夫贅囑氏母家另字氏聞之不允
干歸事翁姑先意承旨歷三十年不少怠後姑患病
左右就養衣不解帶者數月醫藥罔效哀毀欲絕鄉
里以孝婦稱之

傅氏嚴貞崙妻翁姑皆瞽夫病癡氏敬事之鄉鄰以賢
孝稱

盧氏孝子葉上林妻孝事兩代姑嫜始終不怠
余氏監生李昇妻守節事姑以孝聞姑老齒落常覓乳
以進

馬氏高一元妻姑患癰疾多年氏善扶持人稱其孝

曹氏葉楚善妻曹繼女值孀姑病篤夫又染疾羣醫束手
氏焚香祝天兩刺指血和藥愈姑及夫病姑臥病
三載氏衣不解帶沒後喪葬盡禮里黨咸以孝稱

楊氏吳函妻家貧營甘旨養親姑病籲天請代人咸稱
孝

吳氏廩生葉長祚妻姑早卒翁老患病在牀夫因家貧
教讀於外氏調藥餌進飲食冬日每鑿冰以滌穢三

年無倦容人咸稱孝

章氏左義妻事姑以孝聞後姑病臥日久氏左右服侍洗滌污穢始終不厭鄉里咸稱

附貞義

楊氏女之裔姊當明季流寇猖獗時裔方數歲被軍人挾去女時年將及笄以弟亡懼絕先祀乃毀容削鼻矢志不嫁迨後弟在荊州為異人導歸適女芸於野稍憩忽倦若有人促之曰起起爾弟歸矣寤則有攜馬乞飲者訊之則弟也女以祀故獨持門戶十餘年

以待弟歸卒如所志雖古烈丈夫何加焉其弟名裔以此楊氏一脈之延先人血食均係此女世之父母生女而輒自溺者何哉 據楊氏宗譜載入

史氏女義婢也服役魏氏適明季流寇之難主人盡節婢獨負四歲小主人魏文佐出避深林中卒獲免由是終身不字為三主持家撫文佐成立遊洋人咸義之至今二百餘年魏氏書香不絕科第連綿婢之力也

據魏氏宗譜載入

李杜氏李芝芳妻性柔順動合內則年未及笄為李氏

養媳姑產後患病故遺子在襁褓中氏撫養盡善較母尤慈族黨賢之詳其事於縣邑侯李獎給代有終也額

割股

古之孝者父母全而生之全而歸之不登高不臨深亦曰敬守其身無敢毀傷也父母有疾左右就養藥必親嘗不必割股也割股俗之衰也父子之間財力不相為賜况割股乎是行也異於世俗之不孝者矣然而近於名也抑異於古之所以為孝者也仍誌其名曰割股以

俟後之為孝者精而察之慎而行之庶無悖於聖賢中

正之理抑所以為教也 前令王匯序

男 紀自明始

陳桂 寶林村家兒 張 居八里店 胡士昌 方昇

閔復哲 羅牛兒 十圖民 劉孔惠 庠生 黃誠明

匡元韻 庠生 姚世徽 六圖民

朝

李熺 庠生 魏鳳儀 庠生 盧欽天 庠生 蔡翊 住東河

魏承亨鳳儀子年十四父遠出母病篤求醫禱神無效

剔股肉以救得痊紳士贈以詩

李資深庠生父病母夏氏割股救之後母病深復割股救母上臺賜額旌閭扶臺張批夏氏爲夫割股賢過舉按齊眉深亦割股救母孝邁百里負米賢孝出於一門懿美可風撫臺批忍痛全母學道狄批愛母忘身孝行可嘉

馮希京 庠生 呂輔周 孟縣民 郝宏裔 以上俱志

嚴思忠父起元年六十三歲思忠稟神割股救愈復割左膀肉以酬神靈乾隆二十四年邑侯郭家英贈孝比魯賢額二十七年邑侯趙燦經贈孝思可嘉額

張大本張維則之子生性至孝年十五祖母熊氏病篤醫藥無效大本私往嶽廟稟神割股肉救愈邑侯曾郇贈畸行童孫額

曹守正嘗割股肉救父病得痊王邑侯獎給至性可風額

涂譽字則立年九歲生母卒父繼娶吳氏兩次病篤譽俱割膀肉和藥煎服以愈

吳成楷吳柱之子因祖母王氏病危祈神服藥無效乃

一割股肉以救之旋愈

高立德監生事親以純孝聞父病夜半欲食鮮魚德泣
二赴水得二魚以進父後病篤又割股以療之

嚴德少失怙值母病醫藥罔效因割肱以治之

左潤性孝友父病筐割股療之事兄恭謹年已長兄
撻之無慍色

馮瑞字玉田監生也割肉和藥以療母疾

郝廷貴性孝友常顯一天所延親壽母病割肉和藥汁進
之旋愈

梅全忠梅玉子割股救繼母病

樂第儒童幼失怙母李氏節守撫第成立且教之讀第

性孝家貧事母不斷甘旨母患沈疾醫藥罔效第窘
極嘗糞者一割股者再母卒不起第哀毀泣血逾年

亦故鄉里憐之

李傳宗幼孤母醮依姑母漸長勤耕習事姑母極孝姑
母病曾割股以療之

張世煌割股療父疾未愈

婦女

熊氏江光汜妻封肉以療姑疾茹學憲獎潛德幽光額

杜氏廩生魏之暘妻封臂以療姑疾次媳係氏女姪亦

兩次封臂以療姑病邑侯學使均題額前傳載藝文志

郝孝女庠生郝城女六七歲時依祖母寢事之善承意

旨祖母病見醫藥罔效乃焚香告天及祖先堂割腕

以愈祖母病有傳載藝文志

熊氏曹綱妻夫故苦守嘗割臂以療姑疾洪學憲邑侯

劉俱題額王學憲採入省志

師氏吳柱妻守節兩次割臂以愈姑邑侯董題額

胡氏鄧衡妻節守祖姑病割臂療之

盧氏楊鑑妻封臂救夫疾不起節守又割臂以愈姑疾

劉氏傅琨妻夫故曾割臂以愈翁疾

李氏志誠妻曾割臂以療生父病

楊氏曾興詩之媳曾割臂以療姑疾

劉氏閔杞妻夫故嘗割股以療姑疾

程氏黃清妻嘗封臂以愈姑病

葉氏夏源妻夫故姑病割臂以療之

張氏李光朝妻兩割臂肉療姑疾又割以愈夫病

章氏劉發妻翁病篤氏割臂救之

張氏曹應顯妻割肉以療姑疾

馬氏監生高鳴鳳妻割臂以治姑疾翁病篤又割臂救之

張氏熊世俊妻嘗割臂以愈姑疾

姜氏閔紹楷妻割肉以療姑疾又割肉以救夫

曹氏葉榮圃妻割股以救姑疾

陳氏石樹基妻嘗割左臂以療生母疾夫病又割右臂以救卒不愈矢志節守撫子成立

秦氏陳正福妻繼姑病篤氏割臂治之立愈

張氏藩經歷銜胡械妻事姑孝割臂以療姑疾

張氏秦宗鼈妻夫故節守兩次割臂療姑疾

蕭氏程秉剛妻割臂以療姑病

董氏武生李桂林妻嘗割臂以愈母病夫故節守又割臂以愈翁疾

閔氏庠生朱珩妻嘗割臂以療姑疾

蔡氏黃金貴妻夫病割臂救之不起姑病又割腕兩次以療之

柳氏劉乘鸞之媳氏夫歿姑李氏病割臂肉治之

鄭氏楊世希妻姑病嘗割股瘳之

匡氏蔭生李鳳朝母姑病割肉和藥以進遂愈

彭氏黃立仁妻割臂肉以療姑疾

陳氏韓煊妻夫病曾割臂以治不愈家貧苦守姑病又割腕以救之

程貞女莊銑未婚妻割臂以療翁病

譚氏張世焯妻夫病割左肱療之不起矢志節守翁病又割右肱以療之

洪氏郝士彬妻兩割臂以救夫病卒不起矢志節守

左氏李中樂妻夫病割臂以療之

閔氏李坦妻割臂以療夫疾暫愈復死氏亦憂卒

李氏徐之廉妻于歸兩月夫病篤割臂救之不起撫姪

節守

張氏監生李華美妻夫病割臂救之

樂氏孫勝祖妻孝事翁姑夫病割臂以救之

劉氏監生彭學崇妻夫病割股治之

張氏熊玉妻夫病割臂以療之不愈節守以終

李氏丁元吉妻割臂以療夫病卒不起矢志節守

吳氏梅天相妻割臂愈夫血疾

黃氏雷沛妻夫病割臂和藥治之旋愈

陳氏盧受福妻割臂療夫疾不愈矢志苦守

汪氏殷三典妻割臂以療夫病不愈節守以終

梅氏盧修誥妻夫病割臂以療之不愈節守以終

駱氏吳有德妻孝事生母夫病割臂以療之

劉氏李其位妻夫病篤割臂救之愈

吳氏李銑妻嘗割肉療夫病不起苦節以終

金氏劉文麟妻割股療夫病不起苦節自守

余氏劉奇妻割臂療夫疾不愈節守以終

張氏監生葉澍妻割臂以愈夫疾

喻氏唐志貴妻孝事翁姑嘗割股愈夫病

朱氏葉滢妻夫病割股以療之愈

李氏吳彥方妻割股愈姑疾

程氏莊世基妻割臂救夫

李氏從九梅格妻割臂以愈夫疾

孫氏葉純妻割股療夫

應山縣志卷二十七

義士附篤行

義者何因事制宜之謂也其量至大其詣至精古今完此一字者幾人哉然概執一以求之拘矣卽此鄉黨自好間有一二合宜事亦不得不以義目之者好行其德之心充之可以幾賢聖而貪鄙刻薄之風或賴以化焉應人秉山地峒強氣往往豪俠自任一諾千金故見義勇爲者踵相接如連舜賓鄭建中魏嘉會張泰諸前輩不過一鄉民耳而捐賑樂施澤周桑梓甚至毀家不惜

也迨其子若孫甲第連綿卒能身受其福謂非天之報
施善人不爽哉謹登諸乘以為後世勸

宋

連舜賓 詳孝子及藝文表

鄭建中先世秦中人五代時徙居於茲質鏹巨萬尚義
喜施隆冬苦寒蠲錢酒貧晚得子鄭紆登進士第官
至祠曹侍郎其孫鄭憚狀元及第

明

魏嘉會字世亨仗義喜施急人之難饑歲有貧士赴請

無不稱其意有連虛王之風未仕卒邑人義而哀之
張泰裴榮熊威正統六年各出穀千餘石賑濟事聞於
朝詔免其役以旌其義勅曰國家施仁養民為首爾
等各出穀一千三百石用助賑濟有司以聞朕用嘉
之今特勅賜獎諭勞以羊酒旌為義民仍免本戶雜
派差徭二年尚允蹈忠厚表勵鄉俗用副朝廷褒嘉
之意欽哉故勅 正統六年歲次戊午
領勅碑在馬際會
蕭樂嘉靖年歲禮助賑賜坊旌之

盧國鳳生員盧靖節曾祖嘉靖二十三年捐穀二百餘

石備府縣賑濟有旌

楊萬春忠烈公祖生而指文貫頂歲儉每出鏹粟勺貸至傾困橐不靳兄玉春嘗坐誣給公任之而逸經年代受銀鐫至破產任承終無怨言

周大勳字定寰邑廩生世昂之父舉人統之祖也積善好施壁粘積善圖日記功過一日忽爲大蛇銜去莫不驚異崇禎己巳歲大饑公傾囊助賑又以米麪和成餅果令家僮給散各路之飢不能起者數閱月不倦全活甚眾未幾孫統遂中癸卯科鄉試陰德二字蓋可忽乎哉明末志載之不意兵燹之後其書散逸在公之靈必曰不求人知然秉彝好德之謂何闕而不書無以爲勸善地

閔致字還極孝友淑躬詩禮訓後公事正言而聲流學校輕財周急而譽駿鄉評癸未六月闖賊圍青堆砦率眾死守因渴水砦陷尙奮勇擊賊與妻李氏同死焉

胡賓字合溪廩生胡定中之父也躬耕篤行享年八十有二足跡不入公門葬之日弔者一千三百餘人以

其素行淳樸故也

張中行仗義濟人咸感其德子志達志遠補邑弟子員
以上俱係前志

朝

楊苞號竹如忠烈公孫也康熙元年饑捐穀千石助賑

見前志
祥異門

洪起元字瑞芝以都尉致仕歸勇於爲義凡募勇守城
出粟助賑又自設粥廠周濟困窮約費白金以萬計
子一棟亦以義俠聞四關外均建茶庵行路便之孫

國寶克守家風值歲饑鬻田四十石以助賑繼父志

獨脩治北洪濟橋洪氏累代有功於應至今人猶樂

道焉見藝文本傳與碑文

樂紹孔監生樂善好施康熙十八年饑饉毀家賑濟三
閱月活人無算邑侯任起元詳請於上賜有義

濟一鄉匾額

李志揆字美之康熙時歲大饑散貲賑濟貲盡復售產
繼之悉焚所存債券家由是替其元孫士鈺亦善承
先志嘉慶年荒屢次出米賑飢焚券亦夥縣尊特加

優獎給有匾額

李鶴翥平林市人性仁厚事長嫂如母每歲施衣食燕
糲率以百金為度嘉慶二年捐穀賑饑十八年又與
姪華林捐賑典產修市北上官橋與市東廣嗣橋行
人便之稱李善人焉李學憲奏請 旌登仕郎

劉汝鎬武生娶張氏伉儷甚篤母病張服侍勤謹鎬心
感焉年二十二生子而張以疾卒未幾子亦歿鎬以
妻事母孝義不忍背乃撫姪承嗣終身不娶且言行
不苟里人高其義請於學憲姑蒙獎守義垂芳額

篤行

凡續採孝子義士未經

旌獎者槩入此類

劉永寅號白嶽

有傳載藝文志

孫可選字俊軒

有傳載藝文志

閔則哲字睿先號汶溪順治庚子副榜義士還極之子
進士印麓之父也值明鼎革時顛沛流離屢瀕於死
賴劉孫兩義士活之讀書成名儒敦義行贖堂弟於
鄰郡勢豪家貸金全族弟夫婦俱為里黨推重邑有
里長大差民不堪命公首倡均攤之議與朱月生都
尉洪瑞芝稟請革旋有大差與均攤並用者公又

合紳耆同籲於大憲始獲免焉邑人至今猶賴之
劉邦彥邑廩生見應童試者千餘人而每屆入學僅八
名慨然有籲請增額之志乃鬻田十三石與陳怡韓
其煌張必舉王崧等皆酬貲若干以作經費屢請於

上得改爲中學士林稱頌

孫光祖字賢應俊軒之孫事父母克盡心力家不中貲
而好行施濟貧難嫁娶者貲助之死無棺槨者備予
之發粥賑飢建祠報本修橋設渡無善不行卒之日
涕泣送葬者填衢塞道悉受惠人也鄰里公舉善人

邑侯謝詳上憲立碑寶成門外

見高壽

韓培字植久候選都司孝子輝衢第三子貿易累貲巨
萬而不自私其財重修學宮與武廟文昌樓捐貲獨
夥故碑陰首署其名乾隆年間應大饑出錢二千餘
貫易穀米救濟人咸德之其季子天鍊亦多義舉首
捐田以佐賓興歲屢歉亦出貲助賑俱刊有碑記
梅士傑字欽萬廩貢生世居柳樹河東設徒杠嵌石路
賑穀米施櫬衣興夫修黌宮及文昌樓凡一切善行
揮金不惜子鉞復捐田文昌樓作香火費孫宗潤三

次獨修十里河橋所費甚巨論者謂梅氏好善累世克濟其美云

彭鎮邦字秀升庠生急公好義凡修培橋路解推衣食費貲弗吝鄉里咸目爲善人其姪達監生亦好善遇歲饑出貲助賑且有幹濟才經理一切公事皆善區畫無遺議

吳成楷字樂善生平多義舉有傳載藝文志其子恆發亦好義嘉慶年歉屢賑飢孫紹泰紹魯每於除夜儲米數十石以資貧乏云王曾孫橋棊猶踵行之

熊伯文世居寶林會家法公平厥後五世同居人口二百二十有奇無私積均衣食上下內外彬彬有禮故一堂和集從無詬誶聲鄰里皆豔稱之

楊維謂字作霖乾隆丙子歲貢性聰穎勵品篤學閉門著書不營祿仕出貢四十餘年選教諭辭不就訓子嚴動必繩以禮法鄉里爭訟得一言立解有不良者姓名畏知亦古王彥方之流亞也著有周易一得行世見高壽

胡姚支號柳亭郡庠生篤行君子也沔陽張蓮濤爲作

傳見湖北通志

今載入藝文志

劉式向品行端方博聞強記人皆以理學稱之教授生徒成名者百餘人以歲貢任黃梅訓導黃梅人爭師之一時名士多出其門著有四書集講待梓

李洪陞乾隆時人鄰人侵蝕其地陞若罔聞且婉謝其家人之不平者鄉里欽其大度同送一忍字匾額鄰人愧悔踵門謝罪還其侵地

李琳幼失怙事母以孝聞值歲歉族有不軌於行者琳乃邀集家廟涕泣善道爲謀生理卒感悟無隴於法

韓天鈞字廣樂號孔山功名詳科中
有乃祖輝
衢風父沒廬墓三年服闋猶常居其左近便省視也
長子潮歲貢生事父母能婉順如意居喪時以下地未就數月間鬢髮俱白同輩咸憫之又以曾祖孝行未克表揚乃罄家貲營辦始獲建坊享祀而祖若父數世之心以慰凡邑中盤錯公事多屬韓氏父子經理人皆推服

殷懋修字爾德庚寅科舉人積學端品事親以孝聞傳

載藝文志

洪成立字靜庵庠生性沈靜孝慈讀書以澹性養心爲務凡朱程註疏必窮其奧窔非徒精制藝已也家居授徒時以無慚衾影相勸以故從遊者多端品行之士學者宗之稱靜庵先生

陳人驥字雲路庠生學品兼優舉嘉慶甲子鄉飲大賓歲饑竭貲助賑不足又遍勸同人以助之

彭舉字子賢庠生行己以居敬爲本盛暑必衣冠而坐聞官長騶唱聲雖家塾臥室必起立日計功過人或迂笑之不顧也鄉黨重其行誼舉鄉飲亞賓子兆熊幼食廩事親能曲承意旨親泔泔卽教讀於墓側有以重金聘者辭不就善書法苦以讀同人謂其必顯乃僅以明經終識者惜之

鄧泰字仙坡邑歲貢生守正不阿居鄉善排解授徒嚴而不計脩金及門多知名十一嘉慶二年以教匪難游兵過應幾興大獄泰隻身赴臬轅理訴得直邑人咸服其義舉鄉飲介賓

陳常德字潤身監生性孝友好善喜施嘉慶元年重修治北洪濟橋署工數月費金千餘橋始固行人德之

吳國重壽山會農民也孝友 以篤嘉慶甲子歲饑稱貸千餘緡周濟鄰里之饑者後索債者急售田數十石以償子孫至今甚盛意者天陰爲之報與

劉諏關橋會農民甲戌春借債賑饑計費二千餘金後因償債遺產幾盡無悔亦無代其爲人慷慨好義多如此至今猶嘖嘖人口云

楊沛庠生忠烈公裔孫也居家和睦兄弟間不較財不爭產怡怡如也胞姪徵策姪孫祖憲貧不能讀爲延名師助膏火歷年不懈策後舉優選任沔陽州學正憲舉孝廉方正歷任博平掖縣知縣晉陞同知皆沛之力也

鄭儒字東魯事親以孝聞 有傳載於文志

黃沛蔣林會監生性端厚好施與凡衣櫬藥物無不備給且始終不倦乞丐至門必親給以熟食見其寒者予以衣時或衣盡則自解其衣以予之甚至解及子孫之衣其樂善之誠類如此

閔文斗樂善不倦排難解紛耗其貲弗吝也年九十餘卒葬之日送者溢路以孫長 甲任陝西游擊長齡任

福建參將

封武顯將一甲申亦有乃祖風同治二

年賊竄陝西凡湖北被擄者歸路經任所者招撫之而給以貲始一貫繼五百繼二三百文力已竭又稱貸而益之計費數千金全活無算鄉里德之

閔聯陞字晉三武生廣有田畝歲無豐歉從未與佃戶爭競而佃戶亦無相負者道光十四年大饑出穀數百石助賑又焚借券萬餘緡凡一切善行歷久不倦長子浩亦好施每於貧乏告糶時暗中必加升合其樂善家風克守不墜云

高士林世居廣水鎮由貧寒起家累銀數十萬持躬儉惟施濟之事一費千金不吝也佃租者聽其自納欠債者聽其自償從未聞因交財而與人爭訟者以故佃戶累世不遷債券焚及巨萬厥後皆慷慨好義知其家教然也

丁雷坦監生好善樂施輕財重義教姪魁元登武魁年屆服官尚抱商壘之戚人咸卜仁者必有後也後果納妾生子值七十初度黃孝信羅不期而來賀者數千人且贈以額曰一方之正

彭全忠端肅齊家義方訓子睦鄰恭己與物無爭里閭咸服其化

李世樂三聖會監生自貧寒起家凡捨糶施衣送藥修橋之事悉樂爲之每遇凶年必出粟賑濟甚至貸粟以周故其子若孫遊泮食餼者殆盡焉人咸以爲積善之報云

吳江浩庠生家貧竭力養親親沒三年未嘗見齒凡手澤之存者不忍毀棄訓子孫惟以安貧守分爲切切焉

葉長祚邑廩生世居城東廂性孝友慎威儀居塾授徒詩書以外無干與聞官長過門雖在暗室必整衣冠端向立經演劇之場俯首疾趨不睨也其律己之嚴多類此

程耀煌邑庠生端品行言動必以禮家貧樂善好施業教讀每歲脩金祇供拾字收骨育嬰之費見丐者飢寒甚則自忍飢寒以食衣之孝以事親親沒後遇朔望節忌日必詣墓興哀祭掃焉生平善行更僕難數此特舉其大略耳

劉藻武生性嚴正疾惡如仇磊落光明言動不苟家僅中貲尙氣概好施與士林多蒙培植鄉鄰有鬪者獲一言立解有甚不平事輒挺身鋤之雖揮千金不惜也人皆以義俠稱之

戴尙榮家貧不學惟傭工負販以養母及族祖母之無子者下氣婉容終身不墮人咸稱其孝由性成

金朝榜朝柱吳家會民家風孝友自其祖成章成順同居至榜會元家口近八十雍睦一堂邑侯朱獎給七世同堂額

李曜父大倫年衰體弱雖事之如撫嬰孩父常病痰壅喉間曜以口吸之乃愈沒後哀毀孺慕終身弗忘李以性郡廩生家貧惟資硯田以養母因歲試羈郡未送母終哀毀骨立三年不茹葷酒鄉黨稱之

左殿選週歲失恃繼母生一弟父因命選待哺外家十餘年始歸父每怒撻之必婉言勸慰旋被逐憑藉毫無惟傭工作苦早晚猶請父母安歲屢饑日營甘旨以進親感悟晚加慈愛

樊銀祥羅漢會民父卒家貧事母極孝母老病癱瘓日

奉飲食從不假手於人適外出家人不戒於火祥奔回不可嚮邇乃冒火入負母甫出門而棟折梁摧炤大張矣母獲無恙人以爲孝思所感

李悅平林會民三歲失怙母苦守撫悅成立力耕奉養凡外遇美食必歸以遺母母歿後悅年近六旬值節忌日必痛哭以祭哀動鄰里

陳新元字鼎臣 恩貢生天性孝友母得顛癘疾醫藥罔效常背人哀泣左右就養五十餘年如一日與諸弟析產有讓無爭讀書極好朱程語錄肄業江漢書

院山長袁金溪調其文可作箴銘學憲王霞九評其文如啾啾百鳥中忽聞孤鳳凰矣著有加倍數數竹中人唱花衣蝶等書行世

劉懋本字修齋庠生有弟五人獨以養親自任家貧教讀詩書外無一事干與世居城廂終其身足跡不入一公門矩步規行直言正色令人一見而敬鄉鄰常以理學稱之

胡墀字易仲號丹廷天資穎異制藝闕深應鄉與兩夏鹿鳴而內行尤爲肅摯父死未葬露宿三年得吉壤

而後寔五上公車薦而不第先以廩貢任黃陂訓導鄉
舉後揀選知縣因養母不復出仕旦夕承歡克盡子職
與兄晰居不計財產兄有命毫無違忤其孝弟兩全
風傳林下至今人猶稱道弗衰

高思鑑文殊會監生性惡葷酒慈祥忠厚樂善好施家
僅中貲口惟損其食用以爲賑恤周濟之事鄰里德
之

彭興國號華廷宋家會監生道光年邑南門外圓洞橋
傾陷乃捐重金獨力重修署工數月橋始竣邑侯陳
琴泉獎給好義可風額

梅調鼎字峙二郡廩生以試用訓導署安陸府教授諸
生齎贖見者概辭弗受精醫理不己寒暑爲人診疾
並自製良藥因症而給之無弗愈而且捐金以免夫
役與弟椿捐田以助賓興士民均感邑侯張雲閣獎
給澤及士林額

楊增榮邑庠生樂善不倦生平無戲言無邪行事親極
孝祖業悉讓之弟昆惟憑筆耨以生雖夔殯不繼是
如也

余銑安樂會處士積學未售生平動必以禮母早逝父與繼母俱嚴弟傲卒之克諧以孝里人羣推重焉

吳端化邑庠生亦名士玉恭儉端方急公好義如捐資興管膏火修考棚諸事人皆推服且排難解紛矜孤恤寡需費多貲弗惜也壽九十三歿後梓里猶思之不置

周大年優增生好學端品居鄉首倡從善會凡拾字掩骸施襪施衣諸善事樂爲不倦人稱忠厚先生

彭大齡號鶴山道光乙未舉人居鄉塾善誘掖科第多出其門性嚴正剛直磊落光明生平以豪俠自負遇事敢爲見不善輒肆鷹鷂之逐當粵匪猖獗時邑有以妖術惑眾者賴其設謀擒治桑梓獲安十上公車僅以教諭任江夏小試牛刀士林惜之後以公務請假歸卒於家里人擬卽以弭大災捍大患請祀於鄉宜矣

黃德明西門會民家貧以力耕事母飲食必精母前絕不作艱苦語工餘常侍母側令子姪輩嬉戲以承歡母患癱疾凡調湯藥濯污穢拭涕洟搔病癢事事責

己無一不如母意母歿後遇節忌日猶必盡禮盡哀焉

樂成青堆會民先貧後富年三十喪偶戚友勸其續娶成念妻賢孝卻之曰妻守節夫守義其理一也如無後可爲禮祀計我有子女各一何用繼室爲由是終身不娶且毫無邪行鄉里悉推重焉

毛本薌宋家會人家貧以舌代耕父母歿蔬食寢苦三
年不入私室後值祭掃日每徘徊墓側悲號不能去
宗族以孝稱之

鄧萬和蔣林會民恂謹老成與物無忤事繼母以孝聞
年七十餘問寢視睡無稍怠母老病憊常率孫輩嬉
戲於前以導天和母卒年逾耄和猶躡踊盡哀終身
孺慕人皆以老萊日之享壽九十有二

馮三朋吳家會人家貧常以甘旨奉父母父病篤忍凍
典衣衾救治不起廬墓三年母失明且病癱瘓與弟
輪侍晝夜無倦並嘗糞以驗死生溫清浣濯從不假
手於人且以醫術濟人毫不受謝伯父子女悉賴教
養成立詩云孝之不墮信然

王開運武園會民事孀母以純孝聞貧無立錫傭工度日工息之際必歸省母遇美食必舍而遺之母病渴每夜必需熱茶三四次運事之晝夜無倦容久而彌篤鄉里皆稱道焉

曹德先事親盡孝親沒廬於墓衣不澣髮不薙三年如一日一子死於賊人恆歎天道之無知比於伯道云尹存智吳家會人父早卒母節守撫智成立智事之維謹凡溫清定省一準禮經母病故哀毀骨立既葬廬墓衣不浣濯食不葷酒旦夕哭奠三年如一日